

BIBLIOTECA NAZ.

Vittorio Emanuele III


XXV

A

18

NAPOLI





L. S.  
ANNÆI  
SENECÆ  
PHILOSOPHI  
TOM. II.

Continens  
EPISTOLAS.

VENETIIS  
Apud Baba.







L. ANNÆI

SENECÆ

AD LVCILIVM

EPISTOLÆ.

EPISTOLA PRIMA.



**T**A fac, mi Lucili: vindica te tibi, & tempus quod adhuc aut auferrebat, aut surripiebatur, aut excidebat, collige & serua. Persuade tibi sic esse, vt scribo. quædam tempora eripiuntur nobis, quædam subducuntur, quædam effluunt. Turpissima tamen est iactura, quæ per negligentiam venit: & si volueris attendere, magna vitæ pars elabitur malè agentibus, maxima nihil agentibus, tota aliud agentibus. Quem mihi dabis, qui aliquod pretium temporis ponat? qui diem æstimet? qui intelligat se quotidie mori? In hoc enim fallimur, quòd mortem pro-

A 2 spici-

# 4 L. ANNÆI SENECAE

spicimus : magna pars eius iam præterit. quidquid ætatis retro est, mors tenet. Fac ergo, mi Lucili, quod facere te scribis, omnes horas complectere: sic fiet, ut minùs ex crastino pendeas, si hodierno manum injeceris. Dum differtur vita, transcurrit. Omnia, mi Lucili, aliena sunt: tempus tantùm nostrum est. In huius rei vnius fugacis ac lubricæ possessionem natura nos misit, ex qua nos expellit quicumque vult. Sed tanta stulticia mortalium est, ut quæ minima & vilissima sunt, certè reparabilia, imputari sibi, cùm impetrauere, patiantur: nemo se iudicet quidquam debere, qui tempus accepit. cùm interim hoc vnũ est, quod ne gratus quidem potest reddere. Interrogabis fortasse, quid ego faciã, qui tibi ista præcipio? Fatebor ingenuè: quod apud luxuriosum, sed diligentem, euenit; ratio mihi constat impensæ. Nō possum dicere, me nihil perdere: sed quid perdam, & quare, & quemadmodum, dicam: causas paupertatis meæ reddã. Sic euenit mihi, quod plerisq; non suo vitio ad inopiam reddatis: omnes ignoscunt, nemo succurrit. Quid ergo est? nō puto pauperẽ, cui quantumcumq; superest, sat est. Tu tamẽ malo serues tua, & bono tẽpore uti incipias. Nam, ut visum est maioribus nostris: Sera parsimonia in fundo est. Non enim tantùm minimum in imo, sed pessimum remanet.

EPIST. II. Ex his quæ mihi scribis, & ex his quæ audio, bonam spem de te cōcipio.

cipio. non discurre, nec locorum mutationibus inquietaris. Ægri animi ista iactatio est. Primum argumentum compositę mentis existimo, posse consistere, & secū morari. Illud autē vide, ne ista lectio multorum auctorum, & omnis generis voluminum, habeat aliquid vagum & instabile. Certis ingeniis immorari & innutriti oportet, si velis aliquid trahere, quod in animo fideliter sedeat. Nusquā est, qui ubiq; est. In peregrinatione vitę agentibus hoc euenit, ut multa hospitia habeant, nullas amicitias. Idem accidat necesse est iis qui nullius se ingenio familiariter applicant, sed omnia cursim & properātes transmittunt. Non prodest cibus, nec corpori accedit, qui statim sumptus emittitur. Nihil æquē sanitatem impedit, quā remedium crebra mutatio. Non venit vulnus ad cicatricem, in quo crebrō medicamenta tentantur. Non cōualefcit planta quę sæpē transfertur. nihil tam vtile est, quod in transitu proficit. Distrahit animum librorū multitudo. Itaque cū legere non possis quantum habueris, sat est habere quantū legas. Sed modō, inquis, hunc librū euoluere volo, modo illum. Fastidientis stomachi est, multa degustare: quę ubi varia sunt & diuersa, inquinant, non alunt. Probatos itaque semper lege: & si quando ad alios diuertere libuerit, ad priores redi. Aliquid quotidie aduersus paupertatem aliquid aduersus mortē auxiliij compara, nec

minus aduersus ceteras pestes. Et cū multa percurreris, vnum excerpe, quod illo die concoquas. Hoc ipse quoque facio: ex pluribus quæ lego, aliquid apprehendo. Hodiernum hoc est, quod apud Epicurū nactus sum. soleo enim & in aliena castra transire, non tanquam transfuga, sed tanquam explorator. Hæsta, inquit, res est, læta paupertas. Illa verò non est paupertas, si læta est. Cui enim cum paupertate benè conuenit, diues est. Non qui parum habet, sed qui plus cupit, pauper est. Quid enim refert, quantum illi in arca, quantum in horreis iaceat, quantum pascat, aut fœneret, si alieno imminet, si non acquisita, sed acquirenda computat? Quis sit diuitiarum modus, quæris? Primus, habere quod necesse est; proximus, quod sat est.

EPIST. III. Epistolas ad me perferendas tradidisti, vt scribis, amico tuo. Deinde admones me, ne omnia cum eo ad te pertinentia communicem, quia nec soleas ipse quidem hoc facere. Ita eadem epistola illum & dixisti amicum, & negasti. Itaque sic priore illo verbo quasi publico vsus es, & sic illum amicum vocasti, quomodo omnes candidatos, bonos viros dicimus; quomodo obuios, si nomen non succurrit, dominos salutamus. Hoc abierit. Sed si aliquem amicum existimas, cui non tantumdem credis quantum tibi, vehementer erras, & non satis nosti vim veræ amicitia. Tu verò omnia cum amico delibera,

libera, sed de ipso prius. Post amicitiam credendum est, ante amicitiam iudicandum. Isti verò præposterè officia permiscunt, qui contra præcepta Theophrasti, cum amauerint, iudicant; & non amant, cum iudicauerint. Diu cogita, an tibi in amicitiam aliquis recipiendus sit: cum placuerit fieri, toto illum pectore admitte: tam audacter cum illo loquere, quàm tecum. Tu quidem ita viue, vt nihil committas, nisi quod committere etiam inimico possis: sed quia interueniunt quædam, quæ consuetudo fecit arcana, cum amico omnes curas, omnes cogitationes tuas misce. Fidelem si putaueris, facies. Nam multi fallere docuerunt, dum timēt falli: & aliis ius peccandi suspicando fecerunt. Quid est ergo, quare vlla verba coram amico retraham? quid est, quare me coram illo non putem solum? Quidam quæ tantum amicis committenda sunt, obuiis narrant, & in quaslibet aures, quidquid illos vrit, exonerant: quidam rursus etiam carissimorum conscientiam reformidant, & si possent, ne sibi quidem credituri, interius premunt omne secretum. Neutrum faciendum est. vtrumque enim vitium est, & omnibus credere, & nulli: sed alterum honestius dixerim vitium, alterum tutius. Sic vtrosque reprehendas, & eos qui semper inquieti sunt, & eos qui semper quiescunt. Nam illa tumultu gaudens, non est industria, sed exagitata.

mentis concursatio : & hæc non est quies, quæ motum omnem molestiam iudicat, sed dissolutio & languor . Itaque hoc quod apud Pomponium legi , animo tuo mandabitur. Quidam adeo in latebras refugerunt , vt putent in turbido esse quicquid in luce est. Inter se ista miscēda sunt, & quiescenti agendum, & agenti quiescendum est. Cum rerum natura delibera. illa dicet tibi, se & diem fecisse & noctem.

EPIST. IV. Perseuera vt cœpisti , & quantum potes propera : quo diutius frui emendato animo & cōposito possis. Frue- ris quidem etiam dum emendas , etiam dum componis : alia tamen illa voluptas est , quæ percipitur ex contemplatione mētis ab omni labe puræ & splēdidæ. Te- nes utique memoria , quantum senseris gaudium, cūm, prætexta posita, sumpstisti virilem togam , & in forum deductus es : maius exspecta , cūm puerilem animum deposueris, & te in viros philosophia trās- scripserit. Adhuc enim non pueritia in nobis, sed, quod est grauius , puerilitas remanet : & hoc quidē peius est, quòd auctori- tatem habemus senum, vitia puerorū: nec puerorum tantum, sed infantium. Illi leuia, hi falsa formidant : nos vtraque . Proface modò, & intelliges , quædam ideò minùs timenda , quia multum metus afferunt . Nullum magnum malum , quod extremum est. Mors ad te venit. timēda erat, si tecum esse posset: necesse est, aut non perueniat,



## EPISTOLÆ.

ueniat, aut pertranseat. Difficile est, inquis, animum perducere ad contemptum animæ. Non vides, quàm ex friuolis causis contemnatur? Alius ante amicæ fores laqueo pepēdit; alius se præcipitauit à tecto, ne dominum stomachatē diutius audiret; alius, ne reduceretur è fuga, ferrū adegit in viscera. Non putas virtutē hoc effecturam, quod effecit nimia formido? Nulli potest secura vita cōtingere, qui de producenda nimis cogitat: qui inter magna bona multos cōsules numerat. Hoc quotidie meditare, vt possis æquo animo vitam relinquere: quàm multi sic complectūtur, & tenent, quomodo qui à torrente rapitūr, spinas & aspera. Pleriq; inter mortis metum, & vitæ tormenta, miseri fluctuant: & viuere nolunt, & mori nesciunt. Facitq; tibi iucundā vitam, omnem pro illa sollicitudinem deponendo. Nullum bonum iuuat habentem, nisi ad cuius amissionem præparatus est animus. Nullius autem rei facilior amissio est, quàm quæ desiderari amissa non potest. Ergo aduersus omnia quæ accidere possunt etiam potentissimis, adhortare te & indura. De Pompeij capite pupillus & spado tulere sententiam: de Crasso crudelis & insolens Parthus. Caius Cæsar iussit Lepidū Decimo tribuno præbere cernicē: ipse Chæreæ præstitit. Neminem eò fortuna prouexit, vt non tantum illi minaretur, quantum permiserat. Noli huic tranquillitati confidere. momento

mare vertitur: eodem die, ubi luserunt nautigia, sorbentur. Cogita posse latronem & hostem admouere iugulo tuo gladium: ut potestas maior absit, nemo non seruus habet in te vitę necisq̃ue arbitrium. Ita dico, quisquis vitam suam contempsit, tuę dominus est. recognosce exemplum eorum, qui domesticis insidijs perierũt, aut aperta vi, aut dolo: & intelliges, non pauciores feruorũ ira cecidisse, quàm regum. Quid ad te itaque quàm potens sit quem times, cùm id propter quod times, nemo non possit? At si fortè in manus hostium incideris, victor te duci iubebit, eò nempe quò duceris. Quid te ipse decipis, & hoc nunc primum, quod olim patiebaris, intelligis? Ita dico, ex quo natus es, duceris. Hęc & huiusmodi versanda in animo sunt, si volumus illam vltimã horam placidi expectare: cuius metus omnes alias inquietas facit. Sed ut epistolę finem imponam, accipe quod hodierno die mihi placuit. & hoc quoque ex alienis hortulis sumptum est, Magnę diuitiæ sunt, lege naturę composita paupertas. Lex autem illa naturæ, scis quos nobis terminos statuit? Non esurire, non sitire, non algere. Ut famem sitimq̃ue depellas, non est necesse superbis assidere liminibus; nec supercilium graue, & contumeliosam etiam humanitatem pati: non est necesse maria tentare, nec sequi castra. Parabile est quod natura desiderat, & expositum: ad superuacua sudatur. Illa sunt quę

quæ togam conterunt, quæ nos senescere sub tentorio cogunt, quæ in aliena littora impingunt. Ad manum est, quod satis est.

EPIST. V. Quòd pertinaciter studes, & omnibus omisissis, hoc vnum agis, vt te quotidie meliorem facias, & probo, & gaudeo: nec tantum hortor, vt perseueres, sed etiam rogo. illud autem te admoneo, ne eorum more qui non proficere, sed conspici cupiunt, facias aliqua, quæ in habitu tuo, aut genere vitæ notabilia sint. Asperum cultum, & intonsum caput, & negligentem barbam, & indictum argento odium, & cubile humi positum, & quidquid aliud ambitione peruersa via sequitur, deuota. Satis ipsum nomen philosophiæ, etiam si modeste tractetur, inuidiosum est. Quid si nos hominum consuetudini ceperimus excerpere? Intus omnia dissimilia sint: frons nostra populo cõueniat. Non splendeat togæ ne sordeat quidem. nõ habeamus argentum, in quod solidi auri calatura descenderit: sed non putemus frugalitatis indicium auro argenteoque caruisse. Id agamus, vt meliorem vitam sequamur quam vulgus, non vt contrariam: alioqui quos emendari volumus, fugamus, & à nobis auertimus. Illud quoque efficimus, vt nihil imitari velint nostri, dum timent ne imitanda sint omnia. Hoc primum philosophia promittit, sensum communem, humanitatem & congregationem: à qua professione dissimilitudo separabit.

Videamus ne ista, per quæ admirationem parare volumus, ridicula & odiosa sint. Nempe propositum nostrum est, secūdum naturam viuere. Hoc contra naturam est, torquere corpus suū, & faciles odisse munditias, & squallorem appetere, & cibis non tantū vilibus vti, sed tætris & horridis. Quemadmodum delicatas res desiderare, luxuriæ est: ita vſitatas & nō magno parabiles fugere, dementiæ est. Frugalitatem exigit philosophia, non pœnam: potest autem esse non incompta frugalitas. Hic mihi modus placet. Temperetur vita inter bonos mores & publicos: suspiciant omnes vitam nostram, sed & agnoscant. Quid ergo? Eadem faciemus, quæ ceteri? nihil inter nos & illos intererit? plurimum. Dissimiles esse nos vulgo, sciat, qui inspexerit propiūs. qui domum intrauerit, nos potiūs miretur, quàm supellectilem nostrā. Magnus ille est, qui fictilibus sic vtitur, quemadmodum argento: nec ille minor est, qui sic argento vtitur, quemadmodum fictilibus. Infirmi animi est, pati non posse diuitias. Sed vt huius quoq; dici lucellum tecum communicem, apud Hecatonem nostrum inueni, cupiditatum finem, etiam ad timoris remedia proficere. Desines, inquit, timere, si sperare desieris. Dices, quomodo ista tam diuersa pariter sunt? Ita est, mi Lucili: cū videantur dissidere, coniuncta sunt. Quemadmodum eadē catena & custodiam & militē copulat: sic ista quæ

quæ

quæ tam dissimilia sunt, pariter incedunt. Spem metus sequitur. Nec miror ista sic ire. vtrumque pendens animi est, vtrumque futuri expectatione solliciti. Maxima autem vtriusque causâ est, quod non ad præsentia aptamur, sed cogitationes in longinqua præmittimus. Itaque providentia, maximum bonum conditionis humanæ, in malum versa est. Feræ pericula quæ vident, fugiunt; cum effugere, securæ sunt; nos & venturo torquemur, & præterito. Multa bona nostra nobis nocent. timoris enim tormentum memoria reducit, providentia anticipat. Nemo tantum præsentibus miser est.

EPIST. VI. Intellego, Lucili, non emendari me tantum, sed transfigurari: nec hoc promitto iam aut spero, nihil in me superesse, quod mutandum sit. Quidni multa habeam quæ debeant corrigi, quæ extenuari, quæ attolli? Et hoc ipsum argumentum est in melius translati animi, quod vitia sua, quæ adhuc ignorabat, videt. Quibusdâ ægris gratulatio fit, cum se ipsi ægros esse senserunt. Cuperem itaque tecum communicare tam subitâ mei mutationem: tunc amicitia nostræ certio rem fiduciam habere cœpissẽm, illius verę, quã non spes, non timor, non utilitatis suæ cura diuellit: illius, cū qua homines moriuntur, & pro qua moriuntur. Multos tibi dabo, qui non amico, sed amicitia caruerunt. Hoc non potest accidere, cum animos in  
socie-

focietatem honesta cupiendi par voluntas trahit. Quid ni non possit? Sciunt enim ipsos omnia habere communia; & quidem magis aduersa. Concipere animo non potes, quantum momenti afferre mihi singulos dies videam. Merte, inquis, & nobis ista, quæ tã efficacia expertus es. Ego verò cupio ista omnia in te trãsfundere, & in hoc gaudeo aliquid discere, vt doceam: nec me vlla res delectabit, licet eximia sit & salutaris, quam mihi vni sciturnis sim. Sicũ hac exceptione detur sapiẽtia, vt illã inclusam teneam, nec enunciem, reijciam. Nullius boni, sine socio, incunda possessio est. Mittam itaque ipsos tibi libros; & ne multum operæ impendas, dum passim profutura sectaris, imponam notas, vt ad ea ipsa protinus quæ probo & miror, accedas. Plus tamen tibi & viua vox & conuietus, quàm oratio, proderit. in rem præsentem venias oportet. Primum quia homines amplius oculis quàm auribus credunt: deinde quia longum iter est per præcepta, breue & efficax per exempla. Zenonem Cleanthes non expressisset, si eum tantummodo audisset. vitæ eius interfuit, secreta perspexit, obseruauit illum, an ex formula sua viueret. Plato & Aristoteles, & omnis in diuersum itura sapientium turba, plus ex moribus, quàm ex verbis Socratis traxit. Metrodorum, & Hermachum, & Polyænum, magnos viros nõ schola Epicuri, sed contuberniũ fecit. Nec in hoc te accerso

tan-

tantum, ut proficias, sed ut prosis. plurimum enim alter alteri conferemus. Interim quia diurnam tibi mercedulam debeo, quid me hodie apud Hecatonem delectauerit, dicam. Quæris, inquit, quid profecerim? Amicus esse mihi cœpi. Multum profecit. numquã erit solus. Qui sibi amicus est, scito hunc amicũ omnibus esse.

EPIST. VII. Quid tibi vitandum præcipuè existimes, quæris? turbam. Nondum enim illi te tutò cõmiseris. Ego certe confiteor imbecillitatem meam. Numquam mores quos extuli, refero. Aliquid ex eo quod composui, turbatur: aliquid ex his quæ fugavi, redit. Quod ægris euenit, quos longa imbecillitas vsque eò affecit, ut numquam sine offensa proferantur, hoc accidit nobis, quorũ animi ex longo morbo reficiuntur. Inimica est multorum conuersatio. Nemo non aliquod nobis vitium aut commendat, aut imprimat, aut uescientibus allinit. Vtique quò maior est populus cui commisce-mur, hoc periculi plus est. Nihil verò est tam damnosum bonis moribus, quàm in aliquo spectaculo desidere. Tunc enim per voluptatem facilius vitia surrepunt. Quid me existimas dicere? auarior redeo, ambitiosior, luxuriosior? imò verò crudelior & inhumanior, quia inter homines sui. Casu in meridianum spectaculum incidi, lusus expectans, & sales, & aliquid laxamenti, quo hominum oculi ab humano

cruo-

cruore acquiescant. Contrà est, quidquid antè pugnatū est, misericordia fuit. Nunc omīssis nugis, mera homicidia sunt: nihil habent quo tegātur: ad ictum totis corporibus expositi, numquam frustra manum mittunt. Hoc pleriq; ordinarijs paribus & postulaticijs præferūt. Quid ni præferant? non galea, non scuto repellitur ferrum. Quò munimenta? quò gladij artes? Omnia ista mortis moræ sunt. Manè leonibus & vrsis homines, meridie spectatoribus suis obiiciuntur: interfectores interfecturis iubentur obijci, & victorem in aliam derinent cædem. exitus pugnantium mors est: ferro & igne res geritur. Hæc fiunt, dum vacat arena. Sed latrocinium fecit aliquis: quid ergo meruit? vt suspendatur. Occidit hominem. qui occidit, ille meruit vt hoc pateretur: tu quid meruisti miser, vt hoc spectes? Occide, vre, verbera. Quare tam timide incurrit in ferrū? quare parū audacter occidit? quare parum libenter moritur? Plagis aguntur in vulnera, & multos ictus nudis & obuijs pectoribus excipiunt. Intermissum est spectaculum: interim iugulantur homines, ne nihil agatur. Age ne hoc quidem intelligitis, mala exempla in eos redū dare qui faciunt? Agite diis immortalibus gratias, quòd eum docetis esse crudelem, qui non potest discere. Subducendus populo est tener animus, & parū tenax recti: facilè transiit ad plures. Socrati, Catoni, & Lælio excutere



re mentem suam dissimilis multitudo potuisset: adeò nemo nostrū, qui cum maxime concinnamus ingenium, ferre impetum vitiorum tam magno comitatu venientium potest. Vnum exemplum aut luxuriæ, aut avaritiæ, multum mali facit: conuictor delicatus paullatim eneruat & emollit: vicinus diues cupiditatem irritat: malignus comes quamuis candido & simplici, rubiginem suam affricuit: quid tu accidere his credis, in quos publice factus est impetus? Neceffe est aut imiteris, aut oderis. Vtrumque autem deuitandum est: ne vel similis malis fias, quia multi sunt: nève inimicus multis, quia dissimiles sunt. Recede in teipsum quantum potes. cum his versare, qui te meliorē facturi sunt: illos admitte, quos tu potes facere meliores. Mutuò ista fiunt, & homines dum docent, discunt. Non est ergo quòd te gloria publicandi ingenij producat in medium, vt recitare istis velis, aut disputare: quod facere te vellē, si haberes isti populo idoneam mentem. Nemo est, qui intelligere te possit. Aliquis fortasse vnus aut alter incidet: & hic ipse formandus tibi erit, instituendusque ad intellectū tui. Cui ergo, inquis, ista didici? non est quod timeas, ne operam perdidideris, si tibi didicisti. Sed ne mihi solihodie didicerim, communicabo tecū quę occurrerūt mihi egregiè dicta circa eundem fere sensum tria: ex quibus vnum hæc epistola in debitum soluet, duo in antecessum

sum accipe. Democritus ait: Vnus mihi pro populo est, & populus pro vno. Benè & ille quisquis fuit (ambigitur enim de auctore) cum quæreretur ab illo, quò tanta diligentia artis spectaret ad paucissimos peruenituræ? Satis sunt, inquit, mihi pauci, satis est vnus, satis est nullus. Egregiè hoc tertium. Epicurus cùm vni ex consortibus studiorum suorum scriberet: Hæc, inquit, ego non multis, sed tibi: satis enim magnum alter alteri theatrum sumus. Ista, mi Lucili, condenda in animum sunt, vt contemnas voluptatem, ex plurium assensione venientem. Multi te laudant. Ecquid habes cur placeas tibi, si is es quem multi intelligunt? introrsus bona tua spectent.

EPÍST. VII. Tu me, inquis, vitare turbam inbes, secedere, & conscientia esse contentum: vbi illa præcepta vestra, quæ imperant in actu mori? Quid? ego tibi videor interim sedere? in hoc me recondidi, & fores clausi, vt prodesse pluribus possim. Nullus mihi per otium dies exit: partem noctium studijs vindico: nō vaco somno, sed succumbo, & oculos vigilia fatigatos, cadentesque, in opere detineo. Secessi non tantum ab hominibus, sed etiam à rebus, & primum à meis. Posterorū negotium ago: illis aliqua quæ possint prodesse, conscribo: salutes admonitiones, velut medicamentorum vtilium compositiones, litteris mando, esse illas efficaces in meis vlceribus expertus: quæ etiā si persanata

nata non sunt, serpere desierunt: Rectum iter, quod serò cognoui, & lassus errando, aliis monstro. Clamo, Vitæ quæcumque vulgo placent, quæ casus attribuit: ad omne fortuitum bonum, suspiciosi pauidique subsistite. Et fera, & piscis, spe aliqua oblectante decipitur. Munera ista fortunæ putatis: infidiæ sunt. Quisquis nostrum tutam agere vitam volet, quantum plurimum potest, ista viscata beneficia deuict: in quibus hoc quoque miserrimi fallimur; habere nos putamus, habemur. In præcipitia cursus iste deducit: huius eminentis vitæ exitus, cadere est. Deinde ne resistere quidem licet, cum cœpit trāsuerfos agere felicitas. Aut saltem rectis, aut temet frueris. Qui hoc faciunt, nō evertit fortuna, sed cernular & allidit. Hanc ergo sanam & salubrē formam vitæ tenere memento, ut corpori tantum indulgeas, quantum bonæ valetudini satis est. Durius tractandū est, ne animo malè pareat: cibus famem sedet, potio sitim extinguat, vestis arceat frigus, domus munimentum sit aduersus infesta corpori. Hæc utrū cespes erexerit, an variis lapis gentis alienæ, nihil interest: scito hominem tam benè culmo, quàm auro tegi. Cōtemne omnia, quæ superuacuis labor velut ornamentū ac decus ponit. Cogita in te, præter animū, nihil esse mirabile: cui magno nihil magnū est. Si hoc mecum, si hoc cum posteris loquor, nō videor tibi plus prodesse, quàm cum ad vadimonium

nium aduocatus descenderem, aut tabulis testamenti annulum imprimerem, aut in senatu candidato vocem & manum commodarem? Mihi crede: qui nihil agere videntur, maiora agunt, humana diuinaque simul tractant. Sed iam finis faciendus est, & aliquid, ut institui, pro hac epistola dependendum. id de meo non fiet. adhuc Epicurum replicamus, cuius hanc vocem hodierno die legi. Philosophiæ seruias oportet, ut tibi contingat vera libertas. Non differtur in diem, qui se illi subiecit & tradidit. statim circumagitur. hoc enim ipsum philosophiæ seruire, libertas est. Potest fieri, ut me interroges, quare ab Epicuro tam multa benè dicta referā potius quam nostrorum. quid est tamē, quare tu istas Epicuri voces putes esse, non publicas? Quam multa poetæ dicunt, quæ à philosophis aut dicta sunt aut dicenda? Non attingam tragicos, aut togatas nostras: habent enim hæc quoque aliquid seueritatis, & sunt inter comœdias & tragœdias mediæ: quantum differtissimorum versuum inter mimos iacet? quam multa Publii, non exalceatis, sed cothurnatis dicenda sunt? Vnum eius versum, qui ad philosophiam pertinet, & ad hanc partem quæ modò fuit in manibus, referā, quo negat fortuita in nostris habenda.

*Alienum est omne, quidquid oprando venit.*

Hunc versum à te dici non paullò melius, & adstrictius, memini:

*Non*

*Non est tuum, fortuna quod fecit tuum.*  
 Illud etiamnum melius dictum à te non  
 præteribo :

*Dari bonum quod potuit, auferri potest.*  
 Hoc non imputo in solutum. de tuo tibi.  
 EPIST. IX. An meritò reprehendat  
 in quadam epistola Epicurus eos, qui di-  
 cunt sapientem se ipso esse contentum, &  
 propter hoc amico nō indigere, desideras  
 scire. Hoc obijcitur Stilponi ab Epicuro, &  
 his quibus summum bonū visum est ani-  
 mus impatiens. In ambiguitatem incidē-  
 dum est, si exprimate ἀπαθὲς vno verbo  
 scitè voluerimus, & Impatentiam dicere.  
 Poterit enim contrariū ei, quod significa-  
 re volumus, intelligi. Nos enim eum volu-  
 mus dicere, qui respuat omnis mali sēsū;  
 accipietur is, qui nullum possit ferre ma-  
 lum. Vide ergo, nū satius sit, aut inuulne-  
 rabilem animum dicere, aut animū extra  
 omnem patientiam positū. Hoc inter nos  
 & illos interest. Noster sapiens vincit qui-  
 dem incommodum omne, sed sentit: illo-  
 rum, ne sentit quidē. Illud nobis cum illis  
 commune est, sapientem seipso esse cōten-  
 tum: sed tamen & amicum habere vult, &  
 vicinum, & cōtubernalem, quamuis sibi ip-  
 se sufficiat. Vide quā sit se cōtentus. ali-  
 quando sui parte contentus est, si illi ma-  
 nū aut morbus, aut hostis inciderit. Si quis  
 oculū casus excussērit, reliquiae illi suæ sa-  
 tisfacient: & erit imminuto corpore & a-  
 purato tā lætus, quā integro fuit. Quæ si-  
 bi

bi defunt, non defiderat: fed nō deesse mauult. Ita sapiens se contentus est, non vt velit esse sine amico, sed vt possit: & hoc quod dico possit, tale est. amissum æquo animo fert: sine amico quidem numquam erit. in sua potestate habet, quā citò reparaet. Quomodo si perdiderit Phidias statuam, protinus alteram faciet: sic & hic faciendarum amicitiarū artifex substituet alium in locum amissi. Queris quomodo amicum citò facturum sit? dicam, si illud mihi tecum conuenerit, vt statim tibi soluam quod debeo, & quantum ad hanc epistolam, paria faciamus. Hecaton ait: Ego tibi mōstrabo amatorium, sine medicamēto, sine herba, sine vllius veneficæ carmine. Si vis amari, ama. Habet autem non tantū amicitie vsus, veteris & certę, magnam voluptatem, sed etiam initium & comparatio nouæ. Quod interest inter metētem agricolam, & serētem: hoc inter eum qui parauit amicum, & qui parat. Attalus philosophus dicere solebat, Iucūdius esse amicum facere, quā habere: quomodo artificii iucundius est pingere, quā pinxisse. Illa in opere suo occupata sollicitudo, ingens oblectamētum habet in ipsa occupatione. Nō æquē delectatur, qui ab opere perfecto remouit manū. iam fructu artis suæ fruitur: ipsa fruebatur arte, cū pingeret. Fructuosior est adoleſcentia liberorum, sed infantia dulcior. Nunc ad propositum reuertamur. Sapiens etiam si contentus est se, tamen habere

bere

bere amicū vult: si ob nihil aliud, vt exerceat amicitiam, ne tam magna virtus iaceat: non ob hoc quod Epicurus dicebat in hac ipsa epistola, vt habeat qui sibi egro affideat, succurrat in vincula coniecto vel inopi: sed vt habeat aliquē, cui ipse ægro affideat, quem ipsum circumuentū hostili custodia liberet. Qui se spectat, & propter hoc ad amicitiam venit, malè cogitat: quemadmodum cœpit, sic desinet. Parauit amicum aduersus vincula laturum opem: cū primū crepuerit catena, discedet. Hæ sunt amicitie, quas temporarias populus appellat. Qui causa vtilitatis assumptus est, tamdiu placebit, quamdiu vtilis fuerit. Hac re florentes amicorum turba circumfedit: circa euersos ingens solitudo est: & inde amici fugiunt, vbi probantur. Hac re ista tot nefaria exempla sunt, aliorum metu relinquentium, aliorum metu prodētium. Necesse est initia inter se & exitus congruant. Qui amicus esse cepit, quia expedit; placebit ei aliquod pretium contra amicitiam, si vllum in illa placet pretium præter ipsam. In quid amicū paro? vt habeam pro quo mori possim, vt habeam quem in exilium sequar, cuius me mortū opponam & impendam. Ista quam tu describis, negotiatio est, non amicitia: quæ ad commodum accedit, quæ quid cōsecutura sit, spectat. Nō dubiè habet aliquid simile amicitia, affectus amantium: possis dicere, illam esse insanā amicitiam. numquid er-

go quisquam amat luci causā? numquid  
 ambitionis aut gloriæ? Ipse per se amor,  
 omnium aliarum rerum negligēs, animos  
 in cupiditatem formæ, nō sine spe mutux  
 caritatis, accēdit. Quid ergo ex honestiori  
 causā coit turpis affectus? Non agitur, in-  
 quis, nunc hoc, an amicitia propter se, an  
 propter aliud sit expetenda. nam si propter  
 se ipsam expetēda est, potest ad illam acce-  
 dere, qui seipso contētus est. Quomodo er-  
 go ad illam accedit? quomodo ad rem pul-  
 cherrimam: non lucro captus, nec varietate  
 fortunę perterritus. Detrahit amicitie ma-  
 iestatem suam, qui illam parat ad bonos ca-  
 sus. Se contentus est sapiens. Hoc, mi Luci-  
 li, perperā plerique interpretantur: sapien-  
 tem vndique submouent, & intra cutem  
 suam cogunt. Distinguendum est autem,  
 quid & quatenus vox ista promittat. Se  
 contentus est sapiens, ad beatē viuendum,  
 non ad viuēdum. Ad hoc enim multis illi  
 rebus opus est; ad illud tantūm animo sa-  
 no, & erecto, & despiciente fortunam. Vo-  
 lo tibi Chrysippi quoque distinctionē in-  
 dicare. Ait sapientem nulla re indigere, &  
 tamen multis illi rebus opus esse: contra,  
 stulto nulla re opus est, nulla enim re scit  
 vti, sed omnibus eget. Sapienti & manibus,  
 & oculis, & multis ad quotidianum vsum  
 necessariis opus est, sed eget nulla re: ege-  
 re enim, necessitatis est: nihil autem ne-  
 cesse sapienti est. Ergo quamuis seipso co-  
 tentus sit, amicis illi opus est. hos cupit  
 habere.



habere quamplurimos, non ut beatè uiuat: uiuet enim etiam sine amicis beatè. Summum bonum extrinsecus instrumenta non quærit, domi colitur: ex se totum est. incipit fortunæ esse subiectum, si quam partem sui foris quærit. Qualis tamen futura est vita sapientis, si sine amicis relinquatur in custodiam coniectus, vel in aliqua gēte aliena destitutus, vel in nauigatione longa retētus, aut in desertum littus ejectus? qualis est Iouis, cūm resolutum mundo, & diis in vnum confusis, paullisper cessante natura, acquiescit sibi, cogitationibus suis traditus. Tale quiddam sapiens facit. in se reconditur, secum est, quamdiu quidem illi licet suo arbitrio res suas ordinare, se contentus est: & ducit vxorem, se contentus est: & liberos tollit, se contentus est: & tamen non uiuet, si fuerit sine homine victurus. Ad amicitiam fert illum nulla utilitas sua, sed naturalis irritatio. nam ut aliarum nobis rerum innata dulcedo est, sic amicitia. Quomodo solitudo in odio est, sic in dulcedine appetitio societatis. Quomodo hominem homini natura conciliat, sic inest huic quoque rei stimulus, qui nos amicitiarū appetentes faciat. Nihilominus cūm sit amicorum amantiſſimus, cūm illos sibi comparet, sæpè præferat: omne intra se bonum terminabit, & dicet quod Stilpon ille dixit, Stilpon quem Epicuri epistola insequitur. Hic enim capta patria, amissis liberis, amissa vxore, cūm ex incen-

dio publico solus, & tamen beatus exiret,  
 interroganti Demetrio, cui cognomen ab  
 exitio urbium Poliorcetes fuit, Numquid  
 perdidisset? Omnia, inquit, bona mea me-  
 cum sunt. Ecce vir fortis ac strenuus ipsam  
 hostis sui victoriam vicit. Nihil, inquit,  
 perdidit. dubitare illum coegit, an vicisset.  
 Omnia mea mecum sunt. Iustitia, virtus,  
 temperantia, prudentia; hoc ipsum, nihil  
 bonum putare quod eripi possit. Miramur  
 animalia quædam, quæ per medios ignes  
 sine noxa corporum transeunt. quanto hic  
 mirabilior vir, qui per ferrum & ruinas &  
 ignes, illesus & indēnis euasit? Vides quan-  
 to facilius sit totam gentem, quàm vnum  
 virum vincere? Hæc vox illi est communis  
 cum Stoico. æquè & hic intacta bona per  
 concrematas vrbes fert. Se enim ipso con-  
 tentus est, hoc felicitatem suam sine desi-  
 gnat. Ne existimes nos solos generosa ver-  
 ba iactare: & ipse Stilponis objurgator Epi-  
 curus, similem illi vocem emisit; quam tu  
 boni consule, etiam si hunc diem iam ex-  
 punxi. Si cui, inquit, sua non videntur am-  
 plissima, licet totius mundi dominus sit,  
 tamen miser est. Vel si hoc modo tibi me-  
 lius enunciari viderur: id enim agendum;  
 vt non verbis seruiamus, sed sensibus: Mi-  
 ser est, qui se non beatissimum iudicat, li-  
 cēt imperet mundo. Vt scias autem hos  
 sensus communes esse, natura scilicet di-  
 stante, apud poetam comicum inuenies;

*Non est beatus, esse se qui non putat.*

Quid

Quid enim refert qualis status tuus sit, si tibi videtur malus? Quid ergo? inquis, si beatum se dixerit ille turpiter diues, & ille multorum dominus, sed plurium seruus: beatus sua sententia fiet? Non quid dicat, sed quid sentiat, refert: nec quid vno die sentiat, sed quid assidue. Non est autem quod verearis. ne ad indignum res tanta perueniat. Nisi sapienti sua non placent. omnis stultitia laborat fastidio sui.

EPIST. X. Sic est, non muto sententiam. fuge multitudinē, fuge paucitatem, fuge etiam vnum. Non habeo cum quo te communicatum velim, & vide quod iudicium meum abeat: audeo te tibi credere. Crates, vt aiunt, huius ipsius Stilponis auditor, cuius mentionem priori epistola feci, cum vidisset adolescentulū secretò ambulante, interrogauit, Quid illic solus faceret? Mecum, inquit, loquor. cui Crates: Caue, inquit, rogo & diligenter attende, ne cum homine malo loquaris. Lugētem timētemque custodire solemus, ne solitudine malè vtatur: nemo est ex imprudentibus, qui relinqui sibi debeat. Tunc mala cōsilia agitāt: tunc aut alijs, aut ipsis futura pericula struunt. Tunc cupiditates improbas ordinant: tunc quidquid aut metu, aut pudore celabat, animus expromit: tunc audaciam acuit, libidinem irritat, iracundiā instigat. Denique, quod vnum solitudo habet commodū, nihil vlli committere, non timere indicem, perit stulto: ipse se

prodit. Vide itaq; quid de te sperem, imò  
 quid spōdeam mihi. spes enim incerti bo-  
 ni nomen est. nō inuenio cum quo te ma-  
 lim esse, quàm tecum. Repeto memoria,  
 quàm magno animo quēdam verba proie-  
 ceris, quàm roboris plena. gratulatus sum  
 protinus mihi, & dixi: Nō à summis labris  
 ista venerunt: habent hæ voces fundamen-  
 tum. iste homo non est vnus è populo, ad  
 salutem spectat. Sic loquere, sic viue: vide  
 ne te vlla res deprimat. Votorum tuorum  
 veterum licet dijs gratiam facias: alia de  
 integro suscipe: roga bonam mentem, bo-  
 nam valetudinem animi, deinde corporis.  
 Quid ni tu ista vota sæpè facias? audacter  
 Deum roga, nil illum de alieno rogatu-  
 rus. Sed vt more meo cum aliquo munu-  
 sculo epistolam mittam, verum est, quod  
 apud Athenodorum inneni: Tunc scito te  
 esse omnibus cupiditatibus solutum, cum  
 eò perueneris, vt nihil Deum roges, nisi  
 quod rogare possis palàm. Nunc enim  
 quanta dementia est hominum? turpissi-  
 ma vota dijs insufurrāt: si quis adiuuerit  
 aurem, conticescent; & quod scire homi-  
 nem nolunt, Deo narrant. Vide ergo ne  
 hoc præcipi salubriter possit: Sic viue cum  
 hominibus, tamquam Deus videat; sic lo-  
 quere cum Deo, tãquā homines audiant.

EPIST. XI. Locutus est mecum ami-  
 cus tuus bonæ indolis: in quo quantum ef-  
 fet animi, quantum ingenij, quantum iam  
 etiam profectus, sermo primus ostendit.

Dedit

Dedit enim nobis gustum, ad quem respondebit: non enim ex præparato locutus est, sed subito deprehensus. Vbi se collegit, verecundiam, bonū in adoleſcente ſignum, vix potuit excutere. adeo illi ex alto ſuffuſus eſt rubor. Hic illum, quātum ſuſpicio, etiam cum ſe confirmauerit, & omnibus vitijs exuerit, ſapientem quoq; ſequetur. Nulla enim ſapientia, naturalia corporis aut animi vitia ponuntur: quidquid inſitum ac ingentum eſt, lenitur arte, non vincitur. Quibuſdam etiam cōſtantiffimis in conſpectu populi ſudor erumpit, nō aliter quā fatigatis & eſtuātibus ſolet: quibuſdam tremunt genua dicturis: quorundam dentes colliduntur, lingua titubat, labra cōcurrūt. Hęc nec diſciplina, nec vſus vñquam excutit: ſed natura vim ſuā exercet, & illos vitij fui etiā robuſtiſſimos admonet. Inter hęc & ruborem eſſe ſcio, qui grauiſſimis quoq; viris ſubitus offunditur. Magis quidem in iuuenibus apparet, quibus & plus caloris eſt, & tenera frons: nihilominus veteranos & ſenes tāgit. Quidam numquam magis, quā cum erubuerint, timendi ſunt: quaſi omnem verecundiam effuderint. Sulla tunc erat violentiſſimus, cum faciem eius ſanguis inuaſerat. Nihil erat mollius ore Pompeij, numquam non coram pluribus erubuit: vtrique in concionibus. Fabianum, cum in ſenatū teſtis eſſet inductus, erubuiſſe memini: & hic miſere illum pudor decuit. Non accidit hoc ab

infirmirate mentis, sed à nouitate rei: quæ  
 inexercitatos et si non concutit, mouet, na-  
 turali in hoc facilitate corporis pronos. Nā  
 ut quidā boni sanguinis sunt, ita quidam  
 incitari & mobilis, & citò in os prodeuntis.  
 Hæc, ut dixi, nulla sapientia abigit: alio-  
 quin haberet rerū naturam sub imperio si  
 omnia eraderet vitia. Quæcumque attri-  
 buit cōditio nascēdi, & corporis tempera-  
 tura, cū multū se diuque animus cō-  
 posuerit, hærebunt. Nihil horum vitari po-  
 test, nō magis, quā accersi. Artifices sce-  
 nici, qui imitantur affectus, qui metum &  
 trepidationem exprimunt, qui tristiciam  
 repræsentāt, hoc indicio imitātur verecū-  
 diam: deijciunt vultum, verba submitteunt,  
 figunt in terram oculos & deprimunt, ru-  
 borem sibi exprimere nō possunt. nec pro-  
 hibetur hic, nec adducitur. Nihil aduersus  
 hæc sapientia promittit, nihil proficit: sui  
 juris sunt, iniussa veniunt, iniussa discedūt.  
 Iam clausulam epistola poscit: accipe, &  
 quidem vtilem & salutarem, quam te af-  
 figere animo volo. Aliquis vir bonus nobis  
 eligendus est, ac semper ante oculos ha-  
 bendus, ut sic tamquā illo spectante viuā-  
 mus, & omnia tamquam illo vidēte facia-  
 mus. Hoc, mi Lucili, Epicurus præcepit:  
 custodem nobis & pædagogum dedit: nec  
 immeritò. Magna pars peccatorum tolli-  
 tur, si peccaturis testis adsistat. Aliquē ha-  
 beat animus, quē vereatur, cuius auctori-  
 tate etiam secretū suum sanctius faciat. O  
 feli-

feli-

felicem illum, qui non ad spectus tantū, sed etiam cogitatus emendat ! O felicem, qui sic aliquem vereri potest, ut ad memoriam quoque eius se componat, atque ordinet ! Qui sic aliquem vereri potest, citò erit verèdus. Elige itaq; Catonem: si hic videtur tibi nimis rigidus, elige remissioris animi virū, Lælium: elige eum, cuius tibi placuit & vita, & oratio, & ipsius animum ante te ferens & vultus; illum semper tibi ostende, vel custodem vel exemplū. Opus est, inquam, aliquo, ad quē mores nostri se ipsi exigāt. Nisi ad regulā, prava non corriges.

EPIST. XII. Quocumque me verto, argumēta senectutis meę video. Veneram in suburbanum meum, & querebar de impensis aedificij dilabentis: ait villicus, non esse negligentię suę vitium: omnia se facere, sed villam veterem esse. Hęc villa inter manus meas crevit. Quid mihi futurū est, si iam patria sunt etatis meę saxes? Iratus illi, proximam occasionem stomachandi arripio. Apparet, inquam, has platanos negligi. nullas habent frondes: quā nodosi sunt, & retorridi rami? quā tristes & squallidi trunci? Hoc nō accideret, si quis has circumfoderet, si irrigaret. Iurat per Genium meum, se omnia facere, in nulla re cessare curam suam: sed illas verulas esse. Quod inter nos sit, ego illas posueram, ego illarum primum viderā folium. Conuersus ad ianuam: Quis est, inquam, iste decrepitus, & meritò ad ostium admotus?

foras enim spectat. Vnde istunc nactus es ? quid te delectauit, alienum mortuum tollere ? At ille : Non cognoscis me ? inquit . ego sum Felicio , cui solebas sigillaria afferre : ego sum Philofiti villici filius , deliciolum tuum . Profectò, inquam, iste delirarat. Populus etiam deliciolum meum factus est . Prorsus potest fieri. dētes illi cum maximè cadunt . Debeo hoc suburbano meo, quòd mihi senectus mea, quocumq; aduerterā, apparuit. Complectamur illam, & amemus: plena est voluptatis, si illa scias uti . Gratissima sunt poma; cum fugiunt : pueritię maximus in exitu decor est: deditos vino potatio extrema delectat, illa quę mergit , quę ebrietati summam manum imponit . Quod in se iucundissimum omnis voluptas habet, in finem sui differt. iucundissima est ætas deuexa iam, nō tamen præceps: & illam quoque in extrema tegula stantem, iudico habere suas voluptates: aut hoc ipsum succedit in locum voluptatum, nullis egere. Quàm dulce est, cupiditates fugasse ac reliquisse ? Molestum est, inquis , mortem ante oculos habere . Primum ista tam iuueni ante oculos debet esse, quàm seni: non enim citamur ex censu; deinde nemo tam senex est , ut improbè vnum diem speret. Vnus autē dies, gradus est vitæ, tota ætas partibus constat, & orbes habet circumductos maiores minoribus . Est aliquis , qui omnes complectatur & cingat . hic pertinet à natali ad diem ex-

tre.



tremum. est alter, qui annos adolescentie  
excludit. est qui totam pueritiam ambitu  
suo adstringit. est deinde ipse annus, in se  
omnia cōtinens tempora, quorum multi-  
plicatione vita cōponitur. Mensis arctiore  
præcingitur circulo: angustissimum habet  
dies gyrū: sed & hic ab initio ad exitū ve-  
nit, ab ortu ad occasum. Ideò Heracletus,  
cui cognomē Scotinon fecit orationis ob-  
scuritas: Vnus, inquit, dies par omni est.  
Hoc alius aliter accepit: dixit enim parem  
esse horis: nec mētitur. Nā si dies tempus  
est vigintiquatuor horarū, necesse est om-  
nes inter se dies pares esse: quia nox habet,  
quod dies perdidit. Alius ait, parem esse  
vni diem omnib. similitudine: nihil enim  
habet longissimi temporis spatium, quod  
non in vno die inuenias, lucem & noctem,  
& alternas mundi vices. Planiora facit ista  
nox aliās contractior, aliās productior. Ita-  
que sic ordinandus est dies omnis, tamquā  
cogat agmen, & consummet atq; expleat  
vitam. Pacuvius qui Syriam vsu suam fe-  
cit, cū vino & illis funereis epulis sibi pa-  
rentauerat, sic in cubiculū ferebatur à cæ-  
na, ut inter plausus exoletorū hoc ad sym-  
phoniā caneretur: *ſeciax; ſeciax;* nullo  
non se die extulit. Hoc quod ille ex mala  
cōscientia faciebat, nos ex bona faciamus,  
& in somnū ituri, læti, hilaresq; dicamus.

*Vixi, & quem dederat cursum fortuna  
peregi.*

Craftinum si adiecerit Deus, læti recipia-  
mus.

mus. Ille beatissimus est & securus sui possessor, qui crastinum sine solitudine expectat. Quisquis dixit, Vixi, quotidie ad lucrum surgit. Sed iam debeo epistolam cludere. Sic, inquis, sine ullo ad me peculio veniet? Noli timere: aliquid secum feret. quare aliquid dixi? multum. Quid enim hac voce praelarius, quam illi trado ad te perferendam? Malum est in necessitate vivere, sed in necessitate vivere, necessitas nulla est. Quid ni nulla sit? patent undique ad libertatem viae multae, breves, faciles. Agamus Deo gratias, quod nemo in vita teneri potest. calcare ipsas necessitates licet. Epicurus, inquis, dixit: Quid tibi cum alieno? Quod verum est, mecum est. perseverabo Epicurum tibi ingerere: ut isti qui in verba iurant, nec quid dicatur aestimant, sed a quo, sciunt, quae optima sunt, esse communia.

EPIST. XIII. Multum tibi esse animi scio. nam etiam antequam instruerem te preceptis salutaribus, & dura vincētibz, satis aduersus fortunam placebas tibi: & multo magis, postquam cum illa cōseruisti manū, viresq; expertus es tuas, quae nunquam certā dare fiduciam sui possunt, nisi cum multae difficultates hinc & illinc apparuerint, aliquādo verò & propius accesserint. Sic verus ille animus, & in alienum non venturus arbitrium, probatur: hec eius obrussa est. Nō potest athleta magnos spiritus ad certamē adferre, qui numquā sullatus est. Ille qui fudit sanguinem suum,  
cuius

cuius dētes crepuerunt sub pugno, ille quē  
 supplantatus aduersarium toto tulit corpo-  
 re, nec proiecit animum proiectus, qui  
 quoties cecidit contumacior resurrexit,  
 cum magna spe descendit ad pugnam.  
 Ergo, vt similitudinem istam prosequar,  
 sæpē iam fortuna supra te fuit: nec tamen  
 tradidisti te, sed subsiliisti, & acrior resti-  
 tisti. multum enim adijcit sibi virtus lace-  
 sita. Tamen si tibi videtur, accipe à me au-  
 xilia quibus munire te possis. Plura sunt,  
 Lucili, quæ nos terrent, quàm quæ pre-  
 munt: & sæpius opinione, quàm re labo-  
 ramus. Non loquor tecum Stoica lingua,  
 sed hac submissiore. Nos enim dicimus,  
 omnia ista quæ gemitus mugitusque ex-  
 primunt, leuia esse, & cōtemnenda. Omit-  
 tamus hæc magna verba, sed, dii boni, ve-  
 ra! illud tibi præcipio, ne sis miser ante  
 tempus: cū illa quæ velut imminētia  
 expauiisti, fortasse nunquam ventura sint,  
 certē nondum venerint. Quædā ergo nos  
 magis torquent, quàm debeant: quædam  
 antē torquent, quàm debeant: quædam  
 torquent, cū omnino non debeant. Aut  
 augemus dolorem, aut fingimus, aut præ-  
 cipimus. Primum illud, quia res in cōtro-  
 uersia est, & litem contestatam habemus;  
 in præsentia differatur. Quod ego leue di-  
 xero, tu grauissimum esse contendes. scio  
 alios inter flagella ridere, alios gemere  
 sub colapho. Postea videbimus, utrū ista  
 suis viribus valeant, an imbecillitate no-

stra: illud præsta mihi, ut quoties circumsteterint, qui tibi te miserum esse persuadeant, non quid audias, sed quid sentias cogites. & cum patientia tua deliberes, ac te ipse interroges, qui tua optimè nosti. Quid est, quare isti me complorent? quid est quod trepident, quod contagium quoque mei timeant, quasi transilire calamitas possit? Est aliquid istius mali? an res ista magis infamis est quam mala? Ipse te interroga. Numquid sine causa crucior, & mereo, & quod non est malum facio? Quomodo, inquis, intelligam, vana sint, an vera, quibus angor? Accipe huius rei regulam. Aut presentibus torquemur, aut futuris, aut utrisque. De presentibus, facile est iudicium. si corpus tuum liberum est, sanum est, nec ullus ex iniuria dolor est: videbimus quid futurum sit; hodie nihil negotij habet. At enim futurum est. Primum dispice, an certa argumenta sint venturi mali. plerumque enim suspicionibus laboramus, & illud nobis illa, quæ conficere bellum solet, fama: multò autem magis singulos conficit. Ita est, mi Lucili. citò accedimus opinioni. non coarguimus illa, quæ nos in metum adducunt: nec excutimus, sed trepidamus. & sic vertimus terga, quemadmodum illi, quos pulvis motus fuga pecorum, exiit castris, aut quos aliqua fabula sine auctore sparsa conterruit. Nescio quomodo magis vana perturbant. vera enim modum suum habent: quidquid ex incerto venit, coniecturæ:

sturæ & licentiæ pauentis animi traditur .  
 Nulli itaque tam perniciosi, tam irreuoca-  
 biles , quàm lymphatici metus sunt. ceteri  
 enim sine ratione, hi sine mente sunt. In-  
 quiramus itaq; in rem diligēter. Verisimi-  
 le est, aliquid futurum mali? nō statim ve-  
 rum est. Quàm multa nō expectata vene-  
 rant, quā multa expectata numquam cō-  
 paruerunt? Etiam si futurum est, quid iu-  
 uat dolori suo occurrere? satis citò dolebis,  
 cū venerit: interim tibi meliora promit-  
 te. Quid facies lucri? tēpus. Multa interue-  
 nient, quibus vicinum periculum vel propè  
 admotum, aut subsistat, aut desinat, aut in  
 alienū caput transeat. Incendium ad fugā  
 patuit: quosdā molliter ruina deposuit: ali-  
 quando gladius ab ipsa cernice reuocatus  
 est: aliquis carnifici suo superstes fuit . Ha-  
 bet etiam mala fortuna leuitatem. fortasse  
 erit, fortasse non erit: interim dum nō est,  
 meliora propone . Nonnumquā nullis ap-  
 parētibus signis, quæ mali aliquid pronun-  
 cient , animus sibi falsas imagines fingit ,  
 aut verbum aliquod dubiæ significationis  
 detorquet in peius , aut maiore sibi offen-  
 sam proponit alicuius quàm est, & cogitat  
 non quantum iratus ille sit, sed quātum li-  
 ceat irato. Nulla autem causā vitæ est, nul-  
 lus miseriarum modus, si timetur quātum  
 potest, Hic prudētia proferat, hic robore ani-  
 mi euidentem quoque metum respue : si  
 minus , vitio vitium repelle , spe metum  
 tempera . Nihil tam certum est ex his quæ  
 timent-

timentur, vt non certius sit, & formidatā  
 subſidere, & ſperata decipere. Ergo & ſpem  
 ac metū examina: & quoties incerta erunt  
 omnia, tibi faue, crede quod mauis. ſi plu-  
 res habebis ſententias metus; nihilominus  
 in hanc partem potius inclina, & perturba-  
 re te deſine. Ac ſubinde hoc in animo vol-  
 ue, maiorē partē mortalium, cū illi nec  
 ſit quidquam mali, nec pro certo futurum  
 ſit, æſtuare ac diſcurrere. Nemo enim reſi-  
 ſtit ſibi, cū ceperit impelli, nec timorem  
 ſuum redigit ad verū. Nemo dicit, Vanus  
 auctor eſt, vanus: aut finxit, aut credidit.  
 Damus nos referētibz, expaueſcimus du-  
 bia pro certis, nō ſeruamus modū rerum,  
 ſtatim in timorem venit ſcrupulus. Pudet  
 me ſic tecum loqui, & tam leuibus reme-  
 diis te focillare. Alius dicat, Fortaſſe hoc  
 non veniet: tu dic, Quid porrō ſi veniet?  
 videbimus utrū veniet: fortaſſe pro me  
 veniet & mors iſta vitā honeſtabit. Cicuta  
 magnum Socratem fecit: Catoni gladium  
 aſſertorē libertatis extorque, magnā par-  
 tem detraxeris glorię. Nimiū diu te co-  
 hortor, cū tibi admonitione magis, quā  
 exhortatione opus ſit. Nō in diuerſum te à  
 natura tua ducimus: natus es ad iſta quę  
 dicimus. Eò magis bonū tuū auge, & ex-  
 orna. Sed iam finem epiſtolę faciam, ſi illi  
 ſignum ſuum impreſſero: id eſt, aliquam  
 magnificam vocem perferendam ad te  
 mandauero. Inter cetera mala, hoc quoq;  
 habet ſtultitia proprium, ſemper incipit vi-  
 uere.

uere. Cōsidera quid vox ista significet, Lucili virorum optime: & intelliges quā fēda sit hominū leuitas, quotidie noua vitæ fundamenta ponentium, nouas spes etiam in exitu inchoantium. Circūspice tecum singulos, occurrent tibi senes, qui se cum maximè ad ambitionē, ad peregrinationes, ad negotiandum parent. Quid est autem turpius, quā senex uiuere incipiens? Nō adijcerem auctorē huic voci, nisi esset secretior, nec inter vulgata Epicuri dicta, quæ mihi & laudare, & adoptare permisi.

EPIST. XIV. Fateor insitam esse nobis corporis nostri caritatē: fateor nos huius gerere tutelam: nec nego indulgēdum illi, seruiendū nego. Multis enim seruiet, qui corpori seruit, qui pro illo nimium timet, qui ad illud omnia refert. Sic gerere nos debemus, non tamquam propter corpus uiuere debeamus, sed tamquam non possimus sine corpore. Huius nos nimius amor timoribus inquietat, solitudinibus onerat, contumelijs obijcit. Honestum ei vile est, cui corpus nimis carū est. Agatur eius diligentissimè cura: ita tamen, ut cum exiget ratio, cum dignitas, cum fides, mittendum in ignem sit. Nihilominus, quantum possumus, euitemus incommoda quoque, non tantum pericula: & in tutum nos reducamus, excogitantes subinde, quibus possint timenda depelli. Quorum tria, ni fallor, genera sunt. Timetur inopia, timetur morbi, timentur quæ per vim potentioris

tioris eueniunt. Ex his omnibus nihil magis nos concutit,quàm quod ex aliena potentia impendet. Magno enim strepitu & tumultu venit. Naturalia mala quę retuli inopix atq; morbi, silentio subeunt, nec oculis nec auribus quidquā terroris incutiunt: ingens alterius mali pompa est, ferarum circa se & ignes habet, & catenas, & turbam ferarū, quam in viscera immittat humana. Cogita hoc loco carcerē, & crucees, & eculeos, & vncum; & adactum per medium hominē, qui per os emergat, stipitē; & distracta in diuersū actis curribus membra; illam tunicam, alimentis ignium & illitam & intexam; quidquid aliud præter hæc, commenta saxuitia est. Nō est itaque mirū, si maximus huius rei timor est, cuius & varietas magna, & apparatus terribilis est. Nam quemadmodum plus agit tortor, quò plura instrumenta doloris exposuit (specie enim vincuntur, qui patientia restitissent): ita ex his, quę animos nostros subigunt & domant, plus proficiunt, quę habent quod ostendāt. Illę pestes noui minis granes sunt, famem dico & sitim, & præcordiorum suppurationes, & febrē viscera ipsa torrentē: sed latent. nihil habent quod intentent, quod præferant: hæc, vt magna bella, adspectu paratuq; vicerunt. Demus itaq; operam, abstineamus offensis. Interdum populus est, quem timere debeamus; interdum, si ea ciuitatis disciplina est, vt plurima per senatum transigantur.

gra-



gratiosi in eo viri, interdum singuli, quibus potestas populi, & in populū data est. Hos omnes amicos habere, operosum est: satis est inimicos non habere. Itaq; sapiens numquam potētium iras prouocabit: imò declinabit, non aliter quā in nauigando procellam. Cū peteres Siciliam, traiecisti fretum; temerarius gubernator contempsit austri minas. ille est enim, qui Siculum pelagus exasperet, & in vertices cogat. non sinistrum petit litus, sed id, quo propior Charybdis maria cōuoluit. At ille cautior, peritos locorum rogat, qui estus sit, quę signa dent nubes, & longē ab illa regione verticibus infami cursum tenet. Idem facit. sapiens: nocituram potentiam vitat, hoc primum cauens, ne vitare videatur. Pars enim securitatis & in hoc est, non ex professo eam petere: quia quę quis fugit, damnat. Circumspiciendū nobis est ergo, quomodo à vulgo ruti esse possimus. Primū nihil inde cōcupiscamus, vnde rixa est inter cōpetitores: deinde nihil habeamus, quod cum magno emolumento insidiantis eripi possit. quā minimū sit in corpore tuo speculiorum. Nemo ad humanū sanguinē propter ipsum venit, aut admodum pauci: plures computant quā oderūt. Nudum latro trāsmittit: etiam in obsessā via pauperi pax est. Tria deinde ex praeceptione veteri prestanda sunt, vt vitentur: Odium, Inuidia, Contemptus. Quomodo hoc fiat, sapientia sola monstrabit. Difficile enim tempera-

men-

mentum est, verendumque, ne in contemptum nos invidiæ timor transferat: nedum calcari nolumus, videamur posse calcari. Multis timēdi attulit causas, timeri posse. Undiq; nos reducamus, nō minùs contemni quā suspici nocet. Ad philosophiam ergo confugiendum est. hę litterę, non dico apud bonos, sed apud mediocriter malos infularū loco sunt. Nā forensis eloquentia, & quęcumq; alia populum movent, aduersarium habent: hæc quieta, & sui negotij, contemni non potest: cui ab omnibus artibus, etiam apud pessimos honor est. Numquam in tantū conualefcet nequitia, numquam sic cōtra virtutes coniurabitur, vt nō philosophiæ nomen venerabile & sacrum maneat. Ceterū philosophia ipsa tranquille modesteq; tractanda est. Quid ergo, inquis? videbitur tibi M. Cato modeste philosophari, qui bellum ciuile sentētia sua reprimi? qui furentiū principum armis mediis interuenit? qui alijs Pompeium offendentibus, alijs Cęsarem, simul laceffit duos? Potest aliquis disputare, an illo tēpore capessēda fuerit sapienti res publica. Quid tibi vis M. Cato? iam nō agitur de libertate; olim pessūdata est: quęritur utrū Cęsar, an Pompeius possideat rempublicam. Quid tibi cum ista contentione? nullę partes tuę sunt: dominus eligitur. Quid tua; vter vincat? melior vincere non potest: potest esse peior, qui victus fuerit; non potest melior, qui vicerit. Vltimas partes atti-

gi Catonis : sed ne priores quidem anni fuerunt, qui sapientem in illam rapinam reipublicæ admitterent. Quid aliud quàm vociferatus est Cato, & milit irritas voces, cùm modò per populi leuatus manus, & obrutus sputis, & portandus extra forum traheretur, modò è senatu in carcerè duceretur ? Sed postea videbimus, an sapienti opera perdèda sit : interim ad hoste voco, qui à republica exclusi, secesserunt ad colendam vitam, & humano generi iura condenda, sine vlla potentioris offensa, Non conturbabit sapiens publicos mores, nec populum in se vitæ nouitate còuertet, Quid ergo ? utique erit tutus, qui hoc propositum sequetur ? Promittere tibi hoc nō magis possum, quàm in homine temperante bonam valetudinem : & tamen facit temperantia bonā valetudinem. Perit aliqua navis in portu : sed tu quid accidere in medio maris credis ? Quanto huic periculum paratius foret, multa agenti, molientique, cui ne otium quidem tutum est ? creant aliquando innocentes : quis negat ? nocentes tamen sæpius. Ars ei constat, qui per ornāmēta percussus est. Denique consilium omnium rerum sapiens, nō exitum spectat. Initia in potestate nostra sunt : de euentu fortuna iudicat, cui de me sententiam non do. At aliquid vexationis affert, aliquid aduersi. non damnatur latro, cùm occidit. Nūc ad quotidianam stipem manum porrigis. aurea te stipe implebo. Et quia

quia facta est auri mentio, accipe quem admodum usus fructusque eius tibi esse gravior possit. Is maximè diuitijs fruitur, qui minimè diuitijs indiget. Ede, inquis, auctorem. Vt scias quàm benigni simus, propositum est aliena laudare: Epicuri est, aut Metrodori, aut alicuius ex illa officina. Et quid interest, quis dixerit? omnibus dixit. Qui eger diuitijs, timet pro illis: nemo autè sollicito bono fruitur. Adijcere illis aliquid studet, dū de incremento cogitat: oblitus est usus, rationes accipit, forum conterit, Kalendarium versat, sit ex domino procurator.

EPIST. XV. Mos antiquis fuit, vsque ad meam seruatus etatem, primis epistolę verbis adijcere: Si vales, benè est. Rectè & nos dicimus: Si philosopharis, benè est. Valere enim hoc demum est: sine hoc, æger est animus. Corpus quoque etiam si magnas habet vires, nō aliter quàm furiosus aut phrenetici, validum est. Ergo hanc valitudinem præcipuè cura, deinde & illam secundam: quæ non magno tibi constabit, si volueris benè valere. Stulta est enim, mi Lucili, & minimè cōueniens litterato viro, occupatio exercendi lacertos, & dilatandi ceruicem, ac latera firmandi. cū tibi feliciter sagina cesserit, & tori creuerint: nec vires vīquam opimi bouis, nec pondus æquabis. Adiice nunc, quòd maiore corporis sarcina animus eliditur, & minùs agilis est. Itaque, quantum potes, circumscribe corpus.

corpus tuum, & animo locum laxa. multa  
 sequuntur incommoda huic deditos curę.  
 Primum exercitationes, quarum labor spiritum  
 exhaurit, & inhabilem intentioni ac  
 studijs acrioribus reddit: deinde, copia ci-  
 borum, subtilitas animi impeditur. Accedunt  
 pessimę notę mancipia in magisterium  
 recepta, homines inter oleum & vinum oc-  
 cupati: quibus ad votum dies est actus, si be-  
 ne desudauerunt, si in locum eius quod ef-  
 fluxit, multum potionis alterius, ieiuno gut-  
 ture ingesserunt. Bibere & sudare, vita car-  
 diaci est. Sunt exercitationes & faciles &  
 breues, quę corpus & sine mora laxent, &  
 tempori parcant: cuius præcipua ratio ha-  
 benda est. Cursus, & cum aliquo pondere  
 manus motę, & saltus, vel ille qui corpus  
 in altum leuat, vel ille qui in longum mit-  
 tit, vel ille (ut ita dicam) Saliaris, aut (ut  
 contumeliosius dicam) fullonius. Quodli-  
 bet ex his elige, vso fit facile. Quidquid fa-  
 cies, citò redi à corpore ad animum, illum  
 diebus ac noctibus exerce. labore modico  
 alitur ille. Hanc exercitationem non frigus,  
 non æstus impedit, ne senectus quidem. Id  
 bonum cura, quod verustate fit melius. Ne-  
 que ego te iubeo semper imminere libro,  
 aut pugillaribus. dandum & aliquod in-  
 teruallum animo: ita tamen ut non resol-  
 uatur, sed remittatur. Gestatio & corpus  
 concutit, & studio non officit: possis le-  
 gere, possis dictare, possis loqui, possis au-  
 dire: quorum nihil nec ambulatio qui-  
 dem

dem vetat fieri . Nec tu intentionem vocis contempseris : quam veto te per gradus & certos modos attollere, deinde deprimere. Quòd si velis deinde quemadmodum ambules discere, admittes istos, quos noua artificia docuit fames : erit qui gradus tuos temperet , & buccas edentis obseruet , & intantum procedet, inquantum eius audaciam patientiæ lenitate produxeris. Quid ergo? à clamore protinus & à summa contentione vox tua incipiet? Vsq̃ue ad eò naturale est, paullatim incitari, vt litigantes quoque à sermone incipiant, ad vociferationem transeant. nemo statim Quiritium fidem implorat . Ergo vt cumque tibi impetus animi suaserit, modò vehementius fac vitij conuicium, modò lentius, prout vox quoq; te hortabitur & latens. Modesta, cùm receperis illam renocariq̃ue, descēdat, non decidat: moderatoris sui temperamentum habeat, nec indocto & rustico more descuiat. Non enim id agitur, vt exerceatur vox, sed vt exerceat. Detraxi tibi non pusillum negotium : mercedula, & munus gratum, ad hæc beneficia accedet. Ecce insigne præcepti. Stulti vita ingrata est, trepida est, tota in futurū fertur. Quis hæc, inquis, dicit? Idem qui supra. Quā tu nunc vitam dici existimas stultam? Babe & Ixionis? Non ita est . nostra dicitur: quos cæca cupiditas in nocitura, certè numquā satiatura, præcipitat: quibus si quid satis esse possit, fuisset: qui non cogitamus quā iucun-

iucundum sit nihil poscere,quàm magnificum sit plenum esse, nec ex fortuna pendere. Subinde itaque, Lucili, quàm multa sis consecutus, recordare: cùm adspexeris quot te antecedant, cogita quot sequantur. Si vis gratus esse aduersus deos, & aduersus vitam tuam, cogita quàm multos antecesseris. Quid tibi cum ceteris, te ipse antecessisti. finem constitue, quem transire ne possis quidem, si velis: discedet aliquando ista insidiosa bona, & sperantibus meliora, quàm assecutis. Si quid in illis esset solidi, aliquando & implerent: nunc haurientium sitim concitant, & inuitant speciosi apparatus. Quod futuri temporis incerta sors voluit, quare potius à fortuna impetrem, vt det, quàm à me, ne petam? Quare autem petā, oblitus fragilitatis humanæ? Cōgeram? in quid? laborē? ecce hic vltimus dies, vt nō sit, propè ab vltimo est.

EPIST. XVI. Liquere tibi hoc scio, Lucili, neminē posse beatè viuere, ne tolerabiliter quidem, sine sapientiæ studio: & beatam vitā perfectā sapientia effici, ceterum tolerabilem etiam inchoatā. Sed hoc, quod liquet, firmādum, & altius quotidiana meditatione figendum est. Plus operis est in eo, vt proposita custodias, quàm vt honesta proponas. Persenerandum est, & assiduo studio robur addendum, donec bona mens sit, quod bona voluntas est. Itaque tibi apud me pluribus verbis opus non est, aut affirmatis, aut tam longis: intelligo te mul-

multum profecisse. Quæ scribis, unde veniant scio: non sunt ficta, nec colorata. Dicam tamen quid sentiam. Iam de te spem habeo, nondum fiduciam. Tu quoque idem facias volo. non est quod tibi citò & faciliè credas: excute te, & variè scrutare, & obserua. Illud ante omnia vide, utrùm in Philosophia, an in ipsa vita proficeris. Non est philosophia populare artificium, nec ostentationi paratum: non in verbis, sed in rebus est. Nec in hoc adhibetur, vt aliqua oblectatione consumatur dies, vt dematur otio nausea: animū format & fabricat, vitam disponit, actiones regit, agenda & omittenda demonstrat, sedet ad gubernaculum, & per ancipitia fluctuantium dirigit cursum. sine hac nemo securus est. Innumerabilia accidunt singulis horis, quæ cōsiliū exigunt, quod ab hac petendum est. Dicit aliquis: Quid mihi prodest philosophia, si fatum est? quid prodest, si Deus rector est? quid prodest, si casus imperat? Nam & mutari certa non possunt, & nihil præparari potest aduersus incerta: si aut consiliū meum Deus occupauit, decreuitque quid facerem, aut consilio meo nil fortuna permittit. Quidquid est ex his, Lucili, vel si omnia hæc sunt, philosophandum est: siue nos inexorabili lege fata constringunt, siue arbiter Deus vniuersi cuncta disponit, siue casus res humanas sine ordine impellit & iactat, philosophia nos tueri debet. Hæc adhortabitur,



tabitur, vt Deo libenter pareamus, vt fortunæ contumaciter resistamus: hæc docebit vt Deum sequaris, feras casum. Sed non est nunc in hanc disputationem transendum, quid sit iuris nostri, si prouidentia in imperio est, aut si fatorum series illigatos trahit, aut si repentina, aut subita dominantur: illò nunc reuertor vt te moneam & exhorter, ne patiaris animum tuum delabi & refrigerescere. Constitue illum, & contine, vt habitus fiat quod est impetus. Iam ab initio, si benè te noui, circumspexisti ecquid hæc epistola munusculi attulerit: excute illam, & inuenies. Non est quòd mireris animum meum: adhuc de alieno liberalis sum. Quare autem alienum dixi? quidquid benè dictum est ab illo, meum est. Sic quoque quod ab Epicuro dictum est: Si ad naturam viues, numquam eris pauper: si ad opinionem, numquam diues. Exiguum natura desiderat, opinio immensum. Congeratur in te, quidquid multi locupletes possederunt: ultra priuatum pecuniæ modum fortuna te prouehat, auro tegat, purpura vestiat, & eò deliciarum opumque perducatur, vt terram marmoribus abscondas, & non tantum habere tibi liceat, sed calcare diuitias: accedant statuæ & picturæ, & quidquid ars vlla luxuriæ laborauit: maiora cupere ab his discas. Naturalia desideria finita sunt: ex falsa opinione nascètia, vbi desināt, non habet. nullus enim terminus falso est. Via

cunt aliquid extremum est: error immensus est. Retrahere à vanis: & cùm voles scire, quod petis, utrùm naturalem habeat, an cæcam cupiditatem, considera an possit alicubi consistere. Si longè progresso, semper aliquid longius restat; scito id naturale non esse.

EPIST. XVII. Preijce omnia ista, si sapias, imò vt sapias: & ad bonam mentem magno cursu, ac totis viribus, tende. Si quid est quo teneris, aut expedi, aut incide. Moratur, inquis, me res familiaris. sic illam disponere volo, vt sufficere nihil agenti possit: ne aut paupertas mihi oneri sit, aut ego alicui. Cum hæc dicis, non videris vim ac potentiam eius de quo cogitas boni nosse: & summam quidem rei peruides, quantum philosophia proficit; partes autem nondum satis subtiliter dispicis. Necdum scis, quantum ubiq; nos adiuuet: quemadmodum & in maximis (vt Ciceronis vtar verbis) opituletur, & in minima descendat. Mihi crede, aduoca illam in consilium: suadebit tibi, ne ad calculos sedeas. Nempe hoc quæris, & hoc ista dilatione vis consequi, ne tibi paupertas timenda sit. Quid si appetenda est? multis ad philosophandum obstitere diuitiæ; paupertas expedita est, secunda est. Cùm classicum cecinit, scit non se peti: cùm aliqua conclamatio est, quomodo exeat, non quid efferat, quærit. Si nauigandum est, non perstreperunt portus, nec vnus comitatu

mitatu inquieta sunt littora ; non circumstat illam turba feruorum , ad quos pascendos transmarinarum regionum est optanda fertilitas . Facile est pascere paucos vĕtres, & benè institutos, & nihil aliud desiderantes, quàm impleri . Paruo fames constat, magno fastidium. Paupertas contenta est desiderijs instantibus satisfacere. Quid est ergo, quare tu hanc recuses con-  
 tubernalem, cuius mores sanus diues imitatur ? Si vis valere animo , aut pauper sis oportet , aut pauperi similis . Non potest studium salutare fieri sine frugalitatis cura: frugalitas autem, paupertas voluntaria est. Tolle itaque istas excusationes: Quantum sat est , nondum habeo : si ad illam summam peruenero, tunc me totum philosophiæ dabo . Atqui nihil prius quàm hoc parandum est: quod tu differis, & post cetera paras: ab hoc incipiendum est . Parrare, inquis, vnde viuam, volo. Simul & parare discere. Si quid te vetat benè viuere, benè mori non vetat . Non est quòd paupertas nos à philosophia reuocet , ne egestas quidem: toleranda est enim ad hoc properantibus vel fames , quam tolerauere quidam in obsidionibus . Et quod aliud erat illius patientiæ præmium , quàm in arbitrium non cadere victoris ? quanto hoc maius est, quo promittitur perpetua libertas, nullius nec hominis , nec Dei timor ? Et quidē vel esurienti ad ista veniendum est . Perpeſſi sunt exercitus inopiam om-

nium rerum, vixerunt herbarum radicibus, & dictu foedam tulerunt famem. hæc omnia passi sunt pro regno (quò magis mireris) alieno: dubitabit aliquis ferre paupertatem, ut animum furoribus liberet? Non est ergo prius acquirendum. licet ad philosophiam etiam sine viatico peruenire. Ita est, cum omnia habueris, tunc & sapientiam habere voles. Hæc erit vltimum vitæ instrumentum, & (ut ita dicam) additamentum. Tu verò siue aliquid habes, iam philosophare: vnde enim scis, an iam nimis habeas? siue nihil, hoc prius quære, quam quidquam. At necessaria deerunt. Primum deesse non poterunt, quia natura minimum petit: naturæ autem se sapiens accommodat. Sed si necessitates vltimæ inciderint, iamdudum exsiliat è vita, & molestus sibi esse desinet. Si verò exiguum fuerit & angustū, quo possit vita produci: id boni consulat, nec ultra necessaria sollicitus aut anxius, ventri & scapulis suum reddet, & occupationes diuitum, concursationesque ad diuitias euntium, securus lætusque ridebit, ac dicet: Quid in longum ipse te differs? expectabisne fœnoris quæstum, aut ex merce compendium, aut tabulas beati senis, cum fieri possis statim diues? Repræsentat opes sapientia: quas cuicumque fecit superuacuas, dedit. Hæc ad alios pertinent: tu locupletibus propior es. Sæculum mutata, nimis habes. Inest omni sæculo, quod  
fat

fat est . Poteram hoc loco epistolam claudere , nisi te malè instituissem . Reges Parthos non potest quisquam salutare sine munere , tibi valedicere non licet gratis . Quid istuc? ab Epicuro mutuum sumam . Multis parasse diuitias , non finis miseriorum fuit , sed . mutatio . Non hoc miror . non est enim in rebus vitium , sed in ipso animo . Illud quod paupertatem grauem fecerat , & diuitias graues fecit . Quemadmodum nihil differt , vtrum ægrum in ligneo lecto , an in aureo colloques : quocumque illum transfuleris , morbum suum secum transfert : sic nihil refert , vtrum animus æger in diuitijs , an in paupertate ponatur . malum suum , illum sequitur .

EPIST. XVIII. December est mensis , cùm maximè ciuitas desudat . Ius luxuriæ publicè datum est : ingenti apparatu sonant omnia : tamquam quidquam inter Saturnalia intersit , & dies rerum agenda- rum . Adeò nihil interest , vt non videatur mihi errasse , qui dixit , olim mensem Decembrem fuisse , nunc annum . Si te hic haberem , libenter tecum conferrem quid existimares esse faciendum : vtrum nihil ex quotidiana consuetudine mouendum ; an ne dissidere videremur cum publicis moribus , & hilariùs cœnandum & exuendam togam . Nam quod fieri nisi in tumultu & tristi tempore ciuitatis non solebat , voluptatis causa ac festorum dierum vestem mutauimus . Si te benè no-

lenta, aut frustum hordeacei panis : sed summa voluptas est, posse capere etiam ex his voluptatem, & ad id se reduxisse, quod eripere nulla fortunæ iniquitas possit. Liberaliora sunt alimenta carceris: sepositos ad capitale supplicium, non tam angustè qui occisurus est, pascit. Quanta est animi magnitudo, ad id sua sponte descendere, quod nec ad extrema quidem redactis timendum sit? hoc est præoccupare tela fortunæ. Incipe ergo, mi Lucili, sequi horum consuetudinem, & aliquos dies destina, quibus secedas à tuis rebus, minimoque te facias familiarem. Incipe cum paupertate habere commercium.

*Aude hospes contemnere opes, & te quoque dignum*

*Finge Deo.*

Nemo alius est Deo dignus, quàm qui opes contempsit. quarum possessione tibi non interdico: sed efficere volo, ut illas intrepidè possideas. quod vno consequeris modo, si te etiam sine illis beatè victurum persuaseris tibi; si illas tamquam exituras semper adspexeris. Sed iam incipiamus epistolam complicare. Priùs, inquis, redde quod debes. Delegabo tibi Epicurum. ab illo fiet numeratio. Immodica ira gignit insaniam. Hoc quàm verum sit, necesse est scias, cùm habueris & ferum, & inimicum. In omnes personas hic exardescit affectus: tam ex amore nascitur, quàm ex odio: non minùs inter-

seria.

feria, quàm inter lusus & iocos. Nec interest, ex quàm magna causâ nascatur, sed in qualem perueniat animum. Sic ignis non refert quàm magnus, sed quò incidat. nam etiam maximum solida non receperunt: rursus arida, & corripì facilia, scintillam quoque fouent vsque in incendium. Ita est, mi Lucili, ingentis iræ exitus, furor est: & ideò ira viranda est, non moderationis causâ, sed sanitatis.

EPIST. XIX. Exsulto quotiens epistolas tuas accipio. implent enim me bona spe: iam non promittunt de te, sed spondent. Ita fac, oro atque obsecro: quid enim habeo melius, quod amicum rogem, quàm quod pro ipso rogaturus sum? si potes, subduc te istis occupationibus: si minùs, eripe. Satis multum temporis sparsimus, incipiamus in senectute vasa colligere. Numquid inuidiosum est? in freto viximus, moriamur in portu. Neque ego suaserim tibi nomen ex otio petere, quod nec iactare debes, nec abscondere. Nunquam enim vsq; eò te abigam, generis humani furere damnato: vt latebram tibi aliquam parari & obliuionē. yelim. id age, vt otium tuum non emineat, sed appareat. Deinde videbunt de isto, quibus integra sunt & propria consilia: an velint vitam per obscurum transmittere. tibi liberum non est. In medium te protulit ingenij vigor, scriptorum elegantia, clargæ & nobiles amicitiae. Tanta noticia te inua-

mentum est, verendumque, ne in contemptum nos invidiæ timor transferat: nedum calcari nolumus, videamur posse calcari. Multis timēdi attulit causas, timeri posse. Undiq; nos reducamus, nō minùs contempti quā suspici nocet. Ad philosophiam ergo confugiendum est. hę litterę, non dico apud bonos, sed apud mediocriter malos infularū loco sunt. Nā forensis eloquentia, & quęcumq; alia populum movent, aduersarium habent: hęc quieta, & sui negotij, contempti non potest: cui ab omnibus artibus, etiam apud pessimos honor est. Numquam in tantū conualescet nequitia, numquam sic cōtra virtutes coniurabitur, ut nō philosophiæ nomen venerabile & sacrum maneat. Ceterū philosophia ipsa tranquille modestęq; tractanda est. Quid ergo, inquis? videbitur tibi M. Cato modestē philosophari, qui bellum ciuile sentētia sua reprimi? qui furentiū principum armis mediis interuenit? qui alijs Pompeium offendentibus, alijs Cęsarem, simul laceffit duos? Potest aliquis disputare, an illo tēpore capessenda fuerit sapienti respublica. Quid tibi vis M. Cato? iam nō agitur de libertate; olim pessundata est: quęritur utrū Cęsar, an Pompeius possideat rempublicam. Quid tibi cum ista contentione? nullę partes tuę sunt: dominus eligitur. Quid tua; uter vincat? melior vincere non potest: potest esse peior, qui victus fuerit; non potest melior, qui vicerit. Vltimas partes atti-



gi Catonis : sed ne priores quidem anni fuerunt, qui sapientem in illam rapinam reipublicæ admitterent. Quid aliud quàm vociferatus est Cato, & milit irritas voces, cùm modò per populi leuatus manus, & obrutus spuitis, & portandus extra forum traheretur, modò è senatu in carcerē duceretur? Sed postea videbimus, an sapienti opera perdēda sit : interim ad hoste voco, qui à republica exclusi, secesserunt ad colendam vitam, & humano generi iura condenda, sine vlla potentioris offensa, Non contrahabit sapiens publicos mores, nec populum in se vitæ nouitate cōuertet, Quid ergo? utique erit tutus, qui hoc propositum sequetur? Promittere tibi hoc nō magis possum, quàm in homine temperante bonam valetudinem: & tamen facit temperantia bonā valetudinem. Perit aliqua nauis in portu: sed tu quid accidere in medio maris credis? Quanto huic periculum paratius foret, multa agenti, molientique, cui ne otium quidem tutum est? pereant aliquando innocentes: quis negat? innocentes tamen sepius. Ats ei constat, qui per ornamenta percussus est. Denique consilium omnium rerum sapiens, nō exitum spectat. Initia in potestate nostra sunt: de euentu fortuna iudicat, cui de me sententiam non do. At aliquid vexationis affert, aliquid aduersi. non damnatur latro, cùm occidit. Nūc ad quotidianam stipem manum porrigis. aurea te stipe implebo. Et  
quia

quia facta est auri mentio, accipe quem admodum usus fructusque eius tibi esse gravior possit. Is maxime diuitijs fruitur, qui minimè diuitijs indiget. Ede, inquis, auctorem. Vt scias quàm benigni simus, propositum est aliena laudare: Epicuri est, aut Mettrodori, aut alicuius ex illa officina. Et quid interest, quis dixerit? omnibus dixit. Qui eger diuitijs, timet pro illis: nemo autè sollicito bono fruitur. Adijcere illis aliquid studet, dū de incremento cogitat: oblitus est usus, rationes accipit, forum conterit, Kalendarium versat, sit ex domino procurator.

EPIST. XV. Mos antiquis fuit, vsque ad meam seruatus etatem, primis epistolę verbis adijcere: Si vales, benè est. Rectè & nos dicimus: Si philosopharis, benè est. Valere enim hoc demum est: sine hoc, æger est animus. Corpus quoque etiam si magnas habet vires, nō aliter quàm furiosus aut phrenetici, validum est. Ergo hanc valetudinem præcipuè cura, deinde & illam secundam: quæ non magno tibi constabit, si volueris benè valere. Stulta est enim, mi Lucili, & minimè cōueniens litterato viro, occupatio exercendi lacertos, & dilatandi ceruicem, ac latera firmandi. cū tibi feliciter sagina cesserit, & tori creuerint: nec vires vñquam opimi bouis, nec pondus æquabis. Adiice nunc, quòd maiore corporis sarcina animus eliditur, & minùs agilis est. Itaque, quantum potes, circumscribe corpus.

corpus tuum, & animo locum laxa. multa  
 sequuntur incommoda huic deditos cure.  
 Primum exercitationes, quarum labor spiritum  
 exhaurit, & inhabilem intentioni ac  
 studiis actioribus reddit: deinde, copia ci-  
 borum, subtilitas animi impeditur. Accedunt  
 pessimæ notæ mancipia in magisterium  
 recepta, homines inter oleum & vinum oc-  
 cupati: quibus ad votum dies est actus, si be-  
 nè desudauerunt, si in locum eius quod es-  
 fluxit, multum potionis alterius, ieiuno gut-  
 ture ingesserunt. Bibere & sudare, vita car-  
 diaci est. Sunt exercitationes & faciles &  
 breues, quæ corpus & sine mora laxent, &  
 tempori parcant: cuius præcipua ratio ha-  
 benda est. Cursus, & cum aliquo pondere  
 manus motæ, & saltus, vel ille qui corpus  
 in altum leuat, vel ille qui in longum mit-  
 tit, vel ille (vt ita dicam) Saliaris, aut (vt  
 contumeliosius dicam) fullonius. Quodli-  
 bet ex his elige, vso fit facile. Quidquid fa-  
 cies, citò redi à corpore ad animum, illum  
 diebus ac noctibus exerce. labore modico  
 alitur ille. Hanc exercitationem non frigus,  
 non æstus impiediet, ne senectus quidè. Id  
 bonum cura, quod vetustate fit melius. Ne-  
 que ego te iubeo semper imminere libro,  
 aut pugillaribus. dandum & aliquod in-  
 ternallum animo: ita tamen vt non resol-  
 uatur, sed remittatur. Gestatio & corpus  
 concutit, & studio non officit: possis le-  
 gere, possis dictare, possis loqui, possis au-  
 dire: quorum nihil nec ambulatio qui-  
 dem

dem vetat fieri . Nec tu intentionem vocis contempseris : quam veto te per gradus & certos modos attollere, deinde deprimere. Quòd si velis deinde quemadmodum ambules discere, admittes istos, quos noua artificia docuit fames : erit qui gradus tuos temperet , & buccas edentis obseruet , & intantum procedet, in quantum eius audaciam patientiæ lenitate produxeris. Quid ergo? à clamore protinus & à summa contentione vox tua incipiet? Vsq̃ue adeò naturale est, paullatim incitari, vt litigantes quoque à sermone incipiant , ad vociferationem transeant. nemo statim Quiritium fidem implorat . Ergo vtrumque tibi impetus animi suaserit , modò vehementius fac vitij conuicium, modò lentius , prout vox quoq; te hortabitur & latus. Modesta, cùm receperis illam reuocarisq̃ue, descendat , non decidat: moderatoris sui temperamentum habeat, nec indocto & rustico more desequiat. Non enim id agitur, vt exerceatur vox, sed vt exerceat. Detraxi tibi non pusillum negotium : mercedula , & munus gratum, ad hæc beneficia accedet. Ecce insigne præceptū. Stulti vita ingrata est, trepida est, tota in futurū fertur. Quis hæc, inquis, dicit? Idem qui supra. Quā tu nunc vitam dici existimas stultam? Babe & Ixionis? Non ita est . nostra dicitur: quos cæca cupiditas in nocitura, certè numquā satiatura, præcipitat: quibus si quid satis esse posset, fuisset: qui non cogitamus quàm iucun-

iucundum sit nihil poscere, quàm magnificum sit plenum esse, nec ex fortuna pendere. Subinde itaque, Lucili, quàm multa sis consecutus, recordare: cùm adspexeris quod te antecedant, cogita quot sequantur. Si vis gratus esse aduersus deos, & aduersus vitam tuam, cogita quàm multos antecesseris. Quid tibi cùm ceteris? te ipse antecessisti. finem constitue, quem transire ne possis quidem, si velis; discedet aliquando ista insidiosa bona, & sperantibus meliora, quàm assecutis. Si quid in illis esset solidi, aliquando & implerent: nunc haurientium sitim concitant, & inuitant speciosi apparatus. Quod futuri temporis incerta fors voluit, quare potius à fortuna impetrem, ut det, quàm à me, ne petam? Quare autem petā, oblitus fragilitatis humanę? Cōgeram? in quid? laborē? ecce hic ultimus dies, ut nō sit, propè ab ultimo est.

EPIST. XVI. Liquere tibi hoc scio, Lucili, neminē posse beatē viuere, ne tolerabiliter quidem, sine sapientiæ studio: & beatam vitā perfectā sapientia effici, ceterum tolerabilem etiam inchoata. Sed hoc, quod liquet, firmādum, & altius quotidiana meditatione figendum est. Plus operis est in eo, ut proposita custodias, quàm ut honesta proponas. Perseuerandum est, & affiduo studio robur addendum, donec bona mens sit, quod bona voluntas est. Itaque tibi apud me pluribus verbis opus non est, aut affirmatis, aut tam longis: intelligo te mul-

multum profecisse. Quæ scribis, unde veniant scio: non sunt ficta, nec colorata. Dicam tamen quid sentiam. Iam de te spem habeo, nondum fiduciam. Tu quoque idem facias volo. non est quod tibi cito & facile credas: excute te, & variè scrutare, & observa. Illud ante omnia vide: vtrum in Philosophia, an in ipsa vita proficeris. Non est philosophia populare artificium, nec ostentationi paratum: non in verbis, sed in rebus est. Nec in hoc adhibetur, vt aliqua oblectatione consumatur dies, vt dematur orio nausea: animû format & fabricat, vitam disponit, actiones regit, agenda & omittenda demonstrat, sedet ad gubernaculum, & per ancipitia fluctuantium dirigit cursum. sine hac nemo securus est. Innumerabilia accidunt singulis horis, quæ cõsiliû exigunt, quod ab hac petendum est. Dicit aliquis: Quid mihi prodest philosophia, si fatum est? quid prodest, si Deus rector est? quid prodest, si casus imperat? Nam & mutari certa non possunt, & nihil præparari potest aduersus incerta: si aut cõsiliû meum Deus occupauit, decreuitque quid facerem, aut cõsilio meo nil fortuna permittit. Quidquid est ex his, Lucili, vel si omnia hæc sunt, philosophandum est: siue nos inexorabili lege fata constringunt, siue arbiter Deus vniuersi cuncta disponit, siue casus res humanas sine ordine impellit & iactat, philosophia nos tueri debet. Hæc adheret  
tabitur,

tabitur, vt Deo libenter pareamus, vt fortunæ contumaciter resistamus: hæc docebit vt Deum sequaris, feras casum. Sed non est nunc in hanc disputationem transeundum, quid sit iuris nostri, si prouidentia in imperio est, aut si fatorum series illigatos trahit, aut si repentina, aut subita dominantur: illò nunc reuertor vt te moneam & exhorter, ne patiaris animum tuum delabi & refrigerescere. Constitue illum, & contine, vt habitus fiat quod est impetus. Iam ab initio, si benè te noui, circumspexisti ecquid hæc epistola munusculi attulerit: excute illam, & inuenies. Non est quòd mireris animum meum: adhuc de alieno liberalis sum. Quare autem alienum dixi: quidquid benè dictum est ab ullo, meum est. Sic quoque quod ab Epicuro dictum est: Si ad naturam viues, numquam eris pauper: si ad opinionem, numquam diues. Exiguum natura desiderat, opinio immensum. Congeratur in te, quidquid multi locupletes possederunt: ultra priuatum pecuniæ modum fortuna te prouehat, auro tegat, purpura vestiatur, & eò deliciarum opumque perducatur, vt terram marmoribus abscondas, & non tantum habere tibi liceat, sed calcare diuitias: accedant statuæ & picturæ, & quidquid ars vlla luxuriæ laborauit: maiora cupere ab his discas. Naturalia desideria finita sunt: ex falsa opinione nascētia, vbi defināt, non habēt. nullus enim terminus falso est. Via

eunti aliquid extremum est: error immensus est. Retrahete à vanis: & cùm voles scire, quod petis, utrùm naturalem habeat, an cæcam cupiditatem, considera an possit alicubi consistere. Si longè progresso, semper aliquid longius restat; scito id naturale non esse.

EPIST. XVII. Projice omnia ista, si sapias, imò ut sapias: & ad bonam mentem magno cursu, ac totis viribus, tende. Si quid est quo teneris, aut expedi, aut incide. Moratur, inquis, me res familiaris. sic illam disponere volo, ut sufficere nihil agenti possit: ne aut paupertas mihi oneri sit, aut ego alicui. Cum hæc dicis, non videris vim ac potentiam eius de quo cogitas boni nosse: & summam quidem rei pernides, quantum philosophia proferat; partes autem nondum satis subtiliter dispicis. Necdum scis, quantum ubiq; nos adiuvet: quemadmodum & in maximis (ut Ciceronis utar verbis) opituletur, & in minima descendat. Mihi crede, aduoca illam in consilium: suadebit tibi, ne ad calculos sedeas. Nempe hoc quæris, & hoc ista dilatione vis consequi, ne tibi paupertas timenda sit. Quid si appetenda est? multis ad philosophandum obstitere diuitiæ; paupertas expedita est, secunda est. Cùm classicum cecinit, scit non se peti: cùm aliqua conclamatio est, quomodo exeat, non quid efferat, quærit. Si nauigandum est, non perstreperunt portus, nec vnius comitatu



mitatu inquieta sunt littora ; non circumstat illam turba feruorum , ad quos pascendos transmarinarum regionum est optanda fertilitas . Facile est pascere paucos v̄etres, & benè institutos, & nihil aliud desiderantes, quàm impleri . Paruo fames constat, magno fastidium. Paupertas contenta est desiderijs instantibus satisfacere. Quid est ergo, quare tu hanc recuses contubernalem, cuius mores sanus diues imitatur ? Si vis vacare animo , aut pauper sis oportet, aut pauperi similis . Non potest studium salutare fieri sine frugalitatis cura: frugalitas autem, paupertas voluntaria est. Tolle itaque istas excusationes: Quantum sat est, nondum habeo : si ad illam summam peruenero, tunc me totum philosophiæ dabo . Atqui nihil prius quàm hoc parandum est: quod tu differs, & post cetera paras: ab hoc incipiendum est . Parare, inquis, vnde viuam, volo. Simul & parare discere. Si quid te vetat benè viuere, benè mori non vetat . Non est quòd paupertas nos à philosophia reuocet, ne egestas quidem: toleranda est enim ad hoc properantibus vel fames, quam tolerauere quidam in obsidionibus . Et quod aliud erat illius patientiæ præmium, quàm in arbitrium non cadere victoris ? quanto hoc maius est, quo promittitur perpetua libertas, nullius nec hominis, nec Dei timor ? Et quidē vel esurienti ad ista veniendum est . Perpeffi sunt exercitus inopiam om-

nium rerum, vixerunt herbarum radicibus, & dictu foedam tulerunt famem. hæc omnia passi sunt pro regno (quò magis mireris) alieno: dubitabit aliquis ferre paupertatem, vt animum furoribus liberet? Non est ergo prius acquirendum. licet ad philosophiam etiam sine viatico peruenire. Ita est, cum omnia habueris, tunc & sapientiam habere voles. Hæc erit vltimum vitæ instrumentum, & (vt ita dicam) additamentum. Tu verò siue aliquid habes, iam philosophare: vnde enim scis, an iam nimis habeas? siue nihil, hoc prius quære, quàm quidquam. At necessaria deerunt. Primum deesse non poterunt, quia natura minimum petit: naturæ autem se sapiens accommodat. Sed si necessitates vltimæ inciderint, iamdudum exsiliet è vita, & molestus sibi esse desinet. Si verò exiguum fuerit & angustū, quo possit vita produci: id boni consulat, nec vltra necessaria sollicitus aut anxius, ventri & scapulis suum reddet, & occupationes diuitum, concursationesque ad diuitias euntium, securus lætusque ridebit, ac dicet: Quid in longum ipse te differs? expectabisne fœnoris quæstum, aut ex merce compendium, aut tabulas beati senis, cum fieri possis statim diues? Repræsentat opes sapientia: quas cuiusque fecit superuacuas, dedit. Hæc ad alios pertinent: tu locupletibus propior es. Sæculum mutata, nimis habes. Inest omni sæculo, quod  
 fac

fat est. Poteram hoc loco epistolam claudere, nisi te malè instituissem. Reges Parthos non potest quisquam salutare sine munere, tibi valedicere non licet gratis. Quid istuc? ab Epicuro mutuum sumam: Multis parasse diuitias, non finis miseria- rum fuit, sed mutatio. Non hoc miror. non est enim in rebus vitium, sed in ipso animo. Illud quod paupertatem grauem fecerat, & diuitias graues fecit. Quemad- modum nihil differt, vtrum ægrum in li- gneo lecto, an in aureo colloques: quo- cumque illum transtuleris, morbum suum secum transfert: sic nihil refert, vtrum ani- mus æger in diuitijs, an in paupertate po- natur. malum suum, illum sequitur.

EPIST. XVIII. December est men- sis, cum maximè ciuitas desudat: Ius luxu- riæ publicè datum est: ingenti apparatu sonant omnia: tamquam quidquam inter Saturnalia intersit, & dies rerum agenda- rum. Adeò nihil interest, vt non videatur mihi errasse, qui dixit, olim mensẽ De- cembrem fuisse, nunc annum. Si te hic haberem, libenter tecum conferrem quid existimares esse faciendum: vtrum nihil ex quotidiana consuetudine mouendum; an ne dissidere videremur cum publi- eis moribus, & hilariùs cœuandum & exuendam togam. Nam quod fieri nisi in tumultu & tristi tempore ciuitatis non solebat, voluptatis causã ac festorum die- rum vestem mutauimus. Si te benè no-

ui, arbitri partibus functus, nec per omnia nos similes esse pilleatæ turbæ voluisses, nec per omnia dissimiles: nisi fortè his maxime diebus animo imperandum est, vt tunc voluptatibus solus abstineat, cum in illas omnis turba procubuit. Certissimum argumentum firmitatis suæ capit, si ad blanda & in luxuriam trahentia nec it, nec abducitur. Hoc multo fortius est, ebrio ac vomitante populo, siccum ac sobrium esse: illud temperatius, non excerpere se, nec insigniri, nec misceri omnibus: & eadem, sed non eodem modo, facere. Licet enim sine luxuria agere festum diem. Ceterum adeò mihi placet tentare animi tui firmitatem, vt ex præcepto magnorum virorum tibi quoque præcipiam: interponas aliquot dies, quibus contentus minimo ac vilissimo cibo, dura atque horrida veste, dicas tibi: Hoc est quod timebatur? In ipsa securitate animus ad difficilia se præparet, & contra iniurias fortunæ, inter beneficia firmetur. Miles in media pace decurrit sine vlllo hoste, vallum iacit, & superuacuo labore lassatur, vt sufficere necessario possit. Quem in ipsa re trepidare nolueris, ante rem exerce. Hoc secuti sunt, qui omnibus mensibus paupertatem imitati, propè ad inopiam accesserunt, ne vumquam expauescerent, quod sæpe didicissent. Non est nunc, quòd existimes me ducere te ad modicas cænas & pauperum cellas, & quidquid aliud est, per quod

quod luxuria diuiciarum tædio ludit. Gr-  
 batus ille verus sit, & sagum, & panis du-  
 rus ac sordidus. Hoc triduo & quadriduo  
 fer, interdum pluribus diebus: vt non lu-  
 sus sit, sed experimentum. Tunc mihi  
 crede, Lucili, exsultabis, dupondio satur,  
 & intelliges ad saturitatem non opus esse  
 fortuna: hoc enim quod necessitati sat est,  
 debet etiam irata. Non est tamen quare  
 tu multum tibi facere videaris: facies enim  
 quod multa millia seruorum, multa mil-  
 lia pauperum faciunt. Illo nomine te su-  
 spice, quod facies non coactus. Tam fa-  
 cile erit tibi illud pati semper, quàm ali-  
 quando experiri. Exerceamur ad palum:  
 & ne imparatos fortuna deprendat, fiat  
 nobis paupertas familiaris. Securius diui-  
 tes erimus, si scierimus quàm non sit gra-  
 ue pauperes esse. Certos habebat dies il-  
 le magister voluptatis: Epicurus, quibus  
 malignè famem exstingeret: visurus an  
 aliquid deesset ex plena & consummata  
 voluptate, vel quantum deesset, & an di-  
 gnum, quod quis magno labore pensa-  
 ret. hoc certè in his epistolis ait, quas scrip-  
 sit, Charino magistratu, ad Polyenum.  
 Et quidem gloriatur, non toto assè se pa-  
 fci: Metrodorum, qui nondum tantum  
 profecerit, toto. In hoc tu victu satura-  
 tatem non putas esse? Et volupras est. Vo-  
 luptas autem, non illa levis, & fugax,  
 & subinde reficienda, sed stabilis & cer-  
 ta. Non enim iucunda res est aqua & po-

lenta, aut frustum hordeacei panis : sed summa voluptas est, posse capere etiam ex his voluptatem, & ad id se reduxisse, quod eripere nulla fortunæ iniquitas possit. Liberaliora sunt alimenta carceris: sepositos ad capitale supplicium, non tam angustè qui occisurus est, pascit. Quanta est animi magnitudo, ad id sua sponte descendere, quod nec ad extrema quidem redactis timendum sit? hoc est præoccupare tela fortunæ. Incipe ergo, mi Lucili, sequi horum consuetudinem, & aliquos dies destina, quibus secedas à tuis rebus, minimoque te facias familiarem. Incipe cum paupertate habere commercium.

*Aude hospes contemnere opes, & te quoque dignum*

*Finge Deo.*

Nemo alius est Deo dignus, quàm qui opes contempsit. quarum possessione tibi non interdico: sed efficere volo, ut illas intrepidè possideas. quod vno consequeris modo, si te etiam sine illis beatè victurum persuaseris tibi; si illas tamquam exituras semper adspexeris. Sed iam incipiamus epistolam complicare. Priùs, inquis, redde quod debes. Delegabo tibi Epicurum. ab illo fiet numeratio. Immodica ira gignit insaniam. Hoc quàm verum sit, necesse est scias, cùm habueris & servum, & inimicum. In omnes personas hic exardescit affectus: tam ex amore nascitur, quàm ex odio: non minùs inter-

seria,

feria, quàm inter lusus & iocos. Nec interest, ex quàm magna causâ nascatur, sed in qualem perueniat animum. Sic ignis non refert quàm magnus, sed quò incidat. nam etiam maximum solida non receperunt: rursus arida, & corripì facilia, scintillam quoque fouent vsque in incendium. Ita est, mi Lucili, ingentis iræ exitus, furor est: & idèò ira vitanda est, non moderationis causâ, sed sanitatis.

EPIST. XIX. Exsulto quotiens epistolas tuas accipio. implent enim me bona spe: iam non promittunt de te, sed spondent. Ita fac, oro atque obsecro: quid enim habeo melius, quod amicum rogem, quàm quod pro ipso rogaturus sum? si potes, subduc te istis occupationibus: si minùs, eripe. Satis multum temporis sparsimus, incipiamus in senectute vasa colligere. Numquid inuidiosum est? in freto viximus, moriamur in portu. Neque ego suaserim tibi nomen ex otio petere, quod nec iactare debes, nec abscondere. Nunquam enim vsq; eò te abigam, generis humani furore damnato: vt latebram tibi aliquam parari & obliuionē velim. id age, vt otium tuum non emineat, sed appareat. Deinde videbunt de isto, quibus integra sunt & propria consilia: an velint vitam per obscurum transmittere. tibi liberum non est. In medium te protulit ingenij vigor, scriptorum elegantia, clares & nobiles amicitia, Tanta notitia te inuas-

sit, ut si in extrema mergaris, ac penitus  
 condaris, tamen priora te monstrabunt.  
 tenebras habere non potes: sequetur pri-  
 stinae lucis multum, quocumque fugeris.  
 Quietem potes vindicare, sine ullius odio,  
 sine desiderio, aut morsu animi tui. Quid  
 enim relinques, quod inuitus relictum à  
 te possis cogitare? clientes? quorum nemo  
 te ipsum sequitur, sed aliquid ex te. Ami-  
 cos? olim amicitia petebatur, nunc praeda.  
 Mutabunt testamenta destituti senes? mi-  
 grabit ad aliud limen saluator? non po-  
 test paruo res magna constare. Æstima  
 utrùm te relinquere, an aliquid ex tuis  
 malis. Utinam tibi quidem senescere con-  
 tigisset intra natalium tuorum modum,  
 nec te in altum fortuna misisset! Tulit te  
 longè à conspectu vitæ salubris rapida fe-  
 licitas, prouincia & procuratio, & quid-  
 quid ab istis promittitur: maiora deinde  
 officia te excipient, & ex alijs alia. Quis  
 exitus erit? quid exspectas, donec desinas?  
 habere, quod cupias? Numquam erit tem-  
 pus. Qualem dicimus esse seriem causa-  
 rum, ex quibus nequitur fatum, talem &  
 cupiditarum: altera ex fine alterius nasci-  
 tur. In eam demissus es vitam, quæ nun-  
 quam tibi miseriarum terminum ac ser-  
 uitutis ipsa factura sit. Subduc cervicem  
 iugo tritam. semel illam incidi, quàm  
 semper premi, satius est. Si te ad priuata  
 reruleris, minora erunt omnia, sed affatim  
 implebunt: at nunc plurima & vndique in-  
 gesta



gesta non satiant. Vtrum autem mauis, ex-  
 inopia saturitatem, an in copia famem? Et  
 auida felicitas est, & alienæ auiditati ex-  
 posita. Quamdiu tibi satis nihil fuerit, ip-  
 se alijs non eris. Quomodo, inquis, exhibeo?  
 utcumque. Cogita quàm multa temerè  
 pro pecunia, quàm multa laboriosè pro  
 honore tentaueris: aliquid & pro otio au-  
 dendum est, aut in ista sollicitudine pro-  
 curationum, & deinde urbanorum officio-  
 rum, senescendum in tumultu, ac semper  
 nouis fluctibus, quos effugere nulla mo-  
 destia, nulla vitæ quiete contingit. Quid  
 enim ad rem pertinet, an tu quiescere ve-  
 lis? fortuna tua non vult. Quid si illi etiam  
 nunc permiseris crescere? quantum ad  
 successum accesserit, accedet ad merum.  
 Volo tibi hoc loco referre dictum Mecæ-  
 natis. vera in ipso eculeo docuit. Ipsa  
 enim altitudo attonat summa. Si quæris,  
 in quo libro dixerit, in eo qui Prometheus  
 inscribitur: hoc voluit dicere, attonita ha-  
 bet summa. Est ergo tanti vlla potentia,  
 ut sit tibi tam ebrius sermo? Ingeniosus  
 vir ille fuit, magnum exemplum Romanæ  
 eloquentiæ daturus, nisi illum eneruasset  
 felicitas, imò castrasset. Hic te exitus  
 manet, nisi iam contrahas vela, nisi (quod  
 ille serò voluit) terram leges. Poteram te-  
 cum & hac Mecænatis sententia parem fa-  
 cere rationem: sed mouebis mihi contro-  
 uersiam, si te noui, nec voles quod debeo,  
 in aspero & probo accipere. Ut se res ha-

bet, ab Epicuro versura facienda est. Antè, inquit, circumspiciendum est, cum quibus edas & bibas, quàm quid edas & bibas. Nam sine amico visceratio, leonis ac lupi vita est. Hoc non continget tibi, nisi secesseris: alioquin habebis conuiuias, quos ex turba salutantium nomenclator digesserit. Errat autem qui amicum in atrio quærit, in conuiuium probat. Nullum habet maius malum occupatus homo, & bonis suis obsessus. quàm quòd amicos sibi putat, quibus ipse non est: quòd beneficia sua efficacia iudicat ad conciliandos amicos, cum quidam, quò plus debent, magis oderint. Leue æs alienum debitorem facit; graue inimicum. Quid ergo? beneficia non parant amicitias? parant, si accepturos licuit eligere; si collata, non sparsa sunt. Itaque dum incipis esse mentis tuæ, interim hoc consilio sapientum vtere, vt magis ad rem existimes pertinere, quis, quàm quid acceperit.

EPIST. XX. Si vales, & te dignum putas qui aliquando fias tuus, gaudeo. mea enim gloria erit, si te istinc vbi sine spe exeundi fluctuaris, extraxero. Illud autem, mi Lucili, te rogo atque horro, vt philosophiam in præcordia ima demittas, & experimentum tui profectus capias, non oratione, nec scripto: sed animi firmitate, & cupiditatum diminutione. Verba rebus proba. Aliud propositum est declamantibus, & assensionem coronæ captant.

captantibus, aliud his qui iuuenum & otiosorum aures disputatione varia aut volubili detinent. Facere docet philosophia, non dicere: & hoc exigit, vt ad legem suam quisque viuat, ne orationi vita dissentiat, vt ipsa inter se vita vnus, sine actionum dissensione, coloris sit. Maximum hoc est & officium sapientiæ, & indicium, vt verbis opera concordent, vt & ipse vbique par sibi idemque sit. Quis hoc præstabit? pauci, aliqui tamen. Est difficile hoc: nec dico sapientem semper vno iturum gradu, sed vna via. Obserua itaque, numquid vestis tua domusque dissentiant: numquid in te liberalis sis, in tuos fordidus: numquid cænes frugaliter, ædifices luxuriosè. Vnam semel, ad quam viuas, regulam prende, & ad hanc omnem vitam tuam exæqua. Quidam se domi contrahunt, dilatant foris & extendunt. Vitium est hæc diuersitas, & signum vacillantis animi, ac nondum habentis tenorem suum. Etiamnum dicam vnde sit ista inconstantia, & dissimilitudo rerum consiliorumque. Nemo proponit sibi quid velit, nec si proposuit, perseverat in eo, sed trāsilit: nec tantum mutat, sed redit, & in ea quæ deseruit ac damnauit, reuoluitur. Itaq; vt relinquam definitiones sapientiæ veteres, & totum complectar humanæ vitæ modum, hac possum contentus esse: Quid est sapientia? Semper idem velle atque idem nolle. Licet illam.

illam exceptiunculam non adicias , vt rectum sit, quod velis . Non potest cuiquam semper idem placere , nisi rectum . Nesciunt ergo homines, quid velint , nisi illo momento, quo volunt. in totum, nulli vel-  
le, aut nolle decretum est . Variatur quo-  
tidie iudicium , & in contrarium vertitur :  
ac plerisque agitur vita per lusum . Preme  
ergo quod cœpisti : & fortasse perduceris  
aut ad summum , aut eò quod summum  
nondum esse solus intelligas . Quid fiet ,  
inquis , huic turbæ familiarium ? Turba  
ista cùm à te pasci desierit , ipsa se pascet :  
aut quod tu beneficio tuo non potes scire ,  
paupertatis scies. Illa veros certosque ami-  
cos retinebit : discedet, quisquis non te, sed  
aliud sequebatur . Non est autem vel ob  
hoc vnum amanda paupertas, quòd à qui-  
bus ameris, ostendit ? O quando ille veniet  
dies , quo nemo in honorem tuum men-  
tiatur ! Huc ergo cogitationes tuæ ten-  
dant, hoc cura, hoc opta , omnia alia vota  
Deo remissurus , vt contentus sis temetip-  
so & ex te nascentibus bonis . Quæ potest  
esse, felicitas Deo propior ? Redige te ad  
parua, ex quibus cadere non possis : idque  
vt libentiùs facias, ad hoc pertinebit tribu-  
tum epistolæ huius, quod statim confe-  
ram . Inuideas licet : etiam nunc libenter  
pro me dependet Epicurus . Magnificen-  
tior ( mihi crede ) sermo tuus in grabato  
videbitur & in panno , non enim dicentur  
tantùm illa , sed probabuntur . Ego certè  
aliter

aliter audio quæ dicit Demetrius noster ,  
 cum illum vidi nudum , quanto minus  
 quam stramentis incubantem ? tunc enim  
 non præceptor veri , sed testis est. Quid er-  
 go ? non licet diuitias in sinu positas con-  
 temnere ? Quid ni liceat ? & ille ingentis  
 animi est , qui illas circumfusas sibi mul-  
 tum diuque miratus, quod ad se venerint,  
 ridet, suasque audit magis esse quam sen-  
 tit . Multum est , non corrumpi diuitia-  
 rum contubernio . Magnus est ille qui in  
 diuitijs pauper est : sed securior , qui caret  
 diuitijs . Nescio , inquis , quomodo iste  
 paupertatem laturus sit , si in illam inci-  
 derit . Nec ego Epicuri angelus scio , an  
 pauper iste contempturus sit diuitias, si in  
 illas inciderit . Itaque in utroque mens æsti-  
 manda est, inspiciendumque, an ille pau-  
 pertati indulgeat, an hic diuitijs non indul-  
 geat . Alioquin leue argumentum est bo-  
 næ voluntatis grabatus, aut pannus, nisi ap-  
 paruit aliquæ illa non necessitate pati , sed  
 malle. Ceterum magnæ indolis est, ad ista  
 non properare tamquam ad meliora , sed  
 præparare tamquam ad facilia. Et sunt, Lu-  
 cili, facilia : cum verò multò antè medita-  
 tus accesseris, iucunda quoque. Inest enim  
 illis , sine qua nihil est iucundum , securi-  
 tas. Necessarium ergo iudico id quod tibi  
 scripsi magnos viros sæpè fecisse , aliquos  
 dies interponere , quibus nos imaginaria  
 paupertate exerceamus ad veram: quod eò  
 magis faciendum est, quod delicijs per-  
 madui-

mauimus, & omnia dura ac difficilia iudicamus: Potius excitandus è somno, & vellicandus est animus, admonendusque naturam nobis minimum constituisse. Nemo nascitur diues. quisquis exit in lucem, iussus est lacte & panno esse contentus. ab his initiis nos regna non capiunt.

EPIST. XXI: Cum istis negotium tibi esse iudicas, de quibus scripseras? maximum negotium tecum habes: tu tibi molestus es. Quid velis, nescis: melius probas honesta, quam sequeris: vides vbi sit posita felicitas, sed ad illam peruenire non audes. Quid sit autem quod te impediat, quia parum ipse dispicis, dicam. Magna hæc esse existimas, quæ relicturus es: & cum proposuisti tibi illam securitatem, ad quam transitorus es, retinet te huius vitæ, à qua recessurus es, fulgor, tamquam in sordida & obscura casurum. Erras Lucili: ex hac vita ad illam ascenditur. Quod interest inter splendorem & lucem, cum hæc certam originem habeat ac suam, ille niteat alieno: hoc inter hanc vitam, & illam. Hæc, quia fulgore extrinsecos veniente percussa est, crassam illi statim umbram faciet quisquis obstiterit: illa verò suo lumine illustris est. Studia te tua clarum & nobilem efficient. Exemplum Epicuri referam. cum Idomeneo scriberet, & illum à vita speciosa ad fidelem stabilemque glo-

gloriam reuocaret, rigida tunc potentia  
 ministrum, & magna tractantem: Si glo-  
 ria, inquit, tangeris, notiozem te episto-  
 læ meæ facient, quàm omnia ista quæ co-  
 lis, & propter quæ coleris. Numquid er-  
 go mentitus est? quis Idomeneia nosset,  
 nisi Epicurus illum suis litteris incidisset?  
 Omnes illos megistanas & satrapas, & re-  
 gem ipsum, ex quo Idomenei titulus pe-  
 tebatur, obliuio alta suppressit. Nomen  
 Attici perire Ciceronis epistolæ non si-  
 nunt. nihil illi profuisset gener Agrippa,  
 & Tiberius progener, & Drusus Cæsar  
 pronepos: inter tam magna nomina tace-  
 retur, nisi Cicero illum applicuisset.  
 Profunda supra nos altitudo temporis ve-  
 nient, pauca ingenia caput exferent, &  
 in idem quandoque silentium abitura  
 obliuioni resistent, ac se dit vindicabunt.  
 Quod Epicurus amico suo potuit promit-  
 tere, hoc tibi promitto, Lucili. Habe-  
 bo apud posteros gratiam, possum me-  
 cum duratura nomina educere. Virgilius  
 noster duobus memoriam æternam pro-  
 misit, & præstat.

*Fortunati ambo, si quid mea carmina  
 possunt.*

*Nulla dies umquam memori vos exi-  
 met aeo.*

*Dum domus Aeneæ Capitoli immo-  
 bile saxum*

*Accolet, imperiumq; pater Romanus  
 habebit.*

Quam

Quoscumque in medium fortuna protulit, quicumque membra ac partes alienæ potentia fuerant, horum gratia vixit, domus frequentata est, dum ipsi steterunt: post ipsos citò memoria defecit. Ingeniorum crescit dignatio: nec ipsis tantum habetur, sed quidquid illorum memoriz adhæsit, excipitur. Ne gratis Idomeneus in epistolam meam venerit, ipse eam de suo redimet. Ad hunc Epicurus illam nobilem sententiam scripsit, qua hortatur ut Pythoclea locuplerem, non publica, nec ancipiti via faciat. Si vis, inquit, Pythoclea diuitem facere, non pecuniæ adiiciendum, sed cupiditatibus detrahendum est. Et apertior ista sententia est, quàm ut interpretanda sit, & disertior quàm ut adinuanda. Hoc vnum te admoneo, ne istud tantum existimes de diuitijs dictum: quocumque transtuleris, idem poterit. Si vis Pythoclea honestum facere, non honoribus adiiciendum est, sed cupiditatibus detrahendum. Si vis Pythoclea esse in perpetua voluptate, non voluptatibus adiiciendum est, sed cupiditatibus detrahendum. Si vis Pythoclea senem facere, & implere vitam, non annis adiiciendum est, sed cupiditatibus detrahendum. Has voces non est quòd Epicuri esse iudices, publicæ sunt. Quod fieri in senatu solet, faciendum ego in philosophia quoque existimo. cum censuit aliquis, quod ex parte mihi placeat: iubeo illum diuidere sen-

sen-



sententiam, & sequor. Eò libentiùs Epicuri egregia dicta commemoro, ut istis qui ad illa confugient, spe mala inducti, qui velamentum seipsos suorum vitiorum habituros existimant, probem, quocumque ierint, honestè esse viuendum. Cùm adierint hos hortulos & inscriptum hortulis, Hospes hic benè manebis, hic summum bonum voluptas est: paratus erit istius domicilij custos, hospitalis, humanus, & te polenta excipiet, & aquam quoque largè administrabit; & dicet: Ecquid benè acceptus es? Non irritant, inquam, hi hortuli famè, sed extinguunt: nec maiorem ipsis potionibus sitim faciunt, sed naturali & gratuito remedio sedant. In hac voluptate consenui. de his tecum desiderijs loquor, quæ consolationem non recipiunt, quibus dandum est aliquid ut desinant. Nam de illis extraordinarijs quæ licet differre, licet castigare & opprimere, hoc vnum commonefaciam, Ista voluptas non naturalis est, non necessaria: huic nihil debes. si quid impendis, voluntarium est. Venter præcepta non audit, poscit, appellat. non est tamen molestus creditor, paruo dimittitur: si modò das illi quod debes, non quod potes.

EPIST. XXII. Iam intelligis educendum esse te ex istis occupationibus, speciosis & malis: sed quomodo id consequi possis, quæris. Quædam non nisi à præsen-

te

te monstrantur. Non potest medicus per epistolas cibi, aut balnei, tempus eligere: vena tangenda est. Vetus prouerbum est, Gladiatorem in arena capere consilium. Aliquid aduersarij vultus, aliquid manus mora, aliquid ipsa inclinatio corporis, intuentem monet. Quid fieri soleat, quid oporteat, in vniuersum & mandari potest, & scribi: tale consilium non tantum absentibus, sed etiam posteris datur. illud alterum quando fieri debeat, aut quemadmodum, ex longinquo nemo suadebit: cum rebus ipsis deliberandum est. Non tantum præsentis, sed vigilantis est, occasionem obseruare properantem. Itaque hanc circumspecte: hanc si videris, prende: & toto impetu, totis viribus id age, vt te istis officijs exuas. Et quidem quam sententiam feram, attende. Censeo aut ex ista vita tibi, aut è vita exeundum. Sed illud idem existimo, leui eundum via: vt quod malè implicuisti, soluas potiùs quàm abrumpas. dummodo, si alia soluendi ratio non erit, vel abrumpas. Nemo tam timidus est, vt malit semper pendere, quàm semel cadere. interim, quod primum est, impedire te noli, contentus esto negotijs, in quæ descendiisti, vel quod videri mauis, incidisti. Non est quòd ad vltiora nitaris. aut perdes excusationem, & apparebit te non incidisse. Ista enim quæ dici solent, falsa sunt. Non potui aliter. Quid si nollem? necesse erat.

erat. Nulli necesse est, felicitatem cursu  
 sequi: est aliquid, etiam si non repugna-  
 re, subsistere, nec instare fortunæ fe-  
 renti. Numquid offenderis, si in consi-  
 lium non venio tantum, sed aduoco? &  
 quidem prudentiores quàm ipse sum, ad  
 quos soleo referre, si quid delibero. Epi-  
 curi epistolam ad hanc rem pertinentem  
 legi, Idomeneo quæ scribitur. quem ro-  
 gat, ut quantum potest fugiat & properet,  
 antequam aliqua vis maior interueniat, &  
 auferat libertatem recedendi. Idem ta-  
 men subiicit, nihil esse tentandum, nisi  
 cum aptè poterit tempestiveque tentari:  
 sed cum illud tempus diu captatum vene-  
 rit, exsiliendum ait. Dormitare de fuga  
 cogitantem vetat, & sperat etiam ex diffi-  
 cillimis salutarem exitum: si nec propere-  
 mus ante tempus, nec cessemus in tempo-  
 re. Puto nunc & Stoicam sententiam que-  
 ris. non est quòd quisquam illos apud te  
 temeritatis infamet: cautiore quàm for-  
 tiores sunt. Exspectas forsitan, ut tibi hec  
 dicantur? Turpe est cedere oneri: luctare  
 cum officio, quod semel recepit. Non est  
 vir fortis & strenuus, qui laborem fugit:  
 verum ibi crescit illi animus, ipsa rerum  
 difficultate. Dicentur tibi ista, si operæ-  
 pretium habebit perseuerantia, si nihil in-  
 dignum bono viro faciendum patiendum-  
 ve erit: alioquin sordido se & contumelio-  
 so labore non conteret, nec in negotiis  
 erit negotij causa. Ne illud quidem,  
 quod

quod existimas eum facturum, faciet, et  
ambitiosis rebus implicitus, earum sem-  
per æstus ferat. Sed cum videbit breuia in  
quibus volutatur, incerta, ancipitia: repe-  
tet pedem, nec vertet terga, sed sensim re-  
cedet in tutum. Facile est autem, mi Luci-  
li, occupationes euadere, si occupationum  
pretia contempseris. illa sunt, quæ nos  
morantur & detinent. Quid ergo? tam  
longas spes relinquam? ab ipsa messe di-  
scedam? nudum erit latus? incommutata le-  
ctica? atrium vacuum? Ab his ergo inui-  
ti homines recedunt, & mercedem mise-  
rariarum amant, ipsas execrantur. Sic de  
ambitione, quomodo de amica querun-  
tur, id est, si verum affectum eorum in-  
spicias, non oderunt, sed litigant. Excu-  
te istos, qui quæ cupiere, deplorant, & de  
earum rerum loquuntur fuga, quibus ca-  
rere non possunt: videbis voluntariam ef-  
se illis in eo moram, quod ægrè ferre ip-  
sos & miserè, loquuntur. Ita est, mi Lu-  
cili, paucos seruitus, plures seruitutem te-  
nent. Sed si deponere illam in animo est,  
& libertas bona fide placuit: in hoc autem  
vnum aduocationem petis, ut sine perpe-  
tua sollicitudine id tibi facere contingat:  
quid ni te tota cohors Stoicorum probatu-  
ra sit? Omnes Zenonès & Chrysippi mo-  
derata, & honesta, & vera suadebunt. Sed  
si propter hoc tergiversaris, ut circumspi-  
cias, quantum feras tecum, & quàm ma-  
gna pecunia instruas otium: numquam  
exitum

exitum inuenies. Nemo cum sarcinis ena-  
 at. Emerge ad meliorem vitam; propi-  
 tijs dijs. sed non sic, quo modo istis pro-  
 pitij sunt, quibus bono ac benigno vultu  
 mala magnifica tribuerunt: ab hoc vno  
 excusati, quòd ista quæ vrunt, quæ excru-  
 ciant, optantibus data sunt. Iam imprime-  
 bam epistolæ signum: resoluenda est, vt  
 cum sollenni ad te munusculo veniat, &  
 aliquam magnificam vocem secum ferat.  
 & ecce occurrit mihi nescio vtrum verior,  
 an eloquentior. cuius? inquis. Epicuri.  
 adhuc enim alienas sarcinas adorno. Ne-  
 mo non ita exit è vita, tamquam modò in-  
 trauerit. Quemcunque vis occupà, adole-  
 scentem, senem, medium: inuenies æquè  
 timidum mortis, æquè inscium vitæ. ne-  
 mo quidquam habet facti. in futurum  
 enim nostra distulimus. Nihil me magis  
 in ista voce delectat, quàm quòd expro-  
 bratur senibus infantia. Nemo, inquit, ali-  
 ter, quàm quomodo natus est, exit è vita.  
 Falsum est, peiores morimur, quàm nasci-  
 mur. Nostrum istud, non naturæ vitium  
 est. illa de nobis conqueri debet, & dice-  
 re: Quid hoc est? sine cupiditatibus vos ge-  
 nui, sine timoribus, sine superstitione, sine  
 perfidia, ceterisque pestibus. quales in-  
 trastis, exite. Percepit sapientiam, si quis  
 tam securus moritur, quàm nascitur. Nunc  
 verò trepidamus, cum periculum accessit:  
 non animus nobis, non color constat: lacri-  
 me nihil profuturæ cadunt. Quid est turpius,  
 quàm

quàm in ipso limine securitatis esse sollicitum? Causa autem hæc est, quòd inanes omnium bonorum sumus, quorum in fine vitæ desiderio laboramus. Non enim apud nos, pars eius vlla subsedit. transmissa est & effluxit. Nemo quàm benè viuat, sed quàm diu, curat: cùm omnibus possit contingere, vt benè viuant; vt diu, nulli.

EPIST. XXIII. Putas me tibi scripturum, quàm humanè nobiscum hiems egerit, quæ & remissa fuit, & brevis: quàm malignum ver sit, quàm præpotterum frigus, & alias ineptias verba quærentium. Ego verò aliquid, quod & mihi & tibi prodesse possit, scribam. Quid autem id erit, nisi vt te exhorter ad bonam mentem? Huius fundamentum quod sit quæris? ne gaudeas vanis. Fundamentum hoc esse dixi: culmen est. Ad summa peruenit, qui scit quo gaudeat, qui felicitatem suam in aliena potestate non posuit. Sollicitus est, & incertus sui, quem spes aliqua proritat: licet ad manum sit, licet non ex difficili petatur, licet illum numquam sperata deceperint. Hoc ante omnia fac, mi Lucili, disce gaudere. Existimas me nunc detrahere tibi multas voluptates, qui fortuita submoueo, qui spes, dulcissima oblectamenta, deuittādas existimo? imò contrà nolo tibi vnquam deesse lætitiā. volo illam tibi domi nasci: nascitur, si modò intra te ipsum sit. Ceteræ hilaritates non implent pectus, sed frontem remittunt,

tunt, leues sunt: nisi fortè tu iudicas illum gaudere, qui ridet. Animus debet esse alacer & fidens, & super omnia erectus. Mihi crede, res seuera est verū gaudium. An tu existimas quenquam soluto vultu, & vt isti delicati loquuntur, hilari oculo mortem contemnere? paupertati domum aperire? voluptates tenere sub freno? meditari dolorum patientiam? Hæc qui apud se versat, in magno gaudio est, sed parum blando. In huius gaudij possessione esse te volo. nunquam deficiet, cum semel vnde petatur inueneris. Leuium metallorum fructus in summo est: illa opulentissima sunt, quorum in alto latet vena, assidue plenius responsura fodienti. Hæc quibus delectatur vulgus, tenuem habent ac perfusoriam voluptatem: & quodcumque inuectitium gaudium est, fundamento caret. Hoc de quo loquor, ad quod te conor perducere, solidum est, & quod plus pateat introrsus. Fac, oro te, Lucili carissime, quod vnum potest te præstare felicem. disijce & conculca ista quæ extrinsecus splendent, quæ tibi promittuntur ab alio: ad verum bonum specta, & de tuo gaude. Quid est autem hoc? de te ipso, & tui optima parte. Corpusculum quoque, etiā si nihil fieri sine illo potest, magis necessaria rem crede, quàm magnam. Vanas suggerit voluptates, breues, pænitendas, ac nisi magna moderatione temperentur in contrarium abituras. Ita dico, in præcipiti

est voluptas, ad dolorem vergit, nisi modum teneat: modum autem tenere in eo difficile est, quod bonum esse credideris. Veri boni auiditas, tuta est. Quid sit istud, interrogas, aut vnde subear? dicam. Ex bona conscientia, ex honestis consilijs, ex rectis actionibus, ex contemptu fortuitarum, ex placido vitæ & continuo tenore vnam premenris viam. Nam illi qui ex alijs propositis in alia transfiliunt, aut ne transfiliunt quidem, sed casu quodā transmittuntur, quomodo habere quidquam certum mansurumvè possunt, suspensi & vagi? Pauci sunt, qui consilio se suaquæ disponant: ceteri eorum more quæ fluminibus innatant, non eunt, sed feruntur. Ex quibus alia lenior vnda detinuit, ac molliùs vexit: alia vehementior rapuit; alia proximè ripam, cursu languescente, deposuit; alia torrens impetus eiecit in mare. Ideò constituendum est, quid velimus, & in eo perseverandum. Hic est locus soluendi æris alieni. Possum enim vocem tibi Epicuri tui reddere, & hanc epistolam liberare. Molestum est, semper vitam inchoare. aut si hoc modo magis sensus potest exprimi: Malè viuunt qui semper viuere incipiunt. Quare, inquis? desiderat enim explanationē ista vox. Quia semper illis imperfecta vita est. non potest autem stare paratus ad mortē, qui modò incipit viuere. Id agendum est, vt satis vixerimus: nemo hoc putat, qui orditur cum maximè vitam.

Non



Non est quòd existimes, paucos esse hos. propemodum omnes sunt. Quidam viuere tunc incipiunt, cum desinendum est. si hoc iudicas mirum, adijciam quod magis admireris: quidam antè viuere defecerunt, quàm inciperent.

EPIST. XXIV. Sollicitum te esse scribis de iudicij euentu, quod tibi furor inimici denunciat, & existimas me suafurum vt meliora tibi ipsi proponas, & acquiescas spei blandæ. Quid enim necesse est mala accersere, & satis citò patienda cum venerint, præsumere, ac præsens tempus futuri metu perdere? Est sine dubio stultum; quia quandoque sis futurus miser, esse iam miserum. Sed ego alia te ad securitatem via ducam. Si vis omnem sollicitudinem exuere, quidquid vereris ne eueniat, euenturum vtique propone: & quodcumque illud est malum, tecum ipse metire, ac timorem tuum taxa. intelliges profectò aut non magnum, aut non longum esse, quod metuis. nec diu exempla, quibus confirmeris, colligenda sunt: omnis illa ætas tulit. In quamcunque partem rerum, vel ciuilium, vel externarum, memoriam miseris; occurrent tibi ingenia, aut profectus, aut impetus magni. Numquid accidere tibi, si damneris, potest durius, quàm vt mittaris in exilium? vt ducaris in carcerem? numquid vltra quidquam timendum est vlli, quàm vt vratur? quàm vt pereat? Singula ista constitue,

& contemptores eorum cita, qui non quaerendi, sed eligendi sunt. Damnationem suam Rutilius sic tulit, tamquam nihil illi molestum esset aliud; quàm quòd malè iudicaretur. Exsilium Metellus fortiter tulit, Rutilius etiam libenter. alter, ut rediret Reipub. præstitit: alter reditum suum Sullæ negavit, cui nihil tunc negabatur. In carcere Socrates disputavit, & exire (cùm essent qui promitterent fugam) noluit: remansitque, ut duarum rerum gravissimarum hominibus metum demeret, mortis & carceris. Mucius ignibus manum imposuit. Acerbum est vti: quanto acerbius si id te faciente patiaris? Vides hominem non eruditum, nec ullis præceptis contra mortem aut dolorem subornatum, militari tantum robore instructum, poenas à se irriti conatus exigentem. Spectator distillantis in hostili foculo dextræ stetit, nec antè remouit nudis ossibus fluentem manum, quàm ignis illi ab hoste subductus est. Facere aliquid in illis castris felicius potuit, nihil fortius. Vide quanto acrior sit ad occupanda pericula virtus, quàm crudelitas ad irroganda. Faciliùs Porfena Mucio ignovit, quòd voluerat occidere; quàm sibi Mucius, quòd non occiderit. Decantatæ, inquis, in omnibus scholis fabulæ istæ sunt. iam mihi, cùm ad contemnendam mortem ventum fuerit, Catonem narrabis. Quid ni ego narrem, vltima

ma illa nocte Platonis librum legentem, posito ad caput gladio? duo hæc in rebus extremis instrumenta prospexerat, alterum ut vellet mori, alterum ut posset. Compositis ergo rebus, utcumque componi fractæ atque ultimæ poterant, id agendum existimauit, ne cui Catonem aut occidere liceret, aut seruare contingeret. & stricto gladio, quem usque in illum diem ab omni cæde purum seruauerat; Nihil, inquit, egisti fortuna, omnibus conatibus meis obstando. non pro mea adhuc, sed pro patriæ libertate pugnaui: nec agebam tanta pertinacia, ut liber, sed ut inter liberos viuerem: nunc quoniam deploratæ sunt res generis humani, Cato deducatur in tutum. Impresfit deinde mortiferum corpori vulnus: quo obligato à medicis, cum minus sanguinis haberet, minus virium, animi idem, iam non tantum Cæsari, sed sibi iratus, nudas in vulnus manus egit, & generosum illum contemptoremque omnis potentia spiritum non emisit, sed eiecit. Non in hoc exempla hæc nunc congero, ut ingenium exerceam, sed ut te aduersus id quod maximè terribile videtur, exhorter. Facilius autem exhortabor, si ostendero, non tantum fortes viros hoc momentum efflandæ animæ contempsisse: sed quosdam ad alia ignauos, in hac re exæquasse animum fortissimorum. sicut illum, Cn. Pompeij socerum, Scipionem, qui

contrario in Africam vento relatus, cū teneri nauem suam videret ab hostibus, ferro se transuerberauit, & quærentibus vbi Imperator esset: Imperator, inquit, benè se habet. Vox hæc illum parem maioribus fecit, & fatalē Scipionibus in Africa gloriam non est interrumpi passa. Multum fuit Carthaginem vincere, sed amplius mortem. Imperator, inquit, benè se habet. An aliter debebat Imperator, & quidem Catonis, mori? Non reuoco te ad historias, nec ex omnibus sæculis contemprores mortis, qui sunt plurimi, colligo: respice ad hæc nostra tempora, de quorum languore ac delicijs querimur. omnis ordinis homines succurrent, omnis fortunæ, omnis ætatis, qui mala sua morte præciderunt. Mihi crede, Lucili, adeò mors timenda non est, vt beneficio eius nihil anteferendum sit. Securus itaque inimici minas audi: & quamuis conscientia tua tibi fiduciam faciat, tamen quia multa extra causam valent, & quod æquissimum est spera, & ad id te quod est iniquissimū, compara. Illud ante omnia memento, demere rebus tumultum, ac videre quid in quaque re sit: scies nihil esse in istis terribile, nisi ipsum timorem. Quod vides accidere pueris, hoc nobis quoque maiusculis pueris euenit. illi quos amant, quibus assueuerunt, cum quibus ludunt, si personatos vident, expauescunt: non hominibus tantum, sed & rebus persona demen-

menda est, & reddenda facies sua. Quid  
 mihi gladios & ignes ostendis, & turbam  
 carnificum circate frementium? Tolle  
 istam pompam, sub qua lares, & stultos  
 territas. morses, quā nuper seruus meus,  
 quam ancilla contempsit. Quid tu rursus  
 mihi flagella & eculeos magno apparatu  
 explicas? quid singulis articulis singula  
 machinamenta, quibus extorqueantur  
 aptata, & mille alia instrumenta excarni-  
 ficandi particulatim hominis? Pone ista,  
 quæ nos obstupesciunt: iube conticesce-  
 re gemitus & exclamationes, & vocum in-  
 ter lacerationem elisarum acerbiter.  
 Nempe dolor est, quem podagricus ille  
 contemnit, quem stomachicus ille in ipsis  
 delicijs perfert, quem in puerperio puella  
 perpetitur. Levis est, si ferre possum:  
 brevis est, si ferre non possum. Hæc in  
 animo voluta, quæ sæpè audisti, sæpè di-  
 xisti: sed an verè audieris, an verè dixe-  
 ris, effectū proba. hoc enim turpissimum  
 est, quod nobis obijci solet, verba nos phi-  
 losophiæ, non opera tractare. Quid tu?  
 nunc primum tibi mortem imminere sci-  
 sti, nunc exsilium, nunc dolorem? in hæc  
 natus es. Quidquid fieri potest, quasi futu-  
 rum cogitemus. Quod facere te moneo,  
 scio certè fecisse. Nunc admoneo, ut ani-  
 mum tuum non mergas in istam sollicitu-  
 dinem. hebetabitur enim, & minus ha-  
 bebbit vigoris, cum exsurgendum erit.  
 Abduc illum à priuata causâ ad publi-

cam: dic mortale tibi & fragile corpuscu-  
lum esse, cui non ex iniuria tantum aut ex  
potentioris viribus denunciabitur dolor;  
sed ipsę voluptates in tormenta vertuntur.  
Epulę cruditatem afferunt, ebrietates  
neruorum torporem tremoremque: libi-  
dines pedum, manuum, articularum om-  
nium deprauationes. Pauper fiam? inter  
plures ero. Exsul fiam? ibi me natum  
putabo, quod mittar. Alligabor? quid enim?  
nunc solutus sum? ad hoc me natura gra-  
ue corporis mei pondus adstrinxit. Mo-  
riar? hoc dicis, desinam ægrotare posse,  
desinam alligari posse, desinam mori pos-  
se. Non sum tam ineptus, ut Epicuream  
cantilenam hoc loco persequar, & dicam  
vanos esse inferorum metus, nec Ixionem  
rota volui, nec saxum humero Sisiphi tru-  
di in aduersum, nec vllius viscera & rena-  
sci posse quotidie, & carpi. Nemo tam  
puer est, ut Cerberum timeat, & tenebras,  
& larvarum habitum nudis ossibus cohæ-  
rentium. Mors nos aut consumit, aut  
emittit. Emisissis meliora restant, onere de-  
tracto: consumptis nihil restat. bona pari-  
ter malaque submota sunt. Permite mihi  
referre hoc loco tuum versum, si prius ad-  
monuero, ut te iudices non alijs scripsisse  
ista, sed etiam tibi. Turpe est aliud loqui,  
aliud sentire: quanto turpius, aliud scri-  
bere, aliud sentire? Memini te illum lo-  
cum aliquando tractasse, non repente nos  
in mortem incidere, sed minutatim proce-  
dere.

dere. Quotidie morimur, quotidie enim demitur aliqua pars vitæ: & tunc quoque cum crescimus, vita decrescit. Infantiam amisimus, deinde pueritiam, deinde adolescentiam: usque ad hesternum, quidquid transiit tēporis, perit. hunc ipsum quem agimus diem, cum morte diuidimus. Quemadmodum clepsydram non extremum stillicidium exhaurit, sed quidquid autē defluxit: sic vltima hora, qua esse definimus, non sola mortem facit, sed sola consummat. Tunc ad illam peruenimus, sed diu venimus. Hæc cum descripsisses, quo soles ore, semper quidem magnus, numquam tamen acrior, quàm ubi veritati commodas verba, dixisti:

*Mors non vltima venit; qua rapit vltima, mors est.*

Malo te legas, quàm epistolam meam: apparebit enim tibi, hanc quam timemus mortem extremam esse, non solam. Video quò species. quæris quid huic epistolæ infulserim, quod dictum alicuius animosum, quod præceptum utile? Ex hac ipsa materia quæ in manibus fuit, mittetur aliquid. Obiurgat Epicurus non minùs eos qui mortem concupiscunt, quàm eos qui timent, & ait: Ridiculum est, currere ad mortem tædio vitæ, cum genere vitæ, ut currendum esset ad mortem, effeceris. Item alio loco dicit: Quid tam ridiculum, quàm appetere mortem, cum vitam tibi inquietam feceris metu mor-

ris? Hisadijcias & illud eiusdem notæ licet, tantam hominum imprudentiam esse, imò dementiam, ut quidam timore mortis cogantur ad mortem. Quidquid horum tractaueris, confirmabis animum, vel ad mortis, vel ad vitæ patientiam. In utrumque monendi ac firmandi sumus: & ne nimis amemus vitam, & ne nimis ode-  
rimus. etiam cum ratio suadet finire, non temerè, nec cum procursu capiendus est impetus. Vir fortis ac sapiens non fugere debet è vita, sed exire. Et ante omnia ille quoque vitetur affectus, qui multos occupauit, libido moriendi. Est enim, mi Lucili, ut ad alia, sic etiam ad moriendum inconsulta animi inclinatio: quæ sæpè generosos atque acerrimæ indolis viros corripit, sæpè ignauos iacentesque. illi contemnunt vitam, hi grauantur. Quosdam subit eadem faciendi videndi-  
que satietas, & vitæ non odium, sed fastidium: in quod prolabimur, ipsa impellente philosophia, dum dicimus: Quousque eadem? Nempe expergiscar, dormiam, satiabor, esuriam, algebo, æstua-  
bo: nullius rei finis est, sed in orbem nexa sunt omnia: fugiunt ac sequuntur. Diem nox premit, dies nocte: æstas in autumnum definit, autumnus hiems instat, quæ vere compescitur: omnia trāseunt, ut reuertantur. nihil noui video, nihil noui facio. Fit aliquādo & huius rei nausea. Multi sūt qui non acerbū iudicēt viuere, sed superfluum.



EPIST. XXV. Quod ad duos amicos nostros pertinet, diuersa via eundem est. alterius enim vitia emendanda, alterius frangenda sunt. Vtar libertate tota: non amo illum, nisi offendero. Quid ergo? inquis. quadragenarium pupillum cogitas sub tutela tua continere? Respice ætatem eius iam duram & intractabilem. non potest reformari. tenera finguntur. An profecturus sim nescio: malo successum mihi, quàm fidem deesse. Nec desperaueris, etiam diutinos ægros posse sanari. si contra intemperantiam steteris, si multa inuitos & facere coegeris & pati. Nec de altero quidem satis fiduciæ habeo: excepto eo, quòd adhuc peccare erubescit. nutriendus est hic pudor: qui quamdiu in animo eius durauerit, aliquis erit bonæ spei locus. Cũ hoc veterano parciùs agendum puto, ne in desperationem sui veniat. Nec vllum tempus aggrediendi melius fuit, quàm hoc, dum interquiescit, dum emendato similis est. Alijs hæc intermissio eius imposuit. mihi verba non dat: expecto cum magno sænore vitia reditura, quæ nunc scio cessare, non deesse. Impendam huic rei dies: & vrũ possit aliquid agi, an non possit, experiar. Tu nobis te, vt facis, fortem præsta, & sarcinas contrahe. Nihil ex his quæ habemus, necessarium est. Ad legem naturæ reuertamur: diuitiæ paratæ sunt. Aut gratuitum est quo egemus, aut vile. Panem & aquam na-

tura desiderat. nemo ad hæc pauper est. intra quæ quisquis desiderium suum clu-  
 fit, cum ipso Ioue de felicitate contendat,  
 ut ait Epicurus: cuius aliquam vocem huic  
 epistolæ inuolnam. Sic fac, inquit, om-  
 nia, tamquam spectet aliquis. Prodest si-  
 ne dubio, custodem sibi imposuisse, &  
 habere quem respicias, quem interesse co-  
 gitationibus tuis iudices. Hoc quidem  
 longè magnificentius est, sic viuere tam-  
 quam sub alicuius boni viri, ac semper  
 præsentis, oculis: sed ego etiam hoc con-  
 tentus sum, ut sic facias quæcumque fa-  
 cies, tamquam spectet aliquis. Omnia no-  
 bis mala solitudo persuadet. Cum iam  
 profeceris tantum, ut sit tibi etiam tui re-  
 uerentia, licebit dimittas pædagogum: in-  
 terim te aliquorum auctoritate custodi.  
 Aut Cato ille sit, aut Scipio, aut Lælius,  
 aut cuius interuentu perditique quoque ho-  
 mines vitia supprimerent, dum te effici-  
 eum, coram quo peccare non audeas. Cum  
 hæc effeceris, & aliqua cœperit apud te  
 tui esse dignatio, incipiam tibi permitte-  
 re: quod idem suadet Epicurus. Tunc  
 præcipuè in te ipse secede, cum esse co-  
 geris in turba. Dissimilem te fieri multis  
 oportet, dum tibi tutum non est à te re-  
 cedere: circumspecte singulos. Nemo est,  
 cui non satius sit cum quolibet esse, quàm  
 secum. Tunc præcipuè in te ipse secede,  
 cum esse cogeris in turba, si bonus vir, si  
 quietus, si temperans es: alioquin in tur-  
 bam.

## E P I S T O L Æ.

bam tibi à te recedendum est . Istic enim malo viso propius es.

EPIST. XXVI. Modò dicebam tibi, in conspectu esse me senectutis: iam vereor, ne senectutem post me reliquerim. Aliud iam his annis, certè huic corpori vocabulum conuenit: quoniam quidem Senectus, lassæ ætatis, non fractæ nomen est. Inter decrepitos me numera, & extrema tangentes. Gratias tamen mihi apud te ago: non sentio in animo ætatis iniuriam, cum sentiam in corpore. tantum vitia, & vitiorum ministeria senuerunt. Viget animus, & gaudet non multum sibi esse cum corpore: magnam oneris partem sui deposuit: exultat, & mihi facit controuersiam de senectute. hunc ait esse florem suum. Credamus illi. bono suo utatur. Ire in cogitationem iuuat, & dispicere, quid ex hac tranquillitate & modestia morum sapientiæ debeam, quid ætati: & diligenter excutere, quæ non possim facere, quæ nolum: possim ne aliquid, quod nolum. Nam si quid non possum, non posse me gaudeo. Quæ enim querela est, quod incommodum, si quod debet desinere, defecit? Incommodum summum est, inquis, minui & deperire, &, vt propriè dicam, liquefcere. Non enim subito impulsif ac prostrati sumus: carpimur. singuli dies aliquid subtrahunt viribus. Et quis exitus est melior, quàm in finem suum, natura soluente, dilabi? Non quia aliquid mali.

mali est ictus, & è vita repentinus excessus: sed quia lenis hæc via est, subduci. Ego certè, velut appropinquet experimentum, & ille laturus sententiam de omnibus annis meis dies venerit, ita me observo & alloquor: Nihil est, inquam, adhuc, quod aut rebus aut verbis exhibuimus. leuia sunt ista & fallacia pignora animi, multisque inuoluta lenociniis: quid profecerim, morti crediturus sum. Non timidè itaque componor ad illum diem, quo remotis strophis ac fucis, de me iudicaturus sum, vtrum loquar fortia, an sententiam: numquid simulatio fuerit & mimus, quidquid contra fortunam iactaui verborum contumacium. Remoue estimationem hominum: dubia semper est, & in partem vtramque diuiditur. Remoue studia totam vitam tractata: mors de te pronuntiatura est. Ita dico, disputationes & litterata colloquia, & ex præceptis sapientium verba collecta, & eruditus sermo, non ostendunt verum robur animi. est enim oratio etiam timidissimis audax. quid egeris, tunc apparebit, cùm animam ages. Accipio conditionem, non reformido iudicium. Hæc mecum loquor: sed tecum quoque me locutum puta. Iunior es? quid refert? non dinumerantur anni. Incertum est, quo te loco mors expectet: itaque tu illam omni loco expecta. Finire iam volebam, & manus spectabat ad clausulam: sed conficienda sunt sacra: & huic episto-

epistolæ viaticum dandum est. Puta me non dicere, vnde sumpturus sim mutuum: scis cuius arca utar. Exspecta pusillum, & de domo fiet numeratio: interim commodabit Epicurus, qui ait: Meditare utrū commodius sit, vel mortem transire ad nos, vel nos ad eam. Hic patet sensus. Egregia res est, mortem condiscere. Superuacuum forsitan putas id discere, quo semel utendum est? hoc est ipsum, quare meditari debeamus. semper discendum est, quod an sciamus, experiri non possumus. Meditare mortem. Qui hoc dicit, meditari libertatem iubet. qui mori didicit, seruire dedidicit: supra omnem potentiam est, certè extra omnem. Quid ad illum carcer, & custodia, & claustra? liberum ostium habet. Vna est catena quæ nos alligatos tenet, amor vitæ: qui ut non est abijciendus, ita minuendus est: ut si quando res exiget, nihil nos detineat, nec impediāt, quo minùs parati simus, quod quandoque faciendum est, statim facere.

EPIST. XXVII. Tu me, inquis, mones. iam enim te ipse monuisti, iam correxisti? ideò aliorum emendationi vacas? Non sum tam improbus; ut curationes æger obeam: sed tamquam in eodem valetudinario iaceam, de communi malo tecum colloquor, remedia communico. Sic itaque me audi, tamquam mecum loquar. in secretum te meum admitto; & te adhibito, mecum exigo. Clamo  
mi-

mihi ipse, Numera annos tuos: & pudebit eadem velle, quæ volueras puer, eadem parare. Hoc denique tibi citra diem mortis præsta: moriantur ante te vitia. Dimitte istas voluptates turbidas, magno luerendas. non venturæ tantum, sed præteritæ nocent. Quemadmodum scelera etiam si non sint deprehensa cum fierent, sollicitudo non cum ipsis abit: ita improbarum voluptatum, etiam post ipsas, pœnitentia est. Non sunt solidæ, non sunt fideles. etiam si non nocent, fugiunt. Aliquod potius bonum mansurum circumspecte. nullum autem est, nisi quod animus ex se sibi inuenit. Sola virtus præstat gaudium perpetuum, securum: etiam si quid obstat, nubium modo internenit, quæ infra feruntur; nec unquam diem vincunt. Quando ad hoc gaudium peruenire continget? non quidem cessatur adhuc, sed non festinatur. Multum restat operis, in quod ipse necesse est vigiliam, ipse laborem tuum impendas, si effici cupis. Delegationem res ista non recipit. Aliud litterarum genus adiutorium admittit. Calvisius Sabinus memoria nostra fuit diues: & patrimonium habebat libertini, & ingenium. Numquam vidi hominem beatum indecentius. Huic memoria tam mala erat, ut illi modò nomen Vlyxis excideret, modò Achillis, modò Priami: quos tam benè nouerat, quàm pædagogos nostros nouimus. Nemo vetulus nomenclator, qui

nominat.

nomina non reddit, sed imponit, tam perperam tribus, quàm ille Troianos & Achiuos persalutabat. Nihilominus eruditus volebat videri. Hanc itaque compendiarium excogitauit. magna summa emit seruos, vnum qui Homerum tene- ret, alterum qui Hesiodum: nouem præ- terea Lyricis singulos assignauit. Magno emissè illum non est quod mireris. non inuenerat: faciendos locauit. Postquam hæc familia illi comparata est, cœpit conuiuas suos inquietare. Habebat ad pedes hos, à quibus subinde cùm peteret versus, quos referret, sæpè in medio ver- su excidebat. Suasit illi Satellius Quadra- tus, stultorum diuitum arrofor, & quod sequitur, arrisor, & quod duobus his ad- iunctum est, derisor, vt Grammaticos ha- beret analectas. Cùm dixisset Sabinus, cen- tenis millibus sibi constare singulos seruos: Minoris, inquit, totidem scrinia emissæ. Ille tamen in ea opinione erat, vt putaret se scire, quod quisquam in domo sua sci- ret. Idem Satellius illum hortari cœpit, vt luctaretur, hominem ægrum, pallidum, gracilem. Cùm Sabinus respondisset, Et quomodo possum? vix viuo. Noli, obsecro te, inquit, istud dicere. non vides quàm multos seruos valentissimos habeas? Bona mens nec commendatur, nec emitur: & pu- to, si venalis esset, non haberet emptorem. at mala quotidie emitur. Sed accipe iam quod debeo, & vale. Diuitiæ sunt, ad legē naturæ.

naturæ composita paupertas . Hoc sæpè dicit Epicurus, aliter atque aliter. Sed numquam nimis dicitur, quod numquam satis discitur . Quibusdam remedia monstranda, quibusdam inculcanda sunt .

EPIST. XXVIII. Hoc tibi soli putas accidisse, & admiraris quasi rem nouam; quòd peregrinatione tam longa, & tot locorum varietatibus, non discussisti tristitiam grauitatemque mentis. Animum debes mutare, non cælum. Licèt vastum traieceris mare, licèt (vt ait Virgilius noster) terreque vrbesque recedant: sequentur te, quocumque perueneris, vitia. Hoc idem cuidam querenti Socrates ait: Quid miraris, nihil tibi peregrinationes prodesse, cùm te circumferas? Premit te eadem causâ quæ expulit. Quid terrarū iuuare nouitas potest? quid cognitio urbium, aut locorum? in irritum cedit ista iactatio. Quæris quare te fuga ista non adiuet? tecum fugis. Onus animi deponendum est: non antè tibi ullus placebit locus. Talem nunc esse habitum tuum cogita, qualem Virgilius noster vatis inducit, iam concitata & instigata, multumque habentis in se spiritus non sui:

*Bacchatur vates, magnum si pectore possit*

*Excussisse Deum.*

Vadis huc & illuc, vt excutias infidens pondus, quod ipsa iactatione incommo-  
dius



dius fit. sicut in naui onera immota minùs  
 vrgent: inæqualiter conuoluta, citiùs eam  
 partem in quam incubuere demergunt.  
 Quidquid facis, contra te facis, & motu ip-  
 so noces tibi. ægrum enim concutis. At  
 cùm istud exemeris malum, omnis muta-  
 tio loci iucunda fiet. In vltimas expellaris  
 terras licebit, in quolibet barbariæ angulo  
 colloceris: hospitalis tibi illa qualiscum-  
 que sedes erit. Magis quis veneris, quàm  
 quò, interest: & ideò nulli loco addicere  
 debemus animum. Cum hac persuasione  
 viuendum est: Non sum vni angulo na-  
 tus: patria mea totus hic est mundus.  
 Quod si liqueret tibi, non admirareris, nil  
 adiunari te regionum varietatibus, in quas  
 subinde priorum tædio migras. Prima e-  
 nim quæque placuisset, si omnem tuam  
 crederes. Non peregrinaris, sed erras &  
 ageris, ac locum ex loco mutas: cùm illud  
 quod quæris, Bene viuere, omni loco posi-  
 tum sit. Num quid tam turbidum fieri po-  
 test, quàm forum; ibi quoq; licet quietè vi-  
 uere, si necesse sit. Sed si liceat disponere  
 se, conspectum quoq; & viciniam fori pro-  
 cul fugiam. nam vt loca grauia, etiam fir-  
 missimam valetudinem tentant: ita bonæ  
 quoque menti, necdum adhuc perfectæ,  
 & conualescenti, sunt aliqua partim salu-  
 bria. Dissentio ab his qui in fluctus me-  
 dios eunt; & tumultuosam probantes vi-  
 tam, quotidie cum difficultatibus rerum,  
 magno animo colluctantur. Sapiens feret  
 ista

ista, non eligeret: & malet in pace esse, quam in pugna. Non enim multum prodest vitia sua proiecisse, si cum alienis rixandum est. Triginta, inquis, tyranni Socratem circumsteterunt, nec potuerunt animum eius infringere. Quid interest, quot domini sint? seruitus una est. Hanc qui contempsit, in quantalibet turba dominantium liber est. Tempus est desinere, sed si prius portorium solvero. Initium est salutis, notitia peccati. Egregiè mihi hoc dixisse videtur Epicurus. Nam qui peccare se nescit, corrigi non vult. deprehendas te oportet, antequam emendes. Quidam viris gloriuntur. Tu existimas aliquid de remedio cogitare, qui mala sua virtutum loco numerant? Ideò quantum potes, teipse coargue. inquire in te: accusatoris primum. partibus fungere, deinde iudicis, nouissimè deprecatoris. aliquando te offende.

EPIST. XXIX. De Marcellino nostro quæris, & vis scire quid agat. Rarò ad nos venit, nulla alia ex causa, quam quia audire verum timet: à quo periculo iam abest. nulli enim nisi audituro dicendum est. Ideò de Diogene, nec minùs de aliis Cynicis, qui libertate promiscua vti sunt, & obuios quosque monuerunt, dubitari solet, an hoc facere debuerint. Quid enim si quis surdos obiurget, aut natura morbove mutos? Quare, inquis, verbis parcam? gratuita sunt. Non possum scire an ei profuturus sim, quem admoneo: illud scio,

scio, alicui me profuturum, si multos admonuero. Spargenda est manus: non potest fieri, ut non aliquando succedat, multa tentanti. Hoc, mi Lucili, non existimo faciendum magno viro. diluitur eius auctoritas, nec habet apud eos satis ponderis, quos posset minùs obsolefacta corrigere. Sagittarius non aliquando ferire debet, sed aliquando deerrare. Non est ars, quæ ad effectum casu venit. Sapientia, ars est. certum petat: eligat profecturos: ab his quos desperauit, recedat: non tamen citò relinquat, sed in ipsa desperatione extrema remedia tentet. Marcellinum nostrum ego nondum despero. etiamnum seruari potest: sed si citò illi manus porrigitur. Est quidem periculum, ne porrigentem trahat. magna in illo ingenij vis est, sed iam tendentis in prauum. Nihilominus adibo hoc periculum, & audebo illi mala sua ostendere. Faciet quod solet, aduocabit illas facetias, quæ risum euocare lugentibus possunt: & in se primùm, deinde in nos iocabitur: omnia quæ dicturus sum, occupabit. Scrutabitur scholas nostras, & obijciet philosophis congiaria, amicas, gulam: ostendet mihi alium in adulterio, alium in popina, alium in aula: ostendet mihi lepidum philosophum Aristonem, qui in gestatione dislerebat. hoc enim ad edendas operas tempus acceperat. De cuius secta cum quæreretur, Scaurus ait: Vtique Peripateticus non est. De eodem cum

cùm confuleretur Iulius Græcinus, vir egregius, quid sentiret: Non possum, inquit, tibi dicere. nescio enim quid de gradu faciat. tamquam de essedario interrogaretur. Hos mihi circulatores, qui philosophiam honestiùs neglexissent, quam vendunt, in faciem ingeret. Constitui tamen contumelias perpeti. moueat ille mihi risum: ego fortasse illi lacrimas mouebo: aut, si ridere perseuerabit, gaudebo, tamquam in malis, quòd illi genus insaniam hilare contigerit. Sed non est illa hilaritas longa. obserua. videbis eosdem intra exiguum tempus acerrimè ridere, & acerrimè rabere. Propositum est aggredi illum, & ostendere quanto pluris fuerit, cùm multis minoris videretur. Vitia eius etiam si non excidero, inhibebo. non desinent, sed intermittent: fortasse autem & desinent, si intermittendi consuetudinem fecerint. Non est hoc ipsum fastidiendum quoniam quidem grauiter affectis, sanitatis loco est bona remissio. Dum me illi paro, tu interim qui potes, qui intelligis vnde quò euaseris, & ex eo suspicaris, quousq; sis euasurus, compone mores tuos, attolle animum, aduersus formidata consiste, numerare eos noli, qui tibi metum faciunt. Nonne videatur stultus, si quis multitudinem timeat eo loco, per quem transitus singulis est? æquè ad tuam mortem multis aditus non est, licet illam multi minentur. Sic istud natura disposuit.

spiritum

Spiritus tibi tam vnus eripiet, quàm vnus dedit. Si pudorem haberes, vltimam mihi pensionem remisisses. Sed ne ego quidem me sordidè geram in fauore æris alieni, & tibi quod debeo impingam. Numquam volui populo placere. nam quæ ego scio, non probat populus; quæ probat populus, ego nescio. Quis hoc? inquis: tamquam nescias cui imperem. Epicurus. Sed idem hoc omnes tibi ex omni domo conclamabunt, Peripatetici, Academici, Stoici, Cynici. Quis enim placere potest populo, cui placet virtus? malis artibus popularibus fauor quæritur: similem te illis facias oportet. non probabunt, nisi agnouerint. Multo autem ad rem magis pertinet, qualis tibi videaris, quàm qualis aliis. Conciliari nisi turpi ratione amor turpium non potest. Quid ergo illa laudata, & omnibus præferenda artibus rebusque philosophia præstabit? scilicet vt malis tibi placere, quàm populo: vt æstimes iudicia, non numeres: vt sine metu deorum hominumque viuas: vt aut vincas mala, aut finias. Ceterum si te videro celebrem secundis vocibus vulgi, si intrante te clamor, plausus, & pantomimica ornamenta obstrepuerint, si tota ciuitate feminae te puerique laudauerint: quid ni ego tui miserear, cum sciam quæ via ad istum fauorem ferat?

EPIST. XXX. Bassum Aufidium,  
virum optimum, vidi quassum, ætati  
oblu-

obluctantem. Sed iam plus illum degra-  
 rat, quàm quod possit attolli. Magno fene-  
 ctus & vniuerso pondere incubuit: Scis il-  
 lum semper infirmi corporis & exhausti  
 fuisse: diu illud continuit, & vt veritatis di-  
 cam, concinnauit. subito defecit. Quemad-  
 modum in naue quæ sentinam trahit, vni  
 rimæ aut alteri obsistitur; vbi plurimis locis  
 laxari cœpit & cedere, succurri non potest  
 nauigio dehiscienti: ita in senili corpo-  
 re aliquatenus imbecillitas sustineri & ful-  
 ciri potest. vbi tamquam in putri ædificio  
 omnis iunctura diducitur, & dum alia  
 excipitur, alia discinditur: circumspi-  
 ciendum est, quomodo ex eas. Bassus ta-  
 men noster alacer animo est: hoc philo-  
 sophia præstat: in quocumque corporis  
 habitu fortem, in conspectu mortis hila-  
 rem lætumque, nec deficientem, quamuis  
 deficiat. Magnus gubernator & scisso na-  
 uigat velo, & si exarmauit, tamen reli-  
 quas nauigij aptat ad cursum. Hoc facit  
 Bassus noster: & eo animo vultuque finem  
 suum spectat, quo alienum spectare, nimis  
 securi esse putares. Magna res est hæc,  
 Lucili, & diu discenda, cum aduentat ho-  
 ra illa ineuitabilis, æquo animo abire. A-  
 lia genera mortis, spei mixta sunt. Desi-  
 nit morbus, incendium extinguitur, rui-  
 na quos videbatur oppressura deposuit; ma-  
 re quos hauserat, eadem vi qua sorbebat,  
 eiecit incolumes; gladium miles ab ipsa  
 perituri ceruice reuocauit: nihil ha-  
 bet

bet quod speret, quem senectus ducit ad mortem. huic vni intercedi non potest. Nullo genere homines molliùs moriuntur, sed nec diutiùs. Bassus noster videtur mihi prosequi se, & componere, & vivere tamquam superstes sibi, & sapienter ferre discidium sui. Nam de morte multa loquitur, & id agit sedulò, vt nobis persuadeat, si quid incommodi aut metus in hoc negotio est, morientis vitium esse, non mortis: nec magis in ipsa quidquam esse molestiæ, quàm post ipsam. Tam demens autem est qui timeret quod non est passurus, quàm qui timeret quod non est sensurus. An quisquam hoc futurum credit, vt per quam nihil sentitur, ea sentiat? Ergo, inquit, mors adeò extra omne malum est, vt sit extra omnem malorum metum. Hæc ego scio & sæpè dicta, & sæpè dicenda. sed neque cùm legerem, æquè mihi profuerunt: neque cùm audirem, his dicentibus, qui negabant timenda à quorum metu aberant. Hic verò plurimum auctoritatis habuit, cùm loqueretur de morte vicina. Dicam enim quid sentiam. Puto etiam fortiozem eum esse, qui in ipsa morte est, quàm qui circa mortem est. Mors enim adnota, etiam imperitis animum dedit, non vitandi inevitabilia. Sic gladiator tota pugna timidissimus ingulum aduersario præstat, & errantem gladium sibi attemperat. At illa quæ in propinquo est, utique ventura,

desiderat lentam animi firmitatem : quæ est rarior, nec potest nisi à sapiente præstari . Libentissimè itaque illum audiebam, quasi ferentem de morte sententiam , & qualis esset eius natura , velut propiùs inspectæ , indicantem . Plus , vt puto , fidei haberet apud te , plus ponderis , si quis reuixisset , & in morte nihil mali esse narraret expertus . Accessus mortis quam perturbationem afferat , optimè hi tibi dicent , qui secundum illam steterunt , qui venientem & viderunt , & receperunt . Inter hos Bassum licet numeres , qui nos decipi noluit . is ait , tam stultum esse qui mortem timeat , quàm qui senectutem . Nam quemadmodum senectus adolescentiam sequitur , ita mors senectutem . Viuere noluit , qui mori non vult . Vita enim cum exceptione mortis data est : ad hanc itur . quam idèò timere dementis est ; quia certa exspectantur , dubia metuuntur . Mors necessitatem habet , æquam & inuictam . Quis queri potest , in ea conditione se esse , in qua nemo non est ? prima enim pars æquitatis , est æqualitas . Sed nunc superuacuum est , naturæ causam agere : quæ non aliam voluit legem nostram esse , quàm suam . quidquid composuit , resoluit : & quidquid resoluit , componit iterum . Iam verò si cui contingit , vt illum senectus leniter emitteret , non repentè auulsum vitæ , sed minutatim subductum , ne ille gratias agere dijs omni-



omnibus debet, quòd satiatus ad requiem homini necessariam, lasso gratam, perductus est. Vides quosdam optantes mortem, & quidem magis quàm rogari solent vita. Nescio vtros existimem maiorem nobis animum dare: qui deposcunt mortem, an qui hilares eam quietique oppetiuntur. quoniam illud ex rabie interdum, ac repentina indignatione fit; hæc ex iudicio certo tranquillitas est. Venit aliquis ad mortem iratus morti: venientem nemo hilaris excipit, nisi qui se ad illam diu composuerat. Fateor ergo, ad hominem mihi carum, ex pluribus me causis frequentius venisse, vt scirem an illum toties eundem inuenirem: numquid cum corporis viribus minueretur animi vigor. qui sic crescebat illi, quomodo manifestior notari solet agitatorum lætitia, cum septimo spatio palmę appropinquant. Dicebat quidem ille Epicuri præceptis obsequens, primùm sperare se, nullum dolorem esse in illo extremo anhelitu: si tamen esset, habere aliquantulum in ipsa breuitate solatij. Nullum enim dolorem longum esse, qui magnus est. Ceterùm succursurum sibi etiam in ipsa distractione animæ corporisq̃ue, si cum cruciatu id fieret, post illum dolorem se dolere non posse. Non dubitare autem se, quin senilis anima in primis labris esset, nec magna vi distraheretur à corpore. Ignis qui valentem materiam occupauit, aqua, & in-

terdum ruina exstinguendus est: ille qui alimentis deficitur, sua sponte subsidit. Libenter hæc, mi Lucili, audio non tamquam noua, sed tamquam in rem presentem perductus. Quid ergo? nō multos spectauī abrumpentes vitam? ego verò vidi: sed plus momenti apud me habent, qui ad mortē veniunt sine odio vitæ; & admittunt illam, non attrahunt. Illud quidem aiebat tormentum nostra nos sentire opera, quod tunc trepidamus, cū propē a nobis esse credimus mortem. A quo enim non est, parata omnibus locis, omnibusque momentis? Sed consideremus, inquit, tunc cū aliqua causā moriendi videtur accedere, quanto aliæ propiores sint quæ non timentur. Hostis alicui mortem minabatur: hanc cruditas occupauit. Si distinguere voluerimus causas metus nostri, inueniemus alias esse, alias videri. Non mortem timemus, sed cogitationem mortis: ab ipsa enim semper tantumdem absumus. Ita si timenda mors est, semper timenda est. quod enim tempus morti exemptum est? Sed vereri debeo, ne tam longas epistolas, peiūs quā mortem, oderis: itaque finem facio. Tu tamen mortē vt numquā timeas, semper cogita.

EPIST. XXXI. Agnosco Lucilium meum, incipit quem promiserat exhibere. sequere illum impetum animi, quo ad optima quæque, calcatis popularibus bonis, ibas. Non desidero maiorem meliorem-

remque te fieri ; quàm moliebaris . Fundamenta tua multum loci occupauerunt . tantum effice , quantum conatus es : & illa quæ tecum in animo tulisti , tracta . Ad summam , sapiens eris , si clauferis aures , quibus ceram parum est obdere : firmiori spissamento opus est , quàm vsum in socijs Vlixem ferunt . Illa vox quæ timebatur , erat blanda , non tamen publica : at hæc quæ timenda est , non ex vno scopulo , sed ex omni terrarum parte circumsonat . Præteruehere itaque non vnum locum insidiosa voluptate suspectum , sed omnes vrbes : surdum te amantissimis tui præsta . Bono animo malè precantur . & si vis esse felix , deos ora , ne quid tibi ex his quæ optantur eueniat . Non sunt ista bona , quæ in te isti volunt congeri : vnum bonum est , quod beatæ vitæ causâ & firmamentum est , sibi fidere . Hoc autem contingere non potest , nisi contemptus est labor , & in eorum numero habitus , quæ neque bona sunt , neque mala . Fieri enim non potest ; vt vna res modò mala sit , modò bona : modò levis & perferenda , modò expauescenda : Labor bonum non est . quid ergo est bonum ? laboris contemptio . Itaque in vanum operosos culpauerim : rursus ad honesta nitentes , quanto magis incubuerint , minusque sibi vinci ac strigare permiserint , admirabor & clamabo , Tanto melior surge & respira : & clium istum vno , si potes , spiritu exsuperas . Generosos .

animos labor nutrit. Non est ergo quoddam ex illo veteri voto parentum tuorum eligas, quid contingere tibi velis, quid optes: & in totum, iam per maxima acto viro turpe est, etiamnum deos fatigare. Quid votis opus est? fac te ipse felicem. facies autem, si intellexeris bona esse, quibus admixta est virtus: turpia, quibus malitia coniuncta est. Quemadmodum sine mixtura lucis nihil splendidum est: nihil atrum, nisi quod tenebras habet, aut aliquid in se traxit obscuri: quemadmodum sine adiutorio ignis, nihil calidum est, nihil sine aere frigidum: ita honesta & turpia virtutis & malitiæ societas efficit. Quid ergo est bonum? rerum scientia. Quid malum est? rerum imperitia. Ille prudens atque artifex, pro tempore, quæque repellat aut eliget. Sed nec quæ repellit timet, nec miratur quæ eligit: si modo magnus illi & inuictus animus est. Submitti te ac deprimi veto. laborem si non recuses, parum est; posce. Quis ergo, inquis, labor friuolus & superuacuus est? in quem humiles causæ vocauerint. non est malus, non magis quàm ille qui pulchris rebus impenditur: quoniam animi est ipsa tolerantiæ, quæ se ad dura & aspera hortatur, & dicit: Quid cessas? non est viri, timere sudorem. Huc & illud accedat, ut perfecta virtus sit, æqualitas ac tenor vitæ per omnia consonans sibi: quod non potest esse, nisi rerum scientia contingat, &

ars, per quam diuina & humana noscantur. Hoc est summum bonum: quod si occupas, incipis deorum esse socius, non supplex. Quomodo, inquis, isto peruenitur? nō per Peninum Graiūnive montem, nec per deserta Candauia: nec Syrtes tibi, nec Scylla aut Charybdis, adeundæ sunt; quæ tamē omnia transisti procuratiuncule pretio. Tutum iter est, iucundum est, ad quod natura te instruxit. Dedit tibi illa, quæ si non deserueris, par Deo surges. Parrem autem Deo pecunia non faciet: Deus nihil habet. Prætexta non faciet: Deus nudus est. Fama non faciet, nec ostentatio tui, & in populos nominis dimissa notitia: nemo nouit Deum. multi de illo malè existimant, & impunè. Non turba seruorum, lecticam tuam per itinera urbana ac peregrina portantium: Deus ille maximus potentissimusque ipse vehit omnia. Ne forma quidem & vires beatum te facere possunt: nihil horum non patitur vetustatem. Quærendum est ergo quod non fiat in dies deterius, cui non possit obstarī. Quid hoc est? animus: sed hic rectus, bonus, magnus. Quid aliud voces hunc, quàm Deum in humano corpore hospitantem? Hic animus tam in equitem Romanum, quàm in libertinum, quàm in seruum, potest cadere. Quid est eques Romanus, aut libertinus, aut seruus? Nomina ex ambitione, aut ex iniuria nata. Subsilire in cælum ex angulo.

licet : exsurge modò , & te quoque dignum finge Deo . Finges autem non auro , non argento : non potest ex hac materia imago Deo exprimi . similis . Cogita illos , cum propitij essent , fictiles fuisse .

EPIST. XXXII. Inquiro in te , & ab omnibus sciscitor , qui ex ista regione veniunt , quid agas , ubi & cum quibus moreris . Verba dare non potes , tecum sum . Sic vive , tamquam quid facias . auditurus sim : imò tamquam visurus . Quæris , quid me maximè ex his quæ de te audio , delectet ? quòd nihil audio : quòd plerique , ex his quos interrogo , nesciunt quid agas . Hoc est salutare , non conuersari dissimilibus , & diuersa cupientibus . Habeo quidem fiduciam non posse te torqueri , maiusurumque in proposito , etiam si sollicitantium turba circumeat . Quid ergo est ? non timeo ne immutent te , timeo ne impediant . Multum autem nocet & qui moratur , utique in tanta breuitate vitæ : quam breuiorem inconstàtia facimus , aliud eius subinde atque aliud facientes initium . Diducimus illam in particulas ac lancinamus . Propera ergo Lucili carissime , & cogita , quantum celeritati additurus fueris , si à tergo hostis instaret , si equitem aduentare suspicareris , ac fugientium premere vestigia . Fit hoc . premeris : accelera , & euade . perduc te in tutum , & subinde considera , quàm pulchra res sit consummare vitam ante mortem , deinde exspecta .

ſpectare ſecurum reliquam temporis ſui partem : in poſſeſſione beatæ vitæ poſitum : quæ beatior non fit , ſi longior . O quando videbis illud tempus , quo ſcies : tempus ad te non pertinere , quo tranquil- lus placidusque eris , & craſtini negligens , & in ſumma tui ſatietate ! Vis ſcire , quid fit quod faciat homines auidos futuri ? Nemo ſibi contigit . Optauerunt utique tibi alia parentes tui : ſed ego tibi contrâ , omnium eorum contemptum opto , quo- rum illi copiam . Vota illorum multos compilant , ut te locupletent . quidquid ad te transferunt , alicui detrahendum eſt . Opto tibi tui facultatem , ut vagis cogitationibus agitata mens , tandem reſiſtat , & certa ſit : ut placeat ſibi , & intellectis veris bonis , quæ ſimul intellecta ſunt , poſſidentur , ætatis adiectione non egeat . Ille demum neceſſitates ſupergreſſus eſt , & exau- dorus ac liber , qui viuit vita peracta .

EPIST. XXXIII. Deſideras his quoque epistolis, ſicut prioribus , adſcribi aliquas voces noſtrorum procerum . Non fuerunt circa ſoſculos occupati : totus contextus illorum virilis eſt . inæqualitatem ſcias eſſe , ubi quæ eminent , notabilia ſunt . Non eſt admirationi vna arbor , ubi in eandem altitudinem tota ſilua ſurrexit . Eiuſmodi vocibus reſerta ſunt carmina , reſertæ hiſtoriæ . Itaque nolo Epicuri illas eſſe exiſtines : publicæ ſunt , & maximè noſtræ . Sed in illo magis annotantur ,

E ſ quia .

quia raræ interueniunt , quia inſperatæ ,  
quia mirum eſt aliquid fortiter dici ab ho-  
mine mollitiâ profeſſo . Ita enim pleri-  
que iudicant . apud me verò Epicurus eſt  
& fortis , licet manuleatus ſit . Fortitudo ,  
& induſtria , & ad bellum prompta mens ,  
tam in Perſas quàm in altè cinctos cadit .  
Non eſt ergo quòd exigas excerpta , & re-  
petita : continuum eſt apud noſtros quid-  
quid apud alios excerptitur . Non habemus  
itaque iſta odorifera , nec emptorem de-  
cipimus , nihil inuenturum cùm intraue-  
rit , præter illa quæ in fronte ſuſpenſa ſunt .  
Iſtis permittimus , vnde velint ſumere ex-  
emplar . Puta nos velle ſingulares ſenten-  
tias ex turba ſeparare : cui illas adſigna-  
bimus ? Zenoni , an Cleanthi , an Chryſi-  
po , an Panætio , an Poſidonio ? Non ſumus  
ſub rege : ſibi quiſque ſe vindicat . apud  
iſtos quidquid dicit Hermachus , quidquid  
Metrodorus ad vnũ refertur . Omnia quæ  
quiſquam in illo contubernio locutus eſt ,  
vnius ductu & auſpicijs dicta ſunt . Non  
poſſumus , inquam , licèt tentemus , ex tanta  
rerum æqualium copia , aliquid educere .

*Pauperis eſt numerare pecus.*

Quocumque miſeris oculum , id tibi oc-  
currit quod eminere poſſet , niſi inter pa-  
ria legeretur . Quare depone iſtam ſpem ,  
poſſe te ſummatim deguſtare ingenia ma-  
ximorum virorum : tota tibi inſpicienda  
ſunt , tota tractanda . Res geritur , & per  
lineamenta ſui ingenij opus neſcitur , ex  
quo



quo nihil subduci sine ruina potest. Nec recusò, quò minùs singula membra, dummodo in ipso homine, confidères. Non est formosa, cuius crus laudatur aut brachium, sed illa cuius vniuersa facies admirationem singulis partibus abstulit. Si tamen exegeris; non tam mendicè tecum agam, sed plena manu fiet. Ingens eorum turba est passim iacentium; sumenda erunt, non colligenda. Non enim excidunt, sed fluunt perpetua, & inter se connexa sunt. Nec dubito, quin multum conferant rudibus adhuc, & extrinsecus auscultantibus. Faciliùs enim singula insidunt circumscripta, & carminis modo inclusa. Ideò pueris & sententias ediscendas damus, & has quas Græci chrias vocant: quia complecti eas puerilis animus potest: quia plus adhuc non capit certiprofectus. Viro captare flosculos turpe est, & fulcire se notissimis & paucissimis vocibus, & memoria stare. Sibi iam innitatur. dicat ista, non teneat. Turpe est enim seni aut prospicienti senectutem, ex commentario sapere. Hoc Zeno dixit. tu quid? Hoc Cleanthes. tu quid? quousque sub alio moueris? & impera, & dic, quod memoriæ tradatur: aliquid & de tuo profer. Omnes itaque istos numquam auctores, semper interpretes, sub aliena umbra latentes, nihil puto habere generosi; numquam ausos aliquando facere, quod diu didicerant. Memoriam in alienis exerce-

E. 6      cuerunt.

cuerunt . Aliud est , meminisse : aliud ,  
 scire . Meminisse , est rem commissam  
 memoriæ custodire : at contra scire , est  
 & sua facere : quæque , nec ab exem-  
 plari pendere , & toties ad magistrum re-  
 spicere . Hoc dicit Zeno , hoc Cleanthes .  
 Aliquid intersit inter te , & librum : quous-  
 que discas ? iam & præcipe : Quid est , qua-  
 re audiam , quod legere possum ? Multum ,  
 inquit , viua vox facit : non quidem hæc ,  
 quæ alienis verbis commodatur , & actua-  
 rij vice fungitur . Adijce nunc , quod isti  
 qui nunquam tutelæ suæ fiunt , primum in  
 ea re sequuntur priores , in qua nemo non  
 à priore desciuit : deinde in ea re sequun-  
 tur , quæ adhuc quæritur . numquam au-  
 tem inuenietur , si contenti fuerimus in-  
 uentis . Præterea qui alium sequitur , ni-  
 hil inuenit , imò nec quærit . Quid ergo ?  
 non ibo per priorum vestigia ? ego verò  
 utar via veteri : sed si propiorem planio-  
 remq; inuenero , hanc muniam . Qui an-  
 te nos ista mouerunt , non domini nostri ,  
 sed duces sunt . Patet omnibus veritas ,  
 nondum est occupata : multum ex illa  
 etiam futuris relictum est .

EPIST. XXXIV. Cresco & exulto ,  
 & discussa senectute recalesco , quoties  
 ex his quæ agis & scribis , intelligo quan-  
 tum te ipse ( nam turbam olim reliqueras )  
 supergrederis . Si agricolam arbor ad fru-  
 ctum perducta delectat , si pastor ex foetu  
 gregis sui capit voluptatem , si alumnum  
 suum

suum nemo aliter intuetur quàm ut adolescentiam illius suam iudicet : quid evenire credis his , qui ingenia educaverunt , & quæ tenera formaverunt , adulta subito vident ? Assero te mihi . meum opus es . Ego cum vidissem indolem tuam , inieci manum , exhortatus sum , addidi stimulos , nec lentè ire passus sum , sed subinde incitavi : & nunc idem facio . Sed iam currentem hortor , & inuicem hortantem . Quid , aliud , inquis , adhuc volo ? in hoc plurimum est . Non sic quomodo principia totius operis dimidium occupare dicuntur , ita res animo constat : pars magna bonitatis est , velle fieri bonum . Scis quem dicam bonum ? perfectum , absolutum , quem malum facere nulla vis , nulla necessitas possit . Hunc in te prospicio , si perseveraueris & incubueris , & id egeris , ut omnia facta dictaque tua inter se congruant ac respondeant sibi , & una forma percussa sint . Non est huiusmodi animus in recto , cuius acta discordant .

E P I S T . XXXV. Cùm te tam obnixè rogo ut studeas , meum negotium ago . habere amicum volo : quod cōtingere mihi ( nisi pergas excolere te ut cœpisti ) non potest . Nunc enim amas me , amicus non es . Quid ergo ? hæc inter se diversa sunt ? imò dissimilia . Qui amicus est , amat : qui amat , non utique amicus est . Itaque amicitia semper prodest : amor etiam aliquando nocet . Si nihil aliud , ob hoc profice ,

fice, vt amare discas. Festina ergo, dum mihi proficis, ne istuc alteri didiceris. Ego quidem percipio iam fructum, cū mihi fingō vno nos animo futuros, & quidquid ætati meæ vigoris abcessit, id ad me ex tua, quamquam non multum abest, rediturum: sed tamen re quoque ipsa lætus esse volo. Venit ad nos ex his quos amamus, etiam absentibus, gaudium: sed id leue & euapidum. Conspectus, & præsentia, & conuersatio aliquid habet viuæ voluptatis: vtique si non tantū quem velis, sed qualem velis videas. Affer itaque te mihi, ingens mūnus: & quò magis instes, cogita me senem esse, te mortalem. Propera ad me, sed ad te prius. profice, & ante omnia hoc cura, vt constes tibi. Quoties experiri voles, an aliquid actum sit, obserua an eadem velis hodie quæ heri. Mutatio voluntatis indicat animum natatē aliubi, atque aliubi apparere, prout tulit ventus. Non vagatur, quod est fixum & fundatum. Istud sapienti perfectè contingit, aliquatenus & proficienti prouectoquē. Quid ergo interest? hic commouetur quidē, non tamen transit, sed suo loco nutat: ille nec commouetur quidem.

EPIST. XXXVI. Amicum tuum hortare, vt istos magno animo cōtemnat, qui illum obiurgant, quòd vmbra & otium petierit, quòd dignitatem suam destituerit, & cū plus consequi posset, prætulerit quietem omnibus. Quam vtiliter  
nego-

negotiū suum gesserit, quotidie illis ostēdet. Hi quibus invidetur, non desinent transire. alij elidentur, alij cadent. Res est inquieta, felicitas: ipsa se exagitat, mouet cerebrum, non vno genere. Alios in aliud irritat: hos in potentiam, illos in luxuriam: hos inflat, illos mollit, & totos resoluit. At benè aliquis illam fert: sic, quomodo vinum. Itaque non est quodd tibi isti persuadeant, cum esse felicem, qui à multis obsidetur. sic ad illum, quemadmodum ad lacum, concurritur: quem qui exhauriunt, & turbant. Nugatorium & inertem vocant. Scis quosdam peruersè loqui, & signare contraria. Felicem vocabant. quid ergo? erat? Ne illud quidem curo, quod quibusdam nimis horridi animi videtur & tætrici. Ariston aiebat, male se adolescentem tristem, quàm hilarem & amabilem turbæ. Vinum enim fieri bonum, quod recens durum & asperum visum est: non pati ætatem quod in dolio placuit. Sine eum tristem appellent, & inimicum processibus suis. benè se dabit in vetustate ipsa tristitia: perseueret modò colere virtutem, perhibere liberalia studia, non illa quibus perfundi satis est, sed hæc quibus tingendus est animus. hoc est discendi tempus. Quid ergo? aliquod est, quo non sit discendum? minimè. sed quemadmodum omnibus annis studere honestum est: ita non omnibus institui. Turpis & ridicula res est, elementarius se-

nex.

nex. Iuueni parandum, seni vtendum est. Facies ergo rem vtilissimam tibi, si illum quàm optimum feceris. Hæc, aiunt beneficia esse expetenda tribuendaque, non dubiè primæ fortis, quæ tam prodest dare quàm accipere. Denique nihil illi iam liberi est: spondit, minùs autem turpe est creditori, quàm spei bonæ decoquere. Ad illud æs alienum soluendum, opus est negotianti navigatione prospera, agrum colenti vbertate eius, quam colit terræ, & cæli fauore: ille quod debet, sola potest voluntate persolvere. In mores fortuna ius non habet. Hos disponat: vt quàm tranquillissimus ille animus ad perfectum veniat, qui nec ablatum sibi quidquam sentit, nec adiectum, sed in eodem habitu est, quocumque res cadunt. Cui siue aggeruntur vulgaria bona, supra res suas eminet: siue aliquid ex istis vel omnia casus excussit, minor non fit. Si in Parthia natus esset, arcum infans statim tenderet: si in Germania, protinus puer tenerum hastile vibraret: si auorum nostrorū temporibus fuisset, equitare, & hostem cominus percutere didicisset. Hæc singulis disciplina gentis suæ suadet, & imperat. Quid ergo huic meditandum est? quod aduersus omnia tela, quod aduersus omne hostium genus benè facit, mortem cōtemnere: quæ quin habeat in se aliquid terribile, vt & animos nostros (quos in amorem sui natura formauit) offendat, nemo

nemo dubitat : nec eum necesse esset in id comparari & acui, in quod instinctu quodam voluntario iremus, sicut feruntur omnes ad conseruationem sui. Nemo discit, ut, si necesse fuerit, æquo animo in rosa iaceat : sed in hoc duratur, ut tormētis non submittat fidem : ut, si necesse fuerit, stans etiam aliquando saucius, pro vallo peruigilet, & ne pilo quidem incumbat. quia solet obrepere interim somnus in aliquod adminiculum reclinatis. Mors nullum habet incommodum. Esse enim debet aliquid, cuius sit incommodum. Quod si tanta cupiditas longioris æui te tenet, cogita nihil eorum quæ ab oculis abeunt, & in rerum naturam, ex qua prodierunt, ac mox processura sunt, reconducuntur, consumi. Desinunt ista, non pereunt. Et mors, quam pertinescimus ac recusamus, intermittit vitam, non eripit. veniet iterum, qui nos in lucem reponat dies, quem multi recusarent, nisi oblitos reduceret. Sed postea diligentius docebo, omnia quæ videntur perire, mutari. Æquo animo debet rediturus exire. Obserua orbem rerum in se remeantium : videbis in hoc mundo nihil exstingui, sed vicibus descendere ac resurgere. Æstas abit, sed alter annus illam adducit : hiems cecidit, referent illam sui menses : solem nox obruit, sed ipsam statim dies abiget. Stellarum iste decursus, quidquid præterierit, repetit : pars cœli leuatur assiduè, pars

ma-

mergitur. Denique finem faciam, si hoc unum adiecero, nec infantes, nec pueros, nec mente lapsos, timere mortem: & esse turpissimum, si eam securitatem nobis ratio non præstat, ad quam stultitia perducit.

EPIST. XXXVII. Quod maximum vinculum est ad bonam mentem, promissum virum bonum. Sacramento rogatus es. Deridebit, si quis tibi dixerit, mollem esse militiam & facilem, nolo te decipi. Eadem honestissimi huius; & illius turpissimi auctoramenti, verba sunt, vri, vinciri, ferroque necari. Ab illis qui manus arenæ locant, & edunt ac bibunt, quæ per sanguinem reddant, cauetur ut ista vel inuiti patiantur: à te ut volens libensque patiaris. Illis licet arma submittere, misericordiam populi tentare: tu neque submittes, nec vitam rogabis. recto tibi inuictoque moriendum est. Quid porro prodest, paucos dies aut annos lucrifacere? sine missione nascimur. Quomodo ergo. inquis, me expediam? effugere non potes necessitates: potes vincere. Fiat via: & hanc tibi viam dabit philosophia. ad hanc te confer, si vis saluus esse, si securus, si beatus: denique si vis esse, quod est maximum, liber. Hoc contingere aliter non potest. Humilis res est stultitia, abiecta, sordida, seruilis, multis affectibus & sæuissimis subiecta. Hos tam graues dominos, interdum alternis imperantes, interdum pariter. dimittit à te sapientia, quæ  
sola.



folâ liberras est. Vna ad hanc fert via, & quidem recta. non aberrabis: vade certo gradu. Si vis tibi omnia subiicere, te subiice rationi. multos reges, si ratio te rexerit. Ab illa disces, quid & quemadmodum aggredi debeas: non incides rebus. Neminem mihi dabis, qui sciat. quomodo quod vult cœperit velle: non consilio adductus vllô, sed impetu impactus est. Non minùs sæpè fortuna in nos incurrit, quàm nos in illam. Turpe est non ire, sed ferri: & subito in medio turbine rerum stupentem quærere: Huc ego quemadmodum veni?

EPIST. XXXVIII. Meritò exis, vt hoc inter nos epistolârû commercium frequentemus. Plurimùm proficit sermo, qui minutatim irrepsit animo. Disputationes præparatæ, & effusæ audiēte populo, plus habent strepitus, minus familiaritatis. Philosophia bonum consilium est: consilium nemo clamore dat. Aliquando vtendum est & illis, vt ita dicam, concionibus, vbi qui dubitat, impellendus est: vbi verò non hoc agendum est, vt velit discere, sed vt discat, ad hæc submissiora verba veniendum est. Faciliùs intrant, sed & hærent. nec enim multis opus est, sed efficacibus. Seminis modo spargenda sunt: quod quamuis sit exiguum, cùm occupauit idoneum locum, vires suas explicat, & ex minimo in maximos auctus diffunditur. Idem facit oratio. non latet,  
patet,

patet, si aspicias : in opere crescit . Pauca sunt quæ dicuntur : sed si illa animus bene exceperit, conualescunt & exsurgunt. Eadem est, inquam, præceptorum conditio, quæ seminum. multū efficiunt, & si angusta sunt: tātū, ut dixi, idonea mens rapiat illa, & in se trahat . Multa inuicem & ipsa generabit, & plus reddet, quàm acceperit.

EPIST. XXXIX. Commentarios quos desideras, diligēter ornatos, & in angustum coactos, ego verò componam: sed vide ne plus profectura sit oratio ordinaria, quàm hæc quæ nunc vulgò Breuiarium dicitur, olim cū Latine loqueremur, Summarium vocabatur . Illa res discenti magis, necessaria est : hæc scienti . Illa enim docet, hæc admonet. Sed utriusque rei tibi copiam faciam . Tu à me, non est quòd illum aut illum exigas . qui notorem dat, ignotus est. Scribam ego quod vis, sed meo more . Interim multos habes, quorum scripta nescio an satis ordinent . Sume in manus indicem philosophorum: hæc ipsa res expergisci te coget, si videris quam multi tibi laborauerint ; concupisces & ipse ex illis vnus esse . Habet enim hoc optimum, in se generosus animus, quòd concitatur ad honesta. Neminem excelsi ingenij virum humilia delectant & sordida : magnarum rerum species ad se vocat & extollit . Quemadmodum flamma surgit in rectum, iacere ac deprimi non potest, nō magis quàm quiescere.

scere : ita noster animus in motu est , eò  
 mobilior & actuosior , quò vehementior  
 fuerit . Sed felix qui ad meliora hunc im-  
 petum dedit ! ponet se extra ius ditionem-  
 que fortunæ . secunda temperabit , aduersa  
 comminuet , & alijs admiranda despiciet .  
 Magni animi est , magna contemnere , ac  
 mediocria malle , quàm nimia . Illa enim  
 vtilia vitaliaque sunt : at hæc , eò quòd su-  
 perfluunt , nocent . Sic segetem nimia ster-  
 nit vbertas : sic rami onere franguntur : sic  
 ad maturitatem non peruenit nimia fe-  
 cunditas . Idem animis quoque euenit ,  
 quos immoderata felicitas rumpit : qua  
 non tantum in aliorum iniuriam , sed  
 etiam in suam vtuntur . Quis hostis in  
 quemquam tam contumeliosus fuit , quàm  
 in quosdam voluptates suæ sunt ? quorum  
 impotentiaæ atque insanæ libidini ob hoc  
 vnum possis ignoscere , quòd quæ fecere ,  
 patiuntur . Nec immeritò hic illos furor  
 vexat . necesse est in immensum exeat cu-  
 piditas , quæ naturalem modum transfiliit .  
 Illa enim habet suum finem : inania , & ex  
 libidine orta , sine termino sunt . Necessa-  
 ria metitur utilitas . superuacua quò re-  
 digis ? Voluptatibus itaque se mergunt ,  
 quibus in consuetudinem adductis carere  
 non possunt : & ob hoc miserrimi sunt ,  
 quòd eò perueniunt , vt illis quæ superua-  
 cua fuerât , facta sint necessaria . seruiunt  
 itaque voluptatibus ; non fruuntur : & ma-  
 la sua , quod malorum vltimum est , amant .

Tunc

Tunc autem consummata est infelicitas, vbi turpia non solum delectant, sed etiam placent: & definit esse remedio locus, vbi quæ fuerant vitia, mores sunt.

EPIST. XL. Quod frequenter mihi scribis, gratias ago. nam quo vno modo potes, te mihi ostendis. Numquam epistolam tuam accipio, vt non protinus vnâ simus. Si imagines nobis amicorum absentium iucundæ sunt, quæ memoriam renouant, & desiderium absentiae falso atque inani solatio leuant: quanto iucundiores sunt litteræ, quæ vera amici absentis vestigia, veras notas afferunt? Nam quod in conspectu dulcissimum est, id amici manus epistolæ impressa præstat, agnoscere. Audisse te scribis, Serapionem philosophum, cum istuc applicuisset, solere magno cursu verba conuolueret, quæ non effundit vnâ, sed premit & vrget. plura enim veniunt, quàm quibus vox vna sufficiat. Hoc non probo in philosopho, cuius pronuntiatio quoque, sicut vita, debet esse composita. nihil autem ordinatum est, quod præcipitatur & prope- rat. Itaque oratio illa apud Homerum concitata, & sine intermissione in morem niuis superueniens, oratori data est: at lenis & melle dulcior seni profuit. Sic itaque habe, istam vim dicendi rapidam atque abundantem, aptiorem esse circulanti, quàm agenti rem magnam ac seriam, docenti què. æquè stillare illam nolo, quàm

quàm currere, nec extendat aures, nec obruat. Nam illa quoque inopia & exilitas, minùs intentum auditorem habet, tædio interruptę tarditatis: faciliùs tamen in-  
 fidit quod exspectatur, quàm quod præter-  
 uolat. Denique tradere homines discipu-  
 lis præcepta dicuntur: non traditur, quod fugit. Adice nunc, quòd quæ veritati ope-  
 ram dat oratio, incomposita debet esse & simplex. Hæc popularis nihil habet veri.  
 mouere vult turbam, & inconsultas aures impetu rapere: tractandam se non præ-  
 bet, aufertur. Quomodo autem regere potest, quæ regi non potest? Quid quòd hæc oratio, quæ sanandis mentibus adhi-  
 betur, descendere in nos debet? remedia non prosunt, nisi immorentur. Multum prætereà habet inanitatis, & vani. plus so-  
 nat, quàm valet. Lenienda sunt quæ me exterrent, compescenda quæ irritant, dis-  
 cutienda quæ fallunt: inhibenda luxuria, corripienda avaritia. Quid horum rap-  
 tim potest fieri? quis medicus ægros in transitu curat? Quid, quòd ne volupta-  
 tem quidem ullam habet, talis verborum sine delectu ruentium strepitus? sed ut ple-  
 raque quæ fieri posse nō crederes, cognouisse satis est: sic istos, qui verba exercue-  
 runt, abundè est semel audisse. Quid enim quis discere, quid imitari velit? quid de eorum animo iudicet, quorum oratio per-  
 turbata & admissa est, nec potest reprimi? Quemadmodum per procliue curren-  
 tium,

tium, non ubi visum est, gradus sistitur, sed incitato corporis pondere se rapit, ac longius quam voluit effertur: sic ista dicendi celeritas nec in sua potestate est, nec satis decora philosophiæ. quæ ponere debet verba, non proiicere, & pedetentim procedere. Quid ergo? non aliquando & insurget? Quid ni? sed salua dignitate morum: quam violenta ista & nimia vis exuit. Habeat vires magnas, moderatas tamen: perennis sit vnda, non torrens. Vix oratori permiserim talem dicendi velocitatem, irreuocabilem, ac sine lege vadentem. Quemadmodum enim iudex subsequi poterit, aliquando etiam imperitus ac rudis: tum quoque cum illum aut ostentatio abstulerit, aut affectus impotens sui? tantum festinet atque ingerat, quantum aures pati possunt. Rectè ergo facies, si non videris istos, qui quantum dicant, non quemadmodum, quærunt: & ipse malueris aliquando si necesse est, vel iuxta P. Vinicium dicere. qui, cum quæreretur, quomodo diceret, Asellius ait, Tractim. Nam Geminus Varius ait: Quomodo istum disertum dicatis, nescio: tria verba non potest iungere. Quid ni malistu sic dicere, quomodo Vinicius? Aliquis tam insulsus interuenerit, quàm qui illi singula verba vellenti, tamquam dictaret, non diceret, ait: Dic, vel numquam dicas. Nam Q. Haterij cursum suis temporibus oratoris celeberrimi, longè abesse ab homine sano

fano volo. Numquam dubitauit, numquam intermisit: semel incipiebat, semel desinebat. Quædam tamen & nationibus puto magis aut minùs conuenire. In Græcis hanc licentiam tuleris: nos etiam cùm scribimus, interpungere consueuimus: Cicero quoq; noster, à quo Romana eloquentia exstitit, gradarius fuit. Romanus sermo magis se circumspicit, & æstimat, & præbet æstimandum. Fabianus vir egregius & vita & scientia, & quod post ista est, eloquentia quoque, disputabat expedire magis, quàm concitate: ut posses dicere, facilitatem esse illam, non celeritatem. Hanc ego in vito sapiente recipio. non exigo, ut oratio eius sine impedimento exeat: proferatur tamen malo quàm profluat. Eò autem magis te deterreo ab isto morbo, quòd non potest tibi ista res contingere aliter, quàm si te pudere desierit. perfrices frontem oportet, & ipse te non audias. Multa enim inobseruatus ille cursus feret, quæ reprehendere velis. Non potest, inquam, tibi contingere res ista, salua verecundia. Prætercà exercitatione opus est quotidiana, & à rebus studium transferendum est ad verba. Hæc autem etiam si aderunt, & poterunt sine ullo tuo labore decurrere, tamen tēperanda sunt. nam quemadmodum sapienti viro incessus modestior conuenit: ita oratio pressa, non audax. Summa ergo summarum hæc erit, tardiloquum te esse iubeo,

EPIST. XLI. Facis rem optimam,  
 & tibi salutarem, si, vt scribis, perseueras  
 ire ad bonam mentem: quàm stultum est  
 optare, cùm possis à te impetrare. Non  
 sunt ad cœlum eleuandæ manus, nec exo-  
 randus ædituus, vt nos ad aures simulacri,  
 quasi magis exaudiri possimus, admittat:  
 propè est à te Deus, tecum est, intus est.  
 Ita dico, Lucili, sacer intra nos spiritus se-  
 det, malorum bonorumque nostrorum  
 obseruator & custos: hic prout à nobis tra-  
 ctatus est, ita nos ipse tractat. Bonus vir  
 sine Deo nemo est. An potest aliquis su-  
 pra fortunam, nisi ab illo adiutus, exsur-  
 gere? ille dat consilia magnifica, & ere-  
 cta. In vnoquoque virorum bonorum  
 (quis Deus, incertum est) habitat Deus.  
 Si tibi occurrit vetustis arboribus & soli-  
 tam altitudinem egressis frequens lucus,  
 & conspectum cœli densitate ramorum  
 aliorum alios protegentium submouens:  
 illa proceritas siluæ, & secretum loci, &  
 admiratio vmbrae, in aperto tam densæ at-  
 que continuæ, fidem tibi numinis facit.  
 Et si quis specus saxi penitus exesis mon-  
 tem suspenderit, non manufactus, sed na-  
 turalibus caussis in tantam laxitatem ex-  
 cauatus: animum tuum quadam religio-  
 nis suspitione percutiet. Magnorum flu-  
 minum capita veneramur: subita & ex  
 abdito vasti amnis eruptio aras habet. co-  
 luntur aquarum calentium fontes: & sta-  
 gna quædam, vel opacitas vel immensa al-  
 titudo



titudo sacrauit. Si hominem videris inter-  
 ritum periculis, intactum cupiditatibus,  
 inter aduersa felicem, in medijs tempesta-  
 tibus placidum, ex superiore loco homi-  
 nes videntem, ex æquo deos: non subibit  
 te veneratio eius? non dices: ista res ma-  
 ior est altiorque, quàm vt credi similis  
 huic, in quo est, corpusculo possit? Vis  
 istuc diuina descendit. animum excellen-  
 tem, moderatum, omnia tamquam mino-  
 ra transeuntem, quidquid timemus opta-  
 musque ridentem, cælestis potentia agi-  
 tat. non potest res tanta sine adminiculo  
 numinis stare. Itaque maiore sui parte il-  
 lic est, vnde descendit. Quemadmodum  
 radij solis contingunt quidem terram, sed  
 ibi sunt vnde mittuntur: sic animus ma-  
 gnus & sacer, & in hoc demissus vt propius  
 diuina nossemus, conuersatur quidem  
 nobiscum, sed hæret origini suæ. Illinc  
 pendet: illuc spectat ac nititur: nostris  
 tamquam melior interest. Quis est ergo  
 hic? animus qui nullo bono nisi suo niti-  
 tur. Quid enim est stultius, quàm in ho-  
 mine aliena laudare? quid eo dementius,  
 qui ea miratur, quæ in alium protinus  
 transferri possint? Non faciunt meliorem  
 equum aurei fræni. Aliter leo aurata iuba  
 demittitur, dum contractatur, & ad patien-  
 tiam recipiendi ornamenta cogitur fati-  
 gatus: aliter incultus, integri spiritus. Hic  
 scilicet impetu acer, qualem illum esse na-  
 tura voluit, speciosus ex horrido, cuius hic

decor est, non sine timore adspici, præfer-  
tur illi languido, & bracteato. Nemo glo-  
riari nisi suo debet. Vitem laudamus, si  
fructu palmites onerat, si ipsa ad terram,  
pondere eorum quæ tulit, adminicula de-  
ducit. Num quis huic illam præferet vi-  
tem, cui aureæ vuæ, aurea folia dependent?  
Propria virtus est in vite, fertilitas: in ho-  
mine quoque id laudandum est, quod ip-  
sius est. Familiam formosam habet, & do-  
mum pulchram: multum serit, multum  
fænerat. nihil horum in ipso est, sed circa  
ipsum. Lauda in ipso, quod nec eripi po-  
test, nec dari: quod proprium est hominis.  
Quæris quid sit? animus, & ratio in ani-  
mo perfecta. Rationale enim animal est  
homo. consummatur itaque eius bo-  
num, si id adimplevit cui nascitur. Quid  
est autem quod ab illo ratio hæc exigit?  
rem facillimam, secundum naturam suam  
vivere: sed hanc difficilem facit communis  
infantia. Invitia alter alterum trudemus.  
quomodo autem ad salutem reuocari pos-  
sunt, quos nemo retinet, populus impellit?

EPIST. XLII. Iam tibi iste persua-  
sit, se virum bonum esse. Atqui vir bo-  
nus tam citò nec fieri potest, nec intelligi.  
Scis quem nunc virum bonum dicam? hu-  
ius secundæ notæ. nam ille alter fortasse,  
tamquam phœnix, semel anno quingen-  
tesimo nascitur: nec est mirum, ex inter-  
uallo magna generari. Mediocria & in-  
ruram nascentia, sæpè fortuna producit:  
eximia

eximia verò, ipsa raritate commendat. Sed iste multum adhuc abest ab eo, quod proficitur; & si sciret quid esset vir bonus, nondum se esse crederet: fortasse etiam fieri posse desperaret. At malè existimat de malis. Hoc etiam mali faciunt. nec vlla maior pœna nequitiae est, quàm quòd sibi ac suis displicet. At odit eos qui subita & magna potentia impotenter vtuntur. Idem faciet, cùm idem poterit. multorum, quia imbecilla sunt, latent vitia: non minus ausura, cùm illis vires suæ placuerint, quàm illa quæ iam felicitas aperuit. Instrumenta illis explicandæ nequitiae desunt. Sic tutò serpens etiam pestifera tractatur, dum riget frigore. non desunt tunc illi venena, sed torpent. Multorum crudelitas, & ambitio, & luxuria, vt patria pessimis audeat, fortunæ fauore deficitur. eadem velle eos cognosces: da posse, quantum volunt. Meministi, cùm quemdam affirmares esse in tua potestate, dixisse me, volaticum esse ac leuem, & te non pedem eius tenere, sed pennam. Mentitus sum; pluma tenebatur, quam remisit & fugit. Scis quos postea exhibuerit tibi ludos, quàm multa in caput suum casura tentauerit. Non videbat, se per aliorum pericula in suum ruere: non cogitabat, quàm onerosa essent quæ petebat, etiam si supernacua non essent. Hoc itaque in his quæ affectamus, ad quæ labore magno contendimus, inspicere debemus, aut

nihil in illis commodi esse, aut plus incommodi. Quædam superuacua sunt, quædam tanti non sunt. Sed hæc non providemus: & gratuita nobis videntur, quæ carissimè constant. Ex eo licet stupor noster appareat, quòd ea sola putamus emi, pro quibus pecuniam solvimus: & gratuita vocamus, pro quibus nos ipsos impendimus. Quæ emere nollemus, si domus nobis nostra pro illis esset danda, si amenum aliquod fructuosumque prædium: ad ea paratissimi sumus pervenire cum sollicitudine, cum periculo, cum iactura pudoris, & libertatis, & temporis. Adeò nihil est cuique se vilius. Idem itaque in omnibus consilijs rebusque faciamus, quod solemus facere, quoties ad institorem alicuius mercis accessimus: videamus, hoc quod concupiscimus, quanti deferatur. Sæpè maximum pretium est, pro quo nullum dantur. Multa possum tibi ostendere, quæ acquisita acceptaque, libertatem nobis extorserunt. nostri essemus, si ista nostra non essent. Hæc ergo tecum ipse versa, non solum vbi de incremento agetur, sed etiam vbi de iactura. Hoc perituum est? nempe aduentitium fuit. tam facilè sine isto viues, quàm vixisti. Si diu illud habuisti, perdis postquam satiatus es: si non diu, perdis antequam assuescas. Pecuniam minorem habebis? nempe & molestiam. gratiam minorem? nempe & invidiam. Circumspice ista, quæ nos agunt

in

in infaniam, quæ cum plurimis lacrymis amittimus: scies non damnum in his molestum esse, sed opinionem damni. Nemo illa perisse sentit, sed cogitat. Qui se habet, nihil perdidit. sed quoto cuique habere se contigit?

EPIST. XLIII. Quomodo hoc ad me peruenerit, quæris: quis mihi id te cogitare narrauerit, quod tu nulli narraueras. Is qui scit plurimum, rumor. Quid ergo, inquis, tantus sum, ut possim excitare rumorem? non est quod te ad hunc locum respiciens metiaris: ad istum respice, in quo moraris. Quidquid inter vicina eminet, magnum est illic, ubi eminet. Nam magnitudo non habet certum modum: comparatio illam aut tollit, aut deprimit. Nauis quæ in flumine magna est, in mari paruula est: gubernaculum quod naui alteri magnum, alteri exiguum est. Tu nunc in prouincia, licet contempnas ipse te, magnus es: quid agas, quemadmodum cenes, quemadmodum dormias, quæritur, scitur. Eò tibi diligentius uiuendum est. Tunc felicem te esse iudica, cum poteris in publico uiuere, cum te parietes tui regent, non abscondent: quos plerumque circumdatos nobis iudicamus, non ut tutius uiuamus, sed ut peccemus occultius. Rem dicam, ex qua mores æstimes nostros; vix quemquam inuenies, qui possit aperto ostio uiuere. Ianitores conscientia nostra, non superbia opposuit.

Sic viuimus, vt apprehendi fit, subito ad-  
spici. Quid autem prodest recondere se,  
& oculos hominum auresque vitare? Bo-  
na cōscientia turbam aduocat, mala etiam  
in solitudine anxia atque sollicita est. Si  
honestas sunt quę facis, omnes sciant: si tur-  
pia, quid refert neminē scire, cū tu scias?  
O te miserum, si contemnis hunc testem!

EPIST. XLIV. Iterum tu mihi te pu-  
sillum facis, & dicis, malignius tecum egis-  
se naturam prius, deinde fortunam? cū  
possis te eximere vulgo, & ad felicitatem  
omnium maximam emergere. Si quid  
aliud est in philosophia boni, hoc est, quod  
stemma non inspicit. Omnes si ad pri-  
mam originem reuocentur, à dijs sunt.  
Eques Romanus es, & ad hunc ordinem  
tua te perduxit industria: at mehercules  
multis quatuordecim sunt clausi. Non  
omnes curia admittit: castra quoque,  
quos ad laborem & periculum recipiunt,  
fastidiosè legunt. Bona mens omnibus pa-  
ret: omnes ad hoc sumus nobiles. nec reiici-  
cit quemquam philosophia, nec eligit: om-  
nibus lucet. Patricius Socrates non fuit:  
Cleanthes aquam traxit, & rigando hor-  
tulo locauit manus: Platonem non acce-  
pit nobilem philosophia, sed fecit. Quid  
est quare desperes his te posse fieri parem?  
Omnes hi maiores tui sunt, si te illis ge-  
ris dignum. Geres autem, si hoc protinus  
tibi persuaferis, à nullo te nobilitate supe-  
rari. Omnibus nobis totidem ante nos  
sunt,

sunt . nullius non origo vltra memoriam  
 iacet . Plato ait : Neminem regem non ex  
 seruis esse oriundū , neminem non seruum  
 ex regibus . Omnia ista longa varietas mi-  
 scuit , & sursum deorsum fortuna versauit .  
 Quis ergo generosus ? ad virtutem bene  
 à natura compositus . Hoc vnum est in-  
 tuendum . alioqui si ad vetera reuocas , ne-  
 mo non inde est , ante quod nihil est . A pri-  
 mo mundi ortu , vsque in hoc tempus , per-  
 duxit nos ex splendidis sordidisque alter-  
 nata series . Non facit nobilem atrium ple-  
 num fumosis imaginibus . nemo in no-  
 stram gloriam vixit : nec quod ante nos  
 fuit , nostrū est . Animus facit nobilem : cui  
 ex quacumque conditione supra fortunam  
 licet surgere . Puta itaque te non esse equi-  
 rem Romanum , sed libertinum : potes hoc  
 consequi , vt solus sis liber inter ingenuos .  
 Quomodo ? inquis . si mala bonaque non  
 populo auctore distinxeris . Intuendum  
 est , non vnde veniant , sed quò eant : Si  
 quid est quod beatam vitam potest face-  
 re , id bonum est suo iure : deprauari enim  
 in malum non potest . Quid est ergo , in  
 quo erratur ? cum omnes beatam vitam  
 optent , quòd instrumenta eius pro ipsa ha-  
 bent , & illam dum petunt , fugiunt . Nam  
 cum summa beatæ vitæ , sit solida secu-  
 ritas , & eius inconcussa fiducia ; sollicitu-  
 dinis colligunt causas , & per insidiosum  
 iter vitæ non tantum ferunt sarcinas , sed  
 trahunt . Ita longius ab effectu eius quod

petunt, semper abscedunt, & quò plus operæ impendunt, hoc se magis impediunt, & feruntur retrò. Quod euenit in labyrintho properantibus, ipsa illos velocitas implicat.

EPIST. XLV. Librorum istic inopiam esse quereris. Non refert quàm multos, sed quàm bonos habeas. lectio certa prodest, varia delectat. Qui quò destinauit peruenire vult, vnā sequatur viam, non per multas vagetur. non ire istud, sed errare est. Vellem, inquis, magis libros mihi quàm consilium dares. Ego verò quoscumque habeo mittere paratus sum, & totum horreum excutere: me quoque istò si possem, transferrem, & nisi maturè te finem officij sperarem impetraturum, hanc senilem expeditionem indixissem mihi: nec me Charybdis, & Sylla, & fabulosum istud fretum deterre-re potuisset. Transnataissem ista, non solum traiecissem, dummodo te complecti possem, & presens æstimare quantum animo creuisses. Ceterum quòd libros meos tibi miti desideras, non magis ideò me disertum puto, quàm formosum putarem, si imaginem meam peteres. Indulgentiæ scio istud esse, non iudicij: & si modò iudicij est, indulgentia tibi imposuit. Sed qualescumque sunt, tu illos sic lege, tamquam verum quæram adhuc, non sciam, & contumaciter quæram. Non enim me cuiquam mancipaui, nullius nomen fero: multum.



multum magnorum virorum iudicio credo, aliquid & meo vindico. Nam illi quoque non inuenta, sed quærenda nobis reliquerunt: & inuenissent forsitan necessaria, nisi & superflua quæsissem. Multum illis temporis verborum caullatio eripuit, & captiosæ disputationes, quæ acumen irritum exercent. Nectimus nodos, & ambiguum significationem verbis alligamus, deinde dissoluimus. Tantum nobis vacat? iam vivere, iam mori scimus? Tota illò mēte pergendum est, vbi prouideri debet, ne res nos, nō verba, decipiant. Quid mihi vocum similitudines distinguis, quibus nemo vmquā nisi dum disputat, captus est? res fallunt, illas discerne. Pro bonis mala amplectimur: optamus contra id quod optauimus: pugnant vota nostra cum votis, consilia cum consilijs. Adulatio quàm similis est amicitia? Non imitatur tantum illam, sed vincit, & præterit: apertis & propitijs auribus recipitur, & in præcordia ima descendit, eo ipso gratiosa quo lædit. Doce quemadmodum hanc similitudinem dignoscere possim. venit ad me pro amico blandus inimicus: vitia nobis sub virtutum nomine obrepunt: remeritas sub titulo fortitudinis latet: moderatio vocatur ignauia: pro cauto timidus accipitur. In his magno periculo erratur: his certas notas imprimē. Ceterum qui interrogatur, an cornua habeat, non est tam stultus, vt frontem suam tentet:.

nec rursus tam ineptus aut hebes, ut non habere se nesciat, quod tu illi subtilissima collectione persuaseris. Sic ista sine noxa decipiunt, quomodo præstigiatorum acetabula & calculi, in quibus fallacia ipsa delectat. Effice, ut quomodo fiat intelligam: perdidisti usum. Idem de istis captionibus dico: quo enim nomine potius sophismata appellem? nec ignorantem nocent, nec scientem iuvant. Si vis utique verborum ambiguitates diducere, hoc nos doce, beatum non eum esse, quem vulgus appellat, ad quem pecunia magna confluit: sed illum, cui bonum omne in animo est, erectum, & excelsum, & mirabilia calcantem. qui neminem videt, cum quo se commutatum velit: qui hominem ea sola parte æstimat, qua homo est: qui natura magistra utitur, ad illius leges componitur, sic vivit, quomodo ista præscripsit: cui bona sua nulla vis excutit: qui mala in bonum vertit, certus iudicii, inconcussus, intrepidus: quem aliqua vis movet, nulla perturbat: quem fortuna, cum in eum quod habuit telum nocentissimum, vi maxima intorsit, pungit, non vulnerat, & hoc raro. Nam cetera eius tela, quibus genus humanum debellatur, grandinis more dissultant: quæ incussa tectis, sine ullo habitatoris incommodo crepitat, ac soluitur. Quid me detines in eo, quem tu ipse Pseudomenon appellas, de quo tantum librorum compositum est? Ecce tota mihi vita

vita mentitur : hanc coargue, hanc ad verum, si acutus es, redige. Neccessaria iudicat, quorum magna pars superuacua est : etiam quæ non est superuacua, nihil in se momenti habet in hoc, vt possit fortunatum beatumque præstare. Non enim statim bonum est, si quid neccessarium est. Ac proijcimus bonum, si hoc nomen pani aut polentæ damus, & ceteris sine quibus vita non ducitur. Quod bonum est, utique neccessarium est : quod autem neccessarium est, non statim bonum est : quoniam quædam neccessaria sunt, eadem vilissima. Nemo usque eò dignitatem boni ignorat, vt illud ad hæc in diem vtilia demittat. Quid ergo? non eò potius curam transferes, vt ostendas omnibus, magno temporis impendio quæri superuacua : & multos transisse vitam, dum vitæ instrumenta conquirunt? Recognosce singulos, considera vniuersos: nullius non vita spectat in crastinum. Quid in hoc sit mali, quæris? infinitum. nō enim viuunt, sed victuri sunt: omnia differunt. Etiam si attenderemus, tamen nos vita præcurreret: nunc verò cunctantes quasi aliena transcurrit, & vltimo die finitur, omni perit. Sed ne epistolæ modum excedam, quæ non debet sinistram manum legentis implere : in alium diem hanc litem cum dialecticis differam, nimium subtilibus, & hoc solum curantibus, non & hoc.

EPIST. XLVI. Librum tuum quem  
mihi

mihi promiseras, accepi, & tamquam lecturus ex commodo adaperui, ac tantum degustare volui. Deinde blanditus est ipse, ut procederem longius: qui quam disertus fuerit, ex hoc intelligas licet. brevis mihi visus est, cum esset nec mei, nec tui temporis, sed qui primo adspectu aut T. Liuij, aut Epicuri posset videri, tanta autem dulcedine me tenuit & traxit, ut illum sine vlla dilatione perlegerem. Sol me inuitabat, fames admonebat, nubes minabantur: tamen exhausti totum. Non tantum delectatus, sed gauisus sum. Quid ingenij iste habuit? quid animi? dicerem, quid impetus? si interquieuisset, si intervallo surrexisset. Nunc non fuit impetus, sed tenor, compositio virilis & sancta. Nihilominus interueniebat dulce illud, & loco lene. Grandis & rectus es. hoc te volo tenere, sic ire. Fecit aliquid & materia. ideò eligenda est fertilis, quæ capiat ingenium, quæ excitet. De libro tuo plura scribam, cum illum retractauero: nunc verò parum mihi sedet iudicium, tamquam audierim illa, non legerim. Sine me & inquirere. Non est quod verearis, verum audies. O te hominem felicem, quod nihil habes, propter quod quisquam tibi tam longè mentiatur! nisi quod etiam ubi causa sublata est, mentimur & consuetudinis causa.

EPIST. XLVII. Libenter ex his qui à te veniunt cognoui, familiariter te cum  
seruis

seruistuis viuere . hoc prudentiam tuam ,  
hoc eruditionem decet . Serui sunt ? imò  
homines . Serui sunt ? imò contubernales.  
Serui sunt ? imò humiles amici . Serui  
sunt ? imò conserui, si cogitaueris tantum-  
dem in vtrosque licere fortunæ. Itaque ri-  
deo istos qui turpe existimant cum seruo  
suo cœnare : quare ? nisi quia superbissi-  
ma consuetudo cœnanti domino stantium  
seruorum turbam circumdedit . Est ille  
plus quàm capit , & ingenti auiditate one-  
rat distentum ventrem, ac desuetum iam  
ventris officio , vt maiore opera omnia  
egerat , quàm ingessit : at infelicibus ser-  
uis mouere labra , ne in hoc quidem , vt  
loquantur , licet . virga murmur omne  
compescitur : & ne fortuita quidem ver-  
beribus excepta sunt , tussis, sternutamen-  
tum, singultus: magno malo vlla voce in-  
terpellatum silentium luitur : nocte tota  
ieiuni , mutique perstant . Sic fit, vt isti de  
domino loquantur , quibus coràm domi-  
no loqui non licet . At illi quibus non tan-  
tùm coràm dominis , sed cum ipsis erat  
sermo, quorum os non consuebatur, para-  
ti erant pro domino porrigere ceruicem ,  
periculum imminens in caput suum auer-  
tere . In conuiujs loquebantur, sed in tor-  
mentis tacebant . Deinde eiusdem arro-  
gantiæ prouerbium iactatur. Totidem es-  
se hostes, quot seruos . Non habemus illos  
hostes, sed facimus . Alia interim crude-  
lia & inhumana prætereo , quòd nec tam  
quam

quam iumentis abutimur: quòd cùm ad  
cœnandum discubuimus, alius sputa de-  
tergit, alius reliquias temulentorum sub-  
ditus colligit, alius pretiosas aues scindit:  
pectus & clunes, certis ductibus circum-  
ferens eruditam manum, in frustra excu-  
tit. Infelix qui huic vni rei viuit, vt altitia  
decenter secet. nisi quòd miserior est, qui  
hoc voluptatis causâ docet, quàm qui ne-  
cessitatis, discit. Alius vini minister in mu-  
liebrem modum ornatus, cum ætate lucta-  
tur. Non potest effugere pueritiam, sed  
retrahitur. iamque militari habitu glaber,  
dstrictis pilis, aut penitus euulsis, rota no-  
cte peruigilat: quam inter ebrietatem do-  
mini ac libidinem diuidit, & in cubiculo  
vir, & in conuiuio puer est. Alius cui con-  
uiuiarum censura permissa est, perstat in-  
felix, & exspectat, quos adulatio, & in-  
temperantia aut gulæ, aut linguæ, reuocet  
in crastinum. Adijce obsonatores, quibus  
dominici palati notitia subtilis est: qui  
sciunt, cuius rei illum sapor excitet, cuius  
delectet adspectus, cuius nouitate nausea-  
bundus erigi possit, quid iam ipsa satieta-  
te fastidiat, quid illo die esuriant. Cum his  
cœnare non sustinet, & maiestatis suæ di-  
minutionem putat, ad eandem mensam  
cum seruo suo accedere. Dij melius quòd  
ex istis dominos habent. Stare ante limen  
Callisti dominum suum vidi, & eum qui  
illi impeggerat titulum, qui inter reijcula  
mancia produxerat, aliis intrantibus  
exclu-

excludi. Retulit illi gratiam seruus, ille in primam decuriam coniectus, in qua vocem præco experitur, & ipse illum inuicem apologauit, & ipse non iudicauit domo sua dignum. Dominus Callistum vendidit: sed domino quàm multa Callistus? Vis tu cogitare istum quem seruum tuum vocas, ex iisdem seminibus ortum, eodem frui cœlo, æquè spirare, æquè viuere, æquè mori? Tam tu illum ingenuum videre potes, quàm ille te seruum. Mariana clade quàm multos splendidissimè natos, senatorium per militiam auspicantes gradum, fortuna depressit? alium ex illis pastorem, alium custodem casæ fecit. Contemne nunc eius fortunæ hominem, in quam transire, dum contemnis, potes. Nolo in ingentem me locum immittere, & de usu seruorum disputare, in quos superbissimi, crudelissimi, & contumeliosissimi sumus. Hæc tamen præcepti mei summa est: Sic cum inferiore viuas, quemadmodum tecum superiorem velles viuere. Quoties in mentem venerit, quantum tibi in seruum liceat: veniat in mentem, tantumdem in te domino tuo licere. At ego, inquis, nullum habeo dominum. Bona ætas est. forsitan habebis. nescis quæ ætate Hecuba seruire cœperit, quæ Cræsus, quæ Darij mater, quæ Plato, quæ Diogenes? Viue cum seruo clementer. comiter quoq; & in sermonē admitte, & in consilium, & in conuictum. Hoc loco acclamabit

mabit mihi tota manus delicatorum: Nihil hac re humilior, nihil turpius. Hos ego eosdem deprehendam, alienorum seruorum osculantes manum. Ne illud quidem videtis, quàm omnem inuidiam maiores nostri dominis, omnem contumeliam seruis detraxerint? Dominum, patrem familiæ appellauerunt: seruos (quod etiam in mimis adhuc durat) familiares. Instituerunt diem festum, quo non solum cum seruis domini vescerentur, sed quo utique honores illis in domo gerere, ius dicere permiserunt, & domum pusillam rempublicam esse iudicauerunt. Quid ergo? omnes seruos admouebo mensæ meæ? non magis quàm omnes liberos. Erras, si existimas me quosdam quasi sordidioris operæ reiecturum, ut puta illum mulionem, & illum bubulcum: non ministerijs illos æstimabo, sed moribus. Sibi quisque dat mores: ministeria casus assignat. Quidam cœnent tecum, quia digni sunt; quidam, ut sint. Si quid enim in illis ex sordida conuersatione seruale est, honestiorum conuictus excutiet. Non est, mihi Lucili, quòd amicum tantum in foro & in curia quæras: si diligenter attenderis, & domi inuenies. Sæpè bona materia cessat, sine artifice: tenta, & experire. Quemadmodum stultus est, qui equum empturus, non ipsum inspicit, sed stratum eius ac frænos: sic stultissimus est, qui hominem aut ex veste, aut ex conditione, quæ



quæ vestis modo nobis circumdata est ,  
 æstimat . Seruus est ? sed fortasse liber ani-  
 mo . Seruus est ? hoc illi nocebit ? ostende  
 quis nō sit . Alius libidini seruit, alius aua-  
 ritia, alius ambitioni; omnes timori . Da-  
 bo consularem, aniculæ seruientem; dabo  
 ancillulæ diuitem: ostendam nobilissimos  
 iuuenes mancipia Pantomimorum . Nulla  
 seruitus turpior est, quàm voluntaria . Qua-  
 re nō est quòd fastidiosi te deterreant, quò  
 minùs seruis tuis hilarem te præstes, & nō  
 superbè superiorem . Colant potiùs te ,  
 quàm timeant . Diceret nunc aliquis, me  
 vocare ad pileum seruos, & dominos de fa-  
 stigio suo deijcere : quod dixi, colant po-  
 tiùs dominum, quàm timeant . Ita ne, in-  
 quit, prorsus colant tamquam clientes,  
 tamquam salutatores ? Hoc qui dixerit,  
 obliuiscetur, id dominis parum esse, quod  
 Deo satis est, qui colitur & amatur . Non  
 potest amor cum timore misceri . Rectis-  
 simè ergo te facere iudico, quod timeri à  
 seruis tuis non vis, quòd verborum castiga-  
 tione vteris . Verberibus multa admonen-  
 tur . non quidquid nos offendit, & lædit .  
 Sed ad rabiem cogunt venire deliciae, vt  
 quidquid nō ex voluntate respondit, iram  
 prouocet . Regū nobis induimus animos .  
 nam illi quoque obliti & virium suarum,  
 & imbecillitatis alienæ, sic excandescunt,  
 sic sæuiunt, quasi iniuriam acceperint : à  
 cuius rei periculo illos fortunę suę magni-  
 tudo tutissimos præstat . Nec hoc igno-  
 rant,

rant, sed occasionem nocendi captant, querendo . acceperunt iniuriam , vt facerent . Diutius te morari nolo . non est enim tibi exhortatione opus . Hoc habent inter cetera boni mores : placent sibi , & permanent . leuis est malitia : sēpè mutatur ; non in melius sed in aliud.

EPIST. XLVIII. Ad epistolam quam mihi ex itinere misisti, tam longam, quàm ipsum iter fuit, postea rescribam . Seducere me debeo, & quid suadeam, circumspicere . Nam tu quoque qui consulis , diu an consuleres cogitasti : quanto magis hoc mihi faciendum est , cū longiore mora opus sit , vt soluas quæstionem , quàm vt proponas ? Vtique cū aliud tibi expediat , aliud mihi : iterū ego tamquam Epicurus loquor . Mihi verò idem expedit , quod tibi : aut non sum amicus , nisi quidquid agitur ad te pertinens , meum est . Consortium rerum omnium inter nos facit amicitia : nec secundi quidquam singulis est , nec aduersi . in commune viuuntur . Nec potest quisquam beatè degere , qui se tantū intuetur , qui omnia ad utilitates suas conuertit : alteri viuas oportet , si vis tibi viuere . Hæc societas diligenter & sanctè obseruanda est ; quæ nos omnes omnibus miscet , & iudicat aliquod esse commune ius generis humani . plurimū ad illam quoque (de qua loquebar) interiorē societatem amicitiae colendam proficit . Omnia enim cum amico communia habere-

habebit, qui multa cum homine. Hoc, Lucili virorum optime, mihi ab istis subtilibus præcipi malo, quid amico præstare debeam, quid homini, quàm quot modis Amicus dicatur, & Homo quàm multa significet. In diuersum ecce sapientia & stultitia discedunt. cui accedo? in vtram ire partem iubes? Illi homo pro amico est, huic amicus non est pro homine: ille amicum sibi parat, hic se amico. Tu mihi verba distorques, & syllabas digeris. Scilicet nisi interrogationes vaferrimas struxero, & conclusione falsa à vero nascens mendacium adstrinxero, non potero à fugiendis petenda secernere. Pudet me. in re tam seria senes ludimus. Mus syllaba est: mus autē caseum rodit. syllaba ergo caseum rodit. Puta nunc me istud nō posse soluere: quod mihi ex ista sententia periculum imminet? quod incommodum? Sine dubio verendum est, ne quando in muscipula syllabas capiam, aut ne quando si negligentior fuero, caseum liber comedat. Nisi fortē acutior est illa collectio: Mus syllaba est: syllaba autē caseum non rodit: mus ergo caseum nō rodit. O pueriles ineptias! in hoc supercilia subduximus? in hoc barbā demisimus? hoc est quod tristes docemus & pallidi? Vis scire, quid philosophia promittat generi humano? cōsiliū. Alium mors vocat, alium paupertas vrit, alium diuitiæ vel alienæ torquent, vel suæ: ille malam fortunā horret, hic se felicitati suæ

suæ subducere cupit : hunc homines malè  
 habent, illum dij . Quid mihi lusoria ista  
 proponis ? non est iocandi locus . ad mise-  
 ros aduocatus es . Opem te laturum nau-  
 fragis , captis , ægris , egentibus , intentæ  
 securi subiectum præstantibus caput , pol-  
 licitus es : quò diuerneris ? quid agis ? hic  
 cum quo ludis , timet . Succurre , quis-  
 quis eloquentior es , pereuntium pœnis .  
 Omnes vndique ad te manus tendunt , per-  
 ditæ vitæ , perituræque auxilium aliquod  
 implorant , in te spes opesque sunt . Ro-  
 gant vt ex tanta illos volutatione extra-  
 has , vt disiectis & errantibus clarum ve-  
 ritatis lumen ostendas . Dic quid natura  
 necessarium fecerit , quid superuacuum ,  
 quàm faciles leges posuerit : quàm iucun-  
 da sit vita , quàm expedita , illas sequenti-  
 bus ; quam acerba & implicita eorum , qui  
 opinioni plus quàm naturæ crediderunt .  
 Quid istorum cupiditates demit ? quid  
 temperat ? Vtinam tantum non prodes-  
 sent ! nocent . Hoc tibi , cùm voles , mani-  
 festissimum faciam , & comminui & de-  
 bilitari generosam indolem , in istas argu-  
 tias coniectam . Pudet dicere contra for-  
 tunam militaturis , quæ porrigant tela ,  
 quemadmodum illos subornent . Hac ad  
 summum bonum itur ? per istud philoso-  
 phiæ sunt nigrae , & turpes , infamesque  
 etiam ad album sedentibus , exceptiones .  
 Quid enim aliud agitis , cùm eum quem  
 interrogatis , scientes in fraudem induci-  
 tis ,

tis, quàm vt formula cecidisse videatur? Sed quemadmodum illum prætor, sic hos philosophia in integrum restituit. Quid disceditis ab ingentibus promissis; & grandia locuti, affecturos vos, vt non magis auri fulgor, quàm gladij perstringat oculos meos, vt ingenti constantia, & quod omnes optant, & quod omnes timent, calcem, ad Grammaticorum elementa descenditis? Quid dicitis? sic itur ad astra? hoc enim est quod philosophia mihi promittit, vt me parem Deo faciat: ad hoc inuitatus sum, ad hoc veni. fidem præsta. Quantum potes ergo, mi Lucili, reduce te ab istis exceptionibus & præscriptionibus philosophorū. Aperta decent & simplicia bonitatem. Etiam si multum superesset ætatis, parcè iam dispensandum erat, vt sufficeret necessariis: nunc quæ dementia est, superuacua discere in tanta tēporis egestate?

E P I S T. XLIX. Est quidem, mi Lucili, supinus & negligens, qui in amici memoriam ab aliqua regione admonitus reducitur: tamen repositum in animo nostro desiderium loca interdum familiaria euocant, nec extinctam memoriam reddunt, sed quiescentem irritant. sicut dolorem lugentium, etiam si mitigatus est tempore, aut seruli familiaris admissio, aut vestis, aut domus renouat. Ecce Campania, & maximè Neapolis, ad Pompeiorum tuorum conspectum, incredibile est, quàm recens desiderium tui fecerit.

erit . Totus mihi in oculis es , cūm ma-  
 ximè à te discedo : video lacrimas combi-  
 bentē , & affectibus tuis inter ipsam coer-  
 citionem exeuntribus non satis resisten-  
 tem . modò amississe te videor . Quid enim  
 non modò est , si recorderis ? Modò apud  
 Sotionem philosophum puer sedi , modò  
 causas agere cœpi , modò desij velle age-  
 re , modò desij posse . Infinita est velocitas  
 temporis , quæ magis apparet respicienti-  
 bus . Nam ad præsentia intentos fallit :  
 adeò præcipitis fugæ transitus levis est .  
 Causam huius rei quæris ? quidquid tem-  
 poris transiit , eodem loco est : pariter aspi-  
 citur , vnà iacet : omnia inde in profun-  
 dum cadunt . & alioquin non possunt lon-  
 ga intervalla esse in ea re , quæ tota bre-  
 vis est . Punctum est quod vivimus , & ad-  
 huc puncto minus : sed hoc minimum  
 specie quadam longioris spatij natura di-  
 visit . Aliud ex hoc infantiam fecit , aliud  
 pueritiam , aliud adolescentiam , aliud in-  
 clinationem quamdam ab adolescentia ad  
 senectutem , aliud ipsam senectutem . In  
 quàm angusto , quot gradus posuit ? Modò  
 te persecutus sum : & tamen hoc modò ,  
 ætatis nostræ bona portio est : cuius brevi-  
 tatem aliquādo futuram cogitemus . Non  
 solebat mihi tam velox tēpus videri . nunc  
 incredibilis cursus apparet : siue quia ad-  
 moueri lineas sentio , siue quia attendere  
 cœpi & computare damnum meum . Eo  
 magis utique indignor , aliquos ex hoc  
 tempo-

tempore (quod sufficere nec ad necessaria quidem potest, etiam si custoditum diligentissimè fuerit) in superuacua maiorem partem erogare. Negat Cicero, si duplicetur sibi ætas, habiturum se tempus quo legat Lyricos: eodem modo Dialecticos. Tristiùs inepti sunt. illi ex professo lasciuunt: hi agere seipsum aliquid existimant. Nec ego nego prospicienda ista: sed prospicienda tantum, & à limine salutanda, in hoc vnum, ne verba nobis dentur, & aliquid esse in illis magni ac secreti boni iudicemus. Quid te torques & maceras in ea quæstione, quam subtilius est contempsisse, quàm soluere? Securi est, & ex commodo migrantis, minuta conquirere. Cùm hostis instat à tergo, & mouere iussus est miles, excutit necessitas quidquid pax otiosa collegerat. Non vacat mihi verba dubiè cadentia consecrari, & vafritiâ in illis meam experiri.

*Adspice qui coeant populi, qua mœnia clausis*

*Ferrum acuant portis.*

Magno mihi animo strepitus iste belli circumsonantis exaudiendus est. Demens omnibus meritò videret, si cùm saxa in munimentum murorum senes fœminæq; congererent; cùm iuuentus intra portas armata signum eruptionis expectaret, aut posceret; cùm hostilia in portis tela vibratet, & ipsum solū suffossionibus & cuniculis tremere; sederem otiosus, &

eiusmodi quæstiunculas ponens : Quod non perdidisti, habes : cornua autem non perdidisti : cornua ergo habes : aliaque ad exemplum huius acutæ delirationis concinnata . Atqui æquè licet demens tibi videar , si istis impendero operam . & nunc obsideor . Tunc tamen periculum mihi obfesso externum immineret , murus me ab hoste secerneret : nūc mortifera mecum sunt . Non vaco ad istas ineptias . ingens negotium in manibus est . Quid agam ? mors me sequitur , fugit vita : aduersus hæc me doce aliquid . effice ne ego mortem fugiam , vita me non effugiat . Exhortare aduersus difficilia , de equanimitate : aduersus ineuitabilia , angustias temporis mei laxa : doce non esse positum bonum vitæ in spatio eius , sed in vsu : posse fieri , imò sæpe fieri , vt qui diu vixit , parūm vixerit . Dic mihi dormituro , Potes non expergisci : dic experrecto , Potes non dormire amplius . Dic exeunti , Potes nō reuerti : dic redeunti , Potes non exire . Erras , si in navigatione tantūm existimas minimum esse , quod à morte vita diducitur : in omni loco æquè tenue internallum est . Non vbique se mors tam propè ostendit : vbique tam propè est . Has tenebras discute : & facilius ea trades , ad quæ præparatus sum . Dociles natura nos edidit , & rationē dedit imperfectam , sed quæ perfici posset . De iustitia mihi , de pietate disputa , de frugalitate , de pudicitia vtraque , & illa cui alieni corporis absti-



abſtinentia eſt , & hac cui ſui cura . Si me nolueris per deuia ducere , faciiliùs ad id quò tendo , perueniam . Nã (vt ille ait Tra- gicus) Veritatis ſimplex oratio eſt . Ideo- que illam implicare nō oportet . nec enim quidquam minùs conuenit , quàm ſubdola iſta calliditas , animis conantibus magna .

EPIST. L. Epistolam tuam accepi poſt multos meſes , quàm miſeras . ſu- peruacuum itaque putauì , ab eo qui affe- rebat , quid ageres , quærere . Valde enim bonæ memoriæ eſt , ſi meminit : & tamen ſpero te ſic iam viuere , vt vbicum- que eris , ſciam quid agas . Quid enim aliud agas , quàm vt meliorem te ipſe quo- tidie facias , vt aliquid ex erroribus ponas , vt intelligas tua vitia eſſe , quæ putas re- rum ? Quædam enim locis & temporibus adſcribimus : at illa , quocunq; tranſie- rimus , ſecutura ſunt . Harpaſten , vxor- is meæ fatuam , ſcis hereditarium onus in domo mea remanſiſſe . Ipſe enim auerſi- ſſimus ab iſtis prodigijs ſum . ſiquando fa- tuo delectari volo , non eſt mihi longè quærendus : me rideo . Hæc fatua ſubi- to deſiit videre . Incrediblem tibi narro rem , ſed veram . nescit eſſe ſe cæcam : ſubinde pædagogum ſuum rogat , vt mi- gret : ait domum tenebroſam eſſe . Hoc quod in illa ridemus , omnibus nobis ac- cidere , liqueat tibi . nemo ſe auarum eſſe intelligit , nemo cupidum . Cæci ta- men ducem quærunt : nos ſine duce er-

ramus, & dicimus: Non ego ambitiosus sum, sed nemo aliter Romæ potest vivere. Non ego sumptuosus sum, sed vrbs ipsa magnas impensas exigit. Non est meum vitium quod iracundus sum, quod nondum constitui certum genus vitæ: adolescentia hæc facit. Quid nos decipimus? non est extrinsecus malum nostrum: intra nos est, in visceribus ipsis sedet. Et ideo difficulter ad sanitatem pervenimus, quia nos ægrotare nescimus. Si curari cœperimus, quando tot morbos, tantæve ægritudines discutiemus? Nunc verò ne quærimus quidem medicum: qui minus negotij haberet, si adhiberetur ad recens vitium. sequerentur teneri & rudes animi, recta monstrantem. nemo difficulter ad naturam reducitur, nisi qui ab illa defecit. Erubescimus discere bonam mentem. at mehercules, turpe est magistrum huius rei quærere. Illud desperandum est, posse nobis casu tantum bonum influere: laborandum est: &, vt verum dicam, ne labor quidem magnus est: si modò, vt dixi, antè animum nostrum formare incipimus, & recorregerè, quā indurescat prauitas eius. Sed nec indurata despero. Nihil est quod non expugnet pertinax opera, & intenta ac diligens cura. Robora in rectū, quamvis flexa, reuocabis: curuatas trabes calor explicat: & aliter natæ, in id finguntur, quod vsus noster exigit: quanto facilius animus accipit formam, flexibilis, & om-

ni humore obsequentior? quid enim aliud est animus, quàm quodammodo se habens spiritus? vides autem tanto spiritum esse faciliorem omni alia materia, quanto tenuior est. Illud, mi Lucili, non est quod te impediatur, quò minùs de nobis benè speres, quòd malitia iam nos tenet, quòd diu in possessione nostri est. Ad neminem antè bona mens venit, quàm mala. omnes præoccupati sumus, virtutes discere, vitia dediscere: sed eò maiore animo ad emendationem nostri debemus accedere, quòd semel traditi boni perpetua possessio est. Non dediscitur virtus. Contraria enim mala in alieno hærent: ideo expelli & exturbari possunt: fideliter sedent, quæ in locum suum veniunt. Virtus secundum naturam est: vitia inimica & infesta sunt. Sed quemadmodum virtutes receptæ exire non possunt, facilisq; earum tutela est: ita initium ad illas eundi arduum. quia hoc primum imbecillæ mentis atque ægræ est, formidare inexperta. Itaque cogenda est mens, vt incipiat. Deinde non est acerba medicina: protinus enim delectat dum sanat. Aliorum remediorum post sanitatem voluptas est: philosophia pariter & salutaris & dulcis est.

EPIST. LI. Quomodo quisque potest, mi Lucili: tu itic habes Ætnam, illum nobilissimum Siciliae montem: quem quare dixerit Messalla vnicum, siue Valgius, (apud utrumque enim legi) non reperio;

cum plurima loca euomant ignem, non tantum edita, quod crebrius euenit, videlicet quia ignis in altissimum effertur, sed etiam iacentia. Nos utcumque possumus, contenti sumus Baijs: quas postero die, quam attigeram, reliqui. locum ob hoc deuitandum, cum habeat quasdam naturales dotes, quia sibi illum celebrandum luxuria desumpsit. Quid ergo? vlli loco indicendum est odium? minimè: sed quemadmodum aliqua vestis sapienti ac probo viro magis conuenit quam alia, nec vllum colorem ille odit, sed aliquem putat parum aptum esse frugalitatem professo: sic regio quoque est, quam sapiens vir, aut ad sapientiam tendens, declinet, tanquam alienam bonis moribus. Itaque de secessu cogitans, numquam Canopum eliget, quamuis neminem Canopus esse frugi vetet. Ne Baias quidem diuersorium vitiorum esse ceperunt. Illic sibi plurimum luxuria permittit: illic tanquam aliqua licentia debeat loco, magis soluitur. Non tantum corpori, sed etiam moribus salubrem locum eligere debemus. Quemadmodum inter tortores habitare nolim, sic nec inter popinas quidem. Videre ebrios per littora errantes, & comestiones nauigantium, & symphoniarum cantibus perstrepen-tes lacus, & alia quæ velut soluta legibus luxuria, non tantum peccat, sed publicat, quid necesse est? Id agere debemus, ut irritamenta vitiorum quam longissime profugia-

fugiamus. Indurandus est animus, & à blandimentis voluptatum procul abstrahendus. Vna Hannibalem hiberna soluerunt: & indomitum illum niuib. atque Alpibus virum enervauerunt: fomenta Campaniæ. Armis vicit, vitijs victus est. Nobis quoque militandum est: & quidem genere militiæ, quo numquā quies, numquam otium datur. Debellandæ sunt in primis voluptates: quæ (vt vides) sæua quoque ad se ingenia rapuerunt. Si quis sibi proposuerit, quantum operis aggressus sit, sciet nihil delicatè, nihil molliter esse faciendum. Quid mihi cum istis calentibus stagnis? quid cum sudatorijs, in quæ siccus vapor corpora exhausturus includitur? Omnis sudor per laborē exeat. Si faceremus, quod fecit Hannibal, vt interrupto cursu rerum, omissoque bello, fouendis corporibus operam dāremus: nemo nō intempestiuam desidiā, victori quoque, nedum vincenti periculosā, meritō reprehenderet. Minus nobis, quā illis Punica signa sequentibus, licet: plus periculi restat cedentibus, plus operis, etiam perseuerantibus. Fortuna mecum bella gerit: nō sum imperata facturū. iugum non recipio, imò quod maiore virtute faciendum est, excutio: nō est emolliendus animus. Si voluptati cessero, cedendū est dolori, cedendū labori, cedendū est paupertati: idem sibi in me iuris esse volet & ambitio, & ira? inter tot affectus distra-

har, imò discerpar. Libertas proposita est: ad hoc præmium laboratur. Quæ sit libertas, quæris? nulli rei seruire, nulli necessitati, nullis casibus: fortunam in æquum deducere. quo die intellexero illam plus posse, nil poterit. Ego illam feram, cum in manu mors sit? His cogitationibus intentum, loca seria sanctaque eligere oportet. Effeminat animos amœnitas nimia: nec dubiè aliquid ad corrumpendum vigorem potest regio. Quamlibet viam iumenta patiuntur, quorum durata in aspero vngula est: in molli palustrique pascuo saginata, citò subteruntur. Et fortior miles ex confragoso venit: segnis est urbanus & vernus. Nullum laborem recusant manus, quæ ad arma ab aratro transferuntur: in primo deficit puluere ille vnctus & nitidus. Seuerior loci disciplina firmat ingenium, aptumque magnis conatibus reddit. Literis honestius Scipio, quàm Baijs exsulabat. ruina eius nõ est tam molliter collocanda. Illi quoque, ad quos primos fortuna Romani populi publicas opes transtulit, Caius Marius, & Cneius Pompeius, & Cæsar exstruxerunt quidem villas in regione Baiana, sed illas imposuerunt summis iugis montium. Videbatur hoc magis militare, ex edito speculari latè longèque subiecta. Adspice quam positionem elegerunt, quibus ædificia excitauerunt locis, & qualia: scias non villas esse, sed castra. Habitaturum tu putas vñquam fuisse in Utica

Cato.

Catonem, ut præternauigantes adulteras. dinumeraret, & adspiceret tot genera cymbarum varijs coloribus picta, & fluitantem toto lacu rosam, ut audiret canentium nocturna conuitia? nōne manere ille intra vallum. maluisset, quod in vnam noctem manu. sua. duxisset? Quid ni malit, quisquis vir est, sōnum. suum classico, quā symphonia rumpi? Sed satis diu cum Baijs litigauimus, nunquam satis cum vitijs: quæ oro te, mi Lucili, persequere sine modo, sine fine. nam illis quoque nec finis est, nec modus. Projice quæcumque cor tuum laniant: quæ si aliter extrahi nequirent, cor ipsum cum illis reuellendum erat. Voluptates præcipuè extirpa, & inuisissimas habe, latronum more, quos Philetas Ægyptij vocant. in hoc nos amplectuntur, ut strangulent.

EPIST. LII. Quid est hoc, Lucili, quod nos aliò tendentes, aliò trahit, & eò vnde recedere cupimus, impellit? quid coluctatur cum animo nostro, nec permittit nobis quidquam semel velle? Fluctuamus inter varia cōsilia: nihil liberè volumus, nihil absolutè, nihil semper. Stultitia, inquis, est: cui nihil constat, nihil diu placet. Sed quomodo, aut quando nos ab illa reuellemus? Nemo per se satis valet, ut emergat: oportet manum aliquis porrigat, aliquis educat. Quosdā ait Epicurus ad veritatem sine vllius adiutorio cōtendere, ex ijs se fecisse sibi ipsum viam. hos maximè laudat.

quibus ex se impetus fuit, qui seipſos protulerunt. quosdam indigere ope aliena, nō ituros ſi nemo præceſſerit, ſed benè ſecuturos. ex his Metrodorum ait eſſe. Egregium hoc quoque, ſed ſecundæ ſortis ingenium. Nos ex illa prima nota nō ſumus: benè nobiſcum agitur, ſi in hanc ſecundam recipimur. Nec hunc quidem cōtempſeris hominem, qui alieno beneficio eſſe ſaluus poteſt: & hoc multum eſt, velle ſervari. Præter hæc adhuc inuenies aliud genus hominum, ne ipſum quidē faſtidendum, eorum qui cogi ad rectum compelliſque poſſunt: quibus non duce tantum opus ſit, ſed adiutore, &, vt ita dicam, coactore. Hic tertius color eſt. Si quæris huius exemplar, Hermachum ait Epicurus talem fuiſſe. Itaque alteri magis gratulatur, alterum magis ſuſpicit. Quamuis enim ad eundem finem. vterque peruenit: tamen maior eſt laus, idem effeciſſe in difficiliore materia. Puta enim duo ædificia excitata eſſe, ambo paria, æquè excelsa, æquè magnifica: alterum dura area accepit, illic protinus opus creuit: alterius fundamenta laſſarunt, in mollem ac fluidam demiffa humum: multumq; laboris exhaustū eſt, dum peruenitur ad ſolidum. Apparet in altero, quidquid factum eſt: alterius, magna pars & difficilior later. Quædam ingenia facilia & expedita: quædā manu (quod aiunt) facienda ſunt, & in fundamentis ſuis occupanda. Itaque ego illum



illum feliciorẽ dixerim, qui nihil negotij secum habuit : hunc quidem de se melius meruisse , qui malignitatem naturæ suæ vicit , & ad sapientiam se non perduxit , sed extraxit. Hoc durum & laboriosum ingenium nobis datum , scias licet . imus per obstantia. Itaque pugnemus, aliorum inuocemus auxilium . Quem, inquis, inuocabo ? hunc , aut illum ? Tu verò etiam ad priores reuertere, qui vacant. adiuuare nos possunt, nō tantum qui sunt, sed & qui fuerunt . Ex iis autem qui sunt, eligamus non eos , qui verba magna celeritate præcipitant, & communes locos voluunt , & in priuato circulantur : sed eos qui vita docent, qui cum dixerint quid faciendum sit, probant faciendo: qui docent quid vitandum sit, nec vnquam in eo, quod fugiendum dixerint , deprehenduntur . Eum elige adiutorem , quem magis admireris cum videris , quàm cum audieris . Nec ideo te prohibuerim hos quoque audire, quibus consuetudo est admittere populum , ac discere : si modò hoc proposito in turbam prodeunt, vt meliores fiant, faciantque meliores : si non ambitionis hoc causa exercent. Quid enim turpius philosophia captante clamores ? Numquid æger laudat medicum secantem ? tacete , fauete , & præbete vos curationi . etiam si exclamaueritis , non aliter audiam, quàm si ad tactum vitiorum vestrorum ingemiscatis. Testari vultis attendere:

vos, moueri quæ rerum magnitudine ? sancte liceat. ut quidem iudicetis, & feratis de meliore suffragium, quid ni non permittam ? Apud Pythagoram discipulis quinque annis tacendum erat. numquid ergo existimas, statim illis & loqui & laudare licuisse ? Quanta autem dementia eius est, quem clamores imperitorum hilarem ex auditorio dimittunt ? Quid lætaris, quod hominibus ijs laudaris, quos non potes ipse laudare ? Disserebat populo Fabianus : sed audiebatur modestè. Erumpebat interdum magnus clamor laudantium : sed quem magnitudo rerum euocauerat, non sonus inoffensæ ac molliter lapsæ orationis. Interfit aliquid inter clamorem theatri, & scholæ. est aliqua & laudandi licentia. Omnia rerum omnium, si obseruentur, indicia sunt : & argumentum morum ex minimis quoque licet capere. Impudicum & incessus ostendit, & manus mota, & vnum interdum responsum, & relatus ad caput digitus, & flexus oculorum. Improbum risus, insanum vultus habitusque demonstrat. Illa enim in apertum per notas exeunt. Qualis quisque sit, scies, si quemadmodum laudetur, aspexeris. Hinc atque illinc philosopho manus auditor intentat, & super ipsum caput mirantium turba consistit. non laudatur ille nunc, si intelligas, sed conclamatur. Relinquantur istæ voces illis artibus, quæ propositum habent placere populo : philosophia adoretur.

Per-

Permittendum erit aliquando iuuenibus, sequi impetum animi. tunc autem hoc ex impetu facient, cum silentium sibi impetare non poterunt. Talis laudatio aliquid exhortationis affert ipsis audientibus, & animos adolescentium extimulat. Ad rem commoueantur, non ad verba composita. alioqui nocet illis eloquentia si non rerum cupiditatem facit, sed sui. Differam hoc in præsentia. desiderat enim propriam & longam executionem, quemadmodum populo disserendum, quid sibi apud populum permittendum sit, quid populo apud se. Damnum quidem fecisse philosophiam, non erit dubium, postquam prostituta est: sed potest in penetralibus suis ostendi, si modò non institorem, sed antistitem nacta est.

EPIST. LIII. Quid non potest mihi persuaderi, cui persuasum est ut nauigarem? Solui mari languido. erat sine dubio cœlum graue sordidis nubibus, quæ ferè aut in aquam, aut in ventum resoluuntur: sed putavi tam pauca millia à Parthenope tua usque Puteolos surripi posse, quamuis dubio & impendente cœlo. Itaque quò celerius euaderem, protinus per altum ad Nesida direxi, præcisurus omnes sinus. Cum iam eò processissem, ut mea nihil interesset, utrùm irem, an redirem: primum æqualitas illa, quæ me corruerat, periit. nondum erat tempestas, sed iam inclinatio maris, ac subinde crebrior fluctus.

fluctus. Cœpi gubernatorem rogare, ut me in aliquo littore exponeret. Aiebat ille, aspera esse & importuosa, nec quidquam se æquè in tempestate timere, quàm terram. Peiùs autem vexabar, quàm ut periculum mihi succurreret. Nausea enim me, segnis hæc & sine exitu, torquebat: quæ bilem mouet, nec effundit. Institi itaque gubernatori, & illum vellet nollet coegi, ut peteret littus. Cuius ut viciniam attigimus, non expecto ut quidquam ex præceptis Virgilij fiat, Obuertant pelago proras, aut anchora de prora iaciatur: sed memor artificij mei veteris, mitto me in mare, quomodo psychrolutam decet, gausapatus. Quæ putas me passum, dum per aspera erepò, dum viam quæro, dum facio? Intellexi, non immeritò nautis terram timeri. Incredibilia sunt, quæ tulerim: cùm me ferre non possem. Illud scito, Vlixem non fuisse tam irato mari natum, ut ubique naufragia faceret nauseator erat: at ego, quocumque nauigare debuero, vicesimo anno perueniam. Ut primùm stomachum (scis non cum mari nauseam effugere) collegi, ut corpus vñctione recreauim, occœpi mecum cogitare, quanta nos vitiorum nostrorum sequeretur obliuio, etiã corporalium, quæ subinde admonēt sui, nedum illorum quæ eò magis latent, quò maiora sunt. Levis aliquem motiuncula decipit: sed cùm creuerit, & vera febris exarserit, etiam dura,

& per-

& perpeſſitio confeſſionem accepit. Pedes dolent, articuli punctiunculas ſentiunt: adhuc diſſimulamus, & aut talum extorſiſſe nos dicimus, aut in exercitatione aliqua laboraſſe. Dubio & incipiente morbo, quæritur nomen: qui talaria cœpit intendere, & utroſq; pedes dextros fecit, neceſſe eſt podagram fateri. Contra euenit in iis morbis, quibus afficiuntur animi: quò quis peiùs ſe habet, minùs ſentit. Non eſt quod mireris, Lucili cariſſime. Nam qui leuiter dormit, & ſpecies ſecundum quietem capit, aliquando dormire ſe dormiens cogitat: grauis ſomnus etiam ſomnia extinguit, animumque altiùs mergit, quàm vt vti vllò intellectu ſinat. Quare vitia ſua nemo confeſſetur? quia etiam nunc in illis eſt. Somnium narrare, vigilantis eſt: & vitia ſua confeſſeri, ſanitatis indicium eſt. Expergiſcamur ergo, vt errores noſtros coarguere poſſimus. ſola autem nos philoſophia excitabit, ſola ſomnum excutiet grauem. Illi te totum dedica: dignus illa eſt; illa te digna eſt. ite in complexum alter alterius: omnibus aliis rebuſte nega, fortiter, apertè. Non eſt quòd precariò philoſopheris. Si æger eſſes, curam intermiſiſſes rei familiaris, & forenſia tibi negotia exiidiſſent: nec quemquam tanti putares, cui aduocatus in cauſam descenderes: toto animo id ageres, vt quam primùm morbo liberareris. Quid ergo? non & nunc idem facies? Omnia impedimenta dimit-

te, & vaca bonæ menti. nemo ad illa n peruenit occupatus. Exercet philosophia regnum suum: dat tempus, non accipit. Non est res subficiua: ordinaria est, domina est: adest, & iubet. Alexander cuidam ciuitati, partem agrorum, & dimidium rerum omnium, promittenti: Eo, inquit, proposito veni in Asiam, non vt id acciperem quod dedissetis; sed vt id haberetis. quod reliquissetem. Iridem philosophia rebus omnibus: Non sum. id tempus acceptura, quod vobis superfuerit: sed id habebitis, quod ipsa erogauero. Totam huc conuertere mentem, huic asside, hanc cole: ingens interuallum inter te & ceteros fiat. Omnes mortales multo antecedes, non multo te dii antecedent. Quid inter te & illos interfuturum sit, quæris? diutius erunt. At mehercule magni artificis est, elausisse totum in exiguo. Tantum sapienti sua, quantum Deo omnis ætas patet. Est aliquid, quo sapiens antecedit Deum. ille naturæ beneficio, non suo sapiens est. ecce res magna, habere imbecillitatem hominis, securitatem Dei. Incredibilis vis philosophiæ est, ad omnem fortuitam vim retundendam. Nullum telum in corpore eius sedet: munita est solidaque. quædam defatigat, & velut leuia tela laxo sinu eludit, quædam discutit, & in eum vsque qui miserat respuit.

EPIST. LIV. Longum mihi commeatum dederat mala valetudo: repente  
me

me inuasit. Quo genere? inquis. prorsus meritò interrogas: adeò nullum mihi ignotum est. Vni tamen morbo quasi assignatus sum: quem quare Græco nomine appellem, nescio. satis enim aptè dici suspirium potest. Brevis autem valdè, & procellæ similis, impetus est: intra horam ferè desinit. Quis enim diu exspirat? Omnia corporis aut incommoda, aut pericula, per me transierunt: nullum mihi videtur molestius. Quid ni? aliud enim quidquid est, ægrotare est: hoc est, animam agere. Itaque medici, hanc meditationem mortis vocant. Facit aliquando spiritus ille, quod sæpè conatus est. Hilarem me putas hæc tibi scribere, quia effugi? si hoc fine, quasi bona valetudine delector: tam ridiculè facio, quàm ille, quisquis se vicisse putat, cùm vadiumoniam distulit. Ego verò & in ipsa suffocatione non desii cogitationibus lætis ac fortibus acquiescere. Quid hoc est? inquam. tam sæpè mors experitur me? faciat. at ego illam diu expertus sum. Quàdo, inquis? antequam nascerer. Mors est, non esse id quod antè fuit. sed quale sit, iam scio: hoc erit post me, quod ante me fuit. Si quid in hac re tormenti est, necesse est & fuisse antequam prodiremus in lucem: atqui nullam sensimus tunc vexationem. Rogo non stultissimum dicas, si quis existimet lucernæ perius esse cùm extincta est, quàm antequam accenderetur? nos quoque & accendimur, & extin-

extinguimur: medio illo tempore aliquid patimur. Vtrumque verò alta securitas est. In hoc enim, mi Lucili, nisi fallor, erramus, quòd mortem iudicamus sequi: cum illa & præcesserit, & secutura sit. Quidquid ante annos fuit, mors est. Quid enim refert, vtrum non incipias, au delinas? vtriusque rei hic est effectus, non esse. His & huiusmodi exhortationibus tacitis (nam verbis locus non erat) alloqui me non desii: deinde paullatim suspirium illud, quod esse iam anhelitus cœperat, intervalla maiora fecit, & retardatum est, ac remansit. Nec adhuc, quamvis desierit, ex natura fluit spiritus. sentio hæitationem quamdam eius, & moram. Quomodo volet, dum modò non ex animo suspirera. hoc tibi de me recipere non trepidabo ad extrema: iam præparatus sum: nihil cogito de die. Illum lauda & imitare, quem non piget mori, cum iuuat vivere. Quæ enim virtus est, cum eiiciaris, exire: tamen est & hic virtus. Eiucior quidem, sed tamquam exeam. Et ideò numquam eiicitur sapiens: quia eiici, est inde expelli, vnde inuitus recedas. Nihil inuitus facit sapiens. necessitatem effugit: quia vult quod ipsa coactura est.

EPIST. LV. A gestatione cum maxime venio, non minus fatigatus, quàm si tantum ambulassem, quantum sedi. labor est enim, & diu ferri: ac nescio an eò maior, quia contra naturam est: quæ pedes, dedit,



dedit, vt per nos ambularemus; oculos, vt per nos videremus. Debilitatem nobis indixere deliciæ: & quod diu nolimus, posse desuimus: Mihi tamen necessarium erat concutere corpus, vt siue bilis infunderat faucibus, discuteretur; siue ipse ex aliqua causâ spiritus densior erat, extenuaret illum iactatio. quam profuisse mihi sensi. Ideo diutius vehi perseueraui, inuitante ipso littore, quod inter Cumas & Seruiliæ Vatiæ villam curuatur, & hinc mari, illinc lacu, velut angustum iter clauditur. Erat enim à recenti tempestate spissius. Fluctus autem illud (vt scis) frequens & concitatus exequat: longior tranquillitas soluit, cum arenis, quæ humore alligantur, succus abscessit. Ex consuetudine tamen mea circumspicere cœpi, an aliquid illic inuenirem, quod mihi bonum posset esse: & direxi oculos in villam, quæ aliquando Vatiæ fuit. In hac ille prætorius diues, nulla alia re quàm otio notus, consenuit, & ob hoc vnum felix habebatur. Nam quoties aliquos amicitia Asinii Galli, quoties Seiani odium, deinde amor merferat, (æquè enim offendisse illum, quàm amasse, periculosum fuit) exclamabant homines: O Vatia, solus scis viuere. At ille latere sciebat, non viuere. multum autem interest, vtrum vita tua otiosa sit, an ignaua. Numquam aliter hanc villam Vatia viuo præteribam, quàm vt dicerem: Vatia hic situs est.

Sed

Sed adeò , mi Lucili, philosophia sacrum quiddam est, & venerabile, vt etiam si quid illi simile est, mendacio placeat. Otiosum enim hominem , seductum existimat vulgus, & securum, & se contentum , sibi que viuente : quorum nihil vlli contingere , nisi sapienti, potest . Ille quidem nulla re sollicitus scit sibi viuere . ille enim ( quod est primum ) scit viuere . Nam qui res & homines fugit, quem cupiditatum suarum infelicitas relegauit , qui alios feliciores videre non potuit , qui velut timidum atque iners animal , metu oblituit , ille sibi non viuit, sed (quod est turpi ssimum) ventri , somno, libidini. Non continuò sibi viuit, qui nemini . Adeò tamen magna res est constantia, & in proposito suo perseuerantia, vt habeat auctoritatem inertia quoque pertinax . De ipsa villa nihil possum tibi certi scribere : frontem enim eius tantum noui, & exposita: quæ ostendit etiam transeuntibus. Speluncæ sunt duæ magnæ operis, laxo atrio pares, manufactæ : quarum altera solem non recipit, altera vsque in occidentem tenet . Platanona mediarius, & à mari & ab Acherusio lacu receptus, Euripi modo diuidit, alendis piscibus (etiam si assiduò exhauritur ) sufficiens. Sed illi, cum mare patet , parcitur: cum tempestas piscatoribus dedit ferias , manus ad parata porrigitur. Hoc tamen est commodissimum in villa, quod Baias trans parietem habet: incommodis illarum caret, volupta-

luptatibus fruitur. Has laudes eius ipse noui: esse villam totius anni credo. Occurrit enim Fauonio, & illum adco excipit, ut Baiis neget. non stultè videtur elegisse hunc locum Vatia, in quem otium suum pigrum iam & senile conferret. Sed non multum ad tranquillitatem locus confert: animus est, qui commendat omnia. Vidi ego in villa hilari & amœna mæstos, vidi in media solitudine occupatis similes. Quare non est quod existimes, ideò parum benè compositum esse te, quòd in Campania non es. quare autem non es? hucusque cogitationes tuas mitte. Conuersari cum amicis absentibus licet: & quidem quoties velis, quamdiu velis. magis hac voluptate, quæ maxima est, fruimur, dum absumus. Præsentia enim nos delicatos facit: & quia aliquando vnà loquimur, ambulamus, cùm confidemus, cùm diducti sumus, nihil de his quos modò vidimus, cogitamus. & ideò æquo animo ferre debemus absentiam, quia nemo non multum etiam præsentibus abest. Pone hic primùm noctes separatas: deinde occupationes vtrinque diuersas, deinde studia secreta, suburbanas profectioes: videbis non multum esse, quod nobis peregrinatio eripiat. Amicus animo possidendus est. hic autem numquam abest; quemcumque vult, quotidie videt. Itaque mecum stude, mecum cæna, mecum ambula. In angusto viueremus, si quidquam

166 L. ANNÆI SENECAE  
quam esset cogitationibus clausum. Vi-  
deo te, mi Lucili, cum maximè audio: a-  
deo tecum sum, ut dubitem, an incipiam  
non epistolas, sed codicillos tibi scribere.

EPIST. LVI. Peream, si est tam ne-  
cessarium, quàm videtur, silentium in  
studia seposito. Ecce varius clamor vndi-  
que me circumsonat: supra ipsum balne-  
um habito. Propone nunc tibi omnia ge-  
nera vocum, quæ in odium possunt aures  
adducere: cum fortiores exercentur, &  
manus plumbo graues iactant, cum aut  
laborant, aut laborantem imitantur, ge-  
mitus audio: quoties retentum spiritum  
remiserunt, sibilos, & acerbissimas respi-  
rationes: cum in alipten inertem, & hac  
plebeia unctione contentum incidi, audio  
crepitum illius manus humeris: quæ pro-  
ut plana peruenit, aut concava, ita sonum  
mutat. Si verò pilicrepus superuenerit, &  
numerare cœperit pilas, actum est. Adii-  
ce nunc scordalum, & furem deprehen-  
sum, & illum cui vox sua in balneo placet.  
Adiice nunc eos, qui in piscinam cum in-  
genti impulsæ aquæ sono saliunt. Præter  
istos, quorum, si nihil aliud, rectæ voces  
sunt, alipilum cogita, tenuem & stridulam  
vocem, quò sit notabilior, subinde expri-  
mentem, nec umquam tacentem, nisi dum  
vellit alas, & alium pro se clamare cogit.  
Iam libarij varias exclamationes, & bo-  
tularium, & crustularium, & omnes po-  
pinarum institores, mercem sua quadam  
&

insignita modulatione vendentes. O  
 e, inquis, ferreum, aut surdum, cui mens  
 inter clamores tam varios, tam dissonos,  
 constat! cum Chrysippum nostrum assidua  
 salutatio perducatur ad mortem. At meher-  
 cules, ego istum fremitum non magis cu-  
 ro, quàm fluctum aut deiectum aquæ.  
 Quamuis audiam cuidam genti hanc v-  
 nam fuisse causam, urbem suam transfe-  
 rendi, quia fragorem Nili cadentis ferre  
 non potuit. Magis mihi vox auocare vi-  
 detur, quàm crepitus. Illa enim animum  
 abducit; hic tantùm aures implet, ac ver-  
 berat. In iis quæ me sine auocatione cir-  
 cumstrepunt, essedas transcurrentes pono,  
 & fabrum inquilinum, & ferrarium vici-  
 num, aut hunc qui ad metam sudantem  
 tabulas experitur & tîbias, nec cantat, sed  
 exclamat. Etiam molestior est mihi so-  
 nus, qui intermittitur subinde, quàm qui  
 continuatur. Sed iam me sic ad omnia  
 ista duraui, vt audire vel pausarium pos-  
 sim, voce acerbissima remigibus modos  
 dantem. Animum enim cogo sibi inten-  
 tum esse, nec auocari ad externa. omnia  
 licet foris resonent; dum intus nihil tumult-  
 us sit; dum inter se non rixentur cupiditas  
 & timor, dum auaritia luxuriaque non  
 dissideant, nec altera alteram vexet. Nam  
 quid prodest totius regionis silentium, si  
 affectus fremunt?

*Omnia noctis erant, placida composita  
 quiete.*

Fal-

Falsum est. nulla placida quies est, nisi quam ratio composuit. nox exhibet molestiam, non tollit, & sollicitudines mutat. Nam dormientium quoque insomnia tam turbulenta sunt, quàm dies. Illa tranquillitas vera est, in quam bona mens explicatur. Adspice illum, cui somnus laxæ domus silentio quæritur: cuius aures ne quis agitet sonus, omnis servorum turba conticuit, & suspensum, accedentium propius, vestigium ponitur. Huc nempe versatur atque illuc, somnum inter ægritudines lenem captans: quæ non audit, audisse se queritur. Quid in causa putas esse? animus illi obstrepit: hic placandus est, huius compescenda est seditio: quem non est quod existimes placidum, si iacet corpus. Interdum quies inquieta est. Et ideo ad rerum actus excitandi, ac tractatione bonarum artium occupandi sumus, quoties nos malè habet inertia sui impatiens. Magni imperatores cum malè parere militem vident, aliquo labore compescunt, & expeditionibus detinent. numquam vacat lasciuiare districtis: nihilq; tam certum est quàm otij vitia negotio discuti. Sæpè videmus tædio rerum civilium, & infelicitis atque ingratæ stationis pœnitentia, secessisse: tamen in illa latebra, in quam nos timor & lassitudo coniecit, interdum recrudescit ambitio. Non enim excisa desit, sed fatigata, aut etiam abiecta, rebus parùm sibi cedentibus. Idem de luxuria dico, quæ videtur

videtur aliquando cessisse : deinde frugalitatem professos sollicitat, atque in media parsimonia voluptates non damnatas, sed relictas petit : & quidem eò vehementius, quò occultius. Omnia enim vitia in aperto leuiores sunt : morbi quoque tunc ad sanitatem inclinant, cùm ex abdito erumpunt, ac vim suam proferunt. Et auaritiam itaque, & ambitionem, & cetera mala mentis humanę, tunc perniciosissima scias esse, cùm simulata sanitate subsidunt. Otiosi videmur, & non sumus. Nam si bona fide sumus, si receptui cecinimus, si speciosa contempsimus, vt paulò antè dicebam, nulla res nos auocabit, nullus hominum autumque concentus interrumpet cogitationes bonas, solidasque & iam certas. Leue illud ingenium, nec se adhuc reduxit introitus, quod ad vocem ex accidenti erigitur. Habet intrus aliquid solitudinis, & concepti pauoris, quod illum curiosum facit, vt ait Virgilius noster :

*Et me, quem dudum non vlla iniecta  
moueant*

*Tela, nec aduerso glomerati ex agmine  
Graij,*

*Nunc omnes terrent aura, sonus exci-  
tat omnis*

*Sussum, & pariter comitique one-  
rique timentem.*

Prior ille sapiens est, quem non tela vibrantia, non arietata inter se arma agminis densi, non vrbs impulsæ fragor terri-

tat: hic alter imperitus est, rebus suis timet, ad omnem crepitum expauescens, quem vna quælibet vox pro fremitu accepta deiecit, quem motus leuissimi exanimant. Timidum illum sarcinæ faciunt. Quemcumque ex istis felicibus elegeris, multa trahentibus, multa portantibus videbis illum comitiq̃ue oneriq̃ue timentem. Tunc ergo te scito esse compositum, cūm ad te nullus clamor pertinebit: cūm te nulla vox tibi excutiet: non si blandietur, non si minabitur, non si inani sono varia circumstrepet. Quid ergo? non aliquando commodius est, carere conuicio? fateor. Itaque ego ex hoc loco migrabo: experiri & exercere me volui. Quid necesse est diutiùs torqueri: cūm tam facile remedium Vlixes fociis etiam aduersus Sirenas dederit, & inuenerit?

EPIST. LVII. Cūm Bajis deberem Neapolim repetere, facilè credidi tempestatem esse, ne iterū nauem experirer. sed tantum luti tota via fuit, vt possem videri nihilominus nauigasse. Totum athletarum fatum mihi illo die perpetendum fuit. à ceromate nos haphē excepit, in Crypta Neapolitana. Nihil illo carcere longius, nihil illis faucibus obscurius: quæ nobis præstant, non vt per tenebras videamus, sed vt ipsas. Ceterū etiam si locus haberet lucem, puluis auferet, in aperto quoque res grauis & molesta: quid illic, vbi in se volutatur, & cūm sine vllō spiramento



mento sit inclusus, in ipsos à quibus excitatus est recidit? Duo incommoda inter se contraria simul pertulimus.eadem via, eodem die, & luto & puluere laborauimus. Aliquid tamen mihi illa obscuritas, quod cogitarem, dedit. sensi quemdam ictum animi, & sine metu mutationem, quam insolitæ rei nouitas simul & fœditas fecerat. Non de me nunc tecum loquor, qui multum ab homine tolerabili, ne dum à perfecto absum, sed de illo in quem ius fortuna perdidit: huius quoque ferietur animus. mutabitur color. Quædam enim, mi Lucili, nulla virtus effugere potest: admonet illam natura mortalitatis suæ. Itaque & vultum adducet ad tristitiam, & inhorrescet ad subita, & caligabit, si vastam altitudinem in crepidine eius constitutus despexerit. Non est hic timor, sed naturalis affectio inexpugnabilis rationi. Itaque fortes quidam, & paratissimi fundere suum sanguinem, alienum videre non possunt: quidam ad vulneris noui, quidam ad veteris & purulenti tractationem inspectionemque concidunt, & linquuntur animo: alij gladium faciliùs recipiunt, quàm vident. Sensi ergo (vt dicebam) quamdam non quidem perturbationem, sed mutationem: rursus, ad primum conspectum redditæ lucis, alacritas incogitata rediit & iniussa. Illud deinde mecum loqui cœpi, quàm ineptè quædam magis ac minùs timeremus, cùm omnium idem finis esset.

Quid enim interest, vtrum supra aliquem vigiliarium ruat an mons, an-turris?nil inuenies. Erunt tamen qui hanc ruinam magis timeant, quamuis vtraque mortifera æquè sit. Adeò non effectus, sed efficientia timor spectat. Nunc me putas de Stoicis dicere, qui existimant animam hominis magno pondere extriti permeare non posse, & statim spargi, quia non fuerit illi exitus liber: ego verò non facio. qui hoc dicunt, videntur mihi errare. Quemadmodum flamma non potest opprimi, nam circa id diffugit, quo vrgetur: quemadmodum aer verberare aut ictu non laeditur, nec scinditur quidem, sed circa id cui cessit refunditur: sic animus qui ex tenuissimo constat, deprehendi non potest, nec intra corpus affligi: sed beneficio subtilitatis suæ, per ipsa quibus premitur, erumpit. Quomodo fulmini, etiam cum latissimè percussit ac fulsit, per exiguum foramen est reditus: sic animo, qui adhuc tenuior est igne, per omne corpus fuga est. Itaque de illo querendum est, an possit immortalis esse. hoc quidem certum habet, si superstes est corpori, propter hoc illum nullo genere posse perire, propter quod non perit: quoniam nulla immortalitas cum exceptione est, nec quidquam noxium æterno est.

EPIST. LVIII. Quanta verborum nobis paupertas, imò egestas sit, numquã magis quàm hodierno die intellexi. Mil-  
le

le res inciderunt, cum fortè de Platone loqueremur, quæ nomina desiderarent, nec haberent: quædam verò cum habuissent, fastidio nostro perdidissent. Quis autem ferat in egestate fastidium? Hunc quem Græci æstrum vocant, pecora peragentem, & totis saltibus dissipantem, asilum nostri vocabant. hoc Virgilio licet credas:

*Et lacum Silari iuxta ilicibusque virentem.*

*Plurimus Alburnum volitans, cui nomen asilo*

*Romanum est, æstrum Græci vertere vocantes,*

*Asper, acerba sonans, quo tota exterrita silvis*

*Diffugiunt armenta:*

Puto intelligi istud verbum interisse. Ne te longè differam, quædam simplicia in usu erant, sicut cernere ferro inter se dicebant. Idem Virgilius hoc probabit tibi:

*— Stupet ipse Latinus,*

*Ingentes, genitos diversis partibus orbis,*

*Inter se coiisse viros, & cernere ferro.*

quod nunc decernere dicimus, simplicis illius verbi usus amissus est. Dicebant antiqui, si iussu, id est, si iussero. Hoc nolo mihi credas: sed fide Virgilio:

*Cetera quæ iussu, mecum manus inferat arma.*

Non id ago nunc hac diligentia, ut ostendā quantum tēpus apud grammaticum per-

diderim: sed ut ex hoc intelligas, quantum apud Ennium & Attium, verborum situs occupauerit: cum apud hunc quoque, qui quotidie excutitur, aliqua nobis subducta sint. Quid, inquis, sibi ista vult præparatio? quò spectat? Non celabo te. cupio, si fieri potest propitiis auribus tuis, Essentiam dicere: sin minus, dicam & iratis. Ciceronem auctorem huius verbi habeo, puto locupletem. si recentiorẽ quæris; Fabianum, disertum & elegantem, orationis, etiam ad nostrum fastidium, nitidę. Quid enim fiet, mi Lucili? quomodo dicetur *τὸ ἴα* res necessaria, naturam continens, fundamentum omnium? Rogo itaque permittas mihi hoc verbo uti. nihilominus dabo operam, ut ius à te datum parcissimè exerceā: fortasse contentus ero mihi licere. Quid proderit facilitas tua, cum ecce id nullo modo Latinè exprimere possim, propter quod linguæ nostræ conuiciũ feci? Magis damnabis angustias Romanas, si scieris vnā syllabam esse, quam mutare non possim. Quę hæc sit, quæris? *τὸ γ*. Duri tibi videbor ingenij: in medio positum, posse sic transferri, ut dicam, Quod est. Sed multum interesse video. cogor verbum pro vocabulo ponere: sed id si necesse est, ponam. Quod est, Sex modis hoc à Platone dici, amicus noster homo eruditissimus hodierno die dicebat. Omnes tibi exponam, si antè indicauero esse aliquod genus, esse & speciem. Nunc enim primum illud ge-  
nus

ntis quærimus, ex quo ceteræ species suspensæ sunt, à quo nascitur omnis diuifio, quo vniuerfa comprehensa sunt. Inueniatur autem, si cœperimus singula retrò legere, sic enim perducemur ad primum. Homo species est, vt Aristoteles ait: equus species est, canis species. ergo commune aliquod quærendum est his omnibus vinculum, quod illa complectatur, & sub se habeat. Hoc quid est? animal. Ergo genus esse cœpit omnium horum quæ modò retuli, hominis, equi, canis, animal! Sed sunt quædam, quæ animam habent, nec sunt animalia. placet enim satis & arbutis animam inesse. itaque & viuere illa, & mori dicimus. Ergo animantia superiorem tenebunt locum, quia animalia in hac forma sunt, & fata. Quædam anima carent, vt saxa. itaque aliquid erit animantibus antiquius, scilicet corpus. hoc sic diuidam, vt dicam corpora omnia aut animata esse, aut inanimantia. Etiamnum est aliquid superius, quàm corpus. Dicimus enim quædam corporalia esse, quædam incorporalia. Quid ergo erit ex quo hæc deducantur? illud cui nomen modò parum proprium imposuimus, Quod est. Sic enim in species secabitur, vt dicamus: Quod est, aut corporale est, aut incorporale. Hoc ergo genus est primum & antiquissimum, & vt ita dicam, generale: cetera genera quidem sunt, sed specialia, tamquam homo genus est. Habet enim in se nationum.

H. 4. species,

species, Græcos, Romanos, Parthos: colorum, albos, nigros, flauos: habet singulos, Catonem, Ciceronem, Lucretium. Itaque qua multa continet, in genus cadit: qua sub alio est, in speciem. Illud genus, Quod est, generale, supra se nihil habet. Initium rerum est. omnia sub illo sunt. Stoici volunt superponere huic etiam aliud genus magis principale: de quo statim dicam, si prius illud genus, de quo locutus sum, meritò primum poni docuero, cùm sit rerum omnium capax. Quod est, in has species diuido, vt sint corporalia, aut incorporalia, Nihil tertium est. Corpus quomodo diuido? vt dicam, aut animantia sunt, aut inanimantia. Rursus animantia quemadmodum diuido? vt dicam, quædam animum habent, quædam tantùm animam: aut sic: quædam impetum habent, incedunt, transeunt; quædam solo affixa, radicibus aluntur & crescunt. Rursus animalia in quas species seco? aut mortalia sunt, aut immortalia. Primum genus Stoicis quibusdam videtur, Quid: sed quare videatur, subiiciam. In rerum (inquiunt) natura quædam sunt, quædam non sunt. Et hæc autem quæ non sunt, rerum natura complectitur, quæ animo succurrunt, tamquam Centauri, Gigantes, & quidquid aliud falsa cogitatione formatum, habere aliquam imaginem cœpit, quamuis non habeat substantiam. Nunc ad id quod tibi promisi, reuertor, quomodo quæcumque sunt, in

sex

sex modos Plato partiatur. Primum illud: Quod est, nec visu, nec tactu, nec vlllo sensu comprehenditur: cogitabile est, quod generaliter est. tamquam homo generalis sub oculos non venit, sed specialis venit, ut Cicero & Cato. Animal non videtur, sed cogitatur: videtur autem species eius, equus & canis. Secundum ex his quæ sunt, ponit Plato, quod eminent & exsuperat omnia. Hoc ait per excellentiam esse. ut poeta communiter dicitur. omnibus enim versus facientibus hoc nomen est. sed iam apud Græcos in vnius notam cessit. Homerum intelligas, cum audieris poetam: Quid ergo hoc est? Deus, scilicet maior ac potentior cunctis. Tertium genus est eorum, quæ propriè sunt: innumerabilia hæc sunt, sed extra nostrum posita conspectum. Quæ sunt, interrogas? propria Platonis supellex est. Ideas vocat: ex quibus omnia, quæcumque videmus, fiunt: & ad quas cuncta formantur. Hæ immortales, immutabiles, inuiolabiles sunt. Quid sit Idea, id est, quid Platoni esse videatur, audi. Idea est eorum, quæ natura fiunt, exemplar æternum. Adiiciam definitioni interpretationem, quod tibi res apertior fiat. Volo imaginem tuam facere. exemplar picturæ te habeo, ex quo capit aliquem habitum mens, quem operi suo imponat. Ita illa quæ me docet & instruit facies, à qua petitur imitatio, Idea est. Talia ergo exemplaria infinita habet.

natura rerum, hominum, piscium, arborum: ad quæ, quodcumque fieri ab illa debet, exprimitur. Quartum locum habet *Idos*. Quid sit hoc *Idos*, attendas oportet: & Platoni imputes, non mihi, hanc rerum difficultatem. nulla est autem sine difficultate subtilitas. Paulo autē pictoris imagine utebar. ille cū reddere Virgilium coloribus vellet, ipsum intuebatur: Idea erat Virgilij facies, futuri operis exemplar: ex hac quod artifex trahit, & operi suo imposuit, *Idos* est. Quid intersit, quæris? alterum exemplar est, alterum forma ab exemplari sumpta, & operi imposita. alteram artifex imitatur, alteram facit. Habet aliquam faciem statua: hæc est *Idos*. habet aliquam faciem exemplar ipsum, quod intuens opifex, statnam figuravit: hæc Idea est. Etiamnum aliam desideras distinctionem? *Idos* in opere est: Idea extra opus: nec tantū extra opus est, sed ante opus. Quintum genus est eorum, quæ communiter sunt. hæc incipiunt ad nos pertinere: hic sunt omnia, homines, pecora, res. Sextum genus eorum est, quæ quasi sunt, tamquam inane, tamquam tempus. Quæcumque videmus ac tangimus, Plato in illis non numerat, quæ esse propriè putat. Fluunt enim, & assidua diminutione atque adiectione sunt. Nemo nostrum idem est in senectute, qui fuit iuuenis. nemo est manē, qui fuit pridie. Corpora nostra rapiuntur fluminum more.



re. quidquid vides, currit cum tempore: nihil ex his quæ videmus, manet. Ego ipse dum loquor mutari ista, mutatus sum. Hoc est quod ait Heraclitus: *In idem flumen bis non descendimus*. Manet idem fluminis nomen, aqua transmissa est. Hoc in amne manifestius est, quàm in homine. sed nos quoque non minùs velox cursus præteruehit: & ideò admiror dementiam nostram, quòd tantoperè amamus rem fugacissimam, corpus, timemusque ne quando moriamur: cum omne momentum, mors prioris habitus sit. Vis tu timere, ne semel fiat quod quotidie fit? De homine dixi, fluida materia & caduca, & omnibus obnoxia casibus: mundus quoque, æterna res & inuicta, mutatur, nec idem manet. Quamuis enim omnia in se habeat quæ habuit, aliter habet: quàm habuit, ordinem mutat. Quid, inquis, ista subtilitas mihi proderit? si me interrogas, nihil. Sed quemadmodùm ille cælator oculos diu intētos ac fatigatos remittit atque auocat, & ut dici solet, pascit: sic nos animum aliquādo debemus relaxare, & quibusdam oblectamentis reficere. sed ipsa oblectamenta opera sint: ex his quoque, si obseruaueris, fumes quod possit fieri salutare. Hoc ego, mi. Lucili, soléo facere: ex omni natione, etiam si à philosophia longissimè auersa est, eruere aliquid conor, & vtile efficere. Quid de istis capiam, quæ modò tractauimus, remotis à reformatione

ne morum? quomodo meliorem me facere Ideæ Platonicae possunt? quid ex istis traham, quod cupiditates meas comprimat? Vel hoc ipsum, quod omnia ista quæ sensibus seruiunt, quæ nos accedunt & irritant, negat Plato ex iis esse quæ verè sint. Igitur ista imaginaria sunt, & ad tempus aliquam faciem ferunt: nihil horum stabile, nec solidum est. & nos tamen cupimus tanquam aut semper futura, aut semper habituri. Imbecilli fluidique per interval- la consistimus: mittamus animum ad illa, quæ æterna sunt. miremur in sublimi volitantes rerum omnium formas: Deumque inter illa versantem, & providentem, quemadmodum quæ immortalia facere non potuit, quia materia prohibebat, defendat à morte, ac ratione vitium corporis vincat. Manent enim cuncta, non quia æterna sunt, sed quia defenduntur cura regentis. Immortalia tutore non egent: hæc conseruat artifex, fragilitatem materiæ vi sua vincens. Contemnamus omnia, quæ adeo pretiosa non sunt, ut an sint omnino, dubium sit. Illud simul cogitemus, si mundum ipsum non minùs mortalem, quam nos sumus, providentia periculis eximit, posse tandem aliquatenus nostra quoque providentia longiorem prorogari huic corpusculo moram, si voluptates, quibus pars maior perit, potuerimus regere & coercere. Plato ipse ad senectutem se diligentia pertulit. Erat quidem

corpus

corpus validum ac forte sortitus, & illi nomen latitudo pectoris fecerat: sed navigationes ac pericula multum detraxerunt viribus: parsimonia tamen, & eorum quæ auiditatem euocant modus, & diligens sui tutela, perduxit illum ad senectutem, multis prohibentibus causis. Nam hoc scis, puto, Platoni diligentie suæ beneficio contigisse, quòd natali suo decessit, & annum vnum atque octogesimum impleuit, sine vlla deductione. Ideò Magi, qui fortè Athenis erant, immolauerunt defuncto, amplioris fuisse sortis quàm humanæ rati, quia consummasset perfectissimum numerum, quem nouem nouies multiplicata componunt. Non dubito, quin paratus esset paucos dies ex ista summa, & sacrificium, remittere. Potest frugalitas producere senectutem. quam vt non puto concupiscendam, ita ne recusandam quidem. Iucundum est esse secum quàm diutissimè, cum quis se dignum quo frueretur, effecit. Itaque de isto feremus sententiam, an oporteat fastidire senectutis extrema, & finem non opperiri, sed manu facere. Propè est à timente, qui fatum segn timeret: sicut ille ultra modum deditus vino est, qui amphoram exsiccat, & faciem quoque exsorbet. De hoc tamen quæremus, pars summa vitæ, utrùm fæx vitæ hæc sit, an liquidissimum ac purissimum quiddam: si modò mens sine iniuria est, & integri sensus animum iuant,

nec

nec defectum & præmortuum corpus est. Plurimum enim refert, vitam aliquis extendat, an mortem. At si inutile ministeriis est corpus, quid ni oporteat educere animum laborantem? & fortasse paullo ante quam debet, faciendum est, ne cum fieri debeat, facere non possis: & cum maius periculum sit malè viuendi, quam citò moriendi, stultus est qui non exigui temporis mercede, magnæ rei aleam redimit. Paucos longissima senectus ad mortem sine iniuria pertulit. multis iners vita sine vsu iacuit sui: Quanto deinde crudelius iudicas, aliquid ex vita perdidisse, quamuis finienda? Noli me inuitus audire, tamquam ad te iam pertineat ista sententia: sed quid dicam æstima. Non relinquam senectutem, si me totum mihi reseruabit: totum autem ab illa parte meliore. At si ceperit concutere mentē, si partes eius cōuellere, si mihi non vitam reliquerit, sed animam: prosiliam ex ædificio putrido acruenti. Morbum morte non fugiam, dumtaxat sanabilem, nec officientem animo: non afferam mihi manus propter dolorem. sic mori, vinci est. Hunc tamen si sciero perpetuò mihi esse patiendum: exhibeo non propter ipsum, sed quia impedimento mihi futurus est ad omne, propter quod viuitur. Imbecillus est & ignauus, qui propter dolorem moritur: stultus, qui doloris causā viuit. Sed in longum ex eo. est præterea materia quæ ducere diem possit.

fit.

fit. Et quomodo finē vitæ imponere poterit, qui epistolę nō potest? Vale ergo: quod libentiùs quàm mortes meras lecturus es.

EPIS T. LIX. Magnam ex epistola tua percepi voluptatem. permitte enim mihi uti verbis publicis; nec illa ad significationem Stoicam reuoca. Vitium esse voluptatem credimus. Sit sanè: ponere tamen illam solemus, ad demonstrandum animi hilarem affectionem. Scio, inquam, & voluptatem (si ad nostrum album verba dirigimus) rem infamem esse, & gaudium nisi sapienti non contingere. Est enim animi elatio, suis bonis viribusque fidentis. vulgò tamen sic loquimur, ut dicamus, magnum gaudium nos ex illius consulatu, aut ex nuptijs, aut ex partu vxoris percepisse: quæ adeò non sunt gaudia, ut sæpè initia futuræ tristitiæ sint. Gaudio autem iunctum est, non desinere, nec in contraria verti. Itaque cùm dicit Virgilius noster: *Et mala mentis Gaudia*; disertè quidem dicit, sed parùm propriè: nulum enim malum gaudium est. Voluptatibus hoc nomen imposuit, & quod voluit, expressit: significauit enim homines, malo suo latos. tamen ego non immeritò dixeram, cepisse me magnam ex epistola tua voluptatem. quamuis enim ex iusta causa imperitus homo gaudeat, tamen affectum eius impotentem, & in diuersa statim inclinaturum, voluptatem voco, opinione falsi boni motam, immodera-

ram

tam & immodicam . Sed vt ad propositum reuertar , audi quid me in epistola tua delectauerit . Habes verba in potestate: non effert te oratio, nec longiùs-quàm destinasti, trahit. Multi sunt, qui ad id quod non proposuerant scribere, alicuius verbi decore placentis vocentur; quod tibi nō euenit . pressa sunt omnia , & rei aptata . Loqueris quātum vis, & plus significas quàm loqueris . Hoc maioris rei indicium est : apparet animum quoque nihil habere superuacui , nihil tumidi . Inuenio tamen translationes verborum, vt non temerarias, ita quæ periculum sui fecerint . Inuenio imagines: quibus si quis nos vti vetat , & poetis illas solis iudicat esse concessas , neminem mihi videtur ex antiquis legisse , apud quos nondum captabatur plausibilis oratio . Illi qui simpliciter , & demonstrandę rei causā eloquebantur. parabolis referti sunt: quas existimo necessarias , non ex eadem causā qua poetis, sed vt imbecillitatis nostrę adminicula sint , & vt discntem & audientem in rem præsntem adducant . Sextium ecce cum maxime lego , virum acrem , Græcis verbis , Romanis moribus philosophantem . mouit me imago ab illo posita : ire quadrato agmine exercitum, vbi hostis ab omni parte suspectus est, pugnae paratum . Idem , inquit, sapiens facere debet: omnes virtutes suas vndique expandat , vt vbiicumque infesti aliquid oritur, illic parata præsidia sint,

sint, & ad nutum regentis sine tumultu  
 respondeant. Quod in exercitibus his quos  
 imperatores magni ordinant, fieri vide-  
 mus, ut imperium ducis simul omnes co-  
 piæ sentiant, sic dispositæ, ut signum ab vno  
 datum, pedite simul equitemque percur-  
 rat: hoc aliquanto magis necessarium esse  
 nobis, Sextius ait. Illi enim sæpè hostem  
 timuere sine causâ, tutissimumque illis  
 iter, quod suspectissimū fuit: nil stultitia  
 pacatum habet. tam supernè illi metus  
 est, quàm infrà. vtrumque trepidat latus.  
 Sequuntur pericula & occurrūt, ad omnia  
 pauet: imparata est, & ipsis terretur auxi-  
 liis. Sapiens autem, ad omnem incursum  
 munitus & intentus, non si paupertas, non  
 si luctus, nō si ignominia, non si dolor im-  
 petum faciat, pedem referet. Interritus  
 & contra illa ibit, & inter illa. Nos mul-  
 ta alligant, multa debilitant: diu in istis  
 vitijs iacuimus. elui difficile est. non enim  
 inquinati sumus, sed infecti. Ne ab alia  
 imagine ad aliam transeamus, hoc quæ-  
 ram, quod mecū sæpè dispicio, quid ita nos  
 stultitia tam pertinaciter teneat? Primò  
 quia nō fortiter illam repellimus, nec toto  
 ad salutem impetu nitimur: deinde, quia  
 illa quæ à sapientibus viris reperta sunt,  
 non satis credimus, nec apertis pectori-  
 bus haurimus, leuiterque tam magnæ  
 rei insistimus. Quemadmodum autem po-  
 test aliquis, quantum satis sit, aduersus  
 vitia discere, qui quantum à vitijs vacat,  
 discit?

discit? Nemo nostrum in altum descendit: summa tantum decerpimus: & exiguum temporis impendisse philosophiæ, satis abundeque occupatis fuit. Illud præcipue impedit, quod citò nobis placemus: si invenimus qui nos bonos viros dicant, qui prudentes, qui sanctos, agnoscimus. Nec sumus modica laudatione contenti: quidquid in nos adulatio sine pudore congest, tamquam debitum prendimus: optimos nos esse, sapientissimos affirmantibus assentimur, cum sciamus illos sæpè mentiri. Adeoque indulgemus nobis, ut laudari velimus in id, cui contraria cum maximè facimus. Mitissimum ille se in ipsis supplicijs audit, in rapinis liberalissimum, in ebrietatibus ac libidinibus temperatissimum. Sequitur itaque, ut ideò mutari nolumus, quia nos optimos esse credimus. Alexander cum iam in India vagaretur, & gentes, ne finitimis quidem satis notas, bello vastaret, in obsidione cuiusdā urbis dum circuit muros, & dum imbecillissima mœnium quærit, sagitta ictus, diu perferere, & incœpta agere perseveravit. Deinde cum, represso sanguine, sicci vulneris dolor cresceret, & crus equo suspensum paullatim obtorpuisset, coactus assistere. Omnes, inquit, iurant me Iouis esse filium, sed vulnus hoc hominem esse me clamat. Idem nos faciamus: cum pro sua quemque portione adulatio infatuat, dicamus: Vos quidem me dicitis prudentem.

tem.



rem esse: ego autem video quàm multa inutilia concupiscam, nocitura optem. ne hoc quidem intelligo, quod animalibus satietas monstrat, quis cibo debeat esse, quis potioni modus: quantum capiam, adhuc nescio. Iam docebo, quemadmodum intelligas te non esse sapientem? Sapiens ille est, qui plenus gaudio, hilaris & placidus, inconcussus, cum dijs ex pari vivit. Nunc ipse te consule, si numquam mœstus es, nulla spes animum tuum futuri expectatione sollicitat, si per dies noctesque par & æqualis animi tenor, erecti & placentis sibi est: peruenisti ad humani boni summam. Sed si appeteris voluptates, & vndique, & omnes: scito tantum tibi ex sapientia, quantum ex gaudio, deesse. Ad hoc cupis peruenire; sed erras, qui inter diuitias illuc venturum esse te speras. Inter honores gaudium, id est, inter solitudines, quæris? ista quæ sic petis, tamquam datura lætitiâ ac voluptatē, causæ dolorum sunt. Omnes, inquam, illi tendunt ad gaudium: sed vnde stabile magnumque consequantur, ignorant. Ille ex conuiujs & luxuria: ille ex ambitione, & circumfusa clientium turba: ille ex amica: alius ex studiorum liberalium vana ostentatione, & nihil sanantibus litteris. Omnes istos oblectamenta fallacia & breuia decipiunt: sicut ebrietas, quæ vnius horæ hilarem insaniam, longi temporis tædio pensat. sicut plausus & acclamatio-

nis

nis secundæ fauor, qui magna sollicitudine & partus est, & expiandus. Hoc ergo cogita, hunc esse sapientiæ effectum, gaudij æqualitatem. Talis est sapientis animus, qualis mundi status super Lunam. semper illic serenum est. Habes ergo, quare velis sapiens esse: quia numquam sine gaudio est. Gaudium hoc non nascitur, nisi ex virtutum conscientia. Non potest gaudere, nisi fortis, nisi iustus, nisi temperans. Quid ergo, inquis? stulti ac mali non gaudent? non magis, quàm prædam nacti leones. Cum fatigauerunt se vino & libidinibus, cum illos nox inter vina defecit, cum voluptates angusto corpori vltra quàm capiebat ingestæ suppurare cœperunt, tunc exclamant. miseri. Virgilianum illum versum:

*Namque ut supremam falsa inter gaudia noctem*

*Egerimus, nosti.*

Omnem luxuriosi noctem inter falsa gaudia, & quidem tamquam supremam, agunt. Illud gaudium, quod deos deorumque æmulos sequitur, non interrumpitur, non desinit. desineret, si sumptum esset aliunde; sed quia non est alieni muneris, nec arbitrij quidem alieni. Quod non dedit fortuna, non eripit.

EPIST. LX. Queror, litigo, irascor. Etiamnum optas quod tibi optauit nutrix tua, aut pædagogus, aut mater? Nondum intelligis, quantū mali optauerint? O quā  
ipimi

inimica nobis sunt vota nostrorum ! eò quidem inimiciora , quò cessere feliciùs . Iam non admiror , si omnia nos à prima pueritia mala sequuntur : inter execrationes parentum creuimus . Exandiant quoque dij nostram pro votis vocem gratuitam . Quousque poscemus aliquid deos , quasi nondum ipsi alere nos possimus ? Quàm diu saturationibus implebimus magnarum urbium campos ? quàm diu nobis populis metet ? quàm diu vnius mensæ frumentum multa nauigia , & quidem non ex vno mari , subuehent ? Taurus paucissimorum iugerum pascuis impletur : vna silua elephantis pluribus sufficit : homo & terra pascitur , & mari . Quid ergo ? tam insatiabilem nobis natura alium dedit , cùm tam modica corpora dedisset , vt vastissimorum edacissimorumque animalium auiditatem vinceremus ? minimè ! Quantum est enim quod naturæ datur ? paruo illa dimittitur . Non fames nobis ventris nostri magno constat , sed ambitio . Hos itaque ( vt ait Sallustius ) ventri obediētes animalium loco numeremus , non hominum : quosdam verò ne animalium quidem , sed mortuorum . Viuit is , qui se vitur : qui verò laritant & torpent , sic in domo sunt , tamquam in conditorio . Horum licet in limine ipso nomen marmori inscribas , mortem suam antecesserunt .

EPIST. LXI. Desinamus quod voluimus velle . Ego centè id ago senex , non eadem

eadem velle, quæ puer volui. In hoc vnum eunt dies, in hoc noctes: hoc opus meum est, hæc cogitatio, imponere veteribus malis finem. Id ago, ut mihi instar totius vitæ, sit dies. Nec mehercules tamquam vltimum rapio, sed sic illum adspicio, tamquam esse vel vltimus possit. Hoc animo tibi hanc epistolam scribo, tamquam cum maximè scribentem mors euocatura sit. Paratus exire sum, & ideò fruor vita: quia quàm diu futurum hoc sit, non nimis pendeo. Ante senectutem curavi, ut benè viuerem: in senectute, ut benè moriar. Benè autem mori, est libenter mori. Da operam, ne quid vñquam inuitus facias. quidquid necesse est, futurum est. Repugnanti, non volenti necessitas est: in volente necessitas non est. Ita dico, qui imperia libens excipit, partem acerbissimam seruitutis effugit, facere quod nolit. Non qui iussus aliquid facit, miser est: sed qui inuitus facit. Itaque sic animum componamus, ut quidquid res exiget, id velimus: & in primis finem nostri sine tristitia cogitemus. antè ad mortem, quàm ad vitam, præparandi sumus. Satis instructa vita est: sed nos instrumentorum eius auidi sumus. Deesse nobis aliquid viderur, & semper videbitur. Ut satis vixerimus, nec anni nec dies facient, sed animus. Vixi, Lucili carissime, quantum satis erat: mortem plenus exspecto.

EPIST. LXII. Mentiuntur, qui sibi obsta-

Obstare ad studia liberalia turbam negotiorum videri volunt: simulant occupationes, & augent, & ipsi se occupant. Vaco, mi-Lucili, vaco: & ubicumque sum, meus sum. Rebus enim non me trado, sed commodo: nec confector perdendi temporis causas: & quocumque constiti loco, ibi cogitationes meas tracto, & aliquid in animo salutare verso. Cum me amicis dedi, non tamen mihi abduco: nec cum illis moror, quibus me tempus aliquod congregauit, aut causa ex officio nata ciuili, sed cum optimo quoque sum: ad illos, in quocumque loco, in quocumque sæculo fuerint, animum meum mitto. Demetrium, virorum optimum, mecum circumfero, & relictis conchyliatis, cum illo seminudo loquor, illum admiro. Quid ni admirer? vidi nihil ei deesse. Contemnere omnia aliquis potest: omnia habere nemo potest. Breuissima ad diuitias, per contemptum diuitiarum via est. Demetrius autem noster sic viuit, non tamquam contempserit omnia, sed tamquam alijs habenda permiserit.

EPIST. LXIII. Grauiters fers decessisse Flaccum, amicum tuum: plus tamen æquo dolere te nolo. Illud, vt non doleas, vix audebo exigere: & esse melius scio. Sed cui ista firmitas animi continget, nisi iam multum supra fortunam elato? Illum quoque ista res vellicabit, sed tantum vellicabit. Nobis autem ignosci potest,

potest, prolapsis ad lacrimas: si non nimie decurrerunt, si ipsi illas repressimus. Nec sicci sint oculi amisso amico, nec fluant. lacrimandum est, non plorandum. Duram tibi legem videor ponere: cum poetarum Græcorum maximus, ius flendi dederit in vnum dumtaxat diem: cum dixerit, etiam Nioben de cibo cogitasse? Quæris unde sint lamentationes, unde inmodici fletus? per lacrimas argumenta desiderij quærimus: & dolorem non sequimur, sed ostendimus. Nemo tristis sibi est. O infelicem stultitiam! est aliqua & doloris ambitio. Quid ergo? inquis, obliuiscar amici? Breuem illi apud te memoriam promittis, si cum dolore mansura est. Iam istam frontem ad risum quælibet fortuita res transferet. Nō differo in longius tempus, quo desiderium omne mulcetur, quo etiam acerrimi luctus residunt: cum primū te obseruare desieris, imago ista tristitiæ discedet. Nunc ipse custodis dolorem tuum, sed custodienti quoque elabitur: eoquē citiūs, quō est acrior, defluit. Id agamus, vt iucunda fiat nobis amissorum recordatio. nemo libenter ad id reddit, quod non sine tormento cogitaturus est. Si tamen istud fieri necesse est, vt cum aliquo nobis morsu, amissorum quos amauimus nomen occurrat: hic quoque morsus habet suam voluptatem. Nam, vt dicere solebat Attalus noster; Sic amicorum defunctorum memoria iucunda est,

est, quomodo poma quædam sunt suauiter aspera: quomodo in vino nimis veteri ipsa nos amaritudo delectat: cum verò interuenit spatium, omne quod augebat extinguitur, & pura ad nos voluptas venit. Si illi credimus, amicos incolumes cogitare, melle ac placenta frui est: eorum qui fuerunt retractatio, non sine acerbitate quædam iuuat. Quis autem negauerit, hæc acria quoque, & habentia austeritatis aliquid, stomachum excitare? Ego non idem sentio. mihi amicorum defunctorum cogitatio, dulcis ac blanda est. habui enim illos, tamquam amissurus: amisi, tamquã habeam. Fac ergo mi Lucili, quod tuam æquitatem decet. Desine beneficium Fortunæ malè interpretari. abstulit, sed dedit. Ideò amicis auidè fruamur, quia quamdiu contingere hoc possit, incertum est. Cogitemus quàm sæpè illos reliquerimus, in aliquam peregrinationem longinquam exituri: quàm sæpè eodem morantes loco, non viderimus. intelligimus, plus nos tēporis perdidisse in viuis. Feras autem hos qui cum negligentissimè amicos habeant, miserrimè ligent: nec amāt quemquam, nisi cum perdididerunt? Ideoque tunc effusius mœrent, quia verentur, ne dubium sit an amauerint: sera indicia affectus sui quærent. Si alios habemus amicos, malè de his & meremur, & existimamus: quia parùm valent in vnius elati solatium, si non habemus, maiorem ipsi no-

bis iniuriam fecimus, quàm à fortuna accepimus. Illa vnum abstulit: nos quemquam non fecimus. Deinde ne vnum quidem amauit, qui plus quàm vnum amare non potuit. Si quis despoliatus, amissa vnica tunica, complorare se malit, quàm circumspicere quomodo frigus effugiat, & aliquid inueniat quo tegat scapulas, nonne tibi videatur stultissimus? Quem amabas, extulisti: quere, quem ames. Satius est amicum reparare, quàm flere. Scio pertritum iam hoc esse, quod adiecturus sum: non tamen ideò prætermittam, quia ab omnibus dictum est. finem dolendi etiam qui consilio non fecerat, tempore inuenit: turpissimum autem est in homine prudente remedium inœroris, lassitudo inœrendi. Malo relinquas dolorem, quàm ab illo relinquaris. quamprimum id facere desiste, quod, etiamsi voles, diu facere non poteris. Annum fœminis ad lugendum constituere maiores, non vt tam diu lugerent, sed ne diutiùs: viris nullum legitimum tempus est, quia nullum honestum. Quam tamen mihi ex illis mulierculis dabis, vix retractis à rogo, vix à cadauere reuulsis, cui lacrimæ in totum mentem durauerint? Nulla res citiùs in odium venit, quàm dolor: qui recens, consolatorem inuenit, & aliquos ad se adducit: inueteratus verò deridetur. nec immeritò: aut enim simulatus, aut stultus est. Hæc tibi scribo, is qui Annæum Serenum, carissimum



rissimum mihi, tam inmodicè fleui, ut (quod minimè velim) inter exempla sim eorum quos dolor vicit. hodie tamen factum meum damno, & intelligo maximam mihi causam sic lugendi fuisse, quòd numquam cogitaueram, mori eum ante me posse. Hoc vnum mihi occur- rebat, minorem esse, & multo minorem: tamquam ordinem fata seruarent. Itaque assiduè cogitemus, tam de nostra quàm omnium quos diligimus, mortalitate. Tunc ego dicere debui: Minor est Serenus meus: quid ad rem pertinet? post me mori debet, sed ante me potest. quia non feci, imparatum subito fortuna percussit. Nunc cogito omnia & mortalia esse, & incerta lege mortalia. Hodie fieri potest, quidquid vnumquam potest. Cogitemus ergo, Lucili carissime, citò nos eò peruen- turos, quò illum peruenisse mœremus. Et fortasse (si modò sapientum vera fama est, recipitque nos locus aliquis) quem puta- mus perisse, præmissus est.

EPIST. LXIV. Fuiſti heri nobiscum. Potes queri, si heri tantum: ideò adieci no- biscum: mecum enim semper es. Interue- nerant quidam amici, propter quos maior sumus fieret: nō hic qui erumpere ex lau- torum culinīs, & terrere vigiles solet: sed hic modicus, qui hospites venisse signifi- caret. Varius nobis sermo fuit, ut in conui- uio, nullam rem vsque ad exitum addu- cens, sed aliunde aliò transiliens. Lectus est

deinde liber Q. Sextij patris, magni, si quid mihi credis, viri, & licet negent, Stoici. Quantum in illo, dii boni, vigoris est, quantum animi! hoc non in omnibus philosophis inuenies. Quorumdam scripta clarum habent tantum nomen: cetera exsanguia sunt. Instituunt, disputant, cauillantur: non faciunt animum, quia non habent. Cum legeris Sextium, dices: Viuit, viget, liber est, supra hominem est, dimittit me plenum ingentis fiducia. In quacumque positione mentis sim, cum lego hunc, ( fatebor tibi ) libet omnes casus prouocare, libet exclamare, Quid cessas fortuna? congregere. paratum vides. Illius animum induo, qui querit ubi se experiatur, ubi virtutem suam ostendat,

*Spumantemque dari pecora inter inertia votis*

*Optat aprum, aut fuluum descendere monte leonem.*

Libet aliquid habere quod vincam, cuius patiētia exercear. Nam hoc quoque egregium Sextius habet, quod & ostendet tibi beatæ vitæ magnitudinem, & desperationem eius non faciet. Scies illam esse in excelso, sed volenti penetrabilem. hoc quidem virtus tibi ipsa præstabit, ut illam admireris, & tamen speres. Mihi certè temporis multum auferre solet contemplatio ipsa sapientiæ. non aliter illam intueor obtupefactus, quam ipsum interim mundum,

dum, quem sæpè tamquam spectator nouus video. Veneror itaque inuenta sapientiæ, inuentoresque: adire tamquam multorum hereditatem iuuat. Mihi ista acquisita, mihi laborata sunt. Sed agamus bonum patrem familiæ: faciamus ampliora, quæ accepimus. maior ista hereditas à me ad posteros transeat. Multum adhuc restat operis, multumque restabit: nec ulli nato post mille sæcula præcludetur occasio, aliquid adhuc adiijciendi. Sed etiam si omnia à veteribus inuenta sunt: hoc semper nouum erit, vsus, & inuentorum ab aliis scientia & dispositio. Puta relicta nobis medicamenta, quibus sanarentur oculi. non opus est mihi alia querere: hæc tantum morbis & temporibus aptanda sunt. Hoc asperitas oculorum conleuatur. hoc palpebrarum crassitudo tenuatur. hoc vis subita & humor auertitur. hoc acuitur visus. Teras ista oportet, & eligas tempus, adhibeas singulis modum. Animi remedia inuenta sunt ab antiquis: quomodo autem admoueantur, aut quādo, nostri operis est querere. Multum egerunt qui ante nos fuerunt, sed non peregerunt: suspiciendi tamen sunt, & ritu deorum colendi. Quid ni ego magnorum virorum & imagines habeam, incitamenta animi, & natales celebrem? Quid ni illos honoris causa semper appellem? Quam venerationem præceptoribus meis debeo, eandem illis præceptoribus generis humani, à quibus tanti

boni initia fluxerunt. Si consulem videro aut prætorem, omnia quibus honor haberi solet, faciam: equo defiliam, caput adaperiam, semita cedam. Quid ergo? Marcum Catonem vtrumque, & Lælium Sapieniem, & Socratem cum Platone, & Zenonem, Cleanthemque, in animum meum sine dignatione summa recipiam? Ego vero illos veneror, & tantis nominibus semper assurgo.

EPIST. LXV. Hesternum diem diuisi cum mala valetudine. antemeridianum illa sibi vindicauit: postmeridiano mihi cessit. Itaque lectione primùm tentavi animum. deinde cùm hanc recepisset, plus illi imperare ausus sum, imò permittere. Aliquid scripsi, & quidem intentiùs, quàm soleo, dum cum materia difficili contendo, & vinci nolo: donec interuenerunt amici, qui mihi vim afferrent, & tamquam egrum intemperantem coercerent. In locum stili sermo successit: ex quo cam partem ad te perferam, quæ in lite est, te arbitrum ad egimus: plus negotij habes quàm existimas. Triplex causa est. Dicunt, vt scis, Stoici nostri, duo esse in rerum natura, ex quibus omnia fiant; causam & materiam. Materia iacet iners, res ad omnia parata, cessatura, si nemo moueat. Causa autem, id est ratio, materiam format, & quocumque vult versat: ex illa varia opera producit. Esse debet ergo vnde aliquid fiat, deinde à quo fiat: hoc causa

fa est, illud materia. Omnis ars imitatio est naturæ: itaque quod de vniuerso dicebam, ad hæc transfer, quæ ab homine facienda sunt. Statua & materiam habuit, quæ pateretur artificium: & artificem, qui materiæ daret faciem. Ergo in statua materia æs fuit, causâ artifex. Eadem conditio rerum omnium est. ex eo constant quod fit, & ex eo quod facit. Stoicis placet vnam causâ esse, id quod facit. Causâ Aristoteles putat tribus modis dici. Prima, inquit, causâ est ipsa materia, sine qua nihil potest effici. Secunda opifex. Tertia forma, quæ vnicuique operi imponitur, tamquam statuæ. nam hanc Aristoteles Idos vocat. Quarta quoque, inquit, his accedit, propositum totius operis. Quid sit hoc, aperiam. Æs prima statuæ causâ est: numquam enim facta esset, nisi fuisset id ex quo ea funderetur, ducereturve. Secunda causâ artifex est: non potuisset enim æs illud in habitum statuæ figurari, nisi accessissent peritæ manus. Tertia causâ est forma: neque enim statua ista Doryphoros aut Diadumenos vocaretur, nisi hæc illi esset impressa facies. Quarta causâ est, faciendi propositum: nam nisi hoc fuisset, facta non esset. Quid est propositum? quod inuitauit artificem, quo ille secutus fecit. Vel pecunia est hoc, si venditurus fabricauit: vel gloria, si laborauit in nomen: vel religio, si donum templo parauit. Ergo & hæc causâ est, propter quam fit. An

non putas inter causas facti operis numerandum, quo remoto factum non esset? His quintam Plato adjicit exemplar, quam ipse Ideam vocat: hoc est enim ad quod respiciens artifex, id quod destinabat, efficit. Nihil autem ad rem pertinet, utrum foris habeat exemplar, ad quod referat oculos; an intus, quod sibi ipse concepit & posuit. Hæc exemplaria rerum omnium Deus intra se habet, numerosque universorum quæ agenda sunt, & modos mente complexus est. plenus his figuris est, quas Plato Ideas appellat, immortales, immutabiles, infatigabiles. Itaque homines quidem pereunt: ipsa autem humanitas ad quam homo effingitur, permanet; & hominibus laborantibus, intereuntibus, illa nil patitur. Quinque ergo causæ sunt, ut Plato dicit: Id ex quo, id à quo, id quo, id ad quod, id propter quod. nouissime id quod ex his est. Tamquam in statua (quia de hac loqui cœpimus) id ex quo, æs est: Id à quo, artifex est: Id quo, forma est, quæ aptatur illi: Id ad quod, exemplar est, quod imitatur is qui facit: Id propter quod, facientis propositum est. Id quod ex istis est, ipsa statua. Hæc omnia mundus quoque (ut ait Plato) habet. Faciens, hic Deus est: Ex quo fit, hæc materia est: Forma, hæc est habitus, & ordo mundi quæ videmus: Exemplar, scilicet ad quod Deus hanc magnitudinem operis pulcherrimi fecit: Propositum, propter quod fecit.

fecit. Quæris, quid sit propositum Deo? Bonitas. ita certè Plato ait. Quæ Deo faciendi mundum causâ fuit? Bonus est, bono nulla cuiusquam boni invidia est. Fecit itaque quàm optimum potuit. Fer ergo iudex sententiam, & pronuncia, quis tibi verisimillimum videatur dicere, non quis, verum dicat. id enim tam supra nos est, quàm ipsa veritas. Hæc quæ ab Aristotele & Platone ponitur turba causarum, aut nimium multa, aut nimium pauca comprehendit. Nam si quocumque remoto, quid effici non potest, id causâ iudicant esse faciendi, pauca dixerunt. Ponant inter causas tempus: nihil sine tempore potest fieri. Ponant locum: si non fuerit ubi fiat aliquid, ne fiet quidem. Ponant motum. nil sine hoc nec fit nec perit: nulla sine motu ars, nulla mutatio est. Sed nos nunc primam & generalem causâ quærimus. hæc simplex esse debet. nam & materia simplex est. Quærimus, quid sit causa: Ratio faciens, id est, Deus. Ita enim quæ nunc retuli, non sunt multæ & singulæ causæ, sed ex vna pendent, ex ea quæ facit. Formam dicis causâ esse: hanc imponit artifex operi. pars est, non causa. Exemplar quoque non est causa, sed instrumentum causæ necessarium. Sic necessarium est exemplar artifice, quomodo scalpri, quomodo lima. sine his procedere ars non potest. nō partes tamen hæc artis, aut causæ sunt. Propositum, inquit, ar-

tificis, propter quod ad faciendum aliquid accedit, causa est. ut sit causa, non est efficiens causa, sed superueniens. Hæ autem innumerabiles sunt: nos de causa quærimus generali. Illud verò non pro solita ipsis subtilitate dixerunt, totum mundum & consummatum opus, causam esse. multum enim interest inter opus, & causam operis. Aut fer sententiam: aut (quod facilius in eiusmodi rebus est) nega tibi lique-  
re, & nos reuerti iube. Quid te, inquis, delectat tempus inter ista conterere, quæ tibi nullum affectum eripiunt, nullam cupiditatem abigunt? Ego quidem priora illa ago ac tracto, quibus pacatur animus, & me prius scrutor: deinde hunc mundum. Ne hoc quidem tempus, ut existimas, perdo. Ista enim omnia si non concidantur, nec in hanc subtilitatem inutilem distrahantur, attollunt & leuant animum, qui graui sarcina pressus, explicari cupit, & reuerti ad illa quorum fuit. Nam corpus hoc, animi pondus ac poena est: premente illo vrgetur, in vinculis est, nisi accessit philosophia, & illum respirare rerum naturæ spectaculo iussit, & a terrenis dimisit ad diuina. Hæc libertas eius est, hæc euagatio: subducit interim se custodiæ in qua tenetur, & cælo reficitur. Quemadmodum artifices ex alicuius rei subtilioris intentione, quæ oculos defatigat, si malignum & precarium lumen habent, in publicum prodeunt, & in aliqua regione ad populi  
otium



otium dedicata oculos libera luce delectant; sic animus in hoc tristi & obscuro domicilio clusus, quoties potest, apertum petit, & in rerum naturæ contemplatione requiescit. Sapiens affectatorque sapientiæ adhæret quidem in corpore suo, sed optima sui parte abest, & cogitationes suas ad sublimia intendit, & velut sacramento rogatus, hoc quod viuit stipendium putat: & ita formatus est, ut illi nec amor vitæ, nec odium sit, patiturque mortalia, quamuis sciat ampliora superesse. Interdices mihi inspectione rerum naturæ, ac toto abductum rediges in partem? Ego non quæram, quæ sint initia vniuersorum, quis rerum formator, quis omnia in vna massa & materia inerti conuoluta discreuerit? Non quæram, quis sit artifex huius mundi? qua ratione tanta magnitudo in legem & ordinem venerit? quis sparsa collegerit, confusa distinxerit, in vna deformitate latentibus faciem diuiserit? unde lux tanta fundatur? ignis sit, an aliquid igne lucidius? Ego ista non quæram? ego nesciam unde descenderim? semel hæc mihi videntur sint, an sæpè? Nesciam quò hinc iturus sim? quæ sedes expectet animam, solutam legibus seruitutis humanæ? Vetas me cælo interesse, id est, iubes me viuere capite demisso? Maior sum, & ad maiora genitus, quam ut mancipium sim mei corporis: quod equidem non aliter adspicio, quam vinculum aliquod libertati meæ

circumdatum. Hoc itaque oppono fortunæ, in quo resistat; nec per illud ad me vllum transire vulnus sino. Quidquid in me potest iniuriam pati, hoc est in hoc obnoxio domicilio: animus liber habitat. numquam me caro ista compellet ad metum, nunquam ad indignam bono simulationem, numquam in honorem huius corpusculi mentiar. Cum visum fuerit, distraham cum illo societatem: & nunc tamen dum hæremus, non erimus æquis partibus socij: animus ad se omne ius ducet. Contemptus corporis sui, certa libertas est. Ut ad propositum reuertar, huic libertati multum conferet & illa, de qua modò loquebamur, inspectio. Nempe vniuersa ex materia & ex Deo constant: Deus ista temperat, quæ circumfusa rectorum sequuntur, & ducem. Potētius autem est quod facit, quod est Deus, quàm materia patiens Dei. Quem in hoc mundo locum Deus obtinet, hunc in homine animus: quod est illic materia, id nobis corpus est. Seruiant ergo deteriora melioribus: fortes simus aduersus fortuita: non contremiscamus iniurias, non vulnera, nō vincula, non egestatem. Mors quid est? aut finis est, aut transitus. nec desinere timeo; idem est enim quod non cœpisse: nec transire, quia nusquam tam angustè ero.

EPIST. LXVI. Claranum condiscipulum meum vidi, post multos annos, nō puto exspectas, ut adiiciam senem: sed  
me-

mercules viridem animo ac vigentem,  
& cum corpusculo suo colluctantem. Iniquè enim se natura gessit, & talè animum malè collocavit: aut fortassè voluit hoc ipsum nobis ostendere, posse ingenium fortissimum ac beatissimum sub qualibet cute latere. Vicit tamen omnia impedimenta: & ad cetera contemnenda à contemptu sui venit. Errare mihi visus est qui dixit.

*Gratior est pulchro veniens è corpore virtus.*

nullo enim honestamento eget: ipsa & magnum sui decus est, & corpus suum consecrat. Certè Claranum nostrum cœpi intueri: formosus mihi videtur, & tam rectus corpore, quàm est animo. Potest ex casa vir magnus exire: potest & ex deformi humiliq̃ue corpusculo formosus animus ac magnus. Quosdam itaque videtur mihi in hoc natura tales generare, ut approbet virtutem omni loco nasci. Si posset per se nudos edere animos, fecisset. nunc quod amplius est, facit: quosdam enim edit corporibus impeditos, sed nihilominus perrumpentes obstàtia. Claranus mihi videtur in exemplar editus: ut scire possemus, non deformitate corporis fœdari animũ, sed pulchritudine animi corpus ornari. Quamvis autem paucissimos vnà egerimus dies, tamen multi nobis sermones fuerunt, quos subinde egeram, & ad te mittam. Hoc primo die quæsitum est, quomodo possint paria bona esse, si tri-

si triplex eorum conditio est. Quædam (ut  
 nostris videtur) prima bona sunt: tam-  
 quàm gaudium, pax, salus patriæ. Quæ-  
 dam secunda, in materia infelici expref-  
 fa: tamquam tormentorum patientia, &  
 in morbo graui temperantia. Illa bona di-  
 rectò optamus nobis: hæc, si necesse erit.  
 Sunt adhuc tertia: tamquam modestus in-  
 cessus, & compositus, ac probus vultus, &  
 conueniens prudenti viro gestus. Quomo-  
 do ista inter se paria esse possunt, cum alia  
 optanda sint, alia auersanda? Si volumus  
 ista distinguere, ad primum reuertamur,  
 & consideremus id quale sit. Animus in-  
 tuens vera, peritus fugiendorum ac pe-  
 tendorum, non ex opinione, sed ex natura  
 pretia rebus imponens, toti se inferens  
 mundo, & in omnes eius actus cōtempla-  
 tionem suā mittens, cogitationibus actio-  
 nibusque intentus, ex æquo magnus ac ve-  
 hemens, asperis blandisque pariter inui-  
 ctus, neutri se fortunæ submittens, supra  
 omnia quæ cōtingunt acciduntque; eminēs,  
 pulcherrimus cum decore, cum viribus sa-  
 nus ac ficcus, imperturbatus, intrepidus,  
 quem nulla vis frangat, quem nec attol-  
 lant fortuita, nec deprimant. Talis animi  
 virtus est, hæc eius facies, si sub vnum ve-  
 niat adspectum, & semel tota se ostendat.  
 Ceterum multæ eius species sunt, quæ pro  
 vitæ varietate & pro actionibus explicantur:  
 nec minor fit aut maior ipsa. Decrescere  
 enim summum bonum nō potest, nec vir-  
 tuti

tuti ire retrò licet ; sed in alias atque alias qualitates conuertitur , ad rerū quas actura est habitum figurata . Quidquid attingit, in similitudinem sui adducit & tingit : actiones, amicitias, interdum domos totas, quas intrauit disposuitque , condecorar : quidquid tractauit , id amabile , conspicuum , mirabile facit . Itaque vis eius & magnitudo vltra non potest surgere, quādo incrementum maximo non est . Nihil inuenies rectius recto , non magis quā verius vero , quā tēperato temperatius . omnis in modo est virtus : modus certa mensura est . Constantia non habet quò procedat, non magis quā fiducia, aut veritas, aut fides. Quid accedere perfecto potest? nihil . aut perfectum nō erat , cui accessit : ergo ne virtuti quidem , cui si quid adjici potest , defuit . Honestū quoq; nullam accessionem recipit: honestū est enim propter illa quæ retuli . Quid porrò decorum & iustum, & legitimum? nō eiusdem esse formæ putas , certis terminis comprehensum ? Crescere posse , imperfectæ rei signū est : bonum omne in easdē cadit leges: iuncta est priuata & publica vtilitas, tā mehercules, quā inseparabile est, laudandum petendumque . Ergo virtutes inter se pares sunt, & opera virtutum, & omnes homines quibus illa contingere. Satorum verò animaliumq; virtutes, cū mortales sint , fragiles, caducæque, & incertæ, exsiliūt residuntque: & ideo nō eodē pretio estimantur.

tur. Vna inducitur humanis virtutibus regula: vna enim est ratio recta, simplexque. Nihil est diuino diuinius, cœlesti cœlestius. Mortalia eminent, cadunt, deteruntur, crescunt, exhauriuntur, implentur: itaque illis in tam incerta sorte inæqualitas est: diuinorū vna natura est. Ratio autem nihil aliud est, quàm in corpus humanum pars diuini spiritus mersa. Si ratio diuina est, nullum autem bonum sine ratione est, bonum omne diuinum est. nullum porrò inter diuina discrimen est, ergo nec inter bona. Paria itaque sunt gaudium, & fortis atque obstinata tormentorum perpessio: in vtroque enim eadem est animi magnitudo: sed in altero remissa, & laxa; in altero pugna, & intentata. Quid? tu non putas, parem esse virtutem eius qui fortiter hostium mœnia expugnat, & eius qui obfidionem patientissimè sustinet? Et magnus Scipio, qui Numantiam claudit & comprimit, cogitque inuictas manus in exitium ipsas sui verti: & magnus ille obsessorum animus, qui scit nihil esse clausum, cui mors aperta est, & in complexu libertatis exspirat. Æquè reliqua quoque inter se paria sunt, trāquillitas, simplicitas, liberalitas, constantia, æquanimitas, tolerantia: omnibus enim istis vna virtus subest, quæ animum rectum & indeclinabilem præstat. Quid ergo? nihil interest inter gaudium, & dolorum inflexibilem patientiā? nihil, quantum ad ipsas virtutes: plu-

plurimum, quantum ad illa, in quibus virtus vtraque ostenditur. In altero namque naturalis animi remissio ac laxitas: in altero, contra naturam dolor. Itaque media sunt hæc, quæ plurimum intervalli recipiunt. Virtus in vtraque par est, virtutem materia non mutat: nec peiorem facit dura & difficilis, nec meliorem hilaris & læta. Necesse est ergo æqualia sint bona vtraque: quia nec hic potest se melius in hoc gaudio gerere, nec ille melius in illis cruciatibus. duo verò, quibus nihil fieri melius potest, paria sunt. Nam si, quæ extra virtutem posita sunt, aut minuire illam, aut augere possunt; definit vnum bonum esse, quod honestum est. Si hoc cōcesseris, omne honestum perit. Quare? Dicam: quia nihil honestum est, quod ab invito, quod à coacto fit. omne honestū voluntarium est. Admisce illi pigritiā, querelam, tergiversationem, metum: quod habet in se optimum, perdidit, sibi placere. Nō potest honestū esse, quod non est liberum. nā quod timer, servit. Honestum omne securum est, tranquillum est. si recusat aliquid, si complorat, si malū iudicat, perturbationē recipit, & in magna discordia volutatur. Hinc enim species recti vocat, illic suspicio mali retrahit. Itaq; qui honestè aliquid facturus est, quidquid opponitur, id etiam si incommodum putat, malum non putat, velut libens faciet. Omne honestum iniussum, incoactumque est.

since-

sincerum, & nullo malo mixtum. Scio quid mihi hoc loco responderi possit. Hoc nobis persuadere conaris, nihil interesse, vtrum aliquis in gaudio sit, an in equuleo iaceat, & tortorem suum lasset. Poteram respondere quod Epicurus ait, *Sapientem, si in Phalaridis tauro peruratur, exclamaturum: Dulce est, & ad me nil pertinet.* Quid miraris, si ego paria bona dico, vnius in conuiuio iacentis, alterius inter tormenta fortissimè stantis: cum (quod incredibile est) dicat Epicurus, dulce esse torqueri? Et hic respondeo, plurimum interesse inter gaudium & dolorem. Si quaeratur electio, alterum petam, alterum vitabo. illud secundum naturam est, hoc contra. Quamdiu sic aestimantur, magno inter se dissident spatio: cum verò ad virtutem ventum est, utraque par est, & quæ per læta procedit, & quæ per tristia. Nullum habent momentum vexatio & dolor, & quidquid aliud incommodi est: virtute enim obrui-  
 rur. Quemadmodum minora lumina claritas solis obscurat: sic dolores, molestias, iniurias, virtus magnitudine sua elidit atque opprimit; & quocumque affulsit, ibi quidquid sine illa apparet, extinguitur: nec magis, ullam portionem habent incommoda, cum in virtutem inciderint, quam in mari nimbus. Hoc ut scias ita esse, ad omne pulchrum vir bonus sine vlla cunctatione procurret. stet illic licet car-  
 nifex, stet tortor atque ignis, perseue-  
 rabit;



rabit: nec quid passurus, sed quid facturus sit, adspiciet: & se honestæ rei tamquam bono viro credet. vtilem illam sibi iudicabit, tutam, prosperam. Eundem ergo locum habebit apud illum honesta res, sed tristis atque aspera, quem vir bonus, pauper, aut exsul, ac pallidus. Agedum pone ex alia parte virum bonum, diuitiis abundantem, ex altera nihil habentem, sed in se omnia: vterque æquè bonus vir erit, etiam si fortuna dispari utetur. Idem (vt dixi) in rebus iudicium est, quod in hominibus. æquè laudabilis est virtus in corpore valido ac libero posita, quàm in morbido ac vincto. Ergo tua quòque virtus non magis laudabilis, si corpus illesum tibi & integrum fortuna præstiterit, quàm si ex aliqua parte mutilatum. alioqui hoc erit ex seruorum habitu dominum æstimare. Omnia enim ista, in quæ dominium casus exercet, seruilis sunt, pecunia, & corpus, & honores: imbecilla, fluida, mortalia, possessionis incertæ. Illa rursus libera & inuicta opera virtutis. quæ non ideo magis appetenda sunt, si benigniùs à fortuna tractantur; nec minùs, si aliqua rerum iniquitate premuntur. Quod amicitia in hominibus est, hoc in rebus appetitio est. Non, puto, magis amares virum bonum locupletem, quàm pauperem: nec robustum & lacertosum, quàm gracile, & languidi corporis: ergo ne rem quidem magis appetes hilarè ac pacatā, quàm distractam

etiam & operosam. Et si hoc est, magis diliges ex duobus æquè bonis viris, nitidum & vinctū, quàm puluerulentum & horrentem. deinde hucusque peruenies, vt magis diligas integrum omnibus membris & illæsum, quàm debilem aut luscum. Paulatim fastidium tuum illò vsq; procedet, vt ex duobus æquè iustis ac prudentibus, comatum & crispulum malis, quàm recaluastrum. Vbi par est in vtroque virtus, non comparet aliarum rerum inæqualitas: omnia enim alia non partes, sed accessiones sunt. Nam quis tam iniquam censuram inter suos agit, vt filium sanum quàm ægrum magis diligat? procerumve & excelsum, quàm breuem & modicum? Fœtus suos non distinguunt ferè, & se in alimentum pariter omnium sternunt. aues ex æquo partiuntur cibos. Vlysses ad Ithacæ suæ laxa sic properat, quemadmodū Agamemnon ad Mycenarum nobiles muros. Nemo enim patriã, quia magna est, amat, sed quia sua. Quorsum hæc pertinent? vt scias, virtutem omnia opera sua, velut fœtus suos, iisdem oculis intueri, æquè indulgere omnibus: & quidem impensius, laborantibus. Quoniam quidem etiam parentum amor, magis in ea quorum miseretur, inclinatur. Virtus quoque opera sua quæ videt affici & premi, non magis amat, sed parentum bonorum more, magis complectitur ac fouet. Quare nō est vllum bonum altero maius? quia non est quidquam

quam apto aptius, quia plano nihil est planius. Non potes dicere, Hoc magis par est alicui quàm illud: ergo nec honesto honestius quidquam est. Quòd si par omnium virtutum natura est, tria genera bonorum in æquo sunt. Ita dico, in æquo est moderatè gaudere, & moderatè dolere: Lætitia illa non vincit hanc animi firmitatem, sub tortore gemitus deuorantem. Illa bona optabili a sunt, hæc mirabilia. vtraque nihilominus paria: quia quidquid incommodi est, velamento maioris boni tegitur. Quisquis hæc imparia iudicat, ab ipsis virtutibus auertit oculos, & exteriora circumspicit. Bona vera idem pendunt, idem patent: falsa multum habent vani. Itaque speciosa & magna contrà visentibus, cum ad pondus reuocata sunt, fallunt. Ita est, mi Lucili, quidquid vera ratio cõmendat, solidum & æternum est, firmat animum, attollitque, semper futurum in excelsis: illa quæ temerè laudantur, & vulgi sententia bona sunt, inflant inanibus lætos. Rursus ea quæ timentur tamquàm mala, iniiciunt formidinem mentibus, & illas non aliter, quàm animalia species periculi, agitant. Vtraque res ergo sine causâ animum & diffundit, & mordet: nec illa gaudio, nec hæc metu digna est: sola ratio immutabilis & iudicij tenax est. non enim seruit, sed imperat sensibus. Ratio rationi par est, sicut rectum recto: ergo & virtus, quæ nõ aliud est quàm recta ratio. Omnes  
virtu-

virtutes rationes rectæ sunt: si rectæ sūt, & pares sunt. Qualis ratio est, tales & actiones sunt: ergo omnes pares sunt. Nam cū similes rationi sint, similes & inter se sunt: pares autem actiones inter se esse dico, quæ rectæ sunt, & honestæ. Cæterum magna habebunt discrimina, variante materia: quæ modò latior est, modò angustior; modò illustris, modò ignobilis; modò ad multos pertinens, modò ad paucos. In omnibus tamen istis, id quod optimum est, par est: tãquam viri boni, omnes pares sunt, quæ boni sunt: sed habent differentias ætatis: alius senior, alius iunior. habet corporis: alius formosus, alius deformis est. habent fortunæ: ille diues, hic pauper est; ille graciosus, potens, vrbibus notus & populis, ignotus hic plerisque, & obscurus. Sed per illud quod boni sunt, pares sunt. De bonis ac malis sensus non iudicat: quid vtile, scit; quid inutile, ignorat. Non potest ferre sententiã, nisi in rem præsentem perductus est: nec futuri prouidus est, nec præteriti memor: quid sit consequens, nescit. Ex hoc autem rerum ordo seriesque contexitur, & vnitas vitæ in perfectũ itura. Ratio ergo arbitra est bonorum ac malorum; aliena & externa pro vilibus habet; & ea quæ neq; bona sunt, neq; mala, accessiones minimas ac leuissimas iudicat. omne illi bonum in animo est. Cæterum quædam prima existimat, ad quæ ex proposito venit, tamquã victoriã,

bonos

Bonos liberos, patriæ salutem : quædam  
secunda, quæ non apparent nisi in rebus  
aduersis: tamquam ex quo animo pati mor-  
bum magnum, exsiliū : quædam me-  
dia, quæ nihilo magis secundum natu-  
ram sunt quàm cōtra naturam : tamquam  
prudenter ambulare, compositè sedere.  
Non enim minùs secundum naturam est,  
sedere, quàm aut stare, aut ambulare. Duo  
illa superiora diuersa sunt. prima enim se-  
cundum naturam sunt, gaudere liberorū  
pietate, patriæ incolumitate : secunda cō-  
tra naturam sunt, fortiter obistere tormen-  
tis, & sitim perpeti, morbo vrente præcor-  
dia. Quid ergo? aliquid contra naturam  
bonum est? minimè. sed illud aliquando  
contra naturam est, in quo bonum illud  
existit. vulnerari enim, & subiecto igne  
tabescere, & aduersa valetudine affligi,  
cōtra naturā est: sed inter ista seruare ani-  
mum infatigabilem, secundum naturā est.  
Et ut, quod volo, exprimam breuiter, ma-  
teria boni aliquando contra naturam : at  
bonum nunquam. quoniā bonum sine ra-  
tione nullum est: sequitur autem ratio na-  
turam. Quid est ergo ratio? naturæ imi-  
tatio. Quid est summū hominis bonū? ex  
naturæ voluntate se gerere. Nō est, inquit,  
dubium, quin felicior pax sit numquā la-  
cessita, quàm multo reparata sanguine,  
Non est dubiū, inquit, quin felicior sit in-  
cōcussa valetudo, quàm ex grauib. mor-  
bis & extrema minitantibus in tutum vi  
qua-

quadam & patientia educta . Eodē modo non erit dubium , quin maius bonum sit gaudium , quàm obnoxius animus ad perpetiendos cruciatus vulnerum . aut ignium . Minimè : illa enim quæ fortuita sunt , plurimum discriminis recipiunt : æstimantur enim vtilitate sumērium . Bonorum vnum propositum est , consentire naturæ : hoc in omnibus par est . Cū alicuius in senatu sententiam sequimur , non potest dici : Ille magis assentitur , quàm ille : ab omnibus in eandem sententiam itur . Idem de virtutibus dico : omnes naturæ assentiuntur . idem de bonis dico : omnia naturæ assentiuntur . Alter adolescens decessit , alter senex , aliquis præter hos infans , cui nihil amplius contigit , quàm prospicere vitam : omnes hi æquē fuere mortales , etiam si mors aliorū longiùs vitam passa est procedere , aliorum in medio flore præcidit , aliorum interruptit principia . Alius inter cænādum solutus est , alterius continuata mors somno est , aliquem cōcubitus extinxit . his oppone ferro transfossos , aut exanimatos serpentum morfu , aut fractos ruina , aut per longam neruorum contractionem extortos minutatim . aliquorum melior dici , aliquorum peior potest exitus : mors quidem omnium par est . per quæ venit , diuersa sunt ; id in quod desinunt , vnū est . mors nulla maior aut minor est : habet enim eundem in omnibus modum , finisse vitam . Idem tibi de bonis dico . hoc  
bonum

bonum inter meras voluptates est, hoc inter tristitia & acerba ; illud fortunæ indulgentiam rexit, hoc violentiam domuit ; vtrumque æquè bonum est , quamuis illud plana emolliuerit , hoc aspera. Idem finis omnium est . bona sunt , laudanda sunt, virtutem rationemque comitantur : virtus æquat inter se, quidquid agnoscit. Nec est quòd hoc inter nostra placita mireris. apud Epicurum duo bona sunt , ex quibus summum illud beatumque componitur : vt corpus sine dolore sit , animus sine perturbatione. Hæc bona non crescunt, si plena sunt. quo enim crescet , quod plenum est? Dolore corpus caret: quid ad hanc accedere indolentiam potest? Animus constat sibi , & placidus est : quid accedere ad hanc tranquillitatem potest? Quemadmodum serenitas cæli non recipit maiorem adhuc claritatem , in sincerissimum nitorem repurgata : sic hominis corpus animumque curantis , & bonum suum ex vtroque necitentis perfectus est status, & summam voti sui inuenit , si nec æstus animo est, nec dolor corpori. Si qua extrà blandimenta contingunt, non augent summum bonum, sed vt ita dicam, condiunt & oblectant: absolutum enim illud humanæ naturæ bonum , corporis & animi pace contentum est . Dabo apud Epicurum tibi etiamnum simillimam huic nostræ diuisionem bonorum. Alia enim sunt apud illū, quæ malis cōtingere sibi: vt corporis quie-

K

tem,

tem, ab omni incommodo liberam, & animi remissionem, bonorum suorum contemplatione gaudentis, Alia sunt, quæ quamvis nolit accidere, nihilominus & laudat & comprobat: tamquā illam, quam paulloantè dicebā, malæ valetudinis, & dolorū grauissimorum perpulsionem. in qua Epicurus fuit illo sūmo ac fortunatissimo die suo: ait enim se vesicæ & exulcerati ventris tormēta tolerare, vltiorem doloris accessionem nō recipientia: esse. nihilominus sibi illum beatū diē. beatum autem agere, nisi qui est in summo bono, non potest. Ergo & apud Epicurum sunt hæc bona, quæ mallēs nō experiri: sed quia ita res tulit, & amplexanda & laudanda & exæquanda summis sunt. Non potest dici, hoc nō esse par maximis bonū, quod beatę vitę clausulam imposuit, cui Epicurus extrema voce gratias egit. Permite mihi, mi Lucili virorū optime, aliquid audaciū dicere. si vlla bona maiora esse aliis possent: hæc ego quæ tristitia vidētur, mollibus illis & delicatis prætulissēm. Maius est enim perfringere difficilia, quā læta moderari. Eadem ratione fit, scio, vt aliquis felicitatem benè, & calamitatem fortiter ferat. Æquē fortis esse potest, qui pro vallo securus excubuit, nullis hostibus castra tentantibus: & qui succisis poplitibus in genua se excepit, nec arma dimisit. Macste virtute esto, sanguinolētis & ex acie redeuntibus dicitur. Itaq; hæc magis laudauerim bona

exer-



exercitata & fortia, & cum fortuna rixata. Ego dubitem, quin magis laudem truncam illam & retorridam manum Mucij, quàm cuiuslibet fortissimi saluam? Stetit hostium flammarumque contemptor, & manum suam in hostili foculo distillantē perspectauit, donec Porsenna, cuius pœnæ fauebat, gloriæ inuidit, & ignem inuito eripi iussit. Hoc bonum quidni inter prima numerem: tantoque maius putem, quàm illa scutura & intentata fortunæ, quanto rarius est hostē amissa manu vicisse, quàm armata? Quid ergo? inquis, hoc bonum tibi optabis? Quid ni? hoc enim, nisi qui potest & optare, non potest facere. An potius optem, ut malacissandos articulos exoletis meis porrigam? ut mulierculæ. aut aliquis in mulierculam ex viro versus, digitulos meos ducat? Quid ni ego feliciorem putem Mucium, qui sic tractauit ignem, quasi illam manum tractatori præstitisset? In integrum restituit, quidquid errauerat. confecit bellum inermis ac mancus, & illa manu trunca reges duos vicit.

EPIST. LXVII. Ut à communibus initium faciam, ver aperire se cœpit: sed iam inclinatum in æstatem, quo tempore calere debebat, intepuit: nec adhuc illi fides est. sæpè enim in hiemem reuoluitur. Vis scire quàm dubium adhuc sit? nondū me committo frigidæ: adhuc rigorem eius infringo. Hoc est, inquis, nec calidum, nec frigidum pati. Ita est, mi Lucili. iam

ætas mea cōtēta est suo frigore: ix media  
 regelatur æstate. Itaque mai r pars iū  
 vestimentis degitur. Ago gratia senectū-  
 ti, quòd me lectulo affixit. Quid ii gratias  
 illi hoc nomine agam? quidq uid debe-  
 bam nolle, non possum. Cum sit illis mihi  
 plurimus sermo est. si quando in erueniūt  
 epistolæ tuæ, tecum esse mihi vic cor: & sic  
 afficior animo, tamquam tibi non rescri-  
 bam, sed respondeam. Itaque & de hoc  
 quod quæris, quasi colloquar tecum: quale  
 sit, vnà scrutabimur. Quæris an omne bo-  
 num optabile sit. Si bonum est, inquis, for-  
 titer torqueri, & magno animo vri, & pa-  
 tienter ægrotare, sequitur vt ista optabilia  
 sint. nihil autem video ex istis voto dignū.  
 Neminem certè adhuc scio eo nomine vo-  
 rum soluisse, quòd flagellis cæsus esset, aut  
 podagra distortus, aut equuleo longior fa-  
 ctus. Distingue, mi Lucili, ista: & intelli-  
 ges esse in his aliquid optandum. Tor-  
 menta abesse à me velim: sed si sustinen-  
 da fuerint, vt me in illis fortiter, honestè,  
 animosè geram, optabo. Quidni ego ma-  
 lim non incidere bellum? sed si inciderit,  
 vt vulnera, vt famem, & omnia quæ bello-  
 rum necessitas fert, generosè feram, opta-  
 bo. Non sum tam demens, vt ægrotare cu-  
 piam: sed si ægrotandum fuerit, vt nihil  
 intemperanter, nihil effeminatè faciam,  
 optabo. Ita non incommoda optabilia  
 sunt, sed virtus qua perferuntur incom-  
 moda. Quidam ex nostris existimant, om-  
 nino

nino asperorum fortem tolerantiam non esse optabilem, sed nec abominandam quidem: quia voto purum bonum peti debet, & tranquillum, & extra molestiam positum. Ego dissentio. Quare? primum quia fieri non potest, ut aliqua res bona quidem sit, sed optabilis non sit: deinde si virtus optabilis est, nullum autem sine virtute bonum, & omne bonum optabile. Deinde etiam, si tormentorum fortis patientia optabilis non est: etiamnum interrogo. Nonne fortitudo optabilis est? atqui pericula contemnit & prouocat. Pulcherrima pars eius, maximeque mirabilis illa est, non cedere ignibus, obuiam ire vulneribus: interdum tela ne vitare quidem, sed pectore excipere. Si fortitudo optabilis est, & tormenta patienter ferre optabile est. hoc enim, fortitudinis pars est: sed separata ista, ut dixi; nihil erit quod tibi faciat errorem. Non enim pati tormenta optabile est, sed pati fortiter. Illud opto fortiter, quod est virtus. Quis tamen umquam hoc sibi optauit? Quædam vota aperta & professâ sunt, cum particulatim fiunt: quædam latent, cum vno voto multa comprehensa sunt. Tamquam opto mihi vitam honestam: vita autem honesta actionibus variis constat. In hac est Reguli arca, Catonis scissum manu sua vulnus, Rutilij exsilium, calix venenatus qui Socratem transtulit è carcere in cœlum. Itâ cum optauim mihi vitam honestam, & hæc optauim.

sine quibus interdum honesta non potest esse.

—O terque quaterque beati.

Quæis ante ora patrum, Troia sub menibus altis.

Contigit oppetere!

Quid interest, optes hoc alicui, an optabile fuisse fatearis? Decius se pro Rep. deuotus, & in medios hostes concitato equo mortem petens irruit. Alter post hunc paternæ virtutis æmulus, conceptis sollennibus, ac iam familiaribus verbis, in aciem confertissimam incurrit, de hoc sollicitus tantum ut litaret, optabilem rem putans bonam mortem. Dubitas ergo, an optimum sit memorabilem mori, & in aliquo opere virtutis? Cum aliquis tormenta fortiter patitur, omnibus virtutibus vitur fortasse, cum vna in promptu sit, & maxime appareat, patientia. ceterum illic est fortitudo: cuius patientia & perpeßio, & tolerantia, rami sunt. illic est prudentia, sine qua nullum initur consilium: quæ suadet, quod effugere non possis, quam fortissime ferre. illic est constantia: quæ deijci loco non potest, & propositum nulla vi extorquente dimittit. illic est indiuiduus ille comitatus virtutum. Quidquid honestè fit, vna virtus facit. sed de consilij sententia: quod autem ab omnibus virtutibus comprobatur, etiam si ab vna fieri videtur, optabile est. Quid? tu existimas ea tantum optabilia esse, quæ per voluptatem

& otium

& otium veniunt? quæ excipiuntur foribus ornatis? Sunt quædam tristes voluptates, sunt quædam vota, quæ non gratulantium cœtu, sed adorantium venerantiumque celebrantur. Ita tu non putas Regulum optasse, ut ad Pœnos perveniret? Indue magni viri animum, & ab opinionibus vulgi secede paulisper: cape quantam debes virtutis pulcherrimæ ac magnificentiissimæ speciem, quæ nobis non fertis, sed sudore & sanguine colenda est. Aspice M. Catonem, sacro illi pectori purissimas manus admoventem, & vulnera partim demissa laxantem. Vtrum illi tandem dicturus es, *Vellem quæ velles*, & *Molestè fero?* an *Feliciter, quod agis?* Hoc loco mihi Demetrius noster occurrit, qui vitam securam, & sine ullis fortunæ incursionibus *mare mortuum* vocat. Nihil habere ad quod exciteris, ad quod te concites, cuius denunciatione & incurfu firmitatem animi tui tentes: sed in otio inconcusso iacere: non est tranquillitas: malacia est. Attalus Stoicus dicere solebat: *Malo me fortuna in castris suis, quàm in delicijs habere*. torqueor, sed fortiter: benè est. occidor, sed fortiter: benè est. Audi Epicurum. dicet, *Et dulce est*. Ego tam honestæ rei ac severæ numquam molle nomen imponam. Vror, sed inuictus: Quid ni optabile sit, non quòd vitæ me ignis, sed quòd non vincit? Nihil est virtute præstantius, nihil pulchrius: & bonum est, & optabile.

quidquid ex huius geritur imperio.

EPIST. LXVIII. Consilio tuo accedo: absconde te in otio, sed & otium tuum absconde. Hoc te facturum, Stoicorum etiam si non præcepto, at exemplo licet scias: sed ex præcepto quoque facies: id tibi, cum voles, approbabo. Nec ad omnem Remp. mittimus, nec semper, nec sine vlllo fine. Præterea, cum sapienti Remp. ipso dignam dedimus, id est, mundum: non est extra Remp. etiam si secesserit. imò fortasse relicto vno angulo, in maiora atque ampliora transit, & cælo impositus, intelligit cum sellam aut tribunal ascenderat, quam humili loco sederit. Depono hoc apud te: numquam plus agere sapientem, quam cum in conspectum eius diuina atque humana venerunt. Nunc ad illud reuertor, quod suadere tibi cœperam, ut otium tuum ignotum sit. Non est quod inscribas tibi philosophiam. atque etiam aliud proposito tuo nomen impone: valetudinem, & imbecillitatem vocato, & desidi-  
diam. Gloriarı otio, iners ambitio est. Animalia quædam, ne inueniri possint, vestigia sua circa cubile ipsum confundunt: idem tibi faciendum est, alioqui non deerunt qui persequantur. Multi aperta transeunt, condita & obstrusa rimantur. furem signata sollicitant. vile videtur, quidquid patet: aperta effractarius præterit. Hos mores habet populus, hos impetissimus quisque: in secreta irrumperere cupit.

cupit. Optimum itaque est, non iactare otium suum. iactandi autem genus est, nimis latere, & à conspectu hominum secedere. Ille Tarentum se abdedit, ille Neapoli inclusus est: ille multis annis non transit domus suæ limen. Conuocat turbam, quisquis otio suo aliquam fabulam imposuit. Cum secesseris, non est agendum hoc, ut de te homines loquantur, sed ut ipse tecum loquaris. Quid autem tecum loquaris? quod homines de aliis libentissimè faciunt, de te apud te malè existima. Assuece & dicere verum, & audire. Id autem maximè tracta, quod in te esse infirmissimum senties. Nota habet quisque sui corporis vitia. itaque alius vomitu leuat stomachum, alius frequenti cibo fulcit, alius interposito ieiunio corpus exhaurit & purgat. Hi quorum pedes dolor repetit, aut vino aut balneo abstinenter in cetera negligentes, huic, à quo sæpè infestantur, occurrunt. Sic in animo nostro sunt quasi causariæ partes, quibus adhibenda curatio est. Quid in otio facio? vlcus meum curo. Si ostenderem tibi pedem turgidum, liuidam manum, aut contracti cruris aridos nervos, permitteres mihi vno loco iacere, & fouere morbum meum: maius malum est hoc, quod non possum tibi ostendere. In pectore collectio & vomica est. Nolo laudes, nolo dicas: O magnum virum! contempsit omnia, & dānatis humanæ vitæ furoribus fugit. Nihil damnaui,

nisi me: nō est, quōd proficiendi causā ve-  
 nire ad me velis. Erras, qui hinc aliquid  
 auxiliij speras. non medicus, sed æger hic  
 habitat. Malo illa, cū discesseris, dicas: e-  
 go istum beatum hominem putabam, &  
 eruditum: crexeram aures. destitutus sum,  
 nihil vidi, nihil audiui, quod concupiscere,  
 ad quod reuerterer. Si hoc sentis, si hoc lo-  
 queris, aliquid profectum est. Malo ignos-  
 cas otio meo, quā inuideas. Otium, in-  
 quis, Seneca, mihi commendas? ad Epicu-  
 reas voces dilaberis. Otium tibi commen-  
 do, in quo maiora agas & pulchriora, quā  
 quæ reliquisti. Pulsare superbas potentio-  
 rum fores, digere in litteram senes or-  
 bos, plurimum in foro posse, inuidiosa po-  
 tentia ac brevis est, &, si verum æstimes,  
 sordida. Ille me gratia forensi longē an-  
 tecedit: ille stipendiis militaribus & quæ-  
 sita per hoc dignitate. ille clientum turba.  
 huius turbæ par esse non possum, huius  
 gratiæ. Tanti est ab hominibus vinci, dum  
 a me fortuna vincatur. Utinam quidem  
 hoc propositum sequi olim fuisset animus  
 tibi! utinam de vita beata non in conspectu  
 mortis ageremus! sed nunc quoque non  
 moremur. Multa enim, quæ superuacua  
 esse & mimica, credituri fuimus rationi,  
 nunc experientiæ credimus. Quod facere  
 solent, qui feriū exeunt, & volunt tempus  
 celeritate reparare, calcar addamus. hæc  
 ætas optimè facit ad hæc studia: iam de-  
 spumavit, iam vitia primo seruore adoles-  
 centiæ



ſcientiæ indomita laſſauit: non multum ſupereſt, vt exſtinguat. Et quando, inquis, tibi proderit iſtud, quod in exitu diſcis, aut in quam rem? in hanc, vt exeam melior. Non eſt tamen quòd exiſtumes, vllam ætatem aptiorem eſſe ad bonam mentem, quàm quæ ſc. multis experimentis, longa ac frequenti rerum patientia domuit: quæ ad ſalutaria, mitigatis affectibus, venit. Hoc eſt huius boni tempus: quiſquis ſenex ad ſapientiam peruenit, annis peruenit.

EPIST. LXIX. Mutare te loca, & in aliud de alio tranſilire, nolo. Primum, quia tam frequens migratio, inſtabilis animi eſt. coaleſcere otio non poteſ, niſi deſinas circumſpicere & errare. Vt animum poliſ continere, priùs corporis tui fugam ſiſte. Deinde plurimum remedia continuata proficiunt: interrumpenda nō eſt quies, & vitæ prioris obliuio. Sine deſiſcere oculos tuos: ſine aures aſſueſcere ſanioribus verbis: quoties proceſſeris, in ipſo tranſitu aliqua quæ renouent cupiditates tuas, tibi occurrent. Quemadmodum ei, qui amorem exuere conatur, euitanda eſt omnis admonitio dilecti corporis: nihil enim faciliùs quàm amor recrudescit: ita qui deponere vult deſideria rerum omnium, quarum cupiditate flagrauit, & oculos & aures ab hiſ quæ reliquit, auertat. Citò rebellat affectus: quocumque ſe verterit, pretium aliquod præſens occupationis ſuæ adſpiciet. Nullum ſine auctora-

mento malum est. Avaritia pecuniam promittit: luxuria multas ac varias voluptates: ambitio purpuram & plausum, & ex hoc potentiam, & quidquid potentia potest. Mercede te vitia sollicitante: hic tibi gratis viuendum est. Vix effici toto sæculo potest, vt vitia tam longa licentia tumida subigantur, & iugum accipiant: nedum, sitam breue tempus interuallo discindimus. Vnam quamlibet rem vix ad perfectum adducit assidua vigilia & intentio. Si me quidem velis audire, hoc meditare. exerce te, vt mortem & excipias, & si ita res suadebit, accersas. interest nihil, an illa ad nos veniat, an ad illam nos. Illud imperitissimi cuiusque verbum, falsum esse ipse tibi persuade: *Bella res est, mori sua morte*. Illud præterea tecum licet cogites: Nemo nisi suo die moritur. Nihil perdis ex tuo tempore. nam quod relinquis, alienum est.

EPIST. LXX. Post longum interualum Pompeios tuos vidi. in conspectum adolescentiæ meæ reductus sum. quidquid illic iuuenis feceram, videbar mihi facere adhuc posse, & paullò antè fecisse. Prænaui gamus, mi Lucili, vitam: & quemadmodum in mari, vt ait Virgilius noster,

— *Terræque urbesque recedunt:*

fic in hoc cursu rapidissimi temporis, primum pueritiā abscondimus, deinde adolescentiam, deinde quidquid est illud inter iuuenem & senem medium, in vtriusque

confinio positum, deinde ipsius senectutis optimos annos . nouissimè incipit ostendi publicus finis generis humani . Scopulum esse illum putamus , dementissimi : portus est, aliquando petendus, nunquam recusandus . In quem si quis intra primos annos delatus est, non magis queri debet, quàm qui citò nauigauit. Alium enim , vti scis , venti segnes ludunt ac detinent , & tranquillitatis lentissimo tædio lassant : alium pertinax flatus celerrimè perfert . Idem exenire nobis puta . alios vita velocissimè adduxit , quò veniendū erat etiam cunctantibus: alios maceravit & coxit. quæ ut scis , non semper retinenda est . Non enim viuere bonum est , sed benè viuere . Itaque sapiens viuit, quantum debet , non quantum potest . Videbit vbi victurus sit, cum quibus, quomodo, quid acturus . cogitat semper , qualis vita , non quanta sit . Si multa occurrunt molesta , & tranquillitatem turbantia , emittit se : nec hoc tantum in necessitate vltima facit , sed cum primùm illi cœperit suspecta esse fortuna, diligenter circumspicit , numquid illo die desinendum sit . Nihil existimant sua referre, faciat finem, an accipiat: tardiùs fiat, an citiùs . non tamquam de magno detrimento timeret: Nemo multum ex stillicidio potest perdere: Citiùs mori, vel tardiùs, ad rem non pertinet: benè mori, aut malè, ad rem pertinet. benè autem mori, est effugere malè viuendi periculum. Itaq; effugi-

na-

natissimam vocem illius Rhodij existimo, qui cū in caueam coniectus esset à tyranno, & tamquā ferum aliquod animal aleretur, suadenti cuidam vt abstineret cibo : *Omnia, inquit, homini, dum viuit speranda sunt*. Vt sit hoc verum, non omni pretio vita emenda est. Quædam, licet magna, licet certa sint, tamen ad illa turpi infirmitatis confessione non veniam. Ego cogitem, in eo qui viuit omnia posse fortunam, potius quā cogitem in eo qui scit mori, nihil posse fortunam? Aliquando tamen, etiam si certa mors instabit, & destinatum sibi supplicium sciet, nō commodabit pœnæ suæ manum. Stultitia est, timore mortis mori. venit qui occidat. Expecta. quid occupas? quare suscipis alienæ crudelitatis procurationem? vtrum inuides carnifici tuo, an parcis? Socrates potuit abstinentia finire vitam, & inedia potius quā veneno mori. triginta tamen dies in carcere, & in expectatione mortis exegit: non hoc animo, tamquam omnia fieri possent, tamquam multas spes tam longum tempus reciperet, sed vt præberet se legibus, vt fruendum amicis extremum. Socratem daret. Quid erat stultius, quā mortem contemnere, venenum timere? Scribonia grauis fœmina, amita Drusi Libonis fuit, adolescentis tam stolidi, quā nobilis, maiora sperantis, quā aut illo seculo quisquam sperare poterat, aut ipse vltimo. eū æger à senatu in lectica relatus esset,

fer, non sanè frequentibus exsequijs ( omnes enim necessarii deseruerant impiè , iam non reum , sed funus ) habere cœpit consilium , vtrum conscisceret sibi mortem , an exspectaret . Cui Scribonia: *Quid te , inquit , delectat alienum negotium agere ?* Non persuasit . manus sibi attulit , nec sine causa . Nam post diem tertium aut quartum inimici moriturus arbitrio , si viuit , alienum negotium agit . Non possis itaque de re in vniuersum pronunciare , cùm mortem vis externa denunciat , occupanda sit , an exspectanda . Multa enim sunt , quæ in vtramque partem trahere possunt . Si altera mors cum tormento , altera simplex & facilis est , quid ni huic iniicienda sit manus ? Quemadmodum nauim eligam nauigaturus , & domum habitaturus , ita mortem vtique qua sum exiturus è vita . Prætereà , quemadmodum non vtique melior est longior vita , sic peior vtique mors longior . In nulla re magis , quàm in morte , morem animo gerere debemus . exeat quâ impetum cepit : siue ferrum appetit , siue laqueum , siue aliquâ potionem venas occupantem , pergat , & vincula seruitutis abrumpat . Vitam & alijs approbare quisque debet , mortem sibi . optima est , quæ placet . Stultè hæc cogitantur : Aliquis dicet me parum fortiter fecisse , aliquis nimis temerè , aliquis fuisse aliquod genus mortis animosius . Vis tu cogitare id in manibus esse consilium , ad quod

quod fama non pertinet? hoc vnum intue-  
re, vt te fortuna: quàm celerrimè eripias.  
Alioqui aderūt qui de facto tuo malè exi-  
stiment. Inuenies etiam professōs sapien-  
tiam, qui vim afferendam vitę suę negent,  
& nefas iudicent ipsum interemptorem  
sui fieri: exspectandum esse exitum, quem  
natura decreuit. Hoc qui dicit, non videt  
se libertati viam claudere. Nil melius eter-  
na lex fecit, quàm quòd vnum introitum  
nobis ad vitam dedit, exitus multos. Ego  
exspectem vel morbi crudelitatem, vel ho-  
minis, cūm possim per media exire tor-  
menta, & aduersa discutere? Hoc est vnū,  
cur de vita non possimus queri: neminem  
tenet. Bono loco res humanę sunt, quòd  
nemo nisi vitio suo miser est: Placet? viue,  
non placet? licet eò reuerti vnde venisti.  
Vt dolorem capitis leuares, sanguinem sæ-  
pè emisisti: ad extenuandum corpus vena  
percutitur. non opus est vasto vulnere di-  
uidere præcordia. scalpello aperitur ad il-  
lam magnam libertatem via: & puncto se-  
curitas constat. Quid ergo est, quod nos  
facit pigros, inertesque? Nemo nostrum  
cogitat, quandoque sibi ex hoc domicilio  
exeundum. Sic veteres inquilinos indul-  
gentia loci & consuetudo, etiam inter in-  
iurias detinet. Vls aduersus hoc corpus li-  
ber esse? tamquam migraturus habita: pro-  
pone tibi quandoque hoc contubernio ca-  
rendum. fortior eris ad necessitatē exeun-  
di. Sed quemadmodum suus finis veniet

in mentem, omnia sine fine concupiscen-  
tibus? Nullius rei meditatio tam necessa-  
ria est. Alia enim exercentur fortasse in  
superuacuum. Aduersus paupertatem præ-  
paratus est animus? permanere diuitiæ.  
Ad contemptum nos doloris armauimus?  
numquam à nobis exigit huius virtutis  
experimētum integri ac sani felicitas cor-  
poris. Vt fortiter amissorum desideria pa-  
teremur, præcepimus nobis? omnes quos  
amabamus, superstites fortuna seruauit.  
Huius vnius rei vsum qui exigit dies, ve-  
niet. Non est quod existimes, magnis tan-  
tū viris hoc robur fuisse, quo feruitutis  
humanæ claustra perrumperent. non est  
quod iudices, hoc fieri nisi à Catone non  
posse, qui quam ferro non emiserat ani-  
mam, manu extraxit: cū vilissimæ sortis  
homines ingenti impetu in tutum euase-  
rint, cūque commodè mori non licuisset,  
nec ad arbitrium suum instrumenta  
mortis eligere, obuia quæque rapuerunt.  
& quæ natura non erant noxia, vi sua tela  
fecerunt. Nuper in ludo bestiariorum,  
vnus è Germanis, cū ad marutina specta-  
cula pararetur, secessit ad exonerandū cor-  
pus. nullum aliud illi dabatur sine custode  
secretum. ibi lignum id, quo ad emundan-  
da obscœna adhærente sponsia positum  
est, totū in gulam farcit, & vi præclusis fau-  
cibus spiritum elisit. Hoc fuit morti con-  
tumeliam facere, ita prorsus. Parū mun-  
dè, & parū decenter, Quid est stultius,  
quàm

quàm fastidiosè mori ? O virum fortem ! ò dignū , cui fati daretur electio ! quàm fortiter ille gladio vsus esset ! quàm animosè in profundam se altitudinem maris , aut abscissæ rupis , immisisset ! Vndique destitutus inuenit , quemadmodum & mortem sibi deberet , & telum : vt scias ad moriendum nihil aliud in mora esse , quàm velle . Existimetur de facto hominis acerrimi , vt cuique visum erit , dum hoc constet , præferendam esse spurcissimam mortem seruituti mundissimæ . Quoniam cæpi sordidis exemplis vti ; persenerabo . plus enim à se quisq; exiget , si viderit hanc rem etiam à cōtemptissimis possè contemni . Catones , Scipionesq; , & alios , quos audire cum admiratione consueuimus , supra imitationem positos putamus : iam ego istam virtutem habere tam multa exempla in ludobestiario , quàm in ducibus belli ciuilibus ostendam . Cū adueheretur nuper inter custodias quidam ad matutinum spectaculum missus , tamquā somno prementem nutaret . caput vsque eò demisit , donec radijs insereret , & tamdiu se in sedili suo tenuit , donec ceruicem circumactu rotæ frangeret , eodem vehiculo quo ad penam ferebatur , pœnam effugit . Nihil obstat , erumpere & exire cupienti . In aperto nos natura custodit . Cui permittit necessitas sua , circumspectat exitum mollem , cui ad manum plura sunt , per quæ sese asserat , is delectum agat , & qua potissimum libe-



retur: consideret: cui difficilis occasio est, is proximam quamque pro optima arripit, sit licet inaudita, sit noua: Non deerit ad mortem ingenium, cui non defuerit animus. Vidēs quemadmodum extrema quoque mancipia, vbi illis stimulos adegit dolor, excitentur, & intentissimas custodias fallant? Ille vir magnus est, qui mortem sibi non tantum imperauit, sed inuenit. Ex eodem tibi munere plura exempla promisi. Secundo Naumachia: spectaculo, vnus ē barbaris lanceam, quam in aduersaria accipere, totam iugulo suo immerisit. Quare, inquit, non omne tormentum, omne ludibrium iam dudum effugio? quare ego mortem armatus expecto? Tanto hoc speciosius spectaculum fuit, quanto honestius mori discunt homines, quam occidere. Quid ergo? quod animi perditī noxiosque habent, non habebant illi, quos aduersus hos casus instruxit longa meditatio, & magistra rerum omnium ratio? Illa nos docet, fati varios esse accessus, finem eundem. nihil autem interessē, vnde incipiat quod venit. Eadem illa ratio monet, vt, si licet, moriaris sine dolore: sin autem non potest, fac quemadmodum potes, & quidquid obuenerit ad vim adferendam tibi, inuadas. Inuirosū est rapto viuere: at contrā pulcherrimum, mori rapto.

EPIST. LXXI. Subinde me de rebus singulis consulis, oblitus vasto nos mari diui-

diuidi . cū magna pars consilij sit in tempore , necesse est euenire , vt de quibusdam rebus tunc ad te perferatur sententia mea, cū iam contraria potior est. Consilia enim rebus aptantur : res nostræ feruntur, imò voluntur . Ergo consilium sub die nasci debet : & hoc quoque tardum est nimis : sub manu, quod aiunt, sub manu nascatur . Quemadmodum autem inueniatur, ostendam. Quoties quid fugiendum sit, aut quid petendum, voles scire : ad summum bonum, & propositum totius vitæ respice . Illi enim consilium debet quid quid agimus : nō disponet singula , nisi cui iam vitæ suæ summa proposita est . Nemo, quamuis paratos habeat colores , similitudinem reddet , nisi iam constet quid velit pingere . Ideo peccamus , quia de partibus vitæ omnes deliberamus, de tota nemo deliberat . Scire debet quid petat ille , qui sagittam vult mittere : & tunc dirigere, & moderari manu telum . errant consilia nostra, quia nō habent quò dirigantur . Ignoranti quem portum petat , nullus suus vērū est . Necesse est multum in vita nostra casus possit, quia viuimus casu . Quibusdam autem euenit, vt quædam scire se nesciant : quemadmodum quærimus sæpe eos, cum quibus stamus : ita plerumque finem summi boni ignoramus appositum . nec multis verbis, nec circuitu longo, quid sit summum bonum colliges : digito, vt ita dicam , demonstrandum est, nec in multa  
spar-

spargendum. Quid enim ad rem pertinet,  
 in particulas illud diducere, cum possis di-  
 cere: Summum bonum est, quod hone-  
 stum est? & quod magis admireris, Vnum  
 bonum est, quod honestum est: cetera fal-  
 sa & adulterina bona sunt. Hæc si per-  
 suaferis tibi, & virtutem adamaueris (ama-  
 re enim parum est) quidquid illa contige-  
 rit, id tibi, qualecumque alijs videbitur,  
 faustum felixque erit: & torqueri, si mo-  
 dò iacueris ipso torquente securior: & æ-  
 grotare, si non maledixeris fortunæ, si non  
 cesseris morbo. Omnia denique quæ ce-  
 teris videntur mala, & mansuescent, & in  
 bonum abibunt, si super illa eminueris.  
 Hoc liqueat, nihil esse bonum, nisi hone-  
 stum: & omnia incommoda suo iure bo-  
 na vocabuntur, quæ modò virtus honesta-  
 verit. Multis videmur maiora promittere,  
 quàm recipit humana conditio. non im-  
 meritò. ad corpus enim respiciunt. reuer-  
 tantur ad animum: iam hominem Deo  
 metientur. Erige te, Lucili virorū optime,  
 & relinque istum ludum literarium philo-  
 sophorum, qui rem magnificentissimam  
 ad syllabas vocāt, qui animam minima do-  
 cendo demittunt & conterunt; si per similes  
 illis, qui inuenerunt ista, non qui docent, &  
 id agunt vt philosophia potius difficilis,  
 quàm magna videatur. Sequere illos, si quid  
 apud te habeo auctoritatis. Socrates, qui  
 totā philosophiam reuocauit ad mores, &  
 hanc summam dixit esse sapientiam, bona  
 mala-

malaque distinguere: *Vt sis beatus*, inquit, *& te alicui stultum videri sine.* Quisquis volet, tibi contumeliam faciat, & iniuriam: tu tamen nihil patieris, si modò tecum erit virtus. Si vis, inquit, beatus esse, si fide bona vir bonus, sine contemnat te aliquis. Hoc nemo præstabit, nisi qui omnia bona exequauerit: quia nec bonum sine honesto est, & honestum in omnibus par est. Quid ergo? nihil interest inter præturam Catonis, & repulsam? nihil interest, utrùm Pharsalica acie Cato vincatur, an vincat? hoc eius bonum, quo victis partibus non potest vinci, par erat illi bono, quo victor rediret in patriam, & componeret pacem? Quid nō par sit? eadem enim virtute & mala fortuna vincitur, & ordinatur bona. virtus autem non potest maior aut minor fieri. Vnius staturæ est. Sed Cn. Pompeius amittet exercitum: sed illud pulcherrimum reip. prætextum, optimates, & prima acies Pompeianarum partium, senatus ferens arma vno prælio profligabuntur: & tam magni ruina imperij, in totum dissiliet orbem. aliqua pars eius in Ægypto, aliqua in Africa, aliqua in Hispania cadet. ne hoc quidem miseræ reipubl. continget, semel rueret. Omnia licet fiant Iubam in regno suo, non locorum notitia adiuvet, non popularium pro rege suo virtus obstinatissima: Uticensium quoque fides malis fracta deficiat., & Scipionem in Africa nominis sui

Tui fortuna destituat. Olim prouisum est, ne quid Cato detrimenti capiat. Victus est tamen. Et hoc numera inter repulsas Catonis. tam magno animo feret, aliquid sibi ad victoriam, quàm ad præturam obstitisse. Quo die repulsus est, iussit, qua nocte periturus fuit, legit. eodem loco habuit, prætura & vita excedere. omnia quæ acciderent, ferenda esse persuaserat sibi. Quidni ille mutationem Reipub. forti & æquo pateretur animo? Quid enim mutationis periculo exceptum? non terra, non cœlum, nō totus hic rerum omnium contextus, quamuis Deo agente ducatur. non semper tenebit hunc ordinem: sed illum ex hoc cursu aliquis dies dericiet. Certis eunt cuncta temporibus: nasci debent, crescere, exstingui. Quæcumque vides supra nos currere, & hæc quibus innixi atq; impositi sumus veluti solidissimis, carpentur ac desinent. nulli non senectus sua est. inæqualibus ista spatijs eodem natura demittit. quidquid est, non erit, nec peribit, sed resoluetur. Nobis solui, perire est. Proxima enim intuemur: ad vltiora nō prospicit mens hebes, & quæ se corpori addixerit: alioqui fortius finem sui suorumque pateretur, si speraret omnia illa sic in vitam mortemq; per vices ire, & composita dissolui, dissoluta componi. in hoc opere æternam artem cuncta temperantis Dei verti. Itaque Cato cū æuum animo percurreret, dicet: Omne humanū genus,

genus, quodque est, quodque erit, morte damnatum est. omnes quæ usquam rerum potiuntur vrbes, quæque alienorum imperiorum magna sunt decora, vbi fuerint, aliquando quæretur, & vario exitij genere tollentur. alias destruent bella, alias desidia, paxque ad inertiã versâ consumet, & magnis opibus exitiosa res luxus. Omnes hos vertiles campos repentina maris inundatio abscondet, aut in subitam cauernam confidentis soli lapsus abducat. Quid est ergo, quare indigner, aut doleam, si exiguo momẽto publica fata præcedo? magnus animus Deo pareat: & quidquid lex vniuersi iubet, sine cunctatione patiatur. Aut in meliorem emittitur vitam, lucidiùs tranquilliusque inter diuina mãsurus: aut certè sine vlllo futurus incommodo, naturæ suæ reminiscebitur, & reuertetur in totum. Non est ergo M. Catonis maius bonum honesta vita, quàm mors honesta: quoniam non intenditur virtus. Idem esse dicebat Socrates veritatẽ & virtutẽ: quomodo illa non crescit, sic nec virtus quidem. habet numeros suos, plena est. Non est itaque quòd mireris paria esse bona, & quæ ex proposito sumenda sunt, & quæ subita restulit. nam si hanc inæqualitatẽ receperis, vt fortiter torqueri in minoribus bonis numeres, numerabis etiã in malis: & infelicem Socratem dices in carcere, infelicem Catonem vulnera sua animosiùs quàm fecerāt, retractantem: calamito-

laminatissimum omnium Regulam, fidei  
 pœnas etiam hostibus seruatae pendentē.  
 Atqui nemo hoc dicere, ne ex mollissimis  
 quidem, ausus est. negant enim illum esse  
 beatum, sed tamen negant miserum. Aca-  
 demici veteres beatum quidem esse e-  
 tiam inter hos cruciatus fatentur, sed non  
 ad perfectum, nec ad plenum: quod nullo  
 modo potest recipi. Nisi beatus est, in sum-  
 mo bono non est. Quod summum bonum  
 est, supra se gradum non habet: si modò  
 illi virtus inest, si illam aduersa non mi-  
 nuunt, si manet etiam comminuto corpo-  
 re incolumis. manet autem. virtutem e-  
 nim intelligo animosam & excelsam: quā  
 incitat, quidquid infestat. Hunc animum  
 quem sepe induunt generosae indolis iu-  
 uenes, quos alicuius honestae rei pulchri-  
 tudo percussit, ut omnia fortuita contem-  
 nant, profectò sapientia infunder, & tra-  
 det: persuadebit vnum bonum esse quod  
 honestum. Hoc nec remitti nec intendi  
 posse, non magis quàm regulam, qua re-  
 ctum probari solet. quam si flectes, quid-  
 quid ex illa mutaueris, iniuria est recti. I-  
 dem ergo de virtute dicemus: & hæc re-  
 cta est. flexuram nō recipit. rigida est: am-  
 pliùs intendi non potest. Hæc de omnibus  
 rebus iudicat, de hac nulla. Si rectior ipsa  
 non potest fieri, nec quæ ab illa quidem  
 fiunt, alia aliis rectiora sunt. huic enim  
 necesse est respondeant. ita paria sunt.  
 Quid ergo? inquis. iacere in conuiuio, &

torqueri, paria sunt? Hoc mirum videtur tibi? illud licet magis admireris. Iacere in cōuiuiō, malum est: torqueri in equuleo, bonum est: si illud turpiter, hoc honestè fit. Bona ista aut mala, non efficit materia, sed virtus. hæc vbicumque apparuit, omnia eiusdem mensuræ ac pretij sunt. In oculos nunc mihi manus intentat ille, qui omnium animum æstimat ex suo, quòd dicam paria bona esse aduersa fortiter portantis, & prospera honestè iudicantis: quòd dicam paria bona esse eius qui triumphat, & eius qui ante currum vehitur, inuictus animo. Non putant enim fieri, quidquid facere non possunt: ex infirmitate sua de virtute ferunt sententiam. Quid miraris, si vri, vulnerari, occidi, alligari iuuat? aliquando etiam libet. Luxurioso frugalitas pœna est, pigro supplicij loco labor est, delicatus miseretur industrij, desidioso studere torqueri est. Eodem modo hæc, ad quæ omnes imbecilli sumus, dura atque intoleranda credimus, obliiti quàm multis tormentum sit vino carere, aut prima luce excitari. Non ista difficilia sunt natura, sed nos fluidi & enervæ. Magno animo de rebus magnis iudicandum est: alioqui videbitur illatum vitium esse, quod nostrum est. Sic quædam rectissima, cùm in aquam demissa sunt, speciem curui præfractiq; visentibus reddunt. Non tantum quid videas, sed quemadmodum, refert. animus noster ad vera perspi-



perspicienda caligat. Da mihi adolescentem incorruptum, & ingenio vegetum, dicet fortunatiore sibi videri, qui omnia rerum aduersarum onera rigida ceruice sustollit, qui supra fortunam exstat. Non mirum est, in tranquillitate non concuti: illud mirare, ibi extolli aliquem, ubi omnes deprimuntur; ibi stare, ubi omnes iacēt. Quid est in tormentis, quid est in aliis, quæ aduersa appellamus, mali? hoc, ut opinor, succidere mentem, & incuruari, & succumbere: quorum nihil sapienti viro potest euenire. Stat rectus sub quolibet pondere. nulla illum res minorem facit, nihil illi eorum quæ ferenda sunt, displicet. Nam quidquid cadere in hominem potest, in se cecidisse non queritur: vires suas nouit: scit se esse oneri ferendo. Non educo sapientem ex hominum numero, nec dolores ab illo, sicut ab aliqua rupe nullum sensum admittente, submoueo. memini ex duabus partibus illum esse compositum. altera est irrationalis. hæc mordetur, vritur, dolet: altera rationalis. hæc inconcussas opinioniones habet. intrepida est, & indomita. In hac positum est summum illud hominis bonum. quod antequam impleatur, incerta mentis volutatio est: cum verò perfectum est, immota illa stabilitas est. Itaque inchoatus, ad summa procedēs, cultorq; virtutis, etiamsi appropinquat perfecto bono, sed ei nondum summam manum imposuit, ibi interim cessabit, & remittet aliquid ex

intentione mentis. nondum enim incerta transgressus est, etiam nunc versatur in lubrico. beatus verò, & virtutis exactæ, tunc se maximè amat, cum fortissimè expertus est: & metuenda ceteris, si alicuius honesti officij pretia sunt, non tantum fert, sed amplexatur, multoque audire mauult, Tanto melior, quàm felicior. Venio nunc illò, quò me vocat expectatio tua. Ne extra rerum naturam vagari virtus nostra videatur, & tremet sapiens, & dolebit, & expallesceat: hi enim omnes corporis sensus sunt. Vbi ergo est origo calamitatis? ubi illud malum verum est? illic scilicet, si ista animum detrahunt, si ad confessionem seruitutis adducunt, si illi pœnitentiam sui faciunt. Sapiens quidem vincit virtute fortunam. At multi professi sapiëntiam, leuissimis nonnumquam minis exterriti sunt. Hoc loco nostrum vitium est, qui quod dicitur de sapiente, exigimus & à proficiente. Suadeo adhuc mihi ista quæ laudo, nondum persuadeo. etiamsi persuassissem, nondum tam parata haberem, aut tam exercitata, ut ad omnes casus procurerent. Quemadmodum lana quosdam colores semel ducit, quosdam nisi sæpius macerata & recocta non perbibit: sic alias disciplinas ingenia cum acceperere, protinus præstant: hæc nisi altè descendit, & diu sedit, animum non colorauit, sed infecit, nihil ex his quæ promiserat, præstat. Citò hoc potest tradi, & paucissimis verbis, v-

num

num bonum esse virtutem : nullum certe sine virtute : & ipsam virtutem in parte nostri meliorem, id est, rationali positam. Quid erit hæc virtus? iudicium verum, & immotum : ab hoc enim impetus veniet mentis, ab hoc omnis species, quæ impetum mouet, redigetur ad liquidum. Huic iudicio consentaneum erit, omnia quæ virtute contacta sunt, & bona iudicare, & inter se paria. Corporum autem bona corporibus quidem bona sunt, sed in totum non sunt bona. His pretium quidem erit aliquod, ceterum dignitas non erit : magnis inter se interuallis distabunt, alia maiora, alia minora erunt. Et in ipsis sapientiam sectantibus magna discrimina esse, fateamur necesse est. alius iam in tantum profecit, vt contra fortunam audeat attollere oculos, sed non pertinaciter : cedunt enim nimio splendore præstricti. alius in tantum, vt possit cum illa conferre vultum : si iam peruenit ad summum, & fiducia plenus est. Imperfecta necesse est labent, & modò prodant, modò sublabantur, aut succidant. Sublabentur autem, nisi ire & niti perseuerauerint : si quidquam ex studio & fideli intentione laxauerint, retrò eundum est. Nemo profectum ibi inuenit, vbi reliquerat. Instemus itaque, & perseueremus. plus quàm profligauimus restat : sed magna pars est profectus, vel le proficere. Huius rei conscius mihi sum : volo, & tota mente volo. Te quoque

246. L. ANNÆI SENE CÆ  
instinctum esse, & magno ad pulcherrima:  
properare impetu video. Properemus. ita  
demum vita beneficium erit: alioqui mo-  
ra est, & quidem turpis inter fœda versan-  
tibus. Id agamus, ut nostrum omne tem-  
pus sit. non erit autem, nisi prius nos no-  
stri esse cœperimus. Quando continget  
contemnere. utramq; fortunam? quando  
continget omnibus oppressis affectibus,  
& sub arbitrium adductis, hanc vocem e-  
mittere? Vici. Quem vicerim, quæris? Non  
Persas, nec extrema Medorum, nec si quid  
ultra Dahas bellicosum iacet: sed auari-  
tiam, sed ambitionem, sed metum mortis,  
qui victores gentium vicit.

EPIST. LXXII. Quod quæris à me,  
liquebat mihi, sic rem edidiceram: sed diu  
non retentaui memoriam meam. Itaque  
non facile me sequitur. quod euenit li-  
bris situ cohærentibus, hoc euenisse mihi  
sentio: explicandus est animus, & quæ-  
cumque apud illum deposita sunt, subin-  
de excuti debent, ut parata sint quoties v-  
sus exegerit. Ergo hoc in præsentia diffe-  
ramus: multum enim operæ, multum di-  
ligentiæ poscit. Cùm primùm longiorem  
eodem loco sperauiero moram, tunc istud  
in manus sumam. Quædam enim sunt,  
quæ possis & in cisis scribere: quædam le-  
ctum, & otium, & secretum desiderant.  
nihilominus his quoque occupatis diebus  
agatur aliquid, & quidem totis. num-  
quam enim non succedent occupationes.  
nouæ...

nouæ. ſerimus illas: itaque ex vna exeunt plures: deinde ipſi nobis dilationem damus: Cùm hoc peregero, toto animo incumbam: & ſi hanc rem moleſtam compoſuero, ſtudio me dabo. Non cùm vacaueris, philoſophandum eſt: omnia alia negligenda, vt huic aſſideamus. cui nullum tempus ſatis magnum eſt, etiam ſi à pueritia vſque ad longiſſimos humani æui terminos vita protenditur. Non multum refert, utrùm omittas philoſophiã, an intermittas. non enim vbi interrupta eſt manet, ſed eorum more, quę intenta diſſiliunt, vſque ad initia ſua recurrit, quod à continuatione diſceſſit. Reſiſtendum eſt occupationibus: nec explicandæ, ſed ſubmouendæ ſunt. tempus quidem nullũ eſt parũ idoneum ſtudio ſalutari. Atqui multi inter illa non ſtudent, propter quæ ſtudendum. Incidet aliquid quod impediatur: non equidem eum, cuius animus in omni negotio lætus atque alacer eſt. Imperfectis adhuc interſcinditur lætitia: ſapienti verò cõtextitur gaudium, nulla rumpitur cauſa, nulla fortuna: ſemper & vbique tranquillum eſt. Non enim ex alieno pender, nec fauorem fortunæ, aut hominis exſpectat: domeſtica illi felicitas eſt. exiret ex animo, ſi iutraret. ibi naſcitur. Aliquando extrinſecus, quo admoneatur mortalitatis, interuenit: ſed id leue, & quod ſummam curę ſtringat. Aliquo, inquam, incommodo afflatur: maximum eius illud bonum,

est fixum. Ita dico, extrinsecus aliqua sunt incommoda, velut in corpore interdum robusto solidoque, eruptiones quædam pustularum, & vlcuscula: nullum in alto malum est. Hoc, inquam, interest inter consummatæ sapientiæ virum, & alium procedentis: quod inter sanum, & ex morbo graui ac diutino emergentem, cui sanitatis loco est, lenior accessio. Hic, nisi attendit, subinde grauatur, & in eadem reuoluitur. Sapiens recidere non potest, ne incidere quidem amplius. Corpori enim ad tempus bona valetudo est: quam medicus etiam si reddidit, non præstat. sæpè ad eundem quem aduocauerat, excitatur: animus semel in totum sanatur. Dicam quomodo intelligas sanum. si se ipse contentus est, si confidit sibi, si scit omnia vota mortaliū, omnia beneficia quæ dantur petunturque, nullum in beata vita habere momentum. Nam cui quid accedere potest, id imperfectum est: cui quid abscedere potest, id imperpetuum est. cuius perpetua futura lætitia est, is suo gaudeat. Omnia autem quibus vulgus inhiat, vltro citroque fluunt. Nihil dat fortuna mancipio: sed hæc quoque fortuita tunc delectat, cum illa ratio temperauit ac miscuit. hæc est etiam quæ externa commendet, quorum audus vsus ingratus est. Solebat Attalus hac imagine vti: Vidisti aliquando canem missa à domino frustra panis aut carnis aperto ore captantem? quid quid

quid exceperit, protinus integrum deuorat, & semper ad spem futuri hiat. Idem euenit nobis: quidquid expectantibus fortuna proiecit, id sine vlla voluptate demittimus, statim ad rapinam alterius erecti & attenti. Hoc sapienti non euenit: plenus est, etiam si quid obuenit, securè excipit, ac reponit: lætitia fruitur maxima, continua, sua. Habet aliquis bonam voluntatem, habet profectum, sed cui multū desit à summo? hic deprimitur alternis, & extollitur, ac modò in cælum alleuatur, modò defertur ad terram. Imperitis ac rudibus, nullus præcipitationis finis est: in Epicureum illud chaos decidunt inane, sine termino. Adhuc est genus tertium eorum qui sapientiæ astudunt; quam non quidem attigerunt, in conspectu tamen, & ut ita dicam, sub ictu habent: hi non concutuntur, ne defluunt quidem: nondum in sicco, iam in portu sunt. Ergo cum tam magna sint inter summos imosque discrimina, cum medios quoque sequatur fructus suus, sequatur ingens periculū ad deteriora redeundi: non debemus occupationibus indulgere. excludendæ sunt: si semel intrauerint, in locum suum alias substituent. Principiis illarum obstemus. melius non incipient, quàm desinent.

EPIST. LXXIII. Errare mihi videntur, qui existimant philosophiæ fideliter deditos, contumaces esse ac refractarios, & contemptores magistratuum ac regum.

eorumve per quos publica administrantur. E contrario enim, nulli aduersus illos: gratiores sunt: nec immerito. nullis enim plus præstant, quàm quibus frui tranquillo otio licet. Itaque hi, quibus ad propositum benè viuendi aditum confert securitas publica, necesse est auctorem huius boni, vt parentem colant: multo quidem magis, quàm illi inquieti, & in medio positi; qui multa principibus debent, sed multa & imputant: quibus numquam tam plenè occurrere vlla liberalitas potest, vt cupiditates illorum, quæ crescunt, dum implentur, exsatiat. Quisquis autem de accipiendò cogitat, oblitus accepti est. nec vllum habet malū cupiditas maius, quàm quòd ingrata est. Adijce nunc, quòd nemo eorum qui in republica versatur, quos vincat, sed à quibus vincatur, adspicit: & illis non tam iucundum est, multos post se videre, quàm graue, aliquem ante se. Habet hoc vitium omnis ambitio: non respicit. Nec ambitio tantum instabilis est, verum cupiditas omnis: quia incipit semper à fine. At ille vir sincerus ac purus, qui reliquit, & curiam, & forum, & omnem administrationem reip: vt ad ampliora secederet, diligit eos per quos hoc ei facere tutò licet, solusque illis gratuitum testimonium reddit, & magnam rem nescientibus debet. Quemadmodum præceptores suos veneratur ac suspicit, quorum beneficio illis se vitiis exuit: sic & his, sub quorum



rum tutela. positus. exercet artes bonas. Verum alios quoque rex viribus suis protegit. quis negat? Sed quemadmodum Neptuno plus debere se iudicat, ex his qui eadem tranquillitate usi sunt, qui plura & pretiosiora illo mari vexit: & animosius à mercatore, quam à vectore soluitur votum; & ex ipsis mercatoribus effusius gratus est, qui odores ac purpuras & auro pèfanda portabat, quam qui vilissima quæque & saburræ loco futura congesserat: sic huius pacis beneficium ad omnes pertinentis, alius ad eos peruenit, qui illa bene utuntur: multi enim sunt ex his togatis, quibus pax operosior bello est. An idem existimas pro pace debere eos, qui illam ebrietati aut libidini impendunt, aut aliis vitiis, quæ vel bello rumpenda sunt? nisi fortè tam iniquum putas esse sapientem, ut nihil viritim se debere pro communibus bonis iudicet. Soli lunæque plurimum debeo: & non vni mihi oriuntur. anno, temperantiq; annum Deo, priuatim obligatus sum: quamuis non in meum honorem descripta sint. Stulta avaritia mortalium possessionem proprietatemque discernit, nec quidquam suum credit esse, quod publicum est: at ille sapiens nihil iudicat suum magis, quam cuius illi cū humano genere consortium est. Nec enim essent ista cōmunia, nisi pars illorum pertineret ad singulos. socium efficit, etiam: quod ex minima portione commune est.

Adijce nunc quòd magna & vera bona non sic diuiduntur, vt exiguum in singulos cadat: ad vnumquemque tota perueniunt: Ex congiario tantum ferunt homines, quantum in capita promissum est: epulum & visceratio, & si quid aliud capitur manu, discedit in partes: at hæc indiuidua bona, pax, & libertas, tam omnium tota, quàm singulorum sunt. Cogitat itaque sapiens, per quem sibi horum vsus fructusque contingat, per quem non ad arma illud, nec ad seruandas vigilias, nec ad tuenda mœnia, & multiplex belli tributum publica necessitas vocet: agitque gubernatori suo gratias. Hoc docet philosophia præcipuè, benè debere beneficia, benè soluere. interdum autem solutio est ipsa confessio. Confitebitur ergo multum se debere ei, cuius administratione ac prouidentia contingit illi pingue otium, & arbitrium sui temporis, & imperturbata publicis occupationibus quies.

*O Melibæe, Deus nobis hac otia fecit.*

*Namque erit ille mihi semper Deus.* ---

Si illa quoque otia multū auctori suo debent, quorum munus hoc maximum est.

*Ille meas errare boues (vt cernis) & ipsū*

*Ludere q̃ vellē, calamo permisit agresti:*  
 quanti æstimamus hoc otium, quod inter deos agitur, quod deos facit? Ita dico, Lucili, & te in cœlum compendiariò voco.

Solebat Sextius dicere, *Iouem plus non posse quàm bonum virum.* Plura Iupiter habet,

Habet, quæ præstet hominibus: sed inter duos bonos non est melior, qui locupletior. non magis, quàm inter duos, quibus par scientia regēdi gubernaculum est, meliorem dixeris, cui maius speciosiusque nauigium est. Iupiter quo antecedit virum bonum? diutiùs bonus est. Sapiens nihilo se minoris æstimat, quòd virtutes eius spatio breuiore clauduntur. Quemadmodum ex duobus sapientibus, qui senior decessit, non est beatior eo, cuius intra pauciores annos terminata virtus est: sic Deus non vincit sapientē felicitate, etiam si vincit ætate. non est virtus maior, quæ longior. Iupiter omnia habet: sed nempe alijs tradidit habenda. ad ipsum hic vnus vsus pertinet, quòd vtendi etiam omnibus causa est. sapiens tam æquo animo omnia apud alios videt, contemnitque, quàm Iupiter, & hoc se magis suspicit, quòd Iupiter vti illis non potest, sapiens non vult. Credamus itaque Sextio, monstranti pulcherrimum iter, & clamanti, *Hac itur ad astra*: hac, secundum frugalitatem; hac, secundum temperantiam; hac, secundum fortitudinem. Non sunt dij fastidiosi, non inuidi: admittunt, & ascendētibus manum porrigunt. Miraris hominem ad deos ire? Deus ad homines venit, imò (quod propius est) in homines venit. Nulla sine Deo mēs bona est. Semina in corporibus humanis diuina dispersa sunt. quæ si bonus cultor excipit, similia origini prodeunt, &

paria

paria his ex quibus orta sunt surgunt : si malus , non aliter quàm humus sterilis ac palustris , necat , ac deinde creat purgamenta pro frugibus.

EPIST. LXXIV. Epistola tua delectauit me , & marcentem excitauit : memoriam quoque meam , quæ iam mihi seignis ac lenta est , euocauit. Quid ni tu , mi Lucili , maximum putes instrumentum beatæ vitæ hanc persuasionem , vnum bonum esse , quod honestum est ? Qui omne bonum honesto circumscripsit , intrâ se felix est : nam qui alia bona iudicat , in fortunæ venit potestatem , alieni arbitrij fit. Hic amissis liberis mæstus , hic sollicitus ægris , hic turpibus & aliquam passis infamiam tristis . Illum videbis alienæ vxoris amore cruciari , illum suæ . Non deerit , quem repulsa distorqueat : erunt , quos honor ipse vexet . Illa verò maxima est ex omni mortalium populo turba miserorū , quam expectatio mortis exagitat , vndique impendens . nihil enim est , ynde non subeat . Itaque vt in hostili regione versantibus , huc & illuc circumspiciendum est , & ad omnem strepitum circumagenda ceruix : nisi hic timor è pectore eiectus est , palpitantibus præcordiis viuatur . Occurrent acti in exilium , & euoluti bonis : occurrent ( quod genus egestatis grauissimum est ) in diuitijs inopes : occurrent naufragi , similiauè naufragis passi , quos aut popularis ira , aut inuidia , per-

nicio-

nicioſum optimis telum, inopinantes ſecuroſque diſſecit, procellæ more, quæ in ipſa ſereni fiducia ſolet emergere, aut fulminis ſubiti, ad cuius ictum etiam vicina tremuerunt. Nam vt illic quiſquis ab igne propior ſtetit, percuffio ſimilis obſtupuit: ſic in his per aliquam vim accidentibus, vnum calamitas opprimit, ceteros metus: paremque paſſis triſtitiam facit, pati poſſe. Omnium animos mala aliena ac repentina ſollicitant. Quemadmodum aues, etiam inanis fundæ ſonus territat: ita nos non ad ictum tantum exagitamur, ſed ad crepitum. Non poteſt ergo quiſquam beatus eſſe, qui huic ſe opinioni credidit. non enim beatum eſt, niſi quod intrepidum. inter ſuſpecta malè viuitur. Quiſquis ſe multum fortuitis dedit, ingentem ſibi materiam perturbationis, & inexplicabilem fecit: vna hæc via eſt ad tuta vadenti, & externa deſpicere, & honeſto contentum eſſe. Nam qui aliquid virtute melius putat, aut vllum præter illam bonum; ad hæc quæ à fortuna ſparguntur ſinum expandit, & ſollicitus miſſilia eius exſpectat. Hanc imaginem animo tuo propone, ludos facere fortunã; & in hunc mortalium cærum honores, diuitias, gratiam excutere: quorum alia inter diripientium manus ſciſſa ſunt, alia infida ſocietate diuiſa, alia magno detrimẽto eorum, in quos deuenerant, præſa: ex quibus quædam aliud agentibus inciderunt, quædam

dam quia nimis captabantur, amissa, & dum auidè rapiuntur, excussa sunt. Nulli verò, etiam cui rapina feliciter cessit, gaudium rapti duravit in posterum. Itaque prudentissimus quisque, cum primùm induci videt munuscula, à theatro fugit, & scit magno parua constare. Nemo manum conferit cum excedēte, nemo exeuntem ferit: circa præmium rixa est. Idem in his euenit, quæ fortuna desuper iactat, æstuamus miseri, distringimur, multas habere cupimus manus: modò in hunc, modò in illum respicimus: nimis tardè nobis mitti videntur, quæ cupiditates nostras irritant, ad paucos peruentura, expectata omnibus. Tre obuiam cadentibus cupimus: gaudemus si quid inuasimus: invidentque alij quos spes vana delusit. vilem prædam magno aliquo incommodo luimus, aut inde fallimur. Secedamus itaque ab istis ludis, & demus raptoribus locum. Illi spectent bona ista pendentia, & ipsi magis pendeant. Quicumque beatus esse constituit, vnum esse bonum putet, quod honestum est. Nam si vllum aliud existimat, primùm malè de prouidentia iudicat: quia multa incommoda iustis viris accidunt: & quia quidquid nobis dedit, breue est & exiguum, si compares mundi totius æuo. Ex hac deploratione nascitur, vt ingrati diuinorum interpretes simus. querimur, quòd non semper, & quòd pauca nobis, & incerta, & abitura contingant. Inde est

est quòd nec viuere, nec mori volumus. vitæ nos odium tenet, timor mortis. Nutat omne consilium, nec implere nos vlla felicitas potest. Causa autem est, quòd non peruenimus ad illud bonum immensum & insuperabile, vbi necesse est resistat voluntas nostra, quia vltra summum non est locus. Quæris, quare virtus nullo egeat? præsentibus gaudet, non concupiscit absentia: nihil non illi magnum est, quia farris. Ab hoc discede iudicio: non pietas constabit, non fides: multa vtramque præstare cupienti patienda sunt, ex his quæ mala appellantur: multa impendenda sunt ex his, quibus indulgemus tamquam bonis. Perit fortitudo, quæ periculum facere debet sui: perit magnanimitas, quæ non potest eminere, nisi omnia velut minuta contempserit, quæ pro maximis vulgus optat: perit gratia, & relatio gratiæ æstimatur labor, si quidquam pretiosius fide nouimus, si non optima spectamus. Sed vt illa præteream, aut ista bona non sunt quæ vocantur, aut homo felicior Deo est. quoniam quidem quæ parata nobis sunt, non habet in vsu Deus: nec enim libido ad illum, nec epularum lautitia, nec opes, nec quidquā ex his hominem inescantibus, & vili voluptate ducentibus pertinet. Ergo aut, quod incredibile est, bona Deo desunt; aut hoc ipsum argumentum est, bona non esse, quæ Deo desunt. Adijce, quòd multa quæ bona videri volunt, animalia.

malibus quàm homini. pleniora. contingunt. Illa cibo auidius vtuntur: Venere non equè fatigantur: virium illis maior est & æquabilior firmitas. Sequitur vt multò feliciora sint homine. Nam sine nequitia, sine fraudibus degunt; fruuntur voluptatibus, quas & magis capiunt, & ex facili sine vlllo pudoris aut pœnitentiæ metu. Considera tu itaque, an id bonum vocandum sit, quo Deus ab homine vincitur. Summum bonum in animo constituamus. obsolescit, si ab optima nostri parte ad pessimam transit, & transfertur ad sensus, qui agiliores sunt animalibus mutis. Non est summa felicitatis nostræ in carne ponenda. Bona illa sunt vera, quæ ratio dat solida ac sempiterna, quæ cadere non possunt, nec decrescere quidem aut minui. cetera opinione bona sunt: & nomen quidem habent commune cum veris, proprietas in illis boni non est. Itaque commoda vocentur, & (vt nostra lingua loquar) producta: ceterum sciamus mancipia nostra esse, non partes; & sint apud nos, sed ita vt meminimus extra nos esse. Etiam si apud nos sint, inter subiecta & humilia numerentur, propter quæ nemo se attollere debeat. quid enim stultius, quàm aliquem eo sibi placere, quod ipse non fecit? Omnia ista nobis accedant, non hæreant: vt si abducantur, sine vlla nostri laceratione discedant. Vtamus illis, non gloriemur: & vtamus parcè, tamquam depositis apud nos,



nos, & abituris. Quisquis illa sine ratione possedit, non diu tenuit. ipsa enim felicitas se nisi temperat, premit: si fugacissimis bonis credidit, citò deseritur: & ut non deseratur, affligitur. Paucis deponere felicitatem molliter licuit: ceteri, cum his inter quæ eminuere, labuntur, & illos degrauant ipsa quæ extulerant. Ideò adhibebitur prudentia, quæ modum illis ac parsimoniam imponat. quoniam quidem licentia opes suas præcipitat, atque urget: nec umquam immodica durarunt, nisi illa moderatrix ratio compescuit. Hoc multarum tibi urbium ostendet euentus, quarum in ipso flore luxuriosa imperia ceciderunt, & quidquid virtute erat partum, intemperantia corruit. Aduersus hos casus muniendi sumus. nullus autem contra fortunam inexpugnabilis murus est. intus instruamur. Si illa pars tuta est, pulsari homo potest, capi non potest. Quod sit hoc instrumentum, scire desideras? nihil indignetur sibi accidere, sciatque illa ipsa quibus lædi videtur, ad conseruationem vniuersi pertinere, & ex his esse, quæ cursum mundi officiumque consummant. Placeat homini, quidquid Deo placuit: ob hoc seipsum suaque miretur, quòd non potest vinci, quòd mala ipsa sub se tenet, quòd ratione, qua valentius nihil est, casum doloremque & iniuriam subigit. Ama rationem: huius te amor contra durissima armabit. Catu-  
lorum.

lorum amor in venabula impingit feras, quas feritas & inconfultus impetus præstat indomitas: iuuenilia nonnunquam ingenia cupido gloriæ in contemptum tam ferri, quam ignium, misit: species quosdam, atque umbra virtutis, in mortem voluntariam trudit: quanto his omnibus fortior ratio est, quanto constantior, tanto vehementior per metus ipsos & pericula exhibit. Nihil agitis, inquit, quod negatis vllum esse aliud ab honesto bonum. non faciet vos hæc munitio tutos à fortuna, & immunes. Dicitis enim inter bona esse liberos pios, & benè moratam patriam, & parentes bonos; horum pericula non potestis spectare securi; perturbabit vos obsidio patriæ, liberorum mors, parentum seruitus. Quid aduersus hos pro nobis responderi soleat, ponam: deinde tunc adjiciam, quid præterea respondendum putem. Alia conditio est in his, quæ ablata in locum suum aliquid incommodi substituunt: tamquam bona valetudo vitiata, in malam transfertur: acies oculorum extincta, cæcitate nos afficit: non tantum velocitas perit poplitibus incis, sed debilitas pro illa subit. Hoc periculum non est in his, quæ paullò antè retulimus. quare? si amicum bonum amisi, non est mihi pro illo perfidia patienda: nec si bonos liberos extuli, in illorum locum impietas succedit. Deinde non amicorum ille aut liberorum iuteritus, sed corporum est.

est . Bonum autem vno modo perit , si in malum transiit , quod natura non patitur : quia omnis virtus & opus omne virtutis incorruptum manet . Deinde , etiam si amici perierunt , etiam si probati respondentisque voto patris liberi : est quod illorum expleat locum . Quid sit , quæris ? quod illos bonos fecerat , virtus . Hæc nihil vacare patitur loci : totum animum tenet , desiderium omnium tollit : sola satis est . Omnium enim bonorum vis & origo in ipsa est . Quid refert , an aqua decurrens intercipiatur atque abeat , si fons ex quo fluxerat , saluus est ? Non dices vitam iustiores salvis liberis , quàm amissis , nec ordinatorem , nec prudentiorem , nec honestiorem : ergo nec meliorem quidem . Non facit collectio amicorum sapientiorem , non facit stultiorem detractio : ergo nec beatorem , aut miseriorem . quamdiu salva fuerit virtus , non senties quid abscesserit . Quid ergo ? non est beator & amicorum & liberorum turba succinctus ? Quid ni non sit ? Summum enim bonum nec infringitur , nec augetur : in suo modo permanet : utcumque ; fortuna se gessit , siue illi senectus longa contigit , siue citra senectutem finitus est , eadem mensura summi boni est , quamvis ætatis diuersa sit . Verum maiorem an minorem circulum scribas , ad spatium eius pertinet , non ad formam . licet alter diu manserit , alterum statim obduxeris , & in eum in quo scriptus est puluerem solueris ,

in

in eadem vterque forma fuit. Quod rectum est, nec magnitudine æstimatur, nec numero, nec tempore: non magis produci, quàm contrahi potest. Honestam vitam ex cætum annorum numero inquantum voles corripe, & in vnum diem coge: æquè honesta est. modò latiùs virtus funditur, regna, vrbes, prouincias temperat, fert leges, colit amicitias, inter propinquos liberosque dispensat officia: modò arcto fine circumdatur paupertatis, exsilij, orbitatis: non tamen minor est, si ex altiore fastigio in priuatum, ex regio in humilem subducitur, ex publico & spatiofo iure in angustias domus vel anguli coit. Æquè magna est, etiam si in se recessit, vndiq; exclusa. nihilominus enim magni spiritus est & erecti, exactæ prudentiæ, indeclinabilis iustitiæ. Ergo æquè beata est. beatum enim illud in vno loco positum est, in ipsa mète, stabile, grande, tranquillum: quod sine scientia diuinorū humanorumque non potest effici. Sequitur illud, quod me responsurum esse dicebam: Non affligitur sapiens liberorum amissione, non amicorum. eodem enim animo fert illorum mortem, quo suam exspectat. nō magis hanc timeret, quàm illam dolet. Virtus enim conuenientia constat: omnia opera eius cū ipsa concordant, & congruunt: hæc cōcordia perit, si animus, quem excelsum oportet esse, luctu, aut desiderio submittitur. Inhonestas est omnis trepidatio & sollicitu-

licitudo, & in vilo actu pigritia. Honestum enim securum & expeditum est, interritum est, in procinctu stat. Quid ergo? non aliquid perturbationi simile patietur? non & color eius mutabitur, & vultus agitantur, & artus refrigescunt? & quidquid aliud, non ex imperio animi, sed inconsulto quodam naturæ impetu geritur? Fateor; sed permanebit illi persuasio eadem: nihil illorum malum esse, nec dignum, ad quod mens sana deficiat. Omnia quæ facienda erunt, audacter facit & promptè. Hoc enim stultitiæ proprium quis non dixerit, ignavè & contumaciter facere quæ facit, & aliò corpus impellere, aliò animū, distrahiq̃ue inter diuersissimos motus? Iam propter illa ipsa, quibus extollit se miraturq̃ue, contempta est, & ne illa quidem quibus gloriatur, libenter facit. Si verò aliquod timetur malum, eo perinde, dum expectatur, quasi venisset, vrgetur: & quidquid ne patiatur timet, iam metu patitur. Quemadmodum in corporibus futuri languioris signa præcurrunt: quædam enim segnitia nervis inest, & sine labore vilo lassitudo & oscitatio & horror membra percurrent: sic infirmus animus, multo antequam opprimatur malis, quatitur. præsumit illa, & ante tempus cadit. Quid dementius autem, quàm angere futuris, nec se tormento reservare, sed accerere sibi misérias, & admouere: quas optimum est differre, si discutere non possis?

Vis

Vis scire, futuro neminem debere torqueri? quicumque audierit post quinquagesimum annum sibi patienda supplicia, non perturbatur, nisi si medium spatium transilierit, & se in illam sæculo post futuram sollicitudinem immiserit. Eodem modo fit, ut animos libenter ægros, & captantes causas doloris, vetera atque oblitterata contristent. & quæ præterierunt, & quæ futura sunt, absunt: neutra sentimus. non est autem, nisi ex eo quod sentias, dolor.

EPIST. LXXV. Minus tibi accuratas à me epistolas mitti quereris. quis enim accuratè loquitur, nisi qui vult putidè loqui? Qualis sermo meus esset, si vnà sederemus, aut ambularemus, illaboratus & facilis: tales esse epistolas meas volo, quæ nihil habeant accersitum, nec fictum. Si fieri posset, quid sentiam, ostendere quàm loqui malletm. Etiam si disputarem, nec supploderem pedem, nec manum iactarem, nec attollerem vocem; sed ista oratoribus reliquissèm, contentus sensus meos ad te pertulissèm, quos nec exornassèm, nec abiecissèm: hoc vnum planè tibi approbare vellem, omnia me illa sentire quæ dicerem; nec tantùm sentire, sed amare. Aliiter homines amicam, aliter liberos osculantur: tamen in hoc quoque amplexu tam sancto & moderato, satis apparet effectus. Non mehercules ieiuna esse & arida volo, quæ de rebus tam magnis dicentur, neque enim philosophia ingenio renunciat:

renunciat: multum tamen operæ impendi verbis non oportet. Hæc sit propositi nostri summa: quod sentimus, loquamur; quod loquimur, sentiamus. Concordet sermo cum vita. ille promissum suum implevit, qui & cùm videas illum, & cùm audias, idem est. Videbimus qualis sit, quantus: vnus sit. Non delectent verba nostra, sed profint. Si tamen contingere eloquentia non sollicito potest, aut si parata est, aut paruo constat, assit, & res pulcherrimas prosequatur. Sit talis, vt res potius quàm se ostendat. Aliæ artes, ad ingenium totæ pertinent: hic animi negotium agitur. Non quærit æger medicum eloquentem, sed sanantem: sed si ita competit, vt idem ille qui sanare potest, comptè de his quæ facienda sunt disscrat, boni consulat: non tamen erit, quare gratuletur sibi, quòd inciderit in medicum etiam disertum. hoc enim tale est, quale si peritus gubernator etiã formosus est. Quid aures meas scalpis? quid oblectas? aliud agitur. vrendus, secandus, abstinendus sum. Ad hæc adhibitus es: curare debes morbum veterem, grauem, publicum. Tantum negotij habes, quantũ in pestilentia medicus: circa verba occupatus es? iamdudum gaude, si sufficis rebus. Quãdo multa discas? quando quæ didiceris affiges tibi, ita vt excidere non possint? quando illa experieris? Non enim vt cetera memoriæ tradidisse satis est. in opere tentanda sunt. Non est bea-

tus qui scit illa, sed qui facit. Quid ergo? infra illum nulli gradus sunt? statim ad sapientiam præceptus est? Non existimo. Nam qui proficit, in numero quidem stultorum est, magno tamen intervallo ab illis diducitur: inter ipsos quoque proficientes, sunt magna discrimina. In tres classes (ut quibusdam placet) dividuntur. Primi sunt, qui sapientiam nondum habent, sed iam in vicinia eius constituerunt, tamen etiam quod propè est, extra est. Qui sunt hi, quæris? qui omnes iam affectus ac vitia posuerunt: quæ erant complectenda, didicerunt: sed illis adhuc inexperta fiducia est. bonam suam nondum in usu habent. Iam tamen in illa quæ fugerunt, recidere non possunt: iam ibi sunt, unde non est retrò lapsus: sed hoc illis de se nondum liquet, & quod in quadam epistola scripsisse me memini, scire se nesciunt. Iam contigit illis bono suo frui, nondum confidere. Quidam hoc proficientium genus, de quo locutus sum, ita complectuntur, ut illos dicant iam effugisse morbos animi, affectus nondum, & adhuc in lubrico stare, quia nemo sit extra periculum malitiæ, nisi qui totam eam excussit. Nemo autem illam excussit, nisi qui pro illa sapientiam assumpsit. Quid inter morbos animi interfit & affectus, sæpè iam dixi: nunc quoque te admonebo. Morbi sunt inmeterata vitia, & dura: ut avaritia, ut ambitio nimia: postquam hæc animum implicuerunt, & perpetua esse mala



mala eius cœperunt. Vt breuiter finiam, morbus est iudicium in prauo pertinax, tamquã valdè expetenda sint, quæ leuiter expetenda sunt. Vel, si mauis, ita finiamus. Nimis imminere leuiter petendis, vel ex toto nõ petendis, aut in magno pretio habere in aliquo habenda, vel in nullo; Affectus sunt, motus animi improbabilis, subiti & concitati: qui frequentes neglectique, fecere morbum. sicut distillatio vna, nec adhuc in morem adducta, tussim facit: assidua & vetus, phthisin. Itaque qui plurimum profecere, extra morbos sunt: affectus adhuc sentiunt, perfecto proximi. Secundum genus est eorum, qui & maxima animi mala & affectus deposuerunt, sed ita vt non sit illis securitatis suæ certa possessio: possunt enim in eadem relabi. Tercium illud genus extra multa & magna vitia est, sed non extra omnia. effugit auaritiam, sed iram adhuc sentit. iam non sollicitatur libidine; sed habet etiamnum ambitionem. iam non concupiscit; sed adhuc timet. & in ipso metu ad quẽdam satis firmus est, quibusdam cedit: mortem contemnit, dolorem reformidat. De hoc loco aliquid cogitemus: benè nobiscum agetur, si in hunc admittimur numerum. Magna felicitate naturæ, magnæque & assidua intentione studij, secundus occupatur gradus: sed nec hic quidem contemnendus est color tertius. Cogita, quantum circa te videas malorum: adspice, quàm nullum sit

nefas sine exemplo, quantum quotidie nequitia proficiat, quātū publicē priuatimq; peccetur: intelliges satis nos consequi, si inter pessimos nō sumus. Ego verò, inquis, spero me posse & amplioris ordinis fieri. Optauerim hoc nobis magis, quàm promiserim. praeoccupati sumus: ad virtutem contendimus, inter vitia districti: pudet dicere, honesta colimus, quantum vacat. At quàm grande præmium nos exspectat, si occupationes nostras, & mala tenacissima, abrumpimus? Non cupiditas, nos nō timor pellet: in agitati terroribus, incorrupti voluptatibus, nec mortem horrebimus, nec deos: sciemus mortem malum non esse, deos malos non esse. Tam imbecillum est, quod nocet, quàm cui nocetur: optima vi noxia carent: Exspectant nos si ex hac aliquando fece in illud euadimus sublime & excelsum, tranquillitas animi, & expulsi erroribus absoluta libertas. Quæris, quæ sit ista? non homines timere, non deos: nec turpia velle, nec nimia: in seipsum habere maximam potestatem. Inæstimabile bonum est, suum fieri.

EPIST. LXXVI. Inimicitias mihi denuncias, si quidquam ex his quæ quotidie facio, ignoraueris. Vide quàm simpliciter tecum viuiam: hoc quoque tibi committam. Philosophum audio, & quidem quintum iam diem habeo, ex quo in scholam eo, & ab octaua disputantem audio. Bona, inquis, ætate. Quid ni bona? quid autem

autem stultius,quàm quia diu non didiceris, non discere? Quid ergo? idem faciam, quod troili & iuuenes? Benè mecum agitur, si hoc vnum senectutem meam dedecet. Omnis ætatis homines hæc schola admittit: in hac senescamus, hanc vt iuuenes sequamur. In theatrum senex ibo, & in circum deferar, & nullum par sine me depugnabit: ad philosophum ire erubescam? Tam diu discendum est, quàm diu nescias, & si prouerbio credimus, quàm diu viuas. Nec vlli hoc rei magis conuenit, quàm huic: tam diu discendum est quemadmodum viuas, quàm diu viuis. Ego tamen hic aliquid & doceo. Quæris quid doceam? etiam seni esse discendum. Pudet autè me generis humani. Quoties scholâ intraui (præter ipsum theatrū Neapolitanorum (vt scis) transeundum est, Metronactis petentibus domum) illud quidè, factum est: & hoc ingenti studio, quis sit pithaules bonus, iudicatur. Habet tibicen quoque Græcus & præco concursus: at in illo loco, in quo vir bonus discitur, paucissimi sedent: & hi plerisque videntur nihil boni negotij habere, quod agant: inepti & inertes vocantur. Mihi contingat iste derisus. æquo animo audienda sunt imperitorum conuicia: & ad honesta vadenti contemnendus est iste contemptus. Perge, Lucili, & propera, ne tibi accidat quod mihi, vt senex discas: imò ideò magis propera, quoniam id nunc aggressus es.

quod perdiscere vix senex possis. Quantum, inquis, proficiam? quantum tenta-  
 ris. Quid exspectas? nulli sapere casu ob-  
 tit. Pecunia veniet ultro, honor offeretur,  
 gratia ac dignitas fortasse ingerentur tibi:  
 virtus in te non incidet; ne leui quidem o-  
 pera aut paruo labore cognoscitur? sed est  
 tanti laborare, omnia bona semel occupa-  
 turo. Vnum enim est bonum, quod hone-  
 stum: in illis nihil inuenies veri, nihil cer-  
 ti, quæcumque famæ placent. Quare hoc  
 vnum sit bonum, quod honestum, dicam:  
 quoniam me parum exsecutum priore e-  
 pistola iudicas, magisque hanc rem tibi  
 laudatam quam probatam putas. Et ut  
 in arctum, quæ dicta sunt, contraham:  
 omnia suo bono constant. vitem fertilitas  
 commendat, sapor vinum, velocitas cer-  
 uum. Quare fortia dorso iumenta sint,  
 quæris? quia eorum hic vnus est vsus, sar-  
 cinam ferre. In cane sagacitas prima est,  
 si inuestigare debet feras: cursus, si conse-  
 qui: audacia, si mordere & inuadere. Id  
 in quoque optimum est cui nascitur, quo  
 censetur. In homine optimum quid est?  
 Ratio: hac antecedit animalia, deos sequi-  
 tur. Ratio ergo perfecta, proprium homi-  
 nis bonum est: cetera illi cum animalibus  
 satisque communia sunt. Valet? & leones.  
 formosus est? & pauones. velox est? & e-  
 qui. non dico, in his omnibus vincitur.  
 Non quæro quid in se maximum habeat,  
 sed quid suum. Corpus habet? & arbores.  
 habet

habet impetum & motum voluntarium? & bestię, & vermes. habet vocem? sed quanto clariorem canes, acutiorem aquilę, grauiorem tauri, dulciorem mobilioręque luscinię? Quid in homine proprium? Ratio. hæc recta & consummata, felicitatem hominis impleuit. Ergo si omnis res, cū bonum suum perfecit, laudabilis est, & ad finem naturę suę peruenit, homini autem suum bonum ratio est: si hanc perfecit, laudabilis est, & finem naturę suę attigit: hæc ratio perfecta, virtus vocatur, eademque honestum est. Id itaque vnum bonum est in homine, quod vnum hominis est. nunc enim non quærimus quid sit bonum, sed quod sit hominis bonum. Si nullum aliud est hominis, quàm ratio: hæc erit vnum eius bonum, sed pensandum cum omnibus. Si sit aliquis malus, puto improbabitur: si bonus, puto probabitur. Id ergo in homine proprium solumque est, quo & probatur, & improbat. Non dubitas, an hoc sit bonum: dubitas, an solum bonum sit. Si quis omnia alia habeat, valetudinem, diuitias, imagines multas, frequens atrium, sed malus ex confesso sit: improbabis illum. Item si quis nihil quidem illorum quę re-tuli, habeat, deficiatur pecunia, clientum turba, nobilitate, & auorum proauorumque serie, sed ex confesso bonus sit: probabis illum. Ergo est vnum bonum hominis: quod qui habet, etiā si aliis destituitur,

laudandus est: qui non habet, in omnium aliorum copia damnatur ac reijcitur. Quæ conditio rerum, eadem & hominum est. Navis bona dicitur, non quæ pretiosis coloribus picta est, nec cui argenteum aut aureum rostrum est, nec cuius tutela ebo-  
re cælata est, nec quæ fiscis ac opibus regiis pressa est: sed stabilis, & firma, & iuncturis aquam excludentibus spissa, ad ferendum incursum maris solida, gubernaculo parens, velox, & consentiens vento. Gladium bonum dices, non cui deauratus est baltheus, nec cui vagina gemmis distinguitur: sed cui & ad secandum subtilis acies, & mucro munimentum omne rupturus. Regula non quàm formosa, sed quàm recta sit, quæritur. Eo quodque laudatur, cui comparatur, quod illi proprium est. Ergo in homine quoque nihil ad rem pertinet, quantum aret, quantum sæneret, à quàm multis salutetur, quàm pretioso incumbat lecto, quàm pellucido poculo bibat, sed quàm bonus sit: bonus autem est, si ratio explicita & recta est, & ad naturæ voluntatem accommodata. Hæc vocatur virtus: hoc est honestum, & vnicum hominis bonum. Nam cum sola ratio perficiat hominem, sola ratio perfecta beatum facit. hoc autem vnum hominis bonum est, quo vno beatus efficitur. Dicimus & illa bona esse, quæ à virtute profecta contactaque sunt, id est opera eius omnia. Sed ideo vnum ipsa bonum est, quia nullum  
sine

sine illa est. Si omne in animo bonum est,  
 quidquid illum confirmat, extollit, ampli-  
 ficat, bonum est: validiorem autem animū,  
 & excelsiorem, & ampliorem, facit virtus.  
 nam cetera: quæ cupiditates nostras irri-  
 tant, deprimunt quoque animum & labe-  
 faciunt: & cū videntur attollere, inflant,  
 ac multa vanitate deludunt. Ergo vnum id  
 bonum est, quo melior animus efficitur.  
 Omnes actiones totius vitæ, honesti ac tur-  
 pis respectu, temperantur: ad hæc facien-  
 di, & non faciendi, ratio dirigitur. Quid  
 sit hoc, dicam. Vir bonus quod honestè se  
 facturum putauerit, faciet, etiam si labo-  
 riosum erit: faciet, etiam si damnosum  
 erit: faciet, etiam si periculosum erit. rur-  
 sus quod turpe erit, non faciet, etiam si pe-  
 cuniam affert, etiam si voluptatem, etiam  
 si potentiam. Ab honesto nulla re deter-  
 rebitur, ad turpia nulla spe inuitabitur. Er-  
 go si honestum utique secuturus est, turpe  
 itaque vitaturus: & in omni actū vitæ spe-  
 ctaturus hæc duo: nullum aliud bonum  
 quàm honestum, nec aliud malum quàm  
 turpe. Si vna indeprauata virtus est, &  
 sola permanet tenoris sui, vnum est bo-  
 num virtus: cui iam accidere ne sit bo-  
 num, non potest. Mutationis periculum  
 effugit sapientia. Sapientia non eripitur,  
 sapientia in stultitiam non reuoluitur.  
 Dixi, si fortè meministi, concupita vul-  
 go, & formidata, inconsulto impetu ple-  
 rosque calcasse. inuentus est qui flammis:

imponeret manum: cuius risum non inter-  
 rumperet tortor: qui in funere liberorum  
 lacrimam non mitteret: qui morti intrep-  
 idus occurreret. amor, ira, cupiditas, peri-  
 cula depoposcerunt. Quòd si hoc potest  
 brevis obstinatio animi, aliquo stimulo  
 excitata: quanto magis virtus quæ non ex  
 impetu, nec subito, sed æqualiter valet; cui  
 perpetuum robur est? Sequitur, ut quæ ab  
 inconsultis sæpè contemnuntur, à sapien-  
 tibus semper, ea nec bona sint, nec mala.  
 Vnum ergo bonum ipsa virtus est, quæ  
 inter hanc fortunam & illam superba in-  
 cedit, cum magno vtriusque contemptu.  
 Si hanc opinionem receperis, aliquid bo-  
 num esse præter honestum, nulla non vir-  
 tus laborabit. nulla enim obtineri poterit,  
 si quidquam extra se respexerit. Quod si  
 est, rationi repugnat, ex qua virtutes sunt;  
 & veritati, quæ sine ratione non est. quæ-  
 cumque autem opinio veritati repugnat,  
 falsa est. Virum bonum concedas, necesse  
 est, summæ pietatis erga deos esse: itaque  
 quidquid illi acciderit, æquo animo susti-  
 nebit. sciet enim id accidisse lege diuina,  
 qua vniuersa procedunt. Quod si est, v-  
 num illi bonum erit, quod honestum: in  
 hoc enim positum est & parere diis, nec  
 excandescere ad subita, nec deplorare  
 sortem suam, sed patienter excipere fatū,  
 & facere imperata. Si enim vllum aliud  
 est bonum quàm honestum, sequetur nos  
 auiditas vitæ, auiditas rerum vitam in-  
 stru-



struentium, quod est intolerabile, infinitum, vagum. Solum ergo bonum est honestum, cui modus est. Diximus, hominum futuram feliciorem vitam quam deorum, si ea bona sunt, quorum nullus diis usus est, tamquam pecunia & honores. Adijce nunc, quod si modò solutæ corporibus animæ manent, felicior illis status restat, quam est dum versantur in corpore. Atqui si ista bona sunt, quibus per corpora utimur, emissis erit peius: quod contra fidem est, feliciores esse liberis, & in uniuersum datis, clausas & obsessas. Illud quoque dixeram, si bona sunt ea quæ tam homini contingunt quam mutis animalibus, & muta animalia beatam vitam actura: quod fieri nullo modo potest. Omnia pro honesto patienda sunt: quod non erat faciendum, si esset vllum aliud bonum, quam honestum. Hæc quamuis latius exsecutus essem priore epistola, constrinxi, & breuiter percurri. Numquam autem vera tibi opinio talis videbitur, nisi animū alletes, & te ipsum interroges, si res exegerit, ut pro patria moriaris, & salutē omnium ciuium tua redimas, an porrecturus sis ceruicem, non tantūm patienter, sed etiam libenter. Si hoc facturus es, nullum aliud bonum est. Omnia relinquis, ut hoc habeas. Vide, quanta vis honesti sit. Pro Rep. morieris etiam si statim facturus hoc eris, cum scieris tibi esse faciendum. interdum ex re pulcherrima magnū gaudium

etiam tempore breui ac exiguo capitur: & quamuis fructus operis peracti nullus ad defunctum exemptumque rebus humanis pertineat, ipsa tamen contemplatio futuri operis iuuat: & vir fortis & iustus cum mortis sue pretia ante se posuit, libertatem patriæ salutem omnium pro quibus dependit animam, in summa voluptate est, & periculo suo fruitur. Sed ille quoque, cui etiam hoc gaudium eripitur, quod tractatio operis maximum & ultimum præstat, nihil cunctatus desiliet in mortem, facere rectè pieque contentus. Oppone etiam nunc illi multa, quæ dehortentur. Dic, Factum tuum matura sequetur obliuio, & parùm grata existimatio ciuium: respondebit tibi, Ista omnia extra opus meum sunt. ego ipsum contemplor: hoc esse honestum scio. Itaque quocumque ducit ac vocat, venio. Hoc ergo vnum bonum est, quod non tantum perfectus animus, sed generosus quoque & indolis bonæ sentit: cetera leuia sunt, mutabilia. Itaque sollicitè possidentur, etiam si fauente fortuna in vnum congesta sunt: dominis suis incumbunt graua, & illos semper premunt, aliquando & elidunt. Nemo ex istis quos purpuratos vides, felix est, non magis quam ex illis quibus sceptrum & chlamydem in scena fabulæ assignant. cum præsentem populo elati incesserunt, & cothurnati, simul exierunt, excalceantur, & ad staturam suam redeunt. Nemo istorum,

quos

quos diuitiæ honoresque in altiore fastigio ponunt, magnus est. Quare ergo magnus videtur? Cum basi illum sua metiris. Non est magnus pumilio, licet in monte cõstitit: colossus magnitudinem suam seruabit, etiam si steterit in puteo. Hoc laboramus errore: sic nobis imponitur, quòd neminem æstimamus eo quo est, sed adijcimus illi & ea, quibus adornatus est. Atqui cum voles veram hominis æstimationem inire, & scire qualis sit, nudum inspicere. ponat patrimonium, ponat honores, & alia fortunæ mendacia: corpus ipsum exuat: animum intueri, qualis quantusque sit, alieno an suo magnus. si erectis oculis gladios micantes videt, & si scit sua nihil interesse vtrum anima per os, an per iugulum exeat, beaurum voca. Si cum illi denunciata sunt corporis tormenta, & quæ casu veniunt, & quæ potentioris iniuria, si vincula & exilia, & vanas humanarum formidines mentium, securus audit, & dicit,

— *Non vlla laborum,*

*O virgo, noua mi facies inopinàve surgit.*

*Omnia præcepi, atque animo mecum ipse peregi.*

Tu hodie ista denuncias, ego semper denunciaui mihi, & hominem paraui ad humana. præcogitati mali mollis ictus venit. At stultis & fortunæ credentibus, omnis videtur noua rerum & inopinata facies. ma-

gna autem pars est apud imperitos mali, nouitas. Hoc ut scias, ea quæ putauerunt aspera, cum assueuere, patiuntur. Ideo sapiens assuescit futuris malis: & quæ alij diu patiendo leuia faciunt, hic leuia facit diu cogitando. Audimus aliquando voces imperitorum, dicentium: Nesciebam hoc mihi restare. sapiens scit sibi omnia restare: quidquid factum est, dicit, Sciebam.

EPIST. LXXVII. Subitò hodie nobis Alexandrinæ naues apparuerunt, quæ præmitti solent & nunciare secuturæ classis aduentum. tabellarias vocant. Gratus illarum Campaniæ adspectus est. omnis in pilis Puteolorum turba consistit, & ex ipso genere velorum Alexandrinas, quamuis in magna turba nauium, intelligit. Solis enim licet supparum intendere, quod in alto omnes habent naues. Nulla enim res equè adiuuat cursum, quàm summa pars veli: illinc maximè naus vrgetur. Itaque quoties ventus increbuit, maiorque est quàm expedit, antenna submittitur. minus habet virium flatus ex humili. Cum intrare Capreas & promontorium, ex quo

*Alta procelloso speculatur vertice Pal-*  
*las,*

ceteræ velò iubentur esse contentæ: supparum Alexandrinarum insigne est. In hoc omnium discursu properantium ad litus, magnam ex pigritia mea sensi voluptatē, quod epistolas meorum accepturus, non  
pro-

properavi scire, quis illic esset rerum mearum status, quid adferrent. Olim iam nec perit quidquam mihi, nec acquiritur. Hoc etiam si senex non essem, fuerat sentiendum: nunc verò multo magis. quia quantumcumque haberem, tamen plus iam mihi superesset viatici, quàm viæ, præsertim cum eam viam simus ingressi, quam peragere nō est necesse. Iter imperfectum erit, si in media parte, aut citra petitum locum steteris: vita non est imperfecta, si honesta est. Vbicumque desines, si benè desinis, tota est. Sæpè autem & fortiter desinendum est, & non ex maximis causis. nam nec hæ maximæ sunt, quæ nos tenēt. Tullius Marcellinus, quem optimè noueras, adolescēs quietus & scitò senex, morbo, & non insanabili correptus, sed longo & molesto & multa imperante, cœpit deliberare de morte. conuocauit complures amicos. vnusquisq; aut quia timidus erat, id illi suadebat, quod sibi suasisset: aut quia adulator & blandus, id consilium dabat, quod deliberanti gratius fore suspicabatur. Amicus noster Stoicus, homo egregius, & ut verbis illum quibus laudari dignus est laudem, vir fortis ac strenuus, videtur mihi optimè illum cohortatus. Sic enim cœpit: *Noli, mi Marcelline, torqueri, tamquam de re magna deliberes. Non est res magna, viuere. Omnes serui tui viuunt, omnia animalia: magnum est, honestè mori, prudenter, fortiter. Cogita*  
*quam*

*quandiu iam idem facias. Cibus, somnus, libido : per hunc circulum curritur. Mori velle non tantum prudens, & fortis aut miser, sed etiam fastidiosus potest. Non opus erat suatore illi, sed adiutore. serui parere nolebant. Primum detraxit illis metum, & indicauit tunc familiam periculum adire, cum incertum esset, an mors domini voluntaria fuisset : alioquin tam mali exempli esse occidere dominum, quam prohibere. Deinde ipsum Marcellinum admonuit, non esse inhumanum, quemadmodum cœna peracta reliquiae circumstantibus diuiduntur, sic peracta vita aliquid porrigi his, qui totius vitæ ministri fuissent. Erat Marcellinus facilis animi, & liberalis, etiam cum de suo fieret. Minutas itaque summulas distribuit flentibus seruis, & illos vtrò consolatus est. Non fuit illi opus ferro, non sanguine : triduo abstinuit, & in ipso cubiculo poni tabernaculum iussit. Solium deinde illatum est, in quo diu iacuit, & calida subinde suffusa, paulatim defecit: ut aiebat, non sine quadam voluptate, quam afferre solet lenis dissolutio, non inexperta nobis, quos aliquando liquit animus. In fabellam excessi, non ingratam tibi: exitum enim amici tui cognosces, non difficilem, nec miserum. Quamuis enim mortem sibi consciuerit, tamen mollissimè excessit, & vitæ elapsus est. Sed ne inutilis quidem hæc fabella fuerit. Sæpe enim talia exempla necessitas exigit.*

Sæpe

Sæpe debemus mori, nec volumus: morimur, nec volumus. Nemo tam imperitus est, ut nesciat sibi quandoque moriendum: tamen cum propè accesserit, tergiversatur, tremit, plorat. Nōne tibi videbitur stultissimus omnium, qui fleuerit quod ante annos mille non vixerat? æquē stultus est, qui flet, quod post annos mille non viuet. Hæc paria sunt: non eris, nec fuisti. Vtrumque tempus alienum est. In hoc punctum coniectus es: quod ut extendas, quousque extends? Quid fles? quid optas? perdis operam.

*Desine fata Deum flecti sperare precando:*

rata & fixa sunt, atque magna & æterna necessitate ducuntur. Eò ibis, quod omnia eunt. Quid tibi nouum est? ad hanc legem natus es: hoc patri tuo accidit, hoc matri, hoc maioribus, hoc omnibus ante te, hoc omnibus post te. Series inuicta, & nulla mutabilis ope, illigat ac trahit cuncta. Quantus te populus morituro- rum sequetur, quantus comitabitur? Fortior, ut opinor, esses, si multa millia tibi commorerentur. atqui multa millia hominum & animalium hoc ipso momento, quo tu mori dubitas, animam variis generibus emittunt. Tu autem non putabas te aliquando peruenturum ad id, ad quod semper ibas? nullum sine exitu iter est. Exemplā nunc magnorum virorum me tibi iudicas relaturum? puerorum refe-  
ram,

ram. Lacon ille memoriæ traditur imput-  
 bes adhuc; qui captus clamabat, *Non ser-  
 uiam*, sua illa Dorica lingua, & verbis fi-  
 dem imposuit. Vt primum iussis est fun-  
 gi seruili & contumelioso ministerio: af-  
 ferre enim vas obscœnum iuebatur: illi-  
 sum parieti caput rupit. Tam propè liber-  
 tas est: & seruit aliquis? Ita non sic perire  
 filium tuum malles, quàm per inertiam  
 senem fieri? Quid ergo est, cur perturbe-  
 ris, si mori fortiter etiam puerile est? Puta  
 te nolle sequi, duceris. Factui iuris, quod  
 alieni est. Non sumes pueri spiritum, vt  
 dicas, *Non seruius*? Infelix, seruis homini-  
 bus, seruis rebus, seruis vitæ. Nam vita,  
 si moriendi virtus abest, seruitus est. Ec-  
 quid habes propter quod expectes? Vo-  
 luptates quæ te morantur ac retinent, con-  
 sumpsisti: nulla tibi noua est: nulla non  
 iam odiosa ipsa satietate. quis sit vini, quis  
 mulsi sapor: scis: nihil interest, centum per  
 vesicam tuâ, an mille amphoræ transeant.  
 saccus es. quid sapiat ostreum, quid mul-  
 lus, optimè nosti. nihil tibi luxuria tua in  
 futuros annos intactum reseruauit. Atqui  
 hæc sunt, à quibus inuitus diuelleris. Quid  
 est aliud quod tibi eripi doleas? Amicos &  
 patriam? tanti enim illam putas, vt tardiùs  
 cœnes? Solem quoque, si posses, extingue-  
 res. Quid enim vnquam fecisti luce di-  
 gnum? Confitere non curiæ te, non fo-  
 ri, non ipsius naturæ rerum desiderio, tar-  
 diorem ad moriendum fieri. Inuitus re-  
 hu-



linquis macellum, in quo nihil reliquisti. Mortem times: at quomodo illam media oblectatione contemnis? Viuere vis: scis enim. Mori times: quid porrò ista vita? non mors est? Cæsar, cùm illum transeuntem per Latinam viam, vnus ex custodiarum agmine, demissa vsque in pectus veterere barba, rogaret mortem: *Nunc enim*, inquit, *viuis?* Hoc istis respondendum est; quibus succursura mors est: Mori times. nunc enim, viuis? Sed ego, inquit, viuere volo, qui multa honestè facio. inuitus relinquo officia vitæ, quibus fideliter & cum industria fungor. Quid? tu nescis vnum esse ex vitæ officijs, & mori? Nullum officium relinquis. non enim certus numerus quem debeas explere, finitur. Nulla vita est non breuis. nam si ad naturam rerum respexeris, etiam Nestoris & Statiliæ breuis est: quæ inscribi monumento suo iussit, annis se nonagintanouem vixisse. Vides aniculam gloriari senectute longa. quis illam ferre potuisset, si contigisset centesimum implere? Quomodo fabula, sic vita: non quàm diu, sed quàm benè acta sit, refert. Nihil ad rem pertinet, quo loco desinas. quocumque voles, desine: tantùm bonam clausulam impone.

EPIST. LXXVIII. Vexari te distillationibus crebris ac febriculis, quæ longas distillationes & in consuetudinem adductas sequuntur, eò molestius mihi est, quia expertus sum hoc genus valetudinis: quod  
inter

inter initia contempsi. poterat adhuc adoleſcētia iniurias ferre, & ſe aduerſus morbos contumaciter gerere. deinde ſuccubui, & eò perductus ſum, vt ipſe diſtillarē. Ad ſummam maciem deductus, ſæpè impetum cepi abrumpendæ vitæ: patris me indulgentiſſimi ſenectus retinuit. Cogitaui enim, non quàm fortiter ego mori poſſem, ſed quàm ille fortiter deſiderare non poſſet. Itaque imperaui mihi vt viuerem. aliquādo enim & viuere, fortiter facere eſt. Quæ mihi tunc fuerint ſolatio, dicam: ſi prius hoc dixero, hæc ipſa quibus acquieſcebam, medicinæ vim habuiſſe. In remedium cedunt honeſta ſolatia: & quidquid animum erexit, etiam corpori prodeſt. Studia mihi noſtra ſaluti fuerunt. Philoſophiæ acceptum ferò quòd ſurrexi, quòd conualui: illi vitam debeo, & nihil illi minus debeo. Multum mihi cōtulerunt ad bonam valetudinē amici, quorum adhortationibus, vigilijs, ſermonibus alleuabar. Nihil æquè, Lucili virorum optime, ægrum reficit atque adiuuat, quā amicorum affectus: nihil æquè exſpectationem mortis ac metum ſurripit. Nō indicabam me, cū illos ſuperſtites relinquerē, mori; putabam, inquam, me viſturum, non cum illis, ſed per illos: non effundere ſpiritum mihi videbar, ſed tradere. Hæc mihi dederunt volūtatem adiuuandi me, & patiendi omne tormentum. alioqui miſerrimum eſt, cū animum moriendi proieceris.

ris, non habere viuendi. Ad hæc ergo remedia te confer. Medicus tibi quantum ambules, quantum exercearis, monstrabit: ne indulgeas otio, ad quod vergit iners valetudo: ut legas clariùs, & spiritum, cuius iter & receptaculum laborat, exerceas: ut nauiges, & viscera molli iactatione concutias: quibus cibis utaris: vinum quando virium causa aduoces, quando intermitas, ne irritet & exasperet tussim. Ego tibi illud præcipio, quod non tantum huius morbi, sed totius vitæ remedium est: contemne mortem. Nihil triste est, cum huius metum effugimus. Tria hæc in omni morbo graua sunt, metus mortis, dolor corporis, intermissio voluptatum. De morte satis dictum est. hoc vnum dicam, non morbi hunc esse, sed naturæ metum. multorum mortem distulit morbus: & saluti illis fuit, videri perire. Morieris, non quia ægrotas, sed quia viuis. Ista te res & sanatum manet. cum conualueris, non mortem, sed valetudinē effugies. Ad illud nunc proprium incommodum reuertamur. magnos cruciatus habet morbus: sed hos tolerabiles interualla faciunt. Nam summi doloris intentio inuenit finem. Nemo potest valde dolere, & diu. sic nos amantissima nostri natura disposuit, ut dolorem aut tolerabilem, aut breuem faceret. Maximi dolores consistunt in macerrimis corporis partibus: nerui, articuliq̃ue, & quidquid aliud exile est, acerrimè sœuit, cum in arcto vitia concepit.

cepit. Sed citò hæ partes obstupeſcunt, & ipſo dolore ſenſum doloris amittunt: ſiue quia ſpiritus naturali prohibitus curſu, & mutatus in peius, vim ſuam qua viget, admonetque nos, perdit: ſiue quia corruptus humor, cum deſijt habere quò confluat, ipſe ſe elidit, & his que nimis impleuit, excutit ſenſum. Sic podagra & chira-gra, & omnis vertebrarum dolor, nervorumque interquieſcit, cum illa que torquebat hebetavit: omnium iſtorum prima verminatio vexat, impetus mora exſtinguitur, & finis dolendi eſt, obtorpiſſe. Dentium, oculorum, aurium dolor ob hoc ipſum acutiſſimus eſt, quòd inter anguſta corporis naſcitur: non minùs mehercule quàm capitis ipſius. Sed quo incitatio-  
 rior eſt, eo citiùs in alienatione ſtuporem, que conuertitur. Hoc itaque ſolacium vaſti doloris eſt, quòd neceſſe eſt deſinas illum ſentire, ſi nimis ſenſeris. Illud autem eſt, quod imperitos in vexatione corporis malè habet: non aſſueuerunt animo eſſe contenti: multum illis cum corpore fuit. Ideò vir magnus ac prudens animum deducit à corpore, & multum cum meliore & diuina parte verſatur; cum hac querula ac fragili, quantum neceſſe eſt. Sed moleſtum eſt, inquis, carere aſſuetis voluptatibus, abſtinere cibo, ſitire, eſurire. Hæc prima abſtinentia grauiſima ſunt: deinde cupiditas relangueſcit: ipſis per que cupimus fatigatis, ac deficientibus. Inde moroſus eſt ſtoma-

Stomachus: inde quorum fuit auiditas, odium est: desideria ipsa moriuntur. Non est autē acerbum carere eo, quod cupere desieris. Adijce, quòd nullus nō intermittitur dolor, aut certè remittitur. Adijce, quòd licet & cauere venturū, & obsistere imminenti remediis. Nullus enim non signa præmittit, utiq; qui ex solito reuertitur. Tolerabilis est morbi patientia, si contempseris id quod extremum minatur. Noli mala tua facere tibi ipsi grauiora, & te querelis onerare: leuis dolor est, si nihil illi opinio adiecerit. Contrà, si exhortari te cœperis, ac dicere: *Nihil est, aut certè exiguum est, dūremus; iam desinet*: leuem illum, dum putas, facies. Omnia ex opinione suspensa sunt. non ambitio tantum ad illam respicit, & luxuria, & auaritia: ad opinionem dolemus. Tam miser est quisque, quàm credit. Detrahendas præteritorum dolorum conquestiones puto, & illa verba: *Nulli umquam fuit peius. Quos cruciatus, quanta mala pertuli! nemo me surrecturum putauit. Quoties deploratus sum à meis, quoties à medicis relictus! In equuleum impositi nō sic distrahuntur.* Etiam si sunt vera ista, trāsierunt. Quid iuuat præteritos dolores retractare, & miserum esse, quia fueris? Quid, quòd nemo non multum malis suis adiicit, & sibi ipse mētitur? Deinde quod acerbū fuit, retulisse iucūdum est. naturale est, mali sui sine gaudere. Circumcidenda ergo duo sunt, & futuri

futuri timor, & veteris incommodi memoria: hoc ad me iam non pertinet, illud nondum. In ipsis positus difficultatibus dicat:

— *Forsan & hæc olim meminisse iu-  
nabit.*

Toto contra illum pugnet animo. vince-  
tur, si cesserit: vincet si se contra dolorem  
suum intenderit. Nunc hoc plerique fa-  
ciunt, attrahunt in se ruinam, cui obstan-  
dum est. istud quod premit, quod impen-  
det, quod vrget, si subducere te cœperis,  
sequetur & grauius incumbet: si contra  
steteris, & obniti volueris, repelletur. A-  
thletæ quantum plagarum ore, quantum  
toto corpore excipiunt? ferunt tamen om-  
ne tormentum gloriæ cupiditate: nec tan-  
tùm quia pugnant, ista patiuntur, sed vt  
pugnent. exercitatio ipsa tormentum est.  
Nos quoque euincamus omnia, quorum  
præmium non corona, nec palma est, nec  
tubicen prædicationi nominis nostri silen-  
tium faciens: sed virtus, & firmitas ani-  
mi, & pax in ceterum parta, si semel in  
aliquo certamine debellata fortuna est.  
Dolorem grauem sentio. Quid ni sentias,  
si illum muliebriter tuleris? Quemadmo-  
dum perniciosior est hostis fugientibus,  
sic omne fortuitum incommodum magis  
instat cedenti & auerso. Sed graue est.  
quid? nos ad hoc fortes sumus, vt leuia  
portemus? Vtrùm vis, longum esse mor-  
bum, an concitatum & breuem? Si longus  
est, habet intercapedinem, dat refectio-

ni locum: multum temporis donat. necesse est ut exsurgat, & desinat. Brevis morbus ac præceptis alterutrum faciet: aut exstinguetur, aut exstinguet. Quid autem interest, non sit, an non sim? in utroque finis dolendi est. Illud quoque proderit, ad alias cogitationes auertere animum, & à dolore discedere. Cogita quid honestè, quid fortiter feceris: bonas partes tecum ipse tracta: memoriam in ea quæ maximè miratus es, sparge. tunc tibi fortissimus quisque, & victor doloris, occurrat. Ille, qui dum varices exsecandas præberet, legere librū perseveravit. Ille, qui non desit ridere, cum ob hoc ipsum irati tortores omnia instrumenta crudelitatis experirentur. Nō vincetur dolor ratione, qui victus est risu? Quidquid vis, nunc licet dicas, distillationes, & vim continuæ tussis egerentem viscerum partes, & febrem præcordia ipsa torrentem, & sitim, & artus in diuersum articulis exeuntibus tortos: plus est flamma, & equuleus, & lamina, & vulneribus ipsis intumescantibus, quod illa renouaret & altius vrgeret impressum. inter hæc tamen aliquis non gemit: parum est. nō rogauit: parum est. non respondit: parum est. risit, & quidem ex animo: vis tu post hoc dolorem deridere? Sed nihil, inquit, agere finit morbus, qui me omnibus abduxit officiiis. Corpus tuum valetudo tenet, non animum. Itaque cursoris moratur pedes, futoris ac fabri manus impedit. Si

animus tibi esse in usu solet; suadebis, docebis, audies, discēs, quæres, recordaberis. Quid porro? nihil agere te credis, si temperans eger sis? ostendes morbum posse superari, vel certè sustineri. Est, mihi crede, virtuti etiam in lectulo locus. Non tantùm arma & acies dant argumenta alacris animi, indomitique terroribus: & in vestimentis vir fortis apparet. Habes quod agas. benè luctare cum morbo: si nihil te coegerit, si nihil exorauerit, insigne prodis exemplum. O quàm magna erat gloriæ materia, si spectaremur ægri! ipse te spectata, ipse te lauda. Prætereà, duo sunt genera voluptatū: corporales morbus inhibet, nō tamen tollit; imò, si verum æstimes, incitat. magis inuat bibere sitientem: gratior est esurienti cibus. Quidquid ex abstinentia contigit, auidiùs excipitur. Illas verò animi voluptates, quæ maiores certioresq; sunt, nemo medicus ægro negat. has quisquis sequitur, & benè intelligit, omnia sensuum blandimenta contemnit. O infelicem ægrum! quare? quia non vino niuem diluit: quia non rigorem potionis suæ, quā capaci scypho miscuit, renouat fracta insuper glacie: quia non ostrea illi Lucrina in ipsa mensa aperiuntur: quia non circa cœnationem eiustus tumultus coquorum est, ipsos cum obsoniis focos transferentium. hoc enim iam luxuria commenta est. Ne quis intepefcat cibus, ne quid palato iam calloso parùm ferueat, cœnam culina prosequi-



sequitur. O infelicem ægrum! edet quantum concoquat. non iacebit in conspectu aper, vt vilis caro, à mensa relegatus, nec in repositorio eius pectora auium, totas enim videre fastidium est, congesta ponentur. Quid tibi mali factum est? cœnabis tãquam æger: imò aliquando tamquam sanus. Sed omnia ista facilè perferemus, sorbitionem, aquam calidam, & quidquid aliud intolerabile videtur delicatis & luxu fluentibus, magisq; animo quàm corpore morbidis: tantum mortẽ desinamus horrere. Desinemus autem, si fines bonorum ac malorum cognouerimus: ita demũ nec vita tædio erit, nec mors timori. Vitam enim occupare satietas sui non potest, tot res varias, magnas, diuinàs percensentem: in odium illam sui adducere solet iners otium. Rerum naturam peragranti, numquam in fastidium veritas veniet: falsa satiabunt. Rursus, si mors accedit & vocat, licet immatura sit, licet mediam præcidat ætatem: perceptus longissimè fructus est. cognita est illi ex magna parte natura, scit tempore honesta non crescere. His necesse est videri omnem vitã breuem, qui illã voluptatibus vanis, & ideò infinitis metiuntur. His te cogitationibus recrea, & interim epistolis nostris vacando: veniet aliquod tempus, quod nos iterũ iungat ac misceat. quantumlibet sit illud, longũ faciet scientia vtendi. nam, vt Posidonius, ait.

*vnus dies hominum eruditorum plus pa-*

*tet, quàm imperiti longissima atas.* Inten-  
tissime tene hoc mordicus. aduersis non suc-  
cumbere, letis non credere, omnem fortu-  
næ licentiam in oculis habere: tamquam  
quidquid potest facere, factura sit. Quid-  
quid expectatum est diu, leuius accedit.

EPIST. LXXIX. Expecto epistolas  
tuas, quibus mihi indices, circumitus Sici-  
liæ totius quid tibi noui ostenderit, & om-  
nia de ipsa Charybdi certiora. Nam Scyl-  
lam faxum esse, & quidem non terribile  
nauigantibus, optimè scio: Charybdis an  
respondeat fabulis, perscribi mihi deside-  
ro. Et si fortè obseruaueris, (dignum est  
autem, ut obserues) fac nos certiores, utrùm  
vno tantùm vento agatur in vortices, an  
omnis tempestas æquè mare illud contor-  
queat: & an verum sit, quidquid illo freti  
turbine arreptum est, per multa millia tra-  
hi conditum, & circa Tauromenitanum  
litus emergere. Si hæc mihi perscripseris,  
tunc tibi audebo mandare, ut in honorem  
meum Ætnam quoque ascendas: quam  
consumi, & sensim subsidere, ex hoc colli-  
gunt, quòd aliquanto longiùs nauiganti-  
bus solebat ostendi. Potest hoc accidere,  
non quia montis altitudo desedit, sed quia  
ignis euauit, & minùs vehemens ac lar-  
gus effertur, ob eandem causam fumo  
quoque per diem segniore. Neutrum au-  
tem incredibile est, nec montem qui de-  
uoretur quotidie minui, nec ignem non  
manere eundem: qui non ipse ex se est,  
sed

sed in aliqua inferna valle conceptus ex-  
 stuat, & alibi pascitur: in ipso monte non  
 alimentum habet, sed viam. In Lycia re-  
 gio notissima est, Ephestion incolæ vo-  
 cant, perforatum pluribus locis solum,  
 quod sine vlllo nascentium damno ignis  
 innoxius circuit. Læta itaq; regio est, &  
 herbida, nil flammis adurentibus, sed tan-  
 tum vi remissa ac languida refulgentibus.  
 Sed reseruemus ista, tunc quæsituri, cum tu  
 mihi scripseris, quantum ab ipso ore mon-  
 tis nives absint, quas ne æstas quidem sol-  
 uit: adeò tutæ sunt ab igne vicino. Non est  
 autem, quod istam curam imputes mihi:  
 morbo enim tuo daturus eras, etiam si ne-  
 mo mandaret tibi, donec Ætnam descri-  
 bas in tuo carmine, & hûc sollennem om-  
 nibus Poetis locum attingas. quem quò  
 minus Ovidius tractaret, nihil obstitit,  
 quod iam Virgilius impleuerat: ne Seuerû  
 quidem Cornelium: vterq; deterruit. Om-  
 nibus prætereà feliciter hic locus se dedit:  
 & qui præcesserant, non præripuisse mihi  
 videntur quæ dici poterant, sed aperuisse.  
 Sed multû interest, vtrum ad cõsumptam  
 materiam, an ad subactam accedas: crescit  
 in dies, & inuenturis inuenta non obstant.  
 Prætereà, cõditio optima est vltimi. Parata  
 verba inuenit, quæ aliter instructa nouam  
 faciẽ habent: nec illis manus iniicit, tam-  
 quam alienis: sunt enim publica. Iuriscõ-  
 sulti negant, quidquam publicum vsucapi.  
 Aut ego te non noui, aut Ætna tibi saliuã

mouet. Iam cupis grande aliquid, & pat prioribus scribere. Plus enim sperare modestia tibi tua non permittit: quæ tanta in te est, ut videaris mihi retracturus ingenij tui vires, si vincendi periculum sit. tanta tibi priorum reuerentia est. Inter cetera, hoc habet boni sapientia: nemo ab altero potest vinci, nisi dum ascenditur. dum ad summum perueneris, paria sunt: non est incremento locus, statur. Numquid sol magnitudini suæ adiecit? numquid luna ultra quam solet procedit? maria non crescunt. mundus eundem habitum ac modum seruat. Extollere se, quæ iustam magnitudinem impleuere, non possunt. Quicumque fuerint sapientes, pares erunt & æquales. habebit vnusquisque ex his proprias dotes: alius erit affabilior, alius expeditior, alius promptior in eloquendo, alius facundior: illud de quo agitur, quod beatum facit, æquale erit in omnibus. An Æterna tua possit sublabi, & in se ruere, an hoc excelsum cacumen & cōspicuum per vasti maris spatia detrahat assidua vis ignium, nescio: virtutem non flamma, non ruina inferius adducet. Hæc vna maiestas deprimi nescit, nec proferri ultra, nec referri potest. Sic huius, ut cælestium, stata magnitudo est. Ad hanc nos conemur educere. iā multum operis effectum est, imò si verum fateri volo, nō multum. Nec enim bonitas est, pessimis esse meliorē. Quis oculis gloriatur, qui suspicentur diem? quibus sol  
per

per caliginem splendet? licet contentus interim sit effugisse tenebras, adhuc non fruitur bono lucis. Tunc animus noster habebit quod gratuletur sibi, cum emissus his tenebris, in quibus volutatur, non tenui visu clara prospexerit, sed totum diem admiserit, & redditus cœlo suo fuerit, cum receperit locum, quem occupauit sorte nascendi. Sursum vocant illum initia sua. Erit autem illic, etiam antequam hac custodia exsoluatur, cum vitia disiecerit, purusque ac levis in cogitationes diuinas emicuerit. Hoc nos oportet agere, Lucili carissime, in hoc ire impetu toto: licet pauci sciant, licet nemo videat. Gloria, umbra virtutis est: etiam inuitos comitabitur. Sed quemadmodum aliquando umbra antecedit, aliquando sequitur: ita gloria aliquando ante nos est, visendamque se præbet, aliquando in auerso est, maiorque quò serior, ubi inuidia secessit. Quamdiu videbatur furere Democritus? vix recepit Socratem fama. Quamdiu Catonem ciuitas ignorauit? respuit: nec intellexit, nisi cum perdidit. Rutilij innocentia ac virtus latebat, nisi accepisset iniuriam: dum violatur, effulsit. Numquid non sortis suæ gratias egit, & exilium suum complexus est? De his loquor, quos illustrauit fortuna, dū vexat: quam multorum profectus in notitiam enasere, post ipsos? quam multos fama non excepit, sed eruit? Vides Epicurum, quāto pere non tantum eruditiores, sed hæc quo-

que imperitorū turba miretur. Hic igno-  
tus ipsis Athenis fuit, circa quas delituerat.  
Multis itaque iā annis Metrodoro suo su-  
perstes, in quadam epistola, cū amicitia  
suam & Metrodori, grata commemora-  
tione cecinisset, hoc nouissimè adiecit:  
*Nihil sibi & Metrodoro inter bona tanta  
nocuisse, quòd ipsos illa nobilis Gracia nō  
ignotos solū habuisset, sed panè inaudi-  
tos.* Numquid ergo non, postea quā esse  
desierat, inuentus est? numquid non opi-  
nio eius emicuit? Hoc Metrodorus quo-  
que in quadam epistola confitetur, *Se &  
Epicurum non satis emicuisse: sed post, se  
& Epicurum, magnum paratumque no-  
men habituros, apud eos qui voluissent  
per eadem ire vestigia.* Nulla virtus latet:  
& latuisse, non ipsius est damnum. Veniet  
qui conditam, & sæculi sui malignitate  
compressam, dies publicet. Paucis natus  
est, qui populum ætatis suę cogitat: Multa  
annorum millia, multa populorum super-  
uenient: ad illa respice. etiā si omnibus te-  
cum viuentibus silentium liuor indixerit,  
venient qui sine offensa, sine gratia iudi-  
cent. Si quod est pretium virtutis ex fama,  
nec hoc interit. Ad nos quidem nihil per-  
tinebit posterorum sermo: tamen etiam  
non sentientes colet, ac frequentabit. Nul-  
li non virtus & viuo, & mortuo, retulit gra-  
tiam: si modò illam bona secutus est fide,  
si se non exornauit & pinxit, sed idem  
fuit, siue ex denuntiato videbatur, siue im-

paratus ac subito. Nihil simulatio proficit. paucis imponit leuiter extrinsecus induta facies: veritas in omnem partem sui semper eadem est. Quæ decipiunt, nihil habent solidi. Tenuè est mendacium: perlucet, si diligenter inspexeris.

EPIST. LXXX. Hodierno die non tantum meo beneficio mihi vaco, sed spectaculi, quod omnes molestos ad sphæromachiam auocauit. Nemo irrumpit, nemo cogitationem meam impedit: quæ hac ipsa fiducia procedit audacius. Non crepuit subinde ostium, non alleuabatur velum: licebit vni vadere, quod magis necessarium est per se eunti, & suam sequentiam. Non ergo sequor priores? facio, sed permitto mihi & inuenire aliquid; & mutare, & relinquere. Non seruiio illis, sed assentior. Magnum tamen verbum dixi, qui mihi silentium promittebam, & sine interpellatore secretum: ecce ingens clamor ex stadio profertur, & me non excutit mihi, sed in huius ipsius rei contentionem transfert. Cogito mecum, quàm multa corpora exerceant, quàm ingenia pauci: quantus ad spectaculum non fidelis & lutorium fiat concursus; quanta sit circa artes bonas solitudo: quàm imbecilli animo sint, quorum lacertos humerosque miramur. Illud maximè reuoluo mecum. si corpus perducì exercitatione ad hanc patientiam potest, qua & pugnos pariter & calcées non vnius hominis ferat. qua solent

ardentissimum in feruentissimo puluere  
 sustinens aliquis, & sanguine suo madens  
 diem ducat: quanto faciliùs animus corro-  
 borari possit, vt fortunæ ictus inuictus ex-  
 cipiat, vt proiectus, vt conculcatus exsur-  
 gat? Corpus enim multis eget rebus, vt va-  
 leat: animus ex se crescit, se ipse alit, se e-  
 xercet. Illi multo cibo, multa portione o-  
 pus est, multo oleo, longa denique opera:  
 tibi cōtinget virtus sine apparatu, sine im-  
 pensa. Quidquid facere te potest bonum,  
 tecum est. Quid tibi opus est vt sis bonus?  
 velle. Quid autē melius potes velle, quàm  
 eripere te huic seruituti, quæ omnes pre-  
 mit, quam mancipia quoque conditionis  
 extremæ, & in his sordibus nata, omni-  
 modo exuere conantur? Peculium suum,  
 quod comparauerunt ventre fraudato, pro  
 capite numerant: tu nō concupisces quan-  
 ticumque ad libertatem peruenire, qui te  
 putas in illa natum? Quid ad arcam tuam  
 respicis? emi non potest. Itaque in tabellas  
 vanum conijcitur nomen libertatis: quàm  
 nec qui emerunt habent, nec qui vendide-  
 runt. Tibi des oportet istud bonum, à te  
 petas. Libera te primùm metu mortis: illa  
 nobis primum iugum imponit: deinde  
 metu paupertatis. Si vis scire quàm nihil  
 in illa mali sit, compara inter se paupe-  
 rum & diuitum vultus. Sæpiùs pauper, &  
 fideliùs ridet: nulla sollicitudo in alto est:  
 etiam si qua incidit cura, velut nubes leuis  
 transit. Horum qui felices vocantur, hila-  
 ritas



ritas ficta est, aut grauis & suppurata tristitia: & quidem grauior, quia interdum non licet palàm esse miseros: sed inter ærumnas cor ipsum exedentes, necesse est agere felicem. Sæpius hoc exemplo mihi vtendum est: nec enim vllò efficacius exprimitur hic humanæ vitæ mimus, qui nobis partes has, quas malè agamus, assignat. Ille qui in scana elatus incedit, & hæc resupinus dicit,

*En impero Argis. Regna mihi liquit  
Pelops,*

*Quà Ponto ab Helles atque ab Ionio  
mari*

*Vrgetur Isthmos.*

feruus est, quinq; modios accipit, & quinque denarios. Ille qui superbus, atque impotens, & fiducia virium tumidus ait,

*Quod nisi quieris Menelae, hac dextra  
occides:*

diurnum accipit, in cœnaculo dormit. Idem de istis licet omnibus dicas, quos supra capita hominum, supraque turbam delicatos lectica suspendit: omnium istorum personata felicitas est. Contemnes illos si despoliaueris. Equum empturus, solui iubes stratum, detrahis vestimēta venalibus, ne qua vitia corporis lateant: hominem inuolutum æstimas? Mangones, quidquid est quod displiceat, aliquo lenocinio abscondunt. Itaque ementibus ornamenta ipsa suspecta sunt: siue crus alligatum, siue brachium, adspiceres, nudari iuberis,

& ipsum tibi corpus ostendi. Vides illum Scythiæ Sarmatiæve regem, insigni capitis decorum? si vis illum æstimare, totumque scire qualis sit, fasciam solue. multum mali sub illa latet. Quid de aliis loquor? si perpendere te voles, sepone pecuniam, domum, dignitatem: intus te ipse considera. Nunc qualis sis, aliis credis.

EPIST. LXXXI. Quereris incidisse te in hominem ingratum. Si hoc nunc primum, age aut fortunæ, aut diligentiaæ tuæ gratias. Sed nihil facere hoc loco diligentia potest, nisi te malignum. Nam si hoc periculum vitare volueris, non dabis beneficia: ita ne apud alium pereant, apud te peribunt. Non respondeat potiùs; quàm non dentur: & post malam segetem ferendum est. Sæpè quidquid perierat assidua infelicitis soli sterilitate, vnius anni restituit vbertas. Est tanti, vt gratum inuenias, experiri & ingratos. Nemo habet tam certam in beneficiis manum, vt non sæpe fallatur; aberrant, vt aliquando hæreant. Post naufragium maria tentantur: fœneratorem non fugat à foro decoctor. Citò inertè otio vita torpebit, si relinquendum est quidquid offendit. Te verò benigniorem hæc ipsa res faciat. nam cuius rei euentus incertus est, id, vt aliquando procedat, sæpe tentandum est. Sed de isto satis multa in iis libris locuti sumus, qui de Beneficiis inscribuntur: illud magis quærendum videtur, quod non satis (vt

existimo) explicatum est: An is qui profuit nobis, si postea nocuit, paria fecerit, & nos debito soluerit? Adijce si vis & illud: Multo plus postea nocuit, quam antea profuerat. Si rectam illam rigidi iudicis sententiam quæris, alterum ab altero absoluet, & dicet: Quamuis iniuria præponderet, tamen beneficijs donetur, quod ex iniuria superest. Plus nocuit? sed prius profuit, itaque habeatur & temporis ratio. Iam illa manifestiora sunt quam ut admoneri debeas, quærendum esse, quam libenter profuerit, quam inuitus nocuerit: quoniam animo & beneficia & iniuriæ constant. Nolui beneficium dare. victus sum aut verecundia, aut instantis pertinacia, aut spe. Eo animo quidque debetur, quo datur: nec quantum sit, sed à quali profectum voluntate, perpenditur. Nunc coniectura tollatur. Et illud beneficium fuit, & hoc quod modum beneficij prioris excessit, iniuria est. Vir bonus utrosque calculos sic ponit, ut se ipse circumscribat: beneficio adijcit, iniuriæ demit. Ille alter remissior iudex, quæ esse me malo, iniuriæ obliuisci debet, officij meminisse. Hoc certè, inquit, iustitiæ cõuenit, suum cuique reddere, beneficio gratiam, iniuriæ talionem, aut certè malam gratiam. Verum erit istud, cum alius iniuriam fecerit, alius beneficium dederit. nam si idem est, beneficio vis iniuriæ extinguitur. Nam cui, etiam si merita non antecessisset, oportebat ignosci, post beneficia

ficia lædenti, plus quàm venia debetur. Non pono vtrique par pretium: pluris æstimo beneficium, quàm iniuriam. Non omnes debere sciunt grati beneficium. Potest etià imprudens, & rudis, & vnus è turba, vtrique dum propè est ab accepto, reddere beneficium, & pensare: ignorat autem quantum debeat. Vni sapienti notum est, quanti res quæque taxanda sit. Nam ille de quo loquebar modò, stultus, etiam si bonæ voluntatis est, aut minùs quàm debet, aut tempore, aut quo non debet loco, reddit: id quod referendum est, effundit atque abiicit. Mira in quibusdam rebus verborum proprietas est: & consuetudo sermonis antiqui quædam efficacissimis, & officia docentibus, notis signat. Sic certè solemus loqui: *Ille illi gratiã retulit*. Referre, est vtrò quod debeas afferre. Non dicimus, *Gratiã reddidit*. Reddunt enim, & qui reposcuntur, & qui inuiti, & qui vbi libet, & qui per alium. Non dicimus, *Reposuit beneficium, aut soluit*: nullum enim nobis placuit, quod æri alieno cõuenit, verbum. Referre, est ad eum à quo acceperis, ferre. Hęc vox significat voluntariam relationem. Qui retulit, ipse se appellauit. Sapiens omnia examinabit secum, quantum acceperit, à quo, quando, vbi, quemadmodum. Itaque negamus quemquam scire gratiam referre, nisi sapientem. nō magis quàm beneficium dare quisquam scit, nisi sapiēs: hic scilicet, qui magis dato gaudet, quàm

quàm alius accepto . Hoc aliquis inter illa numerat , quæ videmur inopinata omnibus dicere ; *παράδοξα* Græci vocant : & ait , Nemo ergo scit præter sapientem referre gratiam ? ergo nec quod debet creditori suo , reponere quisquam scit alius ? nec cùm emit aliquam rem , pretium venditori persolvere ? Sed ne nobis fiat inuidia , scito idem dicere Epicurũ . Metrodorus certè ait , *Solum sapientem referre gratiam scire* . Deinde idem admiratur , cùm dicimus , *Solus sapiens scit amare , solus sapiens amicus est* . Atqui & amoris & amicitiae pars est , referre gratiam : vnò hoc magis vulgare est , & in plures cadit , quàm vera amicitia . Deinde idem admiratur quòd dicimus fidem nisi in sapiente non esse : tamquam non ipse idem dicat . An tibi videtur fidem habere , qui referre gratiam nescit ? Desinant itaque infamare nos , tamquam incredibilia iactantes : & sciant apud sapientẽ esse ipsa honesta , apud vulgum simulacra rerum honestarum & effigies . Nemo referre gratiam scit , nisi sapiens . Stultus quoq; vtcumq; scit , & quemadmodum potest , referat : scientia illi potius , quàm voluntas desit . Velle non dicitur . Sapiens inter se omnia comparabit : maius eius opus , aut minus sit ( quamuis idem sit ) tempore , loco , causa . Sæpè enim hoc non potuere diuitiẽ in domum infusæ , quod opportunè dati mille denarij . Multum enim interest , donaueris , an  
suc-

succurreris : seruauerit illum tua liberali-  
 tas , an instruxerit . Sæpè quod datur , exi-  
 guum est : quod sequitur ex eo , magnum .  
 Quantum autè existimas interesse , utrùm  
 aliquis quod dederat , sumpserit , an bene-  
 ficiũ acceperit , vt daret ? Sed ne in eadem ,  
 quæ satis scrutati sumus , reuoluamur ; in  
 hac comparatione beneficij & iniuriæ , vir  
 bonus iudicabit quidem quod erit æquis-  
 simum : sed beneficio fauebit , in hanc erit  
 partem procliuior . Plurimum autem mo-  
 menti persona solet afferre , in rebus eius-  
 modi . Dedisti mihi beneficium in seruo ,  
 iniuriam fecisti in patre : seruasti mihi fi-  
 lium , sed patrem abstulisti . Alia deinceps ,  
 per quæ procedit omnis collatio , prosequen-  
 tur : & si pusillum erit quod intersit , dissi-  
 mulabit . Etiam si multum fuerit , si id do-  
 nari salua pietate ac fide poterit , remittet :  
 id est , si ad ipsum tota pertinebit iniuria .  
 Summa rei hæc est . facilis erit in commu-  
 tando : patietur plus imputari sibi . inuitus  
 beneficium per compensationem iniuriæ  
 soluet : in hanc partem inclinabit , huc ver-  
 get , vt cupiat debere gratiã , cupiat refer-  
 re . Errat enim , si quis beneficiũ libentiũs  
 accipit , quàm reddit . Quanto hilarior est  
 qui soluit , quàm qui mutuatur ; tanto de-  
 bet latior esse , qui se maximo ære alieno  
 accepti beneficij exonerat , quàm qui acci-  
 piens cum maximè obligatur . Nam in hoc  
 quoque falluntur ingrati , quòd creditori  
 quidem , præter sortem , extra ordinem  
 nume-

numerant: beneficiorum autem vsum esse gratuitum putant. Et illa crescunt mora: tantòque plus soluendum est, quanto tardiùs. Ingratus est, qui beneficium reddit sine vsura. Itaque huius quoque rei habebitur ratio, cum conferentur accepta & expensa. Omnia facienda sunt, vt quam gratissimi simus. nostrum enim in hoc bonum. quemadmodum iustitia non est, vt vulgò creditur, ad alios pertinens; maxima pars eius in se redit. Nemo non cum alteri prodest, sibi profuit. Nō eo nomine dico, quòd volet adiuuare adiutus, protegere defensus, quòd bonum exemplum circuitu ad faciētem reuertitur: sicut mala exempla recidunt in auctores, nec vlla misratio contingit his, qui patiuntur iniurias, quas posse fieri, faciendo docuerunt: sed quòd virtutum omnium pretium in ipsis est. Non enim exercentur ad præmii: rectè facti, fecisse merces est. Gratus sum. non vt alius mihi libentius præstet, priori irritatus exemplo: sed vt rem iucundissimam ac pulcherrimam faciam. Gratus sum. non quia expedit; sed quia iuuat. Hoc vt scias ita esse, si gratum esse non licebit, nisi vt videar ingratus, si reddere beneficium non aliter quàm per speciem iniuriæ potero; æquissimo animo ad honestum consilium, per mediam infamiam tendam. Nemo mihi videtur pluris æstimare virtutem, nemo illi magis esse deuotus, quàm qui boni viri famam perdidit.

ne

ne conscientiam perderet. Itaque, ut dixi, maiore tuo, quàm alterius bono gratus es. Illi enim vulgaris & quotidiana res contigit, recipere quod dederat: tibi magna, & ex beatissimo animi statu profecta, gratum fuisse. Nam si malitia miseros facit, virtus beatos, gratum autem esse virtus est: rem usitatam reddidisti, inæstimabilem consecutus es, conscientiam, grati: quæ nisi in animum diuinum, fortunarumque non peruenit. In contrarium autem huic affectum, summa infelicitas vrget. Nemo si ingratus est, non miser erit: non differo illum, statim miser est. Itaque ingrati esse vitemus, non aliena causa, sed nostra. Minimū ex nequitia leuissimumque ad alios redundat: quod pessimum ex illa est, & ( ut ita dicam ) spississimū, domi remanet, & premit habentē. Quemadmodum Attalus noster dicere solebat, *Malitia ipsa maximam partem veneni sui bibit*. Illud venenum, quod serpentes in alienam perniciem proferunt, sine sua continent, non est huic simile: hoc, habentibus pessimum est. Torquet ingratus se, & macerat: odit quæ accepit, quia redditurus est, & extenuat: iniurias verò dilatat atque auget. Quid autem eo miserius, cui beneficia excidunt, hærent iniuriæ? At cōtrà sapientia exornat omne beneficium, ac sibi ipsa commendat, & se assidua eius commemoratione delectat. Malis una voluptas est, & hæc brevis, dum accipiunt beneficia:

ex



ex quibus sapienti longum gaudium manet, ac perenne. Non enim illum accipere, sed accepisse delectat: quod immortale est, & assiduum. Illa contemnit, quibus læsus est: nec obliuiscitur per negligētiam, sed volens. Non vertit omnia in peius: sed nec quærit cui imputet casum, & peccata hominum ad fortunam potius refert. Non calumniatur verba, nec vultus: quidquid accidit, benignè interpretando leuat: nec offensæ potius, quàm beneficij meminit. Quantū potest, in priore ac meliore se memoria detinet: nec mutat animū aduersus benè meritos, nisi multum malefacta præcedant, & manifestum etiam conuiuenti discrimen est: tunc quoque in hoc dumtaxat, vt talis sit post maiorem iniuriam, qualis ante beneficium. Nam cū beneficio par est iniuria, aliquid in animo beneuolentiæ remanet. Quemadmodum reus sententiis paribus absoluitur, & semper quidquid dubium est, humanitas inclinatur in melius: sic animus sapientis, vbi patia maleficijs merita sunt, desinet quidem debere, sed non desinet velle debere: & hoc facit, quod qui post tabulas nouas soluant. Nemo autem gratus esse potest, nisi contempserit ista, propter quæ vulgus insanit. Si referre vis gratiā: & in exilium eumdū est, & effundendus sanguis, & suscipienda egestas, & ipsa innocentia sepe maculāda, indignisq̃ue obijcienda rumoribus. Non paruo sibi cōstat homo gratus.

Nihil

Nihil carius æstimamus, quàm beneficiū, quādiu petimus: nihil vilius, cū accepimus. Queris quid sit, quod obliuionem acceptorum nobis faciat? cupiditas accipientorum. cogitamus non quid impetratum, sed quid impetrandum sit. Abstrahunt à recto diuitiæ, honores, potentia, & cetera, quæ opinione nostra cara sunt, pretio suo vilia. Nescimus æstimare res: de quibus non cum fama, sed cum rerum natura deliberandum est. Nihil habent ista magnificum, quo mentes in se nostras trahant, præter hoc, quòd mirari illa consueuimus. Non enim quia concupiscenda sunt, laudantur; sed concupiscuntur, quia laudata sunt: & cū singulorum error publicum fecerit, singulorum errorem facit publicus. Sed quemadmodum illa credimus, sic & in hoc fidei populi credamus, nihil esse grato animo honestius. Omnes hoc vrbes, omnes etiam ex barbaris regionibus gentes conclamabunt: in hoc bonis malisque conueniet. Erunt qui voluptates laudent, erunt qui labores malint: erunt qui dolorem maximum malum dicant, erunt qui ne malum quidem appellent: diuitias aliquis ad summum bonum admitteat, alius illas dicet humanæ malitiae repertas: nihil esse eo locupletius, cui quod donet fortuna non inuenit. In tanta iudiciorum diuersitate, referendam bene merentibus gratiā, omnes vno tibi, quod aiunt, ore affirmabunt: in hoc tam discors

turba

turba consentiet, cū interim iniurias pro beneficijs reddimus. Et prima causā est, cur quis ingratus sit, si satis gratus esse non potuit. Eò perductus est furor, ut periculosissima res sit, beneficia in aliquem magna conferre. nam quia putat turpe non reddere; non vult esse, cui reddat. Tibi habe, quod accepisti: non repeto, non exigo. profuisse tutū sit. Nullum est odiū perniciosius, quā ex beneficij violati pudore.

EPIST. LXXXII. Desij iam de te esse sollicitus. Quem, inquis, decorum sponforem accepisti? eum scilicet qui neminem fallit, animum, recti ac boni amatorem. In tuto pars tui melior est. potest fortuna tibi iniuriam facere: quod ad rem magis pertinet, non timeo, ne tu facias tibi. I, quā cœpisti: & in isto te vitæ habitu compone, placidè, non molliter. Malè tibi esse malo, quā molliter. Malè nunc sic accipe, quemadmodum à populo solet dici, durè, asperè, laboriosè. Audire solemus sic quorundam vitam laudari, quibus invidetur: *Molliter vivit*, Hoc dicunt, malus est. Paullatim enim effæminatur animus, atque in similitudinē otij sui & pigritiæ, in qua iacet, soluitur. Quid ergo? viro non vel obrigescere satius est? Deinde delicati timent mortem, cui vitam suam fecere similem. Multum interest inter otium, & conditium. Quid ergo? inquis. non satius est vel sic iacere, quā istis officiorum vorticibus volutari? Vtraq;  
res

310 L. ANNÆI SENE CÆ  
res letalis est, & contractio, & torpor. Pu-  
to, æquè qui in odoribus iacet mortuus  
est, quàm qui rapitur vnco. Otium sine lit-  
teris mors est, & hominis viui sepultura.  
Quid deniq; prodest secessisse, tamquam  
non trans maria nos solitudinum caus-  
sæ persequantur? Quæ latebra est, in quã  
non intret metus mortis? quæ tam muni-  
ta, & in altum subducta vitæ quies, quam  
non dolor territet? Quocumque te abdide-  
ris, mala humana circumstrepent. Multa  
extra sunt, quæ circumeunt nos, quò aut  
fallant, aut vrgeant: multa intus, quæ etiam  
in media solitudine exæstuant. Philoso-  
phia circumdanda est, inexpugnabilis mu-  
rus, quem fortuna multis machinis lace-  
situm non transit. In insuperabili loco stat  
animus, qui externa deseruit, & arce se  
sua vindicat: infra illum omne telum ca-  
dit. Non habet, vt putamus, fortuna lon-  
gas manus: neminẽ occupat, nisi hæren-  
tem sibi. Itaque quantum possumus, ab il-  
la resiliamus: quod sola præstabit sui natu-  
ræque cognitio. Sciat quò iturus sit, vnde  
ortus: quod illi bonum, quod malum sit:  
quid petat, quid deuitet: quæ sit illa ratio;  
quæ appetenda ac fugienda discernat, qua  
cupiditatum mansuescit insania, timorum  
sæuitia compefcitur. Hæc quidam putant  
ipfos etiam sine philosophia repressisse:  
sed cùm securos aliquis casus expertus  
est, exprimitur sera confessio. Magna ver-  
ba excidunt, cùm tortor poposcit manum,  
cùm

cū mors propitius accessit. Possis illi dicere: Facile prouocabas mala absentia: ecce dolor, quem tolerabilem esse dicebas: ecce mors, quam contra multa animosè locutus es; sonant flagella, gladius micat:

*Nunc animis opus Aenea, nunc pectore  
firmo.*

Faciet autem illud firmum assidua meditatio: si non verba exercueris, sed animū: si contra mortem te præparaueris: aduersus quam non exhortabitur, nec attollet, qui cauillationibus tibi persuadere tentauerit, mortem malum non esse. Libet enim, Lucili virorum optime, ridere ineptias Græcas, quas nondum, quamuis mitter, excussi. Zeno noster hac collectione utitur: Nullum malum gloriosum est: mors autem gloriosa est: mors ergo non est malum. Profecisti. liberatus sum metu: posthæc, non dubitabo porrigere ceruicem. Nō vis seueriùs loqui, nec morituro risum mouere? Non mehercule facile tibi dixerim, utrū ineptior fuerit, qui se hac interrogatione iudicauit mortis metum extinguere: an qui hoc tamquam ad rem pertineret, conatus est soluere. Nā & ipse interrogationē contrariam opposuit, ex eo natam, quòd mortē inter indifferētia ponimus, quæ ἀδιάφορα Græci vocant. Nihil, inquit, indifferens gloriosum est: mors autem gloriosum est: ergo mors nō indifferens. Hæc interrogatio vides ubi obrepit. mors non est gloriosa, sed  
forti-

fortiter mori gloriosum est : & cū dicit, Indifferens nihil gloriosum est ; concedo tibi ita, vt dicam , nihil gloriosum esse, nisi circa indifferentia . Indifferentia autem esse dico, nec bona , nec mala , tamquam morbum , dolorem , paupertatem , exilium, mortem: nihil horum per se gloriosum est, nihil tamen sine his . Laudatur enim non paupertas, sed is quem non submittit , nec incuruat: laudatur non exiliū , sed qui hoc non doluit: laudatur non dolor , sed ille quem nihil coegit dolor . Nemo mortem laudat , sed cū cui mors antē abstulit animū , quā conturbauit . Omnia ista per se non sunt honesta , nec gloriosa: sed quidquid virtus ex illis adiit, tractauitque , honestum & gloriosum facit . Illa in medio posita sunt : interest , vtrū malacia illis an virtus manum adinouerit . Mors enim illa , quæ in Catone gloriosa est, in Bruto statim turpis est & erubescenda . Hic est enim Brutus , qui cū periturus mortis moras quæreret , ad exonerandum ventrem secessit, & euocatus ad mortem, iussusque præbere ceruicē : *Præbebo* , inquit : *ita viuam* . Quæ dementia est fugere, cū retrō ire nō possis? *Præbebo*, inquit: *ita viuam*. panē adiecit, vel sub Antonio . O hominem dignum , qui vitæ dederetur! Sed vt ceperam dicere, vides ipsam mortem nec malum esse, nec bonum: Cato illa honestissimè vsus est , turpissimè Brutus . Omnis res, quod nō habuit decus,

virtute

virtute addita sumit. Cubiculum lucidum dicimus: hoc idem obscurissimum est nocte: dies illi lucem infundit, nox eripit. Sic istis quæ à nobis indifferentia ac media dicuntur, diuitiis, viribus, formæ, honoribus, regno: & contrà, morti, exilio, malæ valetudini, doloribus, quæque alia aut minus aut magis pertinuimus: aut malitia, aut virtus dat boni vel mali nomen. Massa per se nec calida, nec frigida est. in fornacem coniecta concaluit: in aquam remissa refrigit. Mors honesta est, per illud quod honestum est: id est virtus, & animus externa contemnens. Est & horum, Lucili, quæ appellamus Media, grande discrimen. Non enim sic mors indifferens est, quomodo vtrum capillos pares habeas, necne: mors inter illa est, quæ mala quidē non sunt, tamen habent mali speciem. Sui amor est, & permanendi conseruandique se insita voluntas, atque aspernatio dissolutionis: quia videtur multa nobis bona eripere, & nos ex hac cui assueuimus rerū copia educere. Illa quoque res morti nos alienat, quod hæc iam nouimus: illa ad quæ trāsituri sumus, nescimus qualia sint, & horremus ignota. Naturalis præterea tenebrarum metus est, in quas adductura mors creditur. Itaque etiam si indifferens mors, non tamen inter ea est quæ facile negligi possint: magna exercitatione durandus est animus, vt conspectum eius, accessumque patiat. Mors contemni debet

magis,quàm solet.multa enim de illa credimus: multorum ingeniis certatum est, ad augendam eius infamiam. Descriptus est carcer infernus, & perpetua nocte oppressa regio,in qua ingens ianitor Orci,  
*Ossa super recubās antro semesa cruēto,  
 Æternum latrans exsanguis territat  
 umbras.*

Sed etiam cū persuaseris ista fabulas esse, nec quidquā defunctis superesse quod timeant,subit alius metus. Æquē enim timeant, ne apud inferos sint, quā ne nūquam. His aduersantibus,quæ nobis infundit longa persuasio, fortiter pati mortem, quid in gloriosum sit, & inter maxima opera mentis humanæ? quæ numquam ad virtutem exsurgat, si mortem malum esse crediderit: exsurgat, si putabit indifferens esse. Non recipit rerum natura, ut aliquis magno animo accedat ad id quod malum iudicat: pigre veniet, & cunctanter: non est autem gloriosum, quod ab intuitu & tergiversante fit. nihil facit virtus, quia necesse est. Adijce nunc, quod nihil honestè sit, nisi cui totus animus incubuit atq; affuit, cui nulla parte sui repugnauit. Vbi autem ad malum acceditur, aut peiorum metu fit, aut spe bonorum, ad quæ peruenire tanti fit, deuorata vnius mali patientia. Dissident inter se iudicia facientis. Hinc est, quod iubeat proposita perficere: illinc, quod retrahat, & ab re suspecta ac periculosa fuget. Igitur in diuersa distrahitur. Si  
 hoc



hoc est, perit gloria. Virtus enim cōcordi animo decreta peragit: non timet q̄ facit.

*Tu ne cede malis, sed cōtra audētior ito:*

*Quàm tua te Fortuna sinet.*

Non ibis audentior, si mala illa esse credideris. Eximendum hoc è pectore est: alioquin hæsitabit impetum moratura suspicio. trudetur in id, quod inuadendum est. Nostri quidem videri volunt Zenonis interrogationem veram esse, fallacem autem alteram & falsam, quæ illi opponitur. Ego non redigo ista ad legem Dialecticā, & ad illos artificij veterinosissimi nodos: totum genus istud exturbandum iudico, quo circumscribi se qui interrogatur, existimat, & ad confessionem perductus aliud respondet, aliud putat. Pro veritate simpliciùs agendum est: contra metum fortiùs. Hæc ipsa quæ voluuntur ab illis, soluere malim & expendere, vt persuadeam, non vt imponam. In aciem educturus exercitum, pro coniugibus ac liberis mortē obiturum, quomodo exhortabitur? Do tibi Fabios, totū Reip. bellum in vnam transferentes domum. Laconas tibi ostendo, in ipsis Thermopylarum angustiis positos, nec victoriam sperantes, nec reditum. ille locus illis sepulchrum futurus est. Quemadmodum exhortaris, vt totius gentis ruinam, obiectis corporibus excipiant, & vita potiùs quàm loco cedant? Dices, quod malum est, gloriosum non est: mors gloriosa est: mors ergo non malum? O efficacem

concionem ! Quis post hanc dubitet se infestis ingerere mucronibus, & stans mori ? At ille Leonidas quàm fortiter illos allocutus est ? *Sic, inquit, commilitones prandete, tamquam apud inferos cœnaturi.* Non in ore creuit cibus, non hæsit in faucibus, non elapsus est manibus: alacres illi & ad prandium promiserunt, & ad cœnam. Quid dux ille Romanus, qui ad occupandum locum milites missos, cùm per ingentem hostium exercitum ituri essent, sic allocutus est ? *Ire commilitones illò necesse est: unde redire non est necesse.* Vides quàm simplex & imperiosa virtus sit. Quem mortalium circumscriptiones vestræ fortio- rem facere, quem erectio- rem possunt ? Frangunt animum. qui numquam minùs contrahendus est, & in minuta ac spinosa cogendus, quàm cùm aliquid grande componitur. Non trecentis, sed omnibus mortalibus mortis timor detrahi debet. quomodo illos docebis malum non esse ? quomodo opiniones totius æui, quibus protinus infantia imbuitur, euinces ? quod auxilium inuenies ? Quid dices imbecillitati humanæ ? quid dices quo inflammati in media pericula irruant ? qua oratione hunc timendi consensum, quibus ingenij viribus obnixam contra te persuasionem humani generis auertes ? verba mihi captiosa componis, & interrogatiunculas nectis. Magnis telis magna portenta feriuntur. Serpentem illam in Africa sæuam, & Roma-

nis legionibus bello ipso terribiliorem, frustra sagittis fundisq; perierunt. Ne Pytho quidem vulnerabilis erat, cum ingens magnitudo pro vastitate corporis solida, ferrum, & quidquid humanæ torserant manus, reijceret. molaribus demum fracta saxis est: & aduersus mortem tu tam minuta iacularis? subula leonem excipis? Acuta sunt ista quæ dicis. Nihil est acutius arista. quædam inutilia & inefficacia, ipsa subtilitas reddit.

EPIST. LXXXIII. Singulos dies tibi meos, & quidem totos, indicari iubes. Benè de me iudicas, si nihil esse in illis putas, quod abscondam. Sic certè viuendum est, tamquam in conspectu viuamus: sic cogitandum, tamquam aliquis in pectus intimum inspicere possit: & potest. Quid enim prodest ab homine aliquid esse secretum? nihil Deo clusum est. Interest animis nostris, & cogitationibus mediis interuenit. Sic interuenit dico, tamquam aliquando discedat. Faciam ergo quod iubes, & quid agam, & quo ordine, libenter tibi scribam. obseruabo me protinus: & quod est utilissimum, diem meum recognoscam. Hoc nos pessimos facit, quod nemo vitam suam respicit. Quid facturi simus, cogitamus, & id raro: quid fecerimus, non cogitamus. atqui consiliū futuri ex præterito venit. Hodie nūc dies solidus est. nemo ex illo quidquā mihi eripuit: totius inter stratū lectionēq; diuisus.

diuisus est. Minimum exercitationi corporis datum: & hoc nomine ago gratias senecturi. non magno mihi constat: cum me moui, lassus sum. Hic autem exercitationis, etiam fortissimis, finis est. Progymnastas meos quæris? vnus mihi sufficit Earinus, puer (vt scis) amabilis: sed mutabitur. Iam aliquem teneriorem quæro. Hic quidem ait, nos eandem crîsim habere, quia vtrique dentes cadunt: sed iam vix illum assequor currentem, & intra paucissimos dies nō potero. vide quid exercitatio quotidiana proficiat. Citō magnum interval- lum fit, inter duos itinere diuerso euntes. eodem tempore ille ascendit, ego descen- do: nec ignoras, quanto ex his velocius al- terum fiat. Mentitus sum. iam enim ætas nostra non descendit, sed cadit. Quomo- do tamen hodiernum certamen nobis ces- serit, quæris? quod rarō cursoribus euenit, Hieran fecimus. Ab hac fatigatione ma- gis, quàm exercitatione, in frigidam de- scendi. hoc apud me vocatur parū calda. Ille tantus Pſychrolutes, qui Kalendis Ia- nuariis in Euripum saltabam, qui anno no- uo quemadmodum legere, scribere, dicere aliquid, sic auspicabar in Virginem desili- re, primū ad Tiberim transtuli castra: deinde ad hoc solium, quod cum fortissi- mus sum, & omnia bona fide fiunt, sol tē- perat. non multum mihi ad balneum su- pereſt. Panis deinde siccus, & sine mensa prandium: post quod non sunt lauandæ  
manus.

manus. Dormio minimū. consuetudinem meam nosti: breuissimo somno vtor, & quasi interiungo. Satis est mihi, vigilare desisse. aliquando dormisse me scio, aliquando suspicor. Ecce Circensium obstrepit clamor: subita aliqua & vniuersa voce feriuntur aures meæ. nec cogitationem meam excutiunt, nec interrumpunt quidem. Fremitum patientissimè fero: multæ voces, & in vnum confusæ, pro fluctu mihi sunt, aut vento siluam verberante, & ceteris sine intellectu sonantibus. Quid ergo est? nunc cui animū adiecerim, dicam. Superest ex hesterno mihi cogitatio, quid sibi voluerint prudentissimi viri, qui rerum maximarū probationes leuissimas & perplexas fecerunt: quæ ut sint veræ, mēdacio tamen similes sunt. Vult nos ab ebrietate deterrere Zeno, vir maximus, huius sectæ fortissimæ ac sanctissimæ conditor. Audi ergo quemadmodū colligat, virū bonum nō futurum ebrium. Ebrio secretū sermonē nemo cōmittit: viro autem bono committit: ergo vir bonus ebrius nō erit. Quē admodum opposita interrogatione simili derideatur, attende. Satis enim est, vnā ponere ex multis. Dormienti nemo secretū sermonē committit: viro bono autē committit: ergo vir bonus nō dormit. Quo vno modo potest, Posidonius Zenonis nostrī causā agit: sed ne sic quidem, ut existimo, agi potest. Ait enim ebrium duobus modis dici: altero, cū aliquis vino

gravis est, & impos sui: altero, si solet ebrius fieri, & huic obnoxius vitio est. Nunc à Zenone dici qui soleat fieri ebrius, non qui sit. Huic autem neminem commissurum arcana, quæ per vinum eloqui possit. quod est falsum. Prima enim illa interrogatio complectitur eum qui est ebrius, non eum qui futurus est. Plurimum enim interesse concedes inter ebrium & ebriosum. potest & qui ebrius est, tunc primum esse, nec habere hoc vitium: & qui ebrius est, sæpè extra ebrietatem esse. Itaque id intelligo, quod significari verbo isto solet: præsertim cum ab homine diligentiam professio ponatur, & verba examinante. Audijce nunc, quod si hoc intellexit Zeno, & nos intelligere voluit, ambiguitate verbi quæsiuit locum fraudi: quod faciendum non est, ubi veritas quæritur. Sed sanè hoc senserit: quod sequitur, falsum est, ei qui soleat ebrius fieri, non committi sermonem secretum. Cogita enim quàm multis militibus, non semper sobriis, & imperator, & tribunus, & centurio, tacenda mandauerit. De illa C. Cæsaris cade, illius dico qui superato Pompeio Rempublicam tenuit, tam creditum est Tillio Cimbro, quàm C. Cassio. Cassius tota vita aquam bibit: Tillius Cimber & nimius erat in vino, & scordalus. In hanc rem iocatus est ipse: *Ego, inquit, quemquam feram, qui vinum ferre non possum?* Sibi quisque nunc nominet eos, quibus scit & vinum malè credi, &

ser-

sermonem benè. Vnum tamen exemplū, quod occurrit mihi, referam, ne interci-  
dat. Instruenda est enim vita exemplis il-  
lustribus. non semper confugiamus ad ve-  
tera. L. Piso, urbis custos, ebrius ex quo se-  
mel factus est, fuit. maiorem partem no-  
ctis in conuiuium exigebat: vsque in horam  
sextam ferè dormiebat: hoc erat eius ma-  
tutinum. Officium tamen suum, quo tute-  
la urbis continebatur, diligentissimè ad-  
ministrauit. Huic & diuus Augustus de-  
dit secreta mandata, cum illum præpone-  
ret Thraciæ, quam perdomuit: & Tibe-  
rius proficiscens in Campaniā, cum multa  
in vrbe & suspecta relinqueret & inuisa.  
Puto quia illi benè cesserat Pisonis ebrie-  
tas, postea Cossū fecit urbis præfectum,  
virū grauem, moderatum, sed mersum vi-  
no, & madentē: ad eò, vt ex senatu aliquan-  
do, in quem è conuiuium venerat, oppressus  
inexcitabili somno, tolleretur. Huic tamē  
Tiberius multa sua manu scripsit. quæ cō-  
mittenda ne ministris quidem suis iudi-  
cabat. Nullum Cossio aut priuatum secre-  
tū, aut publicum elapsū est. Itaq; decla-  
mationes istas de medio remoueamus.  
Non est animus in sua potestate, ebrietate  
deuinctus. Quēadmodum musto dolia ip-  
sa rūpuntur, & omne quod in imo iacet, in  
summā partem vis caloris eiectat: sic vino  
exæstuante, quidquid in imo iacet abditū,  
effertur, & prodit in mediū. Onerati me-  
ro, quemadmodum nō continent cibum,

vino redundante, ita ne secretum quidem: quod suum alienumque est, pariter effundunt. Sed quamuis hoc soleat accidere, ita & illud solet, ut cum his quos scimus libentius bibere, de rebus necessariis deliberemus. Falsum est ergo hoc, quod patrocini loco ponitur, ei qui soleat ebrius fieri, non dari tacitum. Quanto satius est, aperte accusare ebrietatem, & vitia eius exponere? quæ etiã tolerabilis homo vitauerit, nedũ perfectus ac sapiens. cui satis est sitim extinguere: qui etiam si quando orta est hilaritas, aliena causa producta longius, tamen citra ebrietatem resistit. Nam de illo videbimus, an sapientis animus nimio vino turbetur, & faciat ebriis solita. Interim si hoc colligere vis, virum bonum non debere ebrium fieri, cur syllogismis agis? dic quàm turpe sit, plus sibi ingerere quàm capiat, & stomachi sui non nosse mensuram: quàm multa ebrij faciant, quibus sobrij erubescant: nihil aliud esse ebrietatẽ, quàm voluntariam insaniam. Extende in plures dies illum ebrij habitum: numquid de furore dubitabis? nunc quoque non est minor, sed breuior. Refer Alexandri Macedonis exemplum, qui Clitum carissimũ sibi ac fidelissimum inter epulas transfodit: & intellecto facinore, mori voluit, certè debuit. Omne vitium ebrietas & incendit, & detegit: obstantem malis conatibus verecundiam remouet. Plures enim pudore peccandi, quàm bona voluntate, prohibitis



hibitis abstinent. Vbi possedit animum,  
nimia vis vini, quidquid mali latebat, e-  
mergit. Non facit ebrietas vitia, sed pro-  
trahit. tunc libidinosus ne cubiculum qui-  
dē exspectat, sed cupiditatibus suis, quan-  
tum petierint, sine dilatione permittit: tunc  
impudicus morbum profitetur ac publi-  
cat: tunc petulans non linguam, non ma-  
num continet. Crescit insolenti superbia,  
crudelitas sæuo, malignitas liuido: omne  
vitium detegitur & prodit. Adijce illam  
ignorationem sui, dubia & parum expla-  
nata verba, incertos oculos, gradum erran-  
tem, vertiginem capitis, tecta ipsa mobi-  
lia, velut aliquo turbine circumagente to-  
tam domum: stomachi tormenta, cum ef-  
feruescit merum, ac viscera ipsa distendit.  
Tunc tamen utcumque tolerabile est, dum  
illi vis sua est: quid cum somno vitatur,  
& quæ ebrietas fuit, cruditas facta est? Co-  
gita quas clades ediderit publica ebrietas.  
Hæc acerrimas gentes, bellicosasque, ho-  
stibus tradidit: hæc multorum annorum  
pernicii bello defensa mœnia patefecit:  
hæc contumacissimos, & iugum recusan-  
tes, in alienum egit arbitrium: hæc inui-  
ctos acie mero domuit. Alexandrum, cu-  
ius modò feci mentionem, tot itinera, tot  
prælia, tot hiemes, per quas, victa tempo-  
rum locorumque difficultate, transierat,  
tot flumina ex ignoto cadentia, tot maria  
tutum dimiserunt: intemperantia bibendi,  
& ille Herculaneus ac fatalis scyphus cō-  
didit.

didit. Quæ gloria est, capere multum? Cùm penes te palma fuerit, & propinationes tuas strati somno ac vomitantes recusaue- rint, cùm superstes toti cōuiuiio fueris, cùm omnes viceris virtute magnifica, & nemo tam vini capax fuerit; vinceris à dolio. M. Antonium, magnum virum & ingenij nobilis, quæ alia res perdidit; & in externos mores ac vitia nō Romana traiecit, quàm ebrietas, nec minor vino Cleopatram amor? Hæc illum res hostem reipublicæ, hæc hostibus suis imparem reddidit, hæc crudelem fecit, cùm capita principum ciuitatis cananti referrentur, cùm inter apparatus- simas epulas luxusque regales ora ac manus proscriptorum recognosceret, cùm vino gratis, sitiret tamen sanguinem. Intolerabile erat quod ebrius faciebat; etiam si sobrius faceret: quanto intolerabilius, quod hæc in ipsa ebrietate faciebat? Ferè vinolentiam crudelitas sequitur. violatur enim exasperaturque sanitas mentis. Quæ- admodum difficiles faciunt oculos diutini morbi, etiam ad minimam radij solis of- fensionem: ita ebrietates continuæ effe- rant animos. Nam cùm sæpe apud se non sint, consuetudine insanix durata vitia, vi- no concepta, et iam sine illo valent. Dic er- go, quare sapiens non debeat ebrius fieri. Deformitatem rei & importunitatem o- stende rebus, non verbis: quod facillimum est. Proba istas, quæ voluptates vocantur, ubi transcenderint modum, pœnas esse.

Nam

Nam si illud argumentaberis, sapientem multo vino inebriari, & retinere rectum tenorem, etiam si temulentus sit: licet colligas, nec veneno poto moriturum, nec sopore sumpto dormiturum, nec elleboro accepto quidquid in visceribus hærebit, eiecturum, deiecturumque. Sed si tentantur pedes, lingua non constat: quid est, quare illum existimes in parte sobrium esse, in parte ebrium?

EPIST. LXXXIV. Itinera ista quæ segnitiam mihi excutiunt, & valetudini meæ prodesse iudico, & studiis. Quare valetudinem adiuuent, vides: cum pigrum me, & negligentem corporis, litterarum amor faciat, aliena opera exerceor. Studiis quare profint, indicabo. A lectionibus recessi. Sunt autem, ut existimo, necessariae, primum, ne sim me vno contentus: deinde, ut cum ab alijs quæsitâ cognouero, tum & de inuentis iudicem, & cogitem de inueniendis. Alit lectio ingenium: & studio fatigatum, non sine studio tamen, reficit. Nec scribere tantum, nec tantum legere debemus. altera res contristabit, & vires exhauriet: de stilo dico: altera soluet ac diluet. Inuicem hoc illo commutandum est, & alterum altero temperandum: ut quidquid lectione collectum est, stilius redigat in corpus. Apes (ut aiunt) debemus imitari, quæ vagantur, & flores ad mel faciendum idoneos carpunt: deinde quidquid attulere, disponunt, ac per fauos digerunt.

326. L. ANNÆI SENECAE  
digerunt: & , vt Virgilius noster ait ,

— *liquentia mella:*

*Stipant , & dulci distendunt nectare  
cellas.*

De illis non satis constat, vtrum succum  
ex floribus ducant, qui protinus mel sit :  
an quæ collegerunt, in hunc saporem mix-  
tura quadam, & proprietate spiritus sui,  
intrent. Quibusdam enim placet, non fa-  
ciendi mellis scientiam esse illis, sed colli-  
gendi. Aiunt inueniri apud Indos mel in  
arundinum foliis, quod aut ros illius cœli,  
aut ipsius arundinis humor, dulcis & pin-  
guior gignat. In nostris quoque herbis  
vim eandem, sed minùs manifestam &  
notabilem poni: quam persequatur & cō-  
trahat animal huic rei genitum. Quidam  
existimant, conditura & dispositione in  
hanc qualitatem verti, quæ ex tenerrimis  
virentium florentiumque decerpserint: nō  
sine quodam, vt ita dicam, fermento, quo  
in vnum diuersa coalescunt. Sed ne ad  
aliud, quàm de quo agitur, abducar, nos  
quoque apes debemus imitari, & quæcum-  
que ex diuersa lectione conessimus, se-  
parare: meliùs enim distincta seruantur.  
deinde adhibita ingenij nostri cura & fa-  
cultate, in vnum sapore varia illa libamen-  
ta confundere: vt etiam si apparuerit vnde  
sumptum sit, aliud tamen esse, quàm vnde  
sumptum est, appareat. Quod in corpore  
vostro videmus, sine vlla opera nostra, fa-  
cere naturam. Alimenta quæ accepimus,  
quam-

quamdiu in sua qualitate perdurant, & solida innatant stomacho, onera sunt: at cùm ex eo quod erant, mutata sunt, tunc demum in vires & in sanguinem trãseunt. Idem in his, quibus aluntur ingenia, præstemus: vt quæcumque hausimus, non patiamur integra esse, ne aliena sint. Concoquamus illa: alioquin in memoriam ibunt, non in ingenium. Assentiamur illis fideliter; & nostra faciamus, vt vnum quiddam fiat ex multis: sicut vnus numerus fit ex singulis, cùm minores summas & dissidentes computatio vna comprehēdit. Hoc faciat animus noster. omnia quibus est adiutus, abscondat; ipsum tantum ostendat, quod effecit. Etiam si alicuius in te cōparebit similitudo, quem admiratio tibi altius fixerit: similē esse te volo quomodo filium, non quomodo imaginem. Imago, res mortua est. Quid ergo? non intelligetur cuius imiteris orationem? cuius argumentationē? cuius sententias? Puto aliquādo ne intelligi quidem posse, si magni viri. nec enim omnibus, quæ ex quoque velut exemplaria traxit, formam suā impressit, vt in vnitatem illam competant. Nō vides quàm multorum vocibus chorus constet? vnus tamē ex omnibus sonus redditur. aliqua illic acuta est, aliqua grauis, aliqua media. accedunt viris feminae, interponuntur tibiæ: singulorum illic latent voces, omnium apparēt. De choro dico, quē veteres Philosophi nouerāt. In cōmissionibus nostris

stris plus cantorum est, quàm in theatris olim spectatorum fuit. cum omnes vias ordo canentium impleuit, & catæa æneatoribus cincta est, & ex pulpito omne tibiæ genus organorumque consonuit, fit concentus ex dissonis. Talem animum esse nostrum volo, ut multæ in illo artes, multa præcepta sint, multarum ætatum exempla, sed in vnum conspirata. Quomodo, inquis, hoc effici poterit? assidua intentione: si nihil egerimus, nisi ratione suadente. hanc si audire volueris, dicet tibi: Relinque ista iamdudum, ad quæ discurretur. relinque diuitias, aut periculum possidentium, aut onus. relinque corporis atque animi voluptates: molliunt & enervant. relinque ambitum: tumida res est, vana, ventosa. nullum habet terminum. tam sollicita est, ne quem ante se videat, quàm ne post se alium. laborat invidia, & quidem duplici. Vides autem quàm miser sit is, cui inuidetur, si & inuider. Inueris illas potentium domos, illa tumultuosa, rixa salutarium, limina? multum habet contumeliarum, ut intres; plus, cum intraueris. Præter istos gradus diuitum, & magno aggestu suspensa vestibula. non in prærupto tantum istic stabis, sed in lubrico. Huc potius te ad sapientiam dirige, tranquillissimæque res, & simul amplissimas, pete. Quæcunque videntur eminere in rebus humanis, quamuis pusilla sint, & comparatione humillimorum extent, per difficiles

es tamen & arduos tramites adeuntur .  
 fragosa in fastigium dignitatis via est .  
 si conscendere hunc verticem libet, cui  
 fortuna submisit: omnia quidem sub te,  
 læ pro excelsissimis habentur, adspicies,  
 d tamen venies ad summa per planum.

EPIST. LXXXV. Peperceram tibi;  
 quidquid nodosi adhuc supererat, præ-  
 rieram: contentus quasi gustum tibi da-  
 eorum, quæ à nostris dicuntur, ut pro-  
 ctur virtus ad explendam beatam vitam  
 ola satis efficax, Iubes me, quidquid est in-  
 errogationum aut nostrarum, aut ad tra-  
 litionem nostram excogitatarum, com-  
 prehendere: quod si facere voluero, non  
 erit epistola, sed liber. Illud toties testor,  
 hoc me argumentorum genere non dele-  
 ctari. pudet in aciem descendere pro diis  
 hominibusque susceptam, subula armatū .  
 Qui prudēs est, & temperans est: qui tem-  
 perans est, & constans: qui constans est,  
 & imperturbatus est. qui imperturbatus  
 est, sine tristitia est. qui sine tristitia est,  
 beatus est: ergo prudens beatus est, &  
 prudentia ad beatam vitam satis est. Huic  
 collectioni hoc modo Peripateticorum  
 quidam respondent. ut imperturbatum,  
 & constantē, & sine tristitia; sic interpre-  
 tentur, tamquā imperturbatus dicatur, qui  
 rarò perturbatur, & modicē, nō qui num-  
 quam. Item sine tristitia eum dici aiunt,  
 qui non est obnoxius tristitiæ, nec fre-  
 quens, nimisve in hoc vitio. Illud enim  
 huma-

humanam naturam negare, alicuius animum immunem esse tristitia: sapientem non vinci, mœrore, ceterum tangi: & cetera in hunc modum sectæ suæ respondentia. Non hi tollunt affectus, sed temperant: quantulum autem sapienti damus, si imbecillimis fortior est, & mœstissimis lætior, & effrænatis moderationis, & humillimis maior? Quid si miretur velocitatem suam Ladas, ad claudos debilescque respiciens?

*Ille vel intacta segetis per summa volaret.*

*Gramina, nec cursu teneras lasisset aristas,*

*Vel mare per medium fluctu suspensæ tumenti.*

*Ferret iter, celeres nec tingeret aquore plantas.*

Hæc est pernicitas per se æstimata, nō quæ tardissimorū collatione laudatur. Quid si sanum voces, leuiter febricitantem? non est bona valetudo, mediocritas morbi. Sic, inquit, sapiens imperturbatus dicitur, quomodo apyrina dicuntur, nō quibus nulla inest duritia granorum, sed quibus minor. Falsum est. Non enim diminutionē malorum in bono viro intelligo, sed vacationē. nulla debēt esse; non parua. Nā si vltæ sint, crescent, & interim impediunt. Quomodo oculus maior & perfectæ suffusio excæcat, sic modica turbat. Si dās aliquos affectus sapienti, impar illis erit ratio, & velut torrente.



rente quodam auferetur: præsertim cum illi non vnum, sed vniuersum affectuum cœtum relinquis, cum quo colluctetur. Plus potest quamuis mediocrium turba, quàm posset vnius magni violentia. Habet pecunię cupiditatem, sed modicam: habet ambitionem, sed non concitatam: habet iracundiam, sed placabilem: habet inconstantiam, sed minùs vagam ac mobilem: habet libidinem, non insaniam. Meliùs cum illo ageretur, qui vnum vitium integrum haberet, quàm cum eo qui leniora quidem, sed omnia. Deinde nihil interest, quã magnus sit affectus: quãtuscumque est, parere nescit, consilium non accipit. Quemadmodum rationi nullum animal obtemperat, non ferum, non domesticum & mite; natura enim illorum est surda suadenti: sic non sequuntur, nō audiunt affectus, quantulicumq; sint. Tigres, leonesq; numquam feritatem exuunt, aliquando submittūt: & cum minimè expectaueris, exasperatur toruitas mitigata. Nunquã bona fide vitia mansuescunt. Deinde si ratio proficit, ne incipient quidem affectus. si inuita ratione cœperint, inuita perseuerabunt. Facilius est enim, initia illorum prohibere, quàm impetum regere. Falsa est itaq; ista mediocritas & inutilis, eodemq; loco habenda, quo si quis diceret modicè insaniendū, modicè ægrotandum. Sola virtus habet, nō recipiunt animi mala, temperamentum: facilius sustuleris illa,

illa, quàm rexis. Numquid dubium est, quin vitia mentis humanæ inueterata & dura, quæ morbos vocamus, immoderata sint: ut avaritia, ut crudelitas, ut impotentia, ut impietas? ergo immoderati sunt & affectus: ab his enim ad illa transitur. Deinde si das aliquid iuris tristitiæ, timori, cupiditati, ceterisque moribus pravis, non erunt in nostra potestate. Quare? quia extra nos sunt, quibus irritantur. Itaque crescunt, prout magnas habuerint minoresve causas, quibus concitentur. maior erit timor, si plus quòd exterreatur, aut propius adspexerit: acrior cupiditas, quòd illam amplioris rei spes euocauerit. Si in nostra potestate non est, an sint affectus; ne illud quidem est, quanti sint: si ipsis permisisti incipere, cū causis suis crescent, tantique erunt, quāti fient. Adijce nunc, quòd ista quātumuis exigua sint, in maius excedunt. numquam perniciofa seruant modum. Quamuis leuia initia morborum, serpunt: & ægra corpora, minima interdum mergit accessio. Illud verò cuius dementia est credere, quarum rerum extra nostrum arbitrium posita principia sunt, earum nostri esse arbitrij terminos? Quomodo ad id finiendum satis valeo, ad quod prohibendum parum valui? cū facilius sit excludere, quàm admissa comprimere. Quidam ita distinxerunt, ut dicerent: Temperans ac prudens positione quidem mentis, & habitu tranquillus est,

euen-

euentu non est. nam quantum ad habitum mentis suæ, non perturbatur, nec contristatur, nec timet: sed multæ extrinsecus causæ incidunt, quæ illi perturbationem afferant. Tale est quod volunt dicere: Iracundum quidem illum non esse, irasci tamen aliquando: & timidum quidem non esse, timere tamen aliquando: id est, vitio timoris carere, affectu non carere. Quod si recipitur, usu frequēti timor transit in vitium: & ira in animum admissa, habitum illum ira carentis animi retextit. Præterea, si non contemnit venientes extrinsecus causas, & aliquid timet, cū fortiter eundem erit aduersus tela, ignes; propria, legibus, libertate, cunctanter exhibet, & animo recedente. Non cadit autem in sapientem hæc diuersitas mentis. Illud præterea iudico obseruandum, ne duo quæ separatim probanda sunt, misceamus. Per se enim colligitur, vnum bonum esse quod honestum: per se rursus, ad vitam beatam satis esse virtutem. Si vnum bonum est, quod honestum, omnes concedunt ad beatè viuendum sufficere virtutem: è contrario non remittetur, si beatum sola virtus facit, vnum bonū esse quod honestum est. Xenocrates & Speusippus putant beatum vel sola virtute fieri posse: non tamen vnum bonum esse quod honestum est. Epicurus quoque iudicat, cū virtutem habeat, beatum esse, sed ipsam virtutem non satis esse ad beatam vitam: quia  
 beatum

beatum efficiat voluptas, quæ ex virtute est, nō ipsa virtus. Inepta distinctio. Idem enim negat, vniquam virtutem esse sine voluptate. ita si ei iuncta semper est, atque inseparabilis, & sola satis est: habet enim secum voluptatem, sine qua non est, etiam cū sola est. Illud autem absurdum est, quod dicitur beatum quidem futurum vel sola virtute; non futurum autem perfectè beatum: quod quemadmodum fieri possit, non reperio. Beata enim vita bonum in se perfectum habet, inextinguibile: quod si est, perfectè beata est. Si decorum vita nihil habet maius aut melius: beata autem vita diuina est: nihil habet, in quod ampliùs possit attolli. Præterea, si beata vita nullius est indigens, omnis beata vita perfecta est, eademque est & beata, & beatissima. Nūquid dubitas, quin beata vita summū bonum sit? ergo si summum bonum habet, summè beata est. Quemadmodum summum, adiectionem nō recipit, (quid enim supra summū erit?) ita ne beata quidem vita, quæ sine summo bono non est: Quod si aliquem magis beatum induxeris, & multo magis innumerabilia discrimina summi boni facies: cū summum bonum intelligam, quod supra se gradū non habet. Si est aliquis minùs beatus quàm alius, sequitur, vt hic alterius vitam beatoris magis concupiscat, quàm suā. beatus autem nihil suę præfert. Vtrumlibet ex his incredibile est: aut aliquid beato

to restare, quod esse quàm quod est malit:  
aut id illum non malle, quod illo melius  
est. Vtique enim quo prudentior est, hoc  
magis se ad id quod est optimum, exten-  
det, & id omni modo consequi cupiet.  
Quomodo autem beatus est, qui cupere  
etiamnum potest, imò qui debet? Dicam  
quid sit, ex quo veniat hic error. Nesciunt  
beatam vitam vnâ esse. in optimo illam  
statu ponit qualitas sua, non magnitudo.  
Itaque in æquo est longa & brevis, diffusa  
& angustior; in multa loca, multaq; par-  
tes distributa, & in vnũ coacta. Qui illam  
numero æstimat, & mensura, & partibus,  
iam illi quod habet eximium, eripit. Quid  
autẽ est in beata vita eximium? quod ple-  
na est. Finis, vt puta, edendi bibendique,  
satietas est. hic plus edit, ille minus: quid  
refert? vterque iam satur est. hic plus bibit,  
ille minus. quid refert? vterque non sitit.  
Hic pluribus annis vixit, hic paucioribus:  
nihil interest, si tam illum multi anni bea-  
tum fecerunt, quàm hunc pauci. Ille quẽ  
tu minùs beatum vocas, non est beatus: nō  
potest nomen imminui. Qui fortis est, si-  
ne timore est: qui sine timore est, sine tri-  
stitia est: qui sine tristitia est, beatus est.  
Nostorum hæc interrogatio est. Aduer-  
sus hanc sic respondere conantur, falsam  
nos rem, & controuersam pro confessâ in-  
ducere, cum qui fortis est, sine timore ef-  
fe. Quid ergo? inquit. fortis imminẽtia ma-  
la nō timebit? istud dementis alienatiq;,  
non

non fortis est. Ille verò, inquit, modèratissimè timet, sed in totum extra metum nō est. Qui hæc dicunt, rursus in idem reuoluuntur, vt illis virtutum loco sint minora vitia. Nam qui timet quidem, sed rarit̃s & minùs, non caret malitia, sed leuiore vexatur. At enim dementem puto, qui mala imminetia non extimescit. Verum est quod dicit, si mala sunt: sed si scit mala illa non esse, & vnā tantū turpitudinem malū iudicat; debet securè pericula adspicere, & alijs timenda contemnere. aut si stulti & amentis est, mala non timere: quo quis prudentior est, hoc timebit magis. Vt vobis, inquit, videtur; præbebit se periculis fortis. Minimè. non timebit illa, sed vitabit: cautio illum decet, timor non decet. Quid ergo? inquis. mortem, vincula, ignes, alia tela fortunæ non timebit? Non: scit enim illa non esse mala, sed videri: omnia ista humanæ vitæ formidines putat. Describe captiuitatem, verbera, catenas, egestatem, & membrorum lacerationes, vel per morbum, vel per iniuriam, & quidquid aliud attuleris, inter lymphaticos metus numerat. Ista timidis timenda sunt. An id existimas malum, ad quod aliquando nostra sponte veniendum est? Quæris, quid sit malum? Cedere his quæ mala vocantur, & illis libertatem suam dedere, pro qua cuncta patienda sunt. Perit libertas, nisi illa contemnimus, quæ nobis iugum imponunt. Non dubita-

dubitarent quid conueniret forti viro, si scirent quid esset fortitudo. Non est enim inconsulta temeritas, nec periculorum amor, nec formidabilium appetitio: scientia est distinguendi quid sit malum, & quid non sit. Diligentissima in tutela sui fortitudo est, & eadem patientissima eorum, quibus falsa species malorum est. Quid ergo, si ferrum intentatur ceruicibus viri fortis; si pars subinde alia atque alia suffoditur, si viscera sua in sinu suo vidit, si ex intervallo, quò magis tormenta sentiat, repetitur, & per siccata viscera recens demittitur sanguis, non timere istum iudices, non dolere? iste verò dolet: sensum enim hominis nulla exuit virtus: sed non timet. inuictus ex alto dolores suos spectat. Quæris, quis tunc animus illi sit? qui ægrum amicū adhortantibus. Quod malum est, nocet: quod nocet, deteriorem facit: dolor & paupertas deteriorem non faciunt: ergo mala non sunt. Falsum est, inquit, quod proponitur: non enim si quid nocet, etiā deteriorem facit. Tempestas & procella nocet gubernatori, non tamen illum deteriore facit. Quidā Stoici ita aduersus hoc respondent: Deteriorem fieri gubernatorem tēpestate ac procella, quia non possit id quod proposuit efficere, nec tenere cursum suum: deteriorem illum in arte sua non fieri, in opere fieri. Quibus Peripateticus: Ergo, inquit, & sapientem deteriorem faciet paupertas & dolor,

& quidquid aliud tale fuerit: virtutem enim illi non eripiet, sed opera eius impediet. Hoc rectè diceretur, nisi dissimilis esset gubernatoris cōditio, & sapiētis. Huic enim propositum est in vita agenda, non utique quod tentat efficere, sed omnia rectè facere: gubernatori propositum est, utique nauem in portum perducere. Artes ministræ sunt: præstare debent, quod promittunt: sapientia domina rectorique est. Artes seruiunt vitæ, sapientia imperat. Ergo aliter respōdendum iudico, nec artem gubernatoris deteriore vlla tempestate fieri, nec ipsam administrationem artis. Gubernator tibi non felicitatem promisit, sed utilem operam, & nauis regendæ sciētiā. hæc eo magis apparet, quò illi magis aliqua fortuita vis obstitit. Qui hoc potuit dicere, *Neptune numquam hanc nauem, nisi rectam*: arti satisfecit. tempesta non opus gubernatoris impedit, sed successum. Quid ergo? inquis. non nocet gubernatori ea res quæ illum tenere portum vetat? quæ conatus eius irritos efficit? quæ aut refert illum, aut detinet, & exarmat? Non tamquam gubernatori, sed tamquam nauigāti nocet. Alioquin gubernatoris artem ad eò non impedit, ut ostendat. tranquillo enim, ut aiunt, quilibet gubernator est. Nauigio ista obsunt, non rectori eius, quā rector est. Duas personas habet gubernator: alteram communem cum omnibus qui eandem conscenderunt nauē, qua ipse



se quoq; vector est: alteram propriam, quā gubernator est. tempestas tamquam vectori nocet, non tamquam gubernatori. Deinde gubernatoris ars alienum bonum est; ad eos quos vehit, pertinet: quomodo medici ars ad eos, quos curat: sapientia commune bonum est, & eorum cum quibus viuit, & proprium ipsius. Itaque gubernatori fortasse nocetur, cuius ministerium aliis promissum tempestate impeditur: sapienti non nocetur à paupertate, nō à dolore, non ab aliis tempestatibus vitæ. Non enim prohibentur opera eius omnia, sed tantum ad alios pertinentia: ipse semper in actu est, non in effectu. tunc maximus, cum illi fortuna se opposuit: tunc ipsius sapientiæ negotium agit, quam diximus & alienum bonum esse, & suum. Prætereà, ne aliis quidem tunc prodesse prohibetur, cum illum aliquæ necessitates, premunt. Propter paupertatem prohibetur docere, quemadmodum tractanda respublica sit: at illud docet, quemadmodum tractanda sit paupertas. per totam vitam opus eius extēditur. Ita nulla fortuna, nulla res, actus sapientis excludit. Id enim ipsum agit, quo alia agere prohibetur. Ad utrosq; casus aptus est: bonorum rector, & malorum victor. Sic, inquā, se exercuit, ut virtutē, tam in secūdis quàm in aduersis exhibeat: nec materiā eius, sed ipsam intueatur. Itaque nec paupertas illum, nec dolor, nec quidquā aliud quod imperitos auer-

rit & præcipites agit, prohibet. Tu illum premi putas malis? utitur. Non ex ebore tantum Phidias sciebat facere simulacra, faciebat ex ære: si marmor illi, si adhuc vi- liorem materiam obtulisses, fecisset quale ex illa fieri optimum posset. Sic sapiens virtutem, si licebit, in diuitiis explicabit; si minus, in paupertate: si poterit, in patria; si minus, in exilio: si poterit, imperator; si minus, miles: si poterit, integer, si minus, debilis. quamcumque fortunam acceperit, aliquid ex illa memorabile efficiet. Certi sunt domitores ferarum, qui sequissima animalia, & ad occursum exterrentia hominem, docent pati iugum: nec asperitatem excussisse contenti, usque in contubernium mitigant. Leonibus magister manum insertat, osculatur tigrim suus custos, elephantem minimus Æthiops iubet subsidere in genua, & ambulare per funem. Sic sapiens est artifex domandi mala. Dolor, egestas, ignominia, carcer, exilium, & ubicumque horrenda, cum ad hunc peruenire, mansueta sunt.

EPIST. LXXXVI. In ipsa Scipionis Africani villa iacens hæc tibi scribo, adoratis manibus eius & ara, quam sepulcrum esse tanti viri suspicor: animum quidem eius in cælum, ex quo erat, redisse persuadeo mihi. non quia magnos exercitus duxit (hos enim & Cambyles furiosus, ac furore feliciter usus habuit) sed ob egregiam moderationem pietatemque magis in illo ad-  
mira-

mirabilem, cū reliquit patriam, quā  
 cū defendit. Aut Scipio Romę deesse de-  
 bebat, aut Romę libertas: *Nihil, inquit, vo-  
 lo derogare legibus, nihil institutis. equū  
 inter omnes ciues ius sit: utere sine me be-  
 neficio meo patria. caussa tibi libertatis  
 fui, ero & argumentū. Exeo, si plus, quā  
 tibi expedit, creui.* Quid ni ego admirer  
 hanc magnitudinem animi, qua in exsi-  
 lium voluntarium secessit, & ciuitatem  
 exonerauit? Eō perducta res erat, vt aut li-  
 bertas Scipioni, aut Scipio libertati faceret  
 iniuriam. neutrum fas erat. Itaque dedit  
 locum legibus, & se Liternum recepit, tā  
 suum exiliū Reipub. imputaturus, quā  
 Hannibalis. Vidi villam structam lapide  
 quadrato, murum circumdatum silue, tur-  
 res quoq; in propugnaculum villę vtri-  
 que subrectas. Cisternam ædificiis ac vi-  
 ridibus subditam, quę sufficere in vsum  
 vel exercitus posset. Balneolum angustū,  
 tenebricosum ex consuetudine antiqua,  
 non videbatur maioribus nostris caldum,  
 nisi obscurum. Magna ergo me voluptas  
 subit, contemplantem mores Scipionis ac  
 nostros. In hoc angulo ille Carthaginis  
 horror, cui Roma debet, quod tantū se-  
 mel capta est, abluabat corpus laboribus  
 rusticis fessum: exercebat enim opere se,  
 terramque (vt mos fuit priscis) ipse subige-  
 bat. Sub hoc ille tecto tam sordido stetit,  
 hoc illum pauimentum tam vile sustinuit.  
 At nunc quis est, qui sic lauari sustineat?

pauper sibi videtur ac sordidus, nisi parietes magnis & pretiosis orbibus refulserūt; nisi Alexādrina marmora Numidicis crustis distincta sunt; nisi illis vndique operosa & in picturæ modum variata circumlitioprætexitur; nisi vitro absconditur camera, nisi Thasius lapis; quondam rarum in aliquo spectaculū templo, piscinas nostras circumdedit; in quas multa sudatione corpora exinanita demittimus; nisi aquā argentea epistomia fuderunt. Et adhuc plebeias fistulas loquor: quid cūm ad balnea libertinorum peruenero? quantum statuarum, quantum columnarum est nihil sustentium, sed in ornamentum positarum, impensæ causa? quantum aquarum per gradus cum fragore labentium? Eò deliciarum peruenimus, ut nisi gemmas calcare nolimus. In hoc balneo Scipionis minimè sunt rimæ magis quàm fenestræ, muro lapideo exsectæ, ut sine iniuria munimenti, lumen admitterent. At nūc blattaria vocant balnea, si qua non ita aptata sunt, ut totius diei solem fenestris amplissimis recipiant; nisi & lauantur simul & colorantur; nisi ex folio agros & maria prospiciunt. Itaque quæ concursum & admirationem habuerant cūm dedicarentur, hæc in antiquorum numerum reijciuntur, cūm aliquid noui luxuria commenta est, quo ipsa se obrueret. At olim & pauca erant balnea, nec vllō cultu exornata. Cur enim ornaretur res quadrantaria, & in  
 vsum,

vsum, non oblectamentum reperta? Non  
 suffundebatur aqua, nec recens semper ve-  
 lut ex calido fonte currebat: nec referre  
 credebant, in quàm perlucida sordēs de-  
 ponerent. Sed, dii boni, quàm iunabat illa  
 balnea intrare obscura, & gregali tectorio  
 inducta, quæ scires Catonem tibi ædilem,  
 aut Fabium Maximum, aut ex Corneliis  
 aliquem manu sua temperasse? Nam hoc  
 quoque nobilissimi ædiles fungebantur  
 officio, intrandi ea loca quæ populum re-  
 ceptabant, exigendiq; munditias, & vtilem  
 ac salubrem temperaturam: non hanc, quæ  
 nuper inuenta est, similis incendio; adeo  
 quidem vt conuictum in aliquo scelere  
 feruum, vinum lauari oporteat. Nihil mi-  
 hi videtur iam interesse, ardeat balneum,  
 an caleat. Quantæ nunc aliqui rusticitatis  
 damnant Scipionem, quod nō in caldarium  
 suum latis specularibus diem admiserat?  
 quod non in multa luce decoquebatur, &  
 expectabat, vt in balneo concoqueret? O  
 hominem calamitosum! nescit viuere. Nō  
 pacata aqua lauabatur, sed sæpe turbida, &  
 cum plueret vehementius, pænè lutulen-  
 ta. Nec multū eius intererat, an sic laua-  
 retur: veniebat enim, vt sudorem illic ablu-  
 ret, non vt vnguentū. Quas nunc quorum-  
 dam futuras voces credis? Non inuideo  
 Scipioni: verè in exilio vixit, qui sic laua-  
 batur. Imò si scias, nō quotidie lauabatur.  
 Nā, vt aiunt, qui priscos mores urbis tradi-  
 derūt, brachia & crura quotidie abluébāt,

quæ scilicet sordes opere collegerant : ceterum toti nundinis lauabantur. Hoc loco dicet aliquis , liquet immundissimos fuisse. Quid putas illos oluisse? militiam, laborem, virum. Postquam munda balnea inuenta sunt , spurciores sunt. Descripturus infamem & nimis notabilem deliciis Horatius Flaccus, quid ait? *Id. I. in iudic. v. 102.*

*Pastillos Rufillus olet.* —

Dares nunc Rufillum , perinde esset , ac si hircum oleret , & Gorgonij loco esset , quem idem Horatius Rufillo opposuit. Parum est sumere vnguentum , ni bis die terque renouetur , ne evanescat in corpore. Quid , quod odore tamquam suo gloriantur? Hæc si tibi nimium tristitia videbuntur , villæ imputabis : in qua didici ab Ægialo diligentissimo patrefamiliæ (is enim nunc huius agri possessor est ) quamvis vetus arbutum posse transferri . Hoc nobis senibus discere necessarium est , quorum nemo non oliuetum alteri ponit. Quod vidi , hoc dico: illud arboretum trimum aut quadrimum fastidienti fructus autumnio deponere. Te quoque proteget illa, quæ

*Tarda venit , seris factura nepotibus umbram ;*

vt ait Virgilius noster: qui nō quid verissimè, sed quid decētissimè diceretur, adspexit; nec agricolas docere voluit, sed legentes delectare. Nam ( vt omnia alia transeam ) hoc quod hodie mihi necesse fuit

reprehendere, adscribam:

*Vere fabis satio est. tunc te quoque  
medica putres*

*Accipiunt sulci, & milio venit annua  
cura.*

An vno tempore ista ponenda sint: & an  
vtriusque verna sit satio, hinc æstimes licet.  
Iunius mensis est quo tibi scribo, iam pro-  
clivius in Iulium. Eodem die vidi fabam  
metentes, milium ferentes. Ad oliuetum  
reuertor, quod vidi duobus modis dispo-  
situm. Magnarum arborum truncos cir-  
cumcisis ramis, & ad vnum redactis pe-  
dem, cum scapo suo transtulit, amputatis  
radicibus, relicto tantum capite ipso, ex  
quo illæ pependent. Hoc fimo tinctum  
in scrobem demisit: deinde terram non  
aggressit tantum, sed caleauit & pressit.  
Negat quidquam esse hac (vt ait) spissatio-  
ne efficacius: videlicet frigus excludit &  
ventum. minus prætereà mouetur: & ab  
hoc nascentes radices prodire patitur, ac  
solum apprehendere, quas necesse est te-  
neras adhuc, & precario hærentes, levis  
quoque reuellat agitatio. parum autem ar-  
boris antequam obruat radit. ex omni e-  
nim materia quæ nudata est, vt ait, exeunt  
radices nouæ. Non plures autem super ter-  
ram eminere debet truncus, quam tres aut  
quatuor pedes: statim enim ab imo vestie-  
tur: nec magna pars, quemadmodum in  
oliuetis veteribus, arida & retorrída erit.  
Alter ponendi modus hic fuit. Ramos for-

P 5 tes,

tes , nec corticis duri, quales esse nouellarum arborum solent, eodem genere deposuit. Hi paullò tardiùs surgunt : sed cùm tamquam à planta processerint , nihil habent in se horridum, nec triste. Illud etiam nunc vidi , vitem ex arbusto suo annosam transferri : huius capillamenta quoque ( si fieri potest ) collegenda sunt, deinde liberaliùs sternenda vitis , vt etiam ex corpore radicescat. Et vidi non tantùm mense Februario positas , sed etiam Martio exacto tenent, & complexæ sunt non suas vltimos. Omnes autem istas arbores, quæ ( vt ita dicam ) grandiscapiæ sunt, ait aqua adiuuandas cisternina : quæ si prodest , habemus pluuiam in nostra potestate . Plura te docere non cogito : ne quemadmodum Ægialus noster me sibi aduersarium parauit, sic ego parem te mihi.

EPIST. LXXXVII. Naufragium , antequam nauem ascenderem , feci: quomodo acciderit, non adijcio, ne & hoc putes inter Stoica paradoxa ponendū: quorū nullum esse falsum, nec tã mirabile quàm prima facie videtur , cùm volueris approbabo , imò etiam si nolueris. Interim hoc me iter docuit, quàm multa haberemus superuacua , & quàm facilè iudicio possemus deponere , quæ si quando necessitas abstulit ; non sentimus ablata. Cum paucissimis seruis, quos vnum capere vehiculum potuit, sine vllis rebus, nisi quæ corpore nostro continebantur, ego & Maximus  
meus



meus biduum iam beatissimum agimus. Culcitra in terra iacet, ego in culcitra. Ex duabus penulis, altera stragulum, altera oppertorium facta est. De prandio nihil detrahi potuit: paratū fuit non magis hora, nusquā sine caricis, nusquam sine pugillaribus. Illæ, si panem habeo, pro pulmentariō sunt: si non, pro pane. quotidie mihi annum nouum faciunt, quem ego faustū & felicem redō bonis cogitationibus, & animi magnitudine: qui numquam maior est, quā ubi aliena seposuit: & fecit sibi pacem, nihil timendō: fecit sibi diuitias, nihil concupiscendo. Vehiculum in quod impositus sum, rusticum est. Multæ viuere se ambulandō testantur, mulio excalceatus non propter æstatem. Vix à me obtineo, vt hoc vehiculum velim videri meū. Durat adhuc peruersa recti verecundia, quoties in aliquem comitatum lautiozem incidimus, inuitus erubescō: quod argumentum est, ista quæ probo, quæ laudo, nōdum habere certam sedem & immobilē. Qui sordido vehiculo erubescit, pretioso gloriatur. Parū adhuc profeci, nondum audeo frugalitatem palam ferre, etiam nunc curo opiniones viatorum. Contra totius generis humani opiniones mittenda vox erat: Infanitis, erratis, stupetis ad superuacua, neminem æstimatis suo. Cū ad patrimonium ventum est, diligentissimi computatores, sic rationem ponitis singulorum, quibus aut pecuniam credi-

turi estis, aut beneficia. Nam hæc quoque iam expensa fertis. Latè possidet, sed multum debet: habet domum formosam, sed alienis nummis paratam: familiam nemo citò speciosiore producet, sed nomini- bus non respondet. Si creditoribus solue- rit, nihil illi supererit. Idem in reliquis quoque facere debebatis, excutere quan- tum proprij quisque habeat. Diuitem il- lum putas, quia aurea supellex etiam in via eum sequitur, quia in omnibus prouin- ciis arat, quia magnus Kalendarij liber voluitur, quia tantum suburbani agri pos- sidet, quantum inuidiosè in desertis Apu- liæ possideret: & cùm omnia dixeris, pau- per est. quare? quia debet. quantum, inquis? omnia: nisi fortè iudices interessè, utrùm aliquis ab homine, an à fortuna mutuum sumpserit. Quid ad rem pertinent mulæ saginatae, vnius omnes coloris? Quid ista vehicula cæлата?

— *instrati ostro alipedes, pictisque tapetis.*

*Aurea pectoribus demissa monilia pen- dent.*

*Fecti auro, fuluum mandunt sub den- tibus aurum.*

Ista nec dominū meliorem possunt face- re, nec mulam. M. Cato Censorius (quem tam reip. herculè profuit nasci quàm Sci- pionem: alter enim cum hostibus nostris bellum, alter cum moribus gessit) canterio- uehebatur, & hippoperis quidē impositis,

ut secum vtilia portaret. O quàm cuperem illi nunc occurrere aliquem ex his troiliis in via diuitibus, cursores & Numidas, & multum ante se pulueris agentem! Hic sine dubio cultior comitatioque quàm M. Cato videretur: hic, inter illos apparatus delicatos, qui cum maximè dubitat, utrùm se ad gladium locet, an ad cultrum. O quantum erat sæculi decus, imperatorem triumphalem, censorium (& quod super omnia hæc est) Catonem, vno caballo esse contentum, & ne toto quidem! Partem enim sarcinæ, ab utroque latere dependentes, occupabant. Ita non omnibus obesis mannis, & asturconibus, & tollutarijs præferres vnicum illum equum, ab ipso Catone defricum? Video non futurum finem in ista materia vllum, nisi quem mihi ipse fecero. Hic itaque conticescam, quantum ad ista; quæ sine dubio talia diuinavit futura; qualia nunc sunt, qui primus appellauit impedimenta. Nunc volo paucissimas adhuc interrogationes nostrorū tibi reddere, ad virtutem pertinentes, quam satisfacere vitæ beatæ contendimus. Quod bonum est, bonos facit: nam & in arte musica quod bonum est, facit, musicum. fortuita bonum non faciunt: ergo non sunt bona. Aduersus hoc sic respondent Peripatetici, ut quod primum proponimus, falsum esse dicant. Ab eo, inquiunt, quod est bonū, nō utrique fiunt boni. In musica est aliquod bonum, tamquā tibia, aut chorda, aut organum.

ganum aliquod aptatum ad vsus canendi : nihil tamen horum facit musicum . Hic respondebimus . Non intelligitis , quomodo posuerimus , quod bonum est musico . Non enim id dicimus , quod instruit musicum , sed quod facit : tu ad suppellectilem artis , non ad artem venis . Si quid autem in ipsa arte musica bonum est , id utique musicum faciet . Etiamnum facere id planius volo . Bonum in arte musica duobus modis dicitur : altero , quo effectus musici adiuuatur : altero , quo ars . Ad effectum pertinent instrumenta , tibiæ , & organa , & chordæ : ad artem ipsam non pertinent . Est enim artifex etiam sine istis : uti forsitan non potest arte . Hoc non est æquè duplex in homine ; idē enim bonū & hominis , & vitæ . Quod cōtemptissimo cuique contingere ac turpissimo potest , bonum non est : opes autem & lenoni , & lanistæ cōtingunt : ergo nō sunt bona . Falsum est , inquit , quod proponitur . Nam & in grāmatica , & in arte medendi , aut gubernandi , videmus bona humillimis quibusq; contingere . Sed istæ artes non sunt magnitudinem animi professæ , non consurgunt in altum : nec fortuita fastidiunt . Virtus extollit hominem , & supra cara mortalibus collocat : nec ea quæ bona , nec ea quæ mala vocātur , aut cupit nimis , aut expauescit . Chelidon , vnus ex Cleopatæ mollibus , patrimonium grande possedit : nuper Natalis , tā improbe lingue quā in impure , in cuius ore fæmine purga-

purgabantur, & multorum heres fuit, & multos habuit heredes. Quid ergo? vtrum illum pecunia impurum effecit, an ipse pecuniam impuravit? quæ sic in quosdam homines, quomodo denarius in cloacam cadit. Virtus super ista consistit, suo ære censetur: nihil ex istis quomodolibet incurrentibus bonum iudicat. Medicina, & gubernatio, non interdicit sibi ac suis admirationem talium rerum. Qui non est vir bonus, potest nihilominus medicus esse: potest gubernator, potest grammaticus, tam mehercules quàm coquus. Cui contigit habere non quælibet, hunc non quemlibet dixeris. Qualia quisque habet, talis est. Fiscus tanti est, quantum habet: imò in accessionem eius venit quod habet. Quis pleno sacculo vllum pretium ponit, nisi quod pecuniæ in eo conditæ numerus effecit? Idem euenit magnorum dominis patrimoniorum: accessiones illorū & appendices sunt. Quare ergo sapiens magnus est? quia magnum animum habet. Verum est ergo, quod cōtemptissimo cuique contingit, bonum non esse. Itaque indolentiam numquam bonū dicam. habet illam cicada, habet pulex. Ne quietem quidem, & molestia vacare, bonum dicam. quid est otiosius verme? Quæris, quæ res sapientem faciat? quæ Deum. Des oportet illi aliquid diuinum, aliquid cœlestē, magnificum. Nō in omnes bonū cadit, nec quemlibet possessorē patitur. Vide,

Et

*Et quid quaque ferat regio, & quid  
quaque recuset.*

*Hic segetes, illic veniunt felicius vna:  
Arborei factus alibi, atque iniussa vi-  
rescunt*

*Gramina. nōne vides, croceos ut  
Tmolus odores,*

*India mittit ebur, molles sua tura Sa-  
bai?*

*At Chalybes nudi ferrum. —*

Ista in regiones descripta sunt, ut necessa-  
riū mortalibus esset inter ipsos commer-  
cium, si inuicem alius ab alio aliquid pe-  
teret. Summum illud bonum, & ipsum  
suam habet sedem: non nascitur vbi ebur,  
nec vbi ferrum. Quis sit summi boni lo-  
cus, quæris? animus. hic nisi purus ac  
sanctus est, Deum non capit. Bonum ex  
malo non fit: fiunt autem ex avaritia di-  
uitiæ: ergo non sunt bonum. Non est,  
inquit, verum, bonum ex malo non na-  
sci. Ex sacrilegio enim & furto pecunia  
nascitur. itaque malum quidem est sacri-  
legium & furtum: sed ideò, quia plura  
mala facit, quàm bona. Dat enim lucrum,  
sed cum metu, sollicitudine, tormentis &  
corporis & animi. Quisquis hoc dicit, ne-  
cesse est recipiat, sacrilegium sicut malum  
sit, quia multa mala facit, ita bonum quo-  
que ex aliqua parte esse, quia aliquid bo-  
ni facit: quo quid fieri portentosius potest?  
Quamquam sacrilegium, furtum & adul-  
terium inter bona haberi prorsus per-  
suasi-

suasimus. Quàm multi furto non erubescunt,quàm multi adulterio gloriàtur?nam sacrilegia minuta puniuntur, magna in triumphis feruntur. Adijce nunc, quòd sacrilegium, si omnino ex aliqua parte bonum est, etiam honestum erit, & rectè factum vocabitur: nostra enim actio est: quod nullius mortalium cogitatio recipit. ergo bona nasci ex malo non possunt. Nam si, vt dicitis, ob hoc vnum sacrilegium malum est, quia multum mali adfert: si remiseris illi supplicia, si securitatem sponderis, ex toto bonum erit. Atqui maximum scelerum supplicium, in ipsis est. Erras, inquam, si illa ad carnificem aut ad carcerem differs. statim puniuntur cùm facta sunt, imò dum fiunt. Nō nascitur itaque ex malo bonum, non magis quàm ficus ex olea. ad semen nata respondent bona degenerare non possunt. Quemadmodum ex turpi honestum non nascitur, ita ne ex malo quidem bonū: nam idem est honestum & bonum. Quidam ex nostris aduersus hoc sic respondent; puteamus pecuniam bonum esse vndecumque sumptam, non tamen ideò ex sacrilegio pecunia est, etiamsi ex sacrilegio sumitur. Hoc sic intellige. In eadem vrna & aurum est, & vipera. Si aurum ex vrna sustuleris, quia illic & vipera est, non ideò, mihi vrna aurū dat, quia viperam habet. sed aurum dat, cùm & viperā habeat. Eodem modo ex sacrilegio lucrum fit: non quā

quà turpe & sceleratum est sacrilegium, sed quà lucrum habet. quemadmodum in illa vna vipera malum est, non aurum quod cum vipera iacet: sic in sacrilegio malum est scelus, non lucrum. Quibus opponitur: Dissimillima vtriusque rei cōditio est. Illic aurum possum sine vipera tollere: hic lucrum sine sacrilegio facere non possum. lucrum istud non est appositum sceleri, sed immixtum. Quod dum consequi volumus, in multa mala incidimus, id bonum non est: dum diuitias consequi volumus, in multa mala incidimus: ergo diuitiæ bonum non sunt. Duas, inquit, significationes habet propositio vestra. vnā, dū diuitias consequi volumus, in multa nos mala incidere: in multa autem mala incidimus, & dum virtutē consequi volumus. Aliquis, dum nauigat stitidij causā, naufragium fecit: aliquis captus est. Altera significatio talis est: Per quod in mala incidimus, id bonum nō est. Huic propositioni non erit consequens, per diuitias nos, aut per voluptates in mala incidere: aut si per diuitias in multa mala incidimus, non tantū bonum diuitiæ non sunt, sed malum sunt. Vos autē illas dicitis tantū bonum non esse. Præterea, inquit, conceditis diuitias habere aliquid vsus: inter commoda illas numeratis. Atqui eadē ratione ne commodum quidem erunt: per illas enim multa nobis incommoda eueniunt. His quidam hoc respondent: Er-

ratis,



ratīs, qui incommoda diuitijs imputatis .  
 Illæ neminem lædunt. aut sua cuique no-  
 cet stultitia, aut aliena nequitia. sic, quem-  
 admodum gladius, qui neminem occidit,  
 occidentis telum est . Non ideo diuitiæ ti-  
 bi nocent , si propter diuitias tibi nocetur .  
 Posidonius ( vt ego existimo ) melius : qui  
 ait diuitias esse causam malorum, nō quia  
 ipsæ faciant aliquid , sed quia facturos ir-  
 ritant . Alia est enim causa efficiens , quæ  
 protinus necesse est noceat: alia præcedēs.  
 hanc præcedentem causam diuitiæ ha-  
 bent . Inflant animos, superbiam pariunt,  
 inuidiam contrahunt, & vsque eò mentem  
 alienant , vt fama pecuniæ nos etiam no-  
 citura delectet . Bona autem omni carere  
 culpa decet , pura sunt . non corrumpunt  
 animos, non sollicitant: extollunt quidem  
 & dilatant ; sed sine tumore . Quæ bona  
 sunt, fiduciam faciunt : diuitiæ audaciam.  
 Quæ bona sunt , magnitudinem animi  
 dant : diuitiæ insolentiam . Nihil autem  
 aliud est insolentia, quàm species magni-  
 tudinis falsa . Isto modo , inquis, etiā ma-  
 lum sunt diuitiæ; non tantum bonum non  
 sunt. Essent malū, si per se nocerent, si ( vt  
 dixi ) haberent efficientem causam : nunc  
 præcedentem habent, & quidem non irri-  
 tantem tantum animos, sed attrahentem .  
 Speciem enim boni ostēdunt verisimilem,  
 ac plerisque credibilem. Habet virtus quo-  
 que præcedentem causam, ad inuidiam :  
 multis enim propter sapientiam , multis  
 propter

propter iustitiam invidetur : sed nec ex se hanc causam habet, nec verisimilem. Contrà enim verisimilior illa species hominum animis obijcitur à virtute, quæ illos in amorem. & admirationem vocet. Posidonius sic interrogandum ait : Quæ neque magnitudinem animo dant, nec fiduciam, nec securitatem, non sunt bona : diuitiæ autem, & bona valetudo, & similia his, nihil horum faciunt: ergo non sunt bona. Hanc interrogationem magis etiamnum hoc modo intendit : Quæ neque magnitudinem animo dant, nec fiduciam, nec securitatem, contrà autē insolentiam, tumorem, arrogantiam creant, mala sunt: à fortuitis autem in hæc impellimur: ergo non sunt bona. Hac, inquit, ratione ne commoda quidem ista erunt. Alia est commodorum conditio, alia bonorum. Commodum est, quod plus usus habet, quàm molestiæ: bonum sincerum esse debet, & ab omni parte innoxium. Non est id bonum, quod plus prodest: sed quod tantum prodest. Propterea commodum & ad animalia pertinet, & ad imperfectos homines, & ad stultos. Itaque potest ei esse incommodum mixtum: sed commodum dicitur, à maiore sui parte æstimatum. Bonum ad unum sapientem pertinet, inuiolatum esse oportet. Bonum animum habet. vnus tibi nodus, sed Herculaneus restat. Ex malis bonum non fit: ex multis paupertatibus diuitiæ fiunt: ergo diuitiæ bonum non sunt,

sunt. Hanc interrogationem nostri non agnoscunt. Peripatetici & fingunt illam, & soluunt. Ait autem Posidonius, hoc sophisma per omnes dialecticorum scholas iactatum, sic ab Antipatro refelli. Paupertas non per positionem, sed per detractiōnem dicitur, vel ( vt antiqui dixerunt ) per orbatōnē: Græci dicunt *κατὰ σέπνιν*. nō quòd habeat, dicitur, sed quòd nō habeat. Itaq; ex multis inanibūs nihil impleri potest: diuitias multæ res faciunt, non multæ inopiæ. Aliter quàm debes, paupertatem intelligis. Paupertas est, non quæ pauca possidet, sed quæ multa non possidet. Ita non ab eo dicitur quod habet, sed ab eo quod ei deest. Facilius quod volo exprimerem, si Latinum verbū esset, quo *ἀπορία* significatur. Hanc paupertati Antipater assignat. Ego non video quid aliud sit paupertas, quàm parui possessio. De isto videbimus, si quando valdè vacabit, quæ sit diuitiarum, quæ paupertatis substantia: sed tunc quoque considerabimus, numquid satius sit paupertatem permulcere, diuitijs demere supercilium, quàm litigare de verbis, quasi iam de rebus iudicatum sit. Putemus nos ad concionem vocatos. Lex de abolendis diuitijs fertur: his interrogationibus suafuri aut dissuafuri sumus? his effecturi, vt populus Romanus paupertatem, fundamentum & causam imperii sui, requirat ac laudet? diuitias autē suas timeat? vt cogitet has se apud victos

repe-

reperisse? Hinc ambitum, & largitiones, & tumultus, in urbem sanctissimam temperantissimamque irrupisse? nimis luxuriosè ostentari gentium spolia? quod vnus populus eripuerit omnibus, faciliùs vni ab omnibus eripi posse? Hæc satius est suadere, & expugnare affectus, non circumscribere. Si possumus, fortiùs loquamur: si minùs, apertiùs.

EPIST. LXXXVIII. De liberalibus studijs quid sentiam, scire desideras. Nul- lum suspicio, nullum in bonis numero, quod ad æs exit. Meritoria artificia sunt, hactenus vtilia, si præparant ingenium, nō detinent. Tamdiu enim istis immoran- dum est, quādiu nihil animus agere ma- ius potest. rudimenta sunt nostra, non opera. Quare liberalia studia dicta sint vides, quia homine libero digna sunt. Ce- terùm vnum studium verè liberale est, quod liberū facit, hoc sapientiæ, sublime, forte, magnanimum: cetera pusilla & pue- rilia sunt. An tu quidquam in istis esse cre- dis boni, quorum professores turpissimos omniū ac flagitiosissimos cernis? Non di- scere debemus ista, sed didicisse. Quidam illud de liberalibus studijs quærendum iu- dicauerunt, an virum bonum facerent. Ne promittunt quidem, nec huius rei scientiā affectant. Grammaticus circa curam ser- monis versatur, &, si latiùs euagari vult, circa historias. Iam vt longissimè fines suos proferat, circa carmina. Quid ho- rum

rūm ad virtutem viam sternit? Syllabarum enarratio, & verborum diligentia, & fabularum memoria, & versuum lex ac modificatio? Quid ex his metum demit, cupiditatem eximit, libidinē frænāt? Ad geometriā transeamus, & ad musicam: nihil apud illas inuenies, quod vetet timere; vetet cupere: quæ quisquis ignorat, alia frustra scit. Videndum utrū doceant isti virtutem, an non. si non docēt, nec tradunt quidem: si docent, philosophi sunt. Vis scire, quā non ad docendam virtutem considerint? adspice quā dissimilia inter se omnium studia sint. atquē similitudo esset idem docentium. Nisi fortē tibi Homerū philosophum fuisse persuadent, cū his ipsis quibus colligunt, negent. Nam modō Stoicum illum faciunt, virtutem solam probantem, & voluptates refugientem, & ab honesto ne immortalitatis quidem pretio recedentem: modō Epicureum, laudantem statum quietæ ciuitatis, & inter conuiuia cantusque vitam exigentis: modō Peripateticum, bonorum tria genera inducentem: modō Academicum, incerta omnia dicentem. Apparet nihil horum esse in illo, quia omnia sunt: ista enim inter se dissident. Demus illis Homerum philosophum fuisse, nempe sapiens factus est, antequam carmina vlla cognosceret: ergo illa discamus quæ Homerum fecere sapientē. Hoc quidē me quærete, utrū maior ætate fuerit Homerus an Hesiodus, nō magis

magis ad rem pertinet: quàm scire an minor Hecuba fuerit, quàm Helena, & quare tam malè tulerit ætatē. Quid, inquam, annos Patrocli & Achillis inquirere, ad rem existimas pertinere? Quæris, Vlixes ubi errauerit, potiùs quàm efficias, ne nos semper erremus? Non vacat audire, utrùm inter Italiam & Siciliam iactatus sit, an extra notum nobis orbem: neq; enim potuit in tam angusto error esse tam longus. Tempestates animi nos quotidie iactant, & nequitia in omnia. Vlixis mala impellit. non deest forma quæ sollicitet oculos, nō hostis: hinc monstra effera, & humano cruore gaudentia: hinc insidiosa blandimēta aurium: hinc naufragia, & tot varietates malorum. Hoc me doce, quomodo patriam amem, quomodo uxorem, quomodo patrem, quomodo ad hæc tam honesta vel naufragus nauigem. Quid inquiris, an Penelopa impudica fuerit, an verba saculo suo dederit, an Vlixem illum esse quem videbat, antequam sciret, suspicata sit? Doce me, quid sit pudicitia, & quantum in ea bonum: in corpore, an in animo posita sit. Ad musicum transeo. Doces me, quomodo inter se acutę ac graves voces consonent, quomodo nervorum disparem reddentium sonum fiat concordia. Fac potiùs, quomodo animus secum meus cōsonet, nec cōsilia mea discrepent. Monstras mihi, qui sint modi flebiles. mōstra potiùs, quomodo inter aduersa non

emit-

emittam flebilem vocem. Metiri me geometres docet latifundia. potiùs doceat, quomodo metiar quantũ homini sit satis. Numerare docet me arithmetica, & avaritiæ cõmodare digitos. potiùs doceat, nihil ad rem pertinere istas computationes. Non esse feliciorẽ, cuius patrimonium tabularios lassat: imò quàm superuacua possideat, qui infelicissimus futurus est, si quantum habeat, per se computare cogatur. Quid mihi prodest, scire agellum in partes diuidere, si nescio cũ fratre diuidere? Quid prodest colligere subtiliter pedes iugeri, & comprehendere etiam si quid decempedam effugit, si tristẽ me facit vicinus poteus, & aliquid ex meo abradens? Doces me, quomodo nihil perdam ex finibus meis? at ego discere volo, quomodo totos hilaris amittam. Paterno agro, inquit, & auito expellor. Quid? ante auum tuum quis istum agrum tenuit? Cuius, nõ dico hominis, sed populi fuerit, expedire potes? Non dominus istò, sed colonus intrasti. Cuius colonus es? si benè tecum agitur, heredis. Negant iurisconsulti quidquã vsucapi, quod publicum est: publicum est hoc quod tenes, & quidem generis humani. O egregiam artem! scis rotunda metiri, in quadratũ redigis quãcumque acceperis formã. interualla siderũ dicis: nihil est quod in mensuram tuã nõ cadat. Si artifex es, metire hominis animum. dic quã magnus sit, dic quàm pusillus sit. Scis quæ

recta sit linea: quid tibi prodest, si quid in vita rectum sit, ignoras? Venio nunc ad illum qui cælestium notitia gloriatur.

*Frigida Saturni quò sese stella receptet,*

*Quos ignis cali Cyllenius erret in orbes:*  
hoc scire quid proderit? ut sollicitus sim, cum Saturnus & Mars ex contrario stabunt, aut cum Mercurius vespertinum faciet occasum vidente Saturno? Potius hoc discam, ubicumque sunt ista, propitia esse, non posse mutari. Agit illa continuus ordo factorum, & ineuitabilis cursus: per statas vices remeant. Effectus rerum omnium aut mouent, aut notant. Sed siue quidquid euenit faciunt, quid immutabilis rei notitia proficiet? siue significant, quid refert prouidere, quod ef- fugere non possis? Scias ista, nescias, fient.

*Si verò solem ad rapidum stellasque  
sequentes*

*Ordine respicias, numquam te crastina  
fallor*

*Hora, nec insidiis noctis capiere serena.*  
Satis abundeque prouisum est, ut ab insidiis tutus essem. Numquid me crastina non fallit hora? fallit enim, quod nescienti euenit. Ego quid futurum sit, nescio: quid fieri possit, scio. Ex hoc nihil desperabo: totum expecto. Si quid remittitur, boni consulo. Fallit me hora, si parcit: sed ne sic quidem fallit. Nam quemadmodum scio omnia accidere posse, sic scio & non utiq;  
casura.



casura. Vtique secunda expecto: malis paratus sum. In illo feras me necesse est non per præscriptum euntem. Non enim adducor, vt in numerum liberalium artium pictores recipiam, non magis, quàm statuarios, aut marmorarios, aut ceteros luxuriæ ministros. Æquè luctatores, & totam oleo ac luto constantem scientiam expello ex his studiis liberalibus: aut & vnguentarios recipiam, & cocos, & ceteros voluptatibus nostris ingenia accommodantes sua. Quid enim, oro te, liberale habent isti ieiuni vomitores, quorum corpora in sanguine, animi in macie & veterno sunt? An liberale studium istud esse iuuentuti nostræ credimus, quam maiores nostri rectam exercuerunt, hastilia iacere, sudem torquere, equum agitare, arma tractare? Nihil liberos suos docebant, quod discendum esset iacentibus. Sed nec hæ nec illæ docent, aluntve virtutem. Quid enim prodest equum regere, & cursum eius freno temperare, affectibus effrænatissimis abstrahi? Quid prodest multos vincere luctatione vel cestu, ab iracundia vinci? Quid ergo? nihil liberalia nobis conferunt studia? ad alia multum, ad virtutem nihil. Nam & hæ viles ex professo artes, quæ manu constant, ad instrumenta vitæ plurimū conferunt, tamen ad virtutem non pertinent. Quare ergo liberalibus studiis filios erudimus? Non quia virtutem dare possūt, sed quia animum ad accipiendam virtutē

præparant. Quemadmodum prima illa, ut antiqui vocabant, litteratura, per quã pueris elementa traduntur, non docet liberales artes, sed mox præcipiendis locum parat: sic liberales artes non perducunt animum ad virtutem, sed expediunt. Quatuor ait esse Posidonius artium genera. Sunt vulgares & sordide, sunt ludicre, sunt pueriles, sunt liberales. Vulgares opificum, quæ manu constant, & ad instruendam vitam occupatæ sunt: in quibus nulla decoris, nulla honesti simulatio est. Ludicræ sunt, quæ ad voluptatem oculorum atque aurium tendunt. His annumeres licet machinatores, qui pegmata per se surgentia excogitant, & tabulata tacitè in sublimem crescentia, & alias ex inopinato varietates, aut dehiscentibus quæ cohærebant, aut his quæ distabant sua sponte cocuntibus, aut his quæ eminebant, paullatim in se residentibus: His imperitorum feriuntur oculi, omnia subita (quia causas non nouere) mirantiũ. Pueriles sunt, & aliquid habentes liberalibus simile, hæ artes quas ἑγχελαίαι Græci, nostri liberales vocant. Solæ autem liberales sunt, imò (ut dicam verius) liberæ, quibus curæ virtus est. Quemadmodum, inquit, est animi aliqua pars philosophiæ naturalis, est aliqua moralis, est aliqua rationalis; sic & hæc quoque liberaliũ artium turba locum sibi in philosophia vindicat. Cùm ventũ est ad naturales quæstiones, geometriæ testimonio statuitur.

tur. Ergo eius quā adiuuat, pars est; multa adiuuant nos, nec ideo partes nostræ sunt: imò si partes essent, non adiuuarent. Cibus adiutorium corporis, nec tamen pars est. Aliquid nobis præstat geometriæ ministerium. Sic philosophiæ necessaria est, quomodo ipsi faber: sed nec hic geometriæ pars est; nec illa philosophiæ. Præterea, vtraq; fines suos habet. sapiens enim causas naturalium & querit & nouit, quorum numeros mensurasq; geometres persequitur & supputat. Qua ratione consent cælestia, quæ illis sit vis, quæue natura, sapiens scit. cursus & recursus & observationes, per quas descendunt & alleuantur, ac speciem interdum stantium præbent, cum cælestibus stare nō liceat, colligit mathematicis. Quæ causa in speculo imagines exprimat, scit sapiens: illud tibi geometer potest dicere, quantum abesse debeat corpus ab imagine, & qualis forma speculi, quales imagines reddat. Magnum esse solem philosophus probabit: quantus sit, mathematicus, qui vsu quodam & exercitatione procedit: sed ut procedat, impetranda illi quædam principia sunt. Non est autē ars sui iuris, cui precarium fundamentum est. Philosophia nil ab alio petit, totum opus à solo excitat. Mathematica (ut ita dicam) superficialia est, in alieno ædificat, aliena accipit principia, quorum beneficio ad vltiora perueniat: si per se iret ad verum, si totius mundi naturā posset cōprehendere.

dicerem multum collaturam mentibus nostris, quæ tractatu cælestium crescunt, trahuntque aliquid ex illo. Vna re consummatur animus, scientia bonorum ac malorum iminutabili, quæ soli philosophiæ competit. Nulla autem ars alia de bonis ac malis quærit. Singulas habet circumire virtutes. Fortitudo contemptrix timendorum est: terribilia, & sub iugum libertatem nostrâ mittentia, despicit, provocat, frangit: numquid ergo hanc liberalia studia corroborant? Fides sanctissimum humani pectoris bonum est, nulla necessitate ad fallendû cogitur, nullo corrumpitur præmio. Vre, inquit, cæde, occide, nō prodā: sed quò magis secreta quæret dolor, hoc illa altiùs condā. Numquid liberalia studia hos animos facere possunt? Téperātia voluptatibus imperat: alias odit atq; abigit, alias dispensat, & ad sanū modū redigit, nec vmq̃uā ad illas propter ipsas venit. Scit optimum esse modū cupitorū, nō quantum velis, sed quantum debeas sumere. Humanitas vetat superbū esse adversus socios, vetat avarū: verbis, rebus, affectibus comē se, facilemque omnibus præstat: nullū alienū malum putat, bonū autem suū id maximè, quod alicui bono futurū est, amat. nūquid liberalia studia hos mores præcipiunt? nō magis quàm simplicitatem, ac modestiam, ac frugalitatem, ac parsimoniam: nō magis quàm clementiā, quæ alieno sanguini tanquā suo parcit, & scit

scit homini non esse homine prodigè vendendum. Cùm dicatis, inquit, sine liberalibus studiis ad virtutem non perueniri, quemadmodum negatis illa nil conferre virtuti? quia nec sine cibo ad virtutem peruenitur, cibus tamen ad virtutē non pertinet. Ligna nihil naui conferunt, quamuis non fiat naus sine lignis. Non est, inquā, cur aliquid putes eius adiutorio fieri, sine quo non potest fieri. Potest quidem etiam illud dici, sine liberalibus studiis veniri ad sapientiam posse: quamuis enim virtus discenda sit, tamen non per hæc discitur. Quid est autem, quare existimem, non futurum sapientem eum qui litteras nescit: cùm sapientia non sit in litteris? Res tradit, non verba: & nescio an certior memoria sit, quæ nullum extra se subsidium habet. Magna & spatiosa res est, sapientia: vacuo illi loco opus est: de diuinis humanisque dicendū est: de præteritis, de futuris, de caducis, de æternis, de tempore: de quo vno, vide quā multa quærantur. Primum an per se sit aliquid: deinde, an aliquid ante tempus sit: si tempus cum mundo cœpit, an & ante mundum quia fuerit aliquid, fuerit, & tempus. Innumerabiles quæstiones sunt de animo tantum: vnde sit, qualis sit, quando esse incipiat, quamdiu sit: an aliunde aliò transeat, & domicilium mutet, ad alias animalium formas aliasque cōiectus: an non ampliùs quàm semel feruiat, & emissus vagetur in toto: vtrum cor-

pus sit, an non sit: quid sit facturus, cum per nos aliquid facere desierit: quomodo libertate sua usus, cum ex hac effugerit cauea: an obliuiscatur priorum, & illic nosse se incipiat, postquam de corpore abductus in sublime secessit. Quamcumque partem rerum humanarum diuinarumque comprehenderis, ingenti copia querendorum ac discendorum fatigaberis. Hæc tam multa, tam magna, ut habere possint liberum hospitium, superuacua ex animo tollenda sunt. Non dabit se in has angustias virtus. laxum spatium res magna desiderat. expellantur omnia: totum pectus illi vacet. At enim delectat artium notitia multarum. Tantum itaque ex illis retineamus, quantum est necessarium. An tu existimas reprehendendum, qui superuacua usu sibi comparat, & pretiosarum rerum pompam in domo explicat. non putas eum, qui occupatus est in superuacua literarum suppellectile? Plus scire velle quam sit satis, intemperantiæ genus est. Quid, quod ista liberalium artium conlectatio molestos, verbosos, intempestiuos, sibi placentes facit, & ideò non discentes necessaria, quia superuacua didicerunt? Quatuor millia librorum Didymus grammaticus scripsit: miser, si tam multa superuacua legisset. In his libris de patria Homeri queritur, in his de Æneæ matre vera: in his libidinosior Anacreon, an ebriosior vixerit: in his, an Sappho publica fuerit: & alia, quæ

erant

erant dediscenda, si scires. I nunc, & longā esse vitam nega: Sed ad nostros quoque eūm peruenieris, ostendā multa securibus recidenda. Magno impendio temporum, magna alienarū aurium molestia, laudatio hæc constat: *O hominem litteratum!* Simus hoc titulo rusticiore contenti: *O virum bonum!* Itane est? annales euoluam omnium gentium, & quis primus carmina scripserit, quæram: quantum temporis inter Orphea intersit & Homerum, cū fastos non habeam, computabo: & Aristarchi notas, quibus aliena carmina compunxit, recognoscā: & ætatem in syllabis conteram? Itane in geometriæ puluere hærebo? Adeo mihi præceptum illud salutare excidit: *Tempori parce!* Hæc sciam, ut quid ignorem? Appion grāmaticus qui sub C. Cæsare tota circumlatus est Græcia, & in nomen Homeri ab omnibus ciuitatibus adoptatus, aiebat: Homerum vtrāque materia consummata, & Odyssea, & Iliade, principium adiecisse operi suo, quod bellum Troianum cōplexus est. Huius rei argumētum afferebat, quod duas litteras in primo versu posuisset: ex industria librorum suorum numerū cōtinentes. Talia sciat oportet, qui multa vult scire. Non vis cogitare, quāntū temporis tibi auferat mala valetudo, quantum occupatio publica, quantum occupatio priuata, quantum occupatio quotidiana, quantum somnus, metire ætatem tuam: tam multa nō capit.

De liberalibus studiis loquor : philosophi quantum habent superuacui, quantum ab usu recedentis? Ipsi quoque ad syllabarum distinctiones, & coniunctionum ac prepositionum proprietates descenderunt, & inuidere grammaticis, inuidere geometris. Quidquid in illorum artibus superuacuum erat, transtulere in suam. Sic effectum est, ut diligentius sciant loqui, quam vivere. Audi, quantum mali faciat nimia subtilitas, & quam infesta veritati sit. Protagoras ait, de omni re in utramque partem disputari posse, ex æquo. & de hac ipsa, an omnis res in utramque partem disputabilis sit. Nausiphanes ait, ex his quæ videntur esse, nihil magis esse, quam non esse. Parmenides ait, ex his quæ videntur, nihil esse in vniuersum. Zenon Eleates omnia negotia de negotio deiecit: ait nihil esse. Circa eadem ferè Pyrrhonij versantur, & Megarici, & Eretrici, & Academici, qui nouā induxerunt scientiā, nihil scire. Hæc omnia in illū superuacuum studiorū liberaliū gregē coniice. Illi mihi non profuturā scientiam tradunt, hi spē omnis sciētiæ eripiunt: satius est superuacua scire, quam nihil. Illi non præferunt lumen, per quod acies dirigatur ad verū: hi oculos mihi effodiunt. Si Protagoræ credo, nihil in rerū natura est, nisi dubium: si Nausiphani, hoc vnum certum est, nihil esse certi: si Parmenidi, nihil est præter vnum: si Zenoni, ne vnum quidem. Quid ergo nos sumus? quid ista quæ nos

cir-



circumstant, alunt, sustinēt? Tota rerū natura umbra est, aut inanis, aut fallax. Non facile dixerim, utrū magis irascar illis, quā nos nihil scire voluerunt: an illis, qui ne hoc quidem nobis reliquerunt, nihil scire.

EPIST. LXXXIX. Rem vtilem desideras, & ad sapientiam properanti utique necessariam, diuidi philosophiam, & ingens corpus eius in membra disponi. Facilius enim per partes in cognitionem totius adducimur. Utinam quemadmodum vniuersi mundi facies in conspectum venit, ita philosophia tota nobis posset occurrere, simillimum mundo spectaculum! Profecto enim omnes mortales in admirationem sui raperet, relictis his quę nunc magna, magnorum ignorantia, credimus. Sed quia contingere hoc non potest, sic erit a nobis adspicienda, quemadmodum mundi secreta cernuntur. Sapientis quidem animus totam molem eius amplectitur, nec minis illam velociter obit, quā cælum acies nostra: nobis autem, quibus perrumpenda caligo est, & quorum visus in proximo deficit, singula quęque ostendi facilius possunt, vniuersi nondum capacibus. Faciam ergo quod exiges, & philosophiam in partes, non in frustra, diuidam. Diuidi enim illam, non concidi, vtile est. nam comprehendere quemadmodum maxima, ita minima, difficile est. Describitur in tribus populus, in centurias exercitus. Quidquid in

maius creuit, facilius agnoscitur, si disces-  
sit in partes: quas (vt dixi) innumerabiles  
esse & paruas, non oportet. Idem enim vitij  
habet nimia, quod nulla diuisio: simile  
confuso est, quidquid vsque in puluerem  
sectum est. Primum itaque, sicut videtur,  
tibi dicam, inter sapientiam & philoso-  
phiam quid intersit. Sapientia perfectum  
bonum est mentis humanæ: philosophia  
sapientiæ amor est & affectatio. Hæc o-  
stendit, quod illa peruenit. Philosophia vn-  
de dicta sit, apparet: ipso enim nomine fa-  
tetur. Quidam sapientiam ita finierunt,  
vt dicerent eam diuinorum & humano-  
rum scientiam. Quidam ita: Sapientia est,  
nosse diuina & humana, & horum caus-  
sas. Superuacua mihi videtur hæc adie-  
ctio, quia causæ diuinorum humano-  
rumque partes sunt. Philosophiam quo-  
que fuerunt qui aliter atque aliter defini-  
rent. alij, studium illam virtutis esse dixe-  
runt; alij, studium corrigendæ mentis. A  
quibusdam dicta est, appetitio rectæ ratio-  
nis. Illud quasi constet, aliquid inter phi-  
losofiam & sapientiam interesse. Neque  
enim fieri potest, vt idem sit quod affecta-  
tur, & quod affectat. Quomodo multum  
inter avaritiam & pecuniam interest, cum  
illa cupiat, hæc concupiscatur: sic inter  
philosophiam & sapientiam. Hæc enim  
illius effectus, & præmium est: illa venit,  
ad hanc itur. Sapientia est; quam Græci  
*σοφία* vocant. Hoc verbo quoque Romani

utebantur, sicut philosophia nunc quoque  
utuntur. Quod & rogatæ tibi antiquæ pro-  
babunt, & inscriptus Dossenni monumen-  
to titulus:

*Hospes resiste, & sophiam Dossenni lege.*  
Quidam ex nostris, quamvis philosophia  
studium virtutis esset, & hæc peteretur,  
illa peteret, tamen non putauerunt illas  
distrahi posse. Nam nec philosophia sine  
virtute est, nec sine philosophia virtus est.  
Philosophia studium virtutis est, sed per  
ipsam virtutem: nec virtus autem esse sine  
studio sui potest, nec virtutis studium sine  
ipsa. Non enim quemadmodum in his qui  
aliquid ex distante loco ferire conantur,  
alibi est qui petit, alibi quod petitur: nec  
quemadmodum itinera quæ ad vrbes per-  
ducunt, extra ipsas sunt. ad virtutem ve-  
nitur per ipsam. Cohærent ergo inter se  
philosophia, virtusque. Philosophiæ tres  
partes esse dixerunt & maximi & plurimi  
auctores: Moralem, Naturalem, & Ratio-  
nalem. Prima componit animum, secun-  
dam rerum natura scrutatur, tertia pro-  
prietates verborum exigit, & structuram,  
& argumentationes, ne pro vero falsa sur-  
repant. Ceterum inuenti sunt, & qui in  
pauciora philosophiam, & qui in plura di-  
ducerent. Quidam ex Peripateticis quar-  
tam partem adiecerunt, Civilem: quia quam-  
dam propriam exercitationem desideret,  
& circa aliam materiam occupata sit. Qui-  
dam adiecerunt his partem, quam Graeci

ci ~~αἰσχρογαστρίων~~ vocant, administrandæ rei familiaris scientiam. Quidam & de generibus vitæ locum separauerunt. Nihil autem horum in illa parte morali non reperitur. Epicurei duas partes philosophiæ putauerunt esse, Naturalem atque Moralem: Rationalem remouerunt. Deinde cum ipsis rebus cogerentur ambigua discernere, falsa sub specie veri latentia coarguere, ipsi quoque locum, quem De iudicio & regula appellant, alio nomine rationalem induxerunt: sed eum accessionem esse naturalis partis existimant. Cyrenaici naturalia cum rationalibus sustulerunt, & contenti fuerunt moralibus: sed hi quoque qui remouent, aliter inducunt. In quinque enim partes moralia diuidunt: vt vna sit de fugiendis & expetendis, altera de affectibus, tertia de actionibus, quarta de causis, quinta de argumentis. Causæ rerum ex naturali parte sunt, argumenta ex rationali, actiones ex morali. Aristo Chius non tantum superuacuas esse dixit naturalem & rationalem, sed etiam contrarias: moralem quoque, quam solam reliquerat, circumcidit. Nam eum locum qui monitiones continet, sustulit, & pædagogi esse dixit, non philosophi: tamquam quidquid aliud sit sapiens, quam humani generis pædagogus. Ergo cum tripartita sit philosophia, moralem eius partem primum incipiamus disponere. Quam in tria rursus diuidi placuit: vt prima esset inspectio

ctio suum cuique distribuens, & æstimans quanto quidque dignum sit, maxime utilis. quid enim est tam necessarium, quàm pretia rebus imponere? Secunda de impetu: tertia de actionibus. Primum enim est, ut quanti quidque sit, iudices: secundum, ut impetum ad illa capias ordinatum temperatumque: tertium, ut inter impetum tuum, actionemque conveniat, ut in omnibus istis tibi ipsi consentias. Quidquid ex his tribus defuerit, turbat & cetera. Quid enim prodest, intus estimata habere omnia, si sis impetu nimius? Quid prodest impetus repressisse, & habere cupiditates in tua potestate, si in ipsa rerum actione tempora ignores, nec scias quando quidque, & ubi, & quemadmodum agi debeat? Aliud est enim, dignitates & pretia rerum nosse: aliud articulos: aliud impetus refrenare, & ad agēda ire, nō ruerē. Tunc ergo vita sibi cōcors est, ubi actio non destituit impetum. Imperus ex dignitate rei cuiusque concipitur, perinde remissus acriorve, prout illa digna est peti. Naturalis pars philosophiæ in duo scinditur: Corporalia, & Incorporalia. Vtraque diuiduntur in suos, ut ita dicā, gradus. Corporum locus in hoc primum, in ea quæ faciunt, & quæ ex his gignuntur: gignuntur autē elementa. Ipse elementi locus, ut quidam putant, simplex est: ut quidā, in materiam, & causam omnia mouentem, & elementa diuiditur. Supereſt ut rationalem

par-

partem philosophiæ diuidamus. Omnis oratio aut continua est, aut inter respondentem & interrogantem diuisa. Hanc *διαλεκτικὴν*, illam *ῥητορικὴν* placuit vocari. hæc verba curat, & sensus, & ordinem. *διαλεκτικὴ* in duas partes diuiditur: in verba, & significationes: idest, in res quæ dicuntur, & vocabula quibus dicuntur. Ingens deinde sequitur vtriusque diuisio. Itaque hoc loco finem faciam:

— *Et summa sequar fastigia rerum.*

Alioqui si voluero facere partium partes, questionum liber fiet. Hęc, Lucili virorum optime, quod minus legas non deterreo: dūmodo quidquid legeris, ad mores statim referas. Illos compesce, marcentia in te excita, soluta cōstringe, cōtumacia doma, cupiditates tuas publicasque, quātum potes, vexa: & istis dicentibus, Quousque eadem? responde, Ego debeo dicere, Quousque eadem peccabitis? Remedia ante vultis, quā vicia desinere. ego verò eò magis dicam, & quia recusatis, perseuerabo. Tūc incipit medicina proficere, vbi in corpore alienato dolorem tactus expressit. Dicam etiam inuitis profutura. Aliquando aliqua ad vos non blanda vox veniet: & quia verum singuli audire nō vultis, publicè audite. Quousque fines possessionum propagabitis? ager vni domino, qui populum cepit, angustus est. Quousque arationes vestras porrigetis, ne prouinciarum quidē satione contenti circumscribere pradiorum mo-

modum? Illustrium fluminum per priuatum decursus, & amnès magni, magnarumque gētium termini, vsque ad ostium à fonte, vestri sunt. Hoc quoque parum est, nisi latifundijs vestris maria cinxistis: nisi trans Hadrianū & Ionium, Ægeumque, vester villicus regnet: nisi insulæ, ducum domicilia magnorum, inter vilissima rerum numerentur. Quàm vultis, latè possidete: sit fundus, quod aliquando imperium vocabatur: facite vestrum quidquid potestis, dum plus sit alieni. Nunc vobiscum loquor, quorum æquè spatiosè luxuria, quàm illorum auaritia diffunditur. Vobis dico, Quousque nullus erit lacus, cui non villarum vestrarum fastigia immineant? nullum flumen, cuius non ripas ædificia vestra prætexant? Vbicumque scatebunt aquarum calentium venæ, ibi noua diuersoria luxuriæ excitabūtur. Vbicumque in aliquem sinum littus curnabitur, vos protinus fundamenta iacietis, nec contēti solo, nisi quod manu feceritis, maria agetis introrsus. Omnibus licet locis recta vestra splendeant, alicubi imposita montibus, in vastum terrarum marisque prospectum, alicubi ex plano in altitudinē montium educta: cum multa ædificaueritis, cum ingentia; tamen & singula corpora estis, & paruula. Quid profunt multa cubicula? in vno iacetis. Non est vestrum, ubicumque non estis. Ad vos deinde transeo, quorum profunda & insatiabilis gula,

hinc

hinc maria scrutatur, hinc terras. Alia hamis, alia laqueis, alia retium varijs generibus cum magno labore persequitur: nullis animalibus, nisi ex fastidio, pax est. Quantulum enim ex istis epulis, quæ per tot comparatis mantus, fesso voluptatibus ore libatis? quantulum ex ista fera, periculose capta, dominus crudus ac nauseans gustat? quantulum ex tot conchylijs, tam longè adueclis, per istum stomachum inexplibilem labitur? infelices etiam, quod non intelligitis, vos maiorem famem habere, quàm ventrem. Hæc alijs dic: vt dum dicis, audias ipse. Scribe: vt dum scripseris, legas; omnia ad mores, & ad sedandam rabiem affectuum referens. Stude, non vt plus aliquid scias, sed vt melius.

EPIST. XC. Quis dubitare, mi Lucili, potest, quin Deorum immortalium munus sit, quod viuimus: philosophiæ, quod benè viuimus? Itaque tanto plus nos debere huic, quàm dijs, quanto maius beneficium est bona vita, quàm vita? Pro certo deberetur, nisi ipsam Dij philosophiam tribuissent: cuius scientiam nulli dederunt, facultatem omnibus. Nam si hanc quoque bonum vulgare fecissent, & prudentes nasceremur; sapientia quod in se optimū habet perdidisset, quod inter fortuita non est. Nunc enim hoc in illa pretiosum atque magnificum est, quod non obuenit, quod illam sibi quisque debet, quod non ab alio petitur. Quid haberes, quod



quod in philosophia suspiceret, si beneficiaria res esset? Huius opus vnum est, de diuinis humanisq; verum inuenire: ab hac numquam recedit iustitia, pietas, religio, & omnis alius comitatus virtutum conseratarum & inter se cohærentium. Hæc docuit colere diuina, humana diligere, & penes Deos imperium esse, & inter homines consortium, quod aliquamdiu inuiolatum mansit, antequam societate avaritia distraxit, & paupertatis causa etiam his, quos fecit locupletissimos, fuit. Desierunt enim omnia possidere, dum volunt propria. Sed primi mortalium, quiq; ex his geniti, naturam incorrupti sequebantur, eandem habebant & ducem, & legem, commissi melioris arbitrio. Nature est enim, potioribus deteriora submittere. Mutis quidem gregibus aut maxima corpora præsumt, aut vehementissima. Non præcedit armenta degener taurus, sed qui magnitudine actoris ceteros mares vicit: elephatorum gregem excelsissimus ducit: inter homines pro summo est optimus. Animo itaq; rector eligebatur, ideoq; summa felicitas erat gē-tium: in quibus non poterat potē-tior esse, nisi melior. Tātum enim quantum vult potest, qui se nisi quod debet, non putat posse. Illo ergo sæculo, quod aureū perhibetur, penes sapientes fuisse regnum Posidonius iudicat. Hi cōtinebant manus, & infirmiores à validioribus tuebantur: suadebāt, dissuadebātque, & vtilia atq; inutilia mōstrabant.

bant. Horum prudentia, ne quid deesset suis, prouidebat; fortitudo arcebat pericula; beneficentia augebat, ornabatque subiectos. Officium erat imperare, non regnum. Nemo quantum posset aduersus eos experiebatur, per quos ceperat posse. Nec erat cuiquam aut animus in iniuriam, aut causa: cum bene imperanti bene pareretur, nihilque rex maius minari male parentibus posset, quam ut abiret e regno. Sed postquam, surrepentibus vitiis, in tyrannidem regna versa sunt: opus esse coepit legibus, quas & ipsas inter initia tulere sapientes. Solon, qui Athenas æquo iure fundauit, inter septem æui sapientia notos. Lycurgum si eadem ætas tulisset, sacro illi numero accessisset octauus. Zaleuci leges Charondæque laudantur. hi non in foro, nec in consultorum atrio, sed in Pythagoræ tacito illo sanctoque secessu didicerunt iura, quæ florenti tunc Siciliae, & per Italiam Græciæ ponerent. Hactenus Posidonio assëtiôr: artes quidem à philosophia inuentas, quibus in quotidiano usu vita vititur, non concesserim, nec illam fabricæ asseram gloriam. Illa, inquit, sparsos & casulis tectos, aut aliqua rupe suffossa, aut exesæ arboris trunco, docuit tecta moriri. Ego verò philosophiâ iudico, non magis excogitasse has machinationes tectorum supra tecta surgentium, & vires prementium, quam viuaria piscium in hoc clausa, ut tempestarum pericula non adiret gula,

&amp;c

& quamuis acerrimè pelago sæuiente ,  
 haberet luxuria portus suos , in quibus di-  
 stinctos piscium greges saginaret . Quid  
 ais ? Philosophia docuit homines habere  
 clauem & seram ? & quid aliud erat, aua-  
 ritiae signum dare ? Philosophia hæc, cum  
 tanto habitantium periculo , imminetia  
 tecta suspendit ? Parum enim erat fortuitis  
 tegi , & sine arte & difficultate naturale si-  
 bi inuenire aliquod receptaculum . Mihi  
 crede, felix illud sæculum ante architecto-  
 nas fuit . Ista nata sunt, iam nascente lu-  
 xuria in quadratum tigna decidere, & fer-  
 ro per designata corrente, certa manu  
 trabem scindere.

*Nam primi cuneis scindebant fissile li-  
 gnum.*

Non .n. tecta cœnationi, epulum receptu-  
 ræ, parabantur: nec in hūc vsum pinus aut  
 abies deferabatur longo vehiculorū ordi-  
 ne, vicis intrementibus, vt ex illa lacuna-  
 ria auro graua penderent. Furcæ vtrimq;  
 suspensæ fulciebant casam: spissatis rama-  
 libus, ac fronde congesta, & in procliue  
 disposita, decursus imbribus quamuis ma-  
 gnis erat. Sub his tectis habitauere securi.  
 Culmus liberos textit: sub marmore atque  
 auro seruitus habitat. In illo quoq; dissen-  
 tio à Posidonio, quòd ferramenta fabrilia  
 excogitata à sapientibus viris iudicat. Isto  
 enim modo dicat licet sapientes, per quos

*Tunc laqueis captare feras, & fallere  
 visco*

*Inuentum, & magnos canibus circum-  
dare saltus.*

Omnia enim ista sagacitas hominum, non sapientia inuenit. In hoc quoque dissentio, sapientes fuisse, qui ferri metalla & æris inuenerunt: cum incendio siluarum adusta tellus, in summo venas iacentes liquefacta fudisset. Ista tales inueniunt, quales colunt. Ne illa quidem tam subtilis questio mihi videtur, quam Posidonio: Vtrum malleus in usu esse prius, an forcipes coeperint. Vtraque inuenit aliquis exercitati ingenij, acuti, non magni, nec elati, & quidquid aliud corpore incuruato, & animo humi spectante, querendum est. Sapiens facilis victu fuit. quid ni? cum hoc quoque sæculo esse quam expeditissimus cupiat? Quomodo oro te conuenit, vt Diogenem mireris, & Dædalum? Vter ex his sapiens tibi videtur, qui ferram commentus est: an ille, qui cum vidisset puerum caua manu bibentem aquam, fregit protinus exemptum è perula calicem, hac obiurgatione sui: Quam diu homo stultus superuacuas sarcinulas habui? qui se complicuit in dolio, & in eo cubitauit? Hodie vtrum tandem sapientio rem putat, qui inuenit quemadmodum in immensam altitudinem crocum latentibus fistulis exprimat; qui Euripos subito aquarum impetu implet, aut siccet; versatilia coenationum laquearia ita coagmentat, vt subinde alia facies atque alia succedat, & toties recta, quo-

quoties fercula mutantur: an eum, qui & alijs & sibi hoc monstrat, quàm nihil nobis natura durum ac difficile impetrauerit? Possè nos habitare sine marmoratio fabro, possè nos vestitos esse sine commercio Serum, possè nos habere vsibus nostris necessaria, si contenti fuerimus his, quæ terra posuit in summo? Quem si audire humanum genus voluerit, tam superuacuum sciet sibi coquum esse quàm militem. Illi sapientes fuerunt, aut certè sapientibus similes, quibus expedita erat tutela corporis. Simplici cura constant necessaria: in delicias laboratur. Non desiderabis artifices, si sequere naturam. illa noluit esse districtos: ad quæcumque nos cogebat, instruxit. Frigus intolerabile est corpori nudo. Quid ergo? numquid non pelles ferarum, & aliorum animalium à frigore satis, abundeque defendere queunt? non corticibus arborum pleræque gentes tegunt corpora? non auum plumæ in vsum vestis conferuntur? non hodieque magna Scytharum pars, tergis vulpium induitur ac murium, quæ tactu mollia, & impenetrabilia ventis sunt? Opus est tamen calorem solis æstiuæ umbra crassiore propellere. Quid ergo? non verustas multa abdedit loca, quæ vel iniuria temporis, vel alio quolibet casu excauata in specum recesserunt? Quid ergo? non quamlibet virgeam craterem texuerunt manus, & vili obleuerunt luto, deinde stipula alijsque siluestribus ope-

operuere fastigium, & pluuijs per deuexa  
labentibus, hiemem transire securi? Quid  
ergo? non in defosso latent Syrticę gentes?  
quibus propter nimios solis ardores, nul-  
lum tegumentum satis repellendis calori-  
bus solidum est, nisi ipsa arens humus. Nō  
fuit tam inimica natura, vt cū omnibus  
alijs animalibus facilem actum vitę daret,  
homo solus non posset sine tot artibus vi-  
uere. Nihil horū ab illa nobis imperatum  
est, nihil agrē quærendum vt possit vita  
produci. Ad parata nati sumus: nos omnia  
nobis difficilia faciliū fastidio fecimus.  
Tecta tegumentaque, & fomēta corporū,  
& cibi, & quę nunc ingens negotium facta  
sunt, obuia erant, & gratuita, & opera le-  
ui parabilia: modus enim omnium, prout  
postulabat necessitas, erat; nos ista pretio-  
sa, nos mira, nos magnis multisque con-  
quirenda artibus fecimus. Sufficit ad id  
natura, quod poscit. A natura luxuria de-  
sciuit, quę quotidie seipsam incitat, & tot  
seculis crescit, & ingenio adiuvat vitia. Pri-  
mò superuacua cœpit concupiscere, inde  
contraria, nouissimè corpori animum ad-  
dixit, & illius deseruire libidini iussit. Om-  
nes istę artes, quibus aut excitatur ciuitas,  
aut strepit, corporis negotium gerunt: cui  
omnia olim tamquam seruo præstaban-  
tur, nunc tamquam domino parantur. Ita-  
que hinc textorum, hinc fabrorum offici-  
næ sunt, hinc odores coquentium, hinc  
molles corporis motus docentium, molles-  
que

que cantus & infractus. Recessit enim ille naturalis modus, desideria ope necessaria finiens: iam rusticitatis & miseriæ est, vel le quantum sat est. Incredibile est, mi Lucili, quàm facilè etiam magnos viros dulcedo orationis abducatur à vero. Ecce Posidonius, ut mea fert opinio, vnus ex iis qui plurimum philosophiæ contulerunt, dum vult describere primum, quemadmodum alia torqueantur fila, alia ex molli solutoque ducantur: deinde quemadmodum tela suspensis ponderibus rectum stamen extendat; quemadmodum subtemen insertum, quod duritiam vtriusque comprimantis tramæ remolliat; spata coire cogantur & iungi: textricum quoque artem à sapientibus dixit inuentam, oblitus postea repertum hoc subtilius genus, in quo

*Tela iugo iuncta est, stamen secernit arundo.*

*Inferitur mediū radiis subtemen acutis,  
Quod lato feriunt insecti pectine dentes.*

Quid si contigisset illi videre has nostri temporis telas, quibus vestis nihil celatur: ra conficitur, in qua non dico nullum corpori auxilium, sed nullum pudori est? Transit deinde ad agricolas, nec minùs facundè describit proscissum aratro solum, & iteratum, quo solutior terra faciliùs pateat radicibus: tum sparsa semina, & collectas manu herbas, ne quid fortuitum & agreste succrescat, quod necet segetem. Hoc quoque opus ait

esse sapientium: tamquam non nunc quoque plurima cultores agrorum noua inueniant, per quæ fertilitas augeatur. Deinde non est contentus his artibus, sed in pistrinum sapientem submittit. Narrat enim quemadmodum, rerum naturam imitatus, panem coepit facere. Receptas, inquit, in os fruges, concurrens inter se duritia dentium frangit, & quidquid excidit, ad eosdem dentes lingua refertur: tunc verò saluæ miscetur, ut facilius per fauces lubricas transeat. Cum peruenit in ventrē, aqualiculi feruore concoquitur, tunc demum corpori accedit. Hoc aliquis secutus exemplar, lapidem asperum aspero imposuit, ad similitudinem dentium, quorum pars immobilis motum alterius expectat: deinde vtriusque attritu grana franguntur, & sæpius regeruntur, donec ad minutiam frequenter trita redigantur. Tunc farinam aqua sparsit, & assidua tractatione perdomuit, finxitque panem: quem primò cinis calidus, & feruens testa percoxit: deinde furni paullatim reperi, & alia genera, quorum feruor feruiret arbitrio. Non multū abfuit, quin sutrinū quoque inuentū à sapientibus diceret. Omnia ista ratio quidem, sed non recta ratio cōmentata est. Hominis enim, nō sapientis inuenta sunt: tam mehercules quā nauigia, quibus amnes, quibusque maria transimus, aptatis ad excipiendū ventorum impetum velis, & additis à tergo gubernaculis, quæ huc

at-



atque illuc cursum nauigij torqueant: & exemplum à piscibus tractum est, qui cauda reguntur, & leni eius in vtrumque momento velocitatem suam flectunt. Omnia hæc quidem, inquit, sapiens inuenit: sed minora, quàm vt ipse tractaret, sordidioribus ministris dedit. Imò non ab aliis excogitata ista sunt, quàm à quibus hodieq; curantur. Quædam nostra demum prodisse memoria scimus: vt speculariorum vsum, per luocte testa, clarum transmittentium lumen: vt suspensas balneorum, & impressos parietibus tubos, per quos circumfunderetur calor, qui ima simul & summa foueret æqualiter. Quid loquar marmora, quibus templa, quibus domus fulgent? Quid lapideas moles in rotundum ac leue formatas, quibus porticus & capacia populorum tecta suscipimus? Quid verborum notas, quibus quamuis citata excipitur oratio, & celeritatem linguæ manus sequitur? Vilissimorum mancipiorum ista commenta sunt: sapientia altius sedet, nec manus docet; animorum magistra est. Vis scire, quid illa eruerit, quidve effecerit? Non indecoros corporis motus, nec varios per tubā ac tibiam cantus, quibus exceptus spiritus, aut in exitu, aut in trāsitu, formatur in vocem: non arma, nec muros, nec bella: vtilia molitur, paci fauet, & genus humanum ad concordiam vocat. Non est, inquam, instrumentorum ad vsus necessarios opifex. quid illi tam

paruula assignas?artificem vides vitæ . A-  
 lias quidem artes sub dominio habet.nam  
 cui vita , illi vitæ quoque ornamenta ser-  
 uiunt : ceterum ad beatum statum tendit;  
 illò ducit, illò vias aperit. Quæ sint mala,  
 quæ videantur , ostendit : vanitatem exuit  
 mentibus,dar magnitudinem solidam:in-  
 flatam verò , & ex inani speciosam reprimi-  
 mit: nec ignorari finit , inter magna quid  
 intersit & tumida: totius naturæ notitiam,  
 ac suæ tradit. Quid sint dii,qualesque,de-  
 clarat : quid inferi , quid lares & genij.  
 Quid in secundam numinum formam a-  
 nimæ perpetuæ, vbi cōsistant,quid agant,  
 quid possint, quid velint. Hæc eius initia-  
 menta sunt . per quæ non municipale sa-  
 crum , sed ingens omnium deorum tem-  
 plum mundus iste referatur: cuius vera si-  
 mulacra , verasque facies cernendas men-  
 tibus protulit. nam ad spectacula tam ma-  
 gna hebes visus est . ad initia deinde rerū  
 redit, & æternam rationem toti inditam,  
 & vim omnium seminum singula propriè  
 figurantem. Tum de animo cœpit inqui-  
 rere, vnde esset, vbi,quādiu,in quot mem-  
 bra diuisus . Deinde à corporalibus se ad  
 incorporalia transtulit , veritatemque &  
 argumenta eius excusit: post hæc , quem-  
 admodum discernentur vitæ ac necis  
 ambigua : in vtraque enim falsa veris im-  
 mixta sunt. Nō abduxit,inquam,se,vt Po-  
 sidonio videtur,ab istis artibus sapiens, sed  
 ad illas omnino non venit. Nihil enim di-  
 gnum

gnum inuentu iudicasset, quod non erat dignum perpetuo usu iudicaturus. ponenda non sumeret. Anacharsis, inquit, inuenit rotam figuli, cuius circuitu vasa formantur. Dein quia apud Homerum inuenitur figuli rota, mauult videri versus falsos esse, quàm fabulam. Ego nec Anacharsin huius rei fuisse auctorem contendō: & si fuit, sapiens quidem hoc inuenit, sed non tamquam sapiens: sicut multa sapientes faciunt, quàm homines sunt, nō quàm sapientes. Puta velocissimum esse sapientem: cursu omnes anteibit, quàm velox est, non quàm sapiens. Cuperem Posidonio aliquem vitrarium ostendere, qui spiritu vitrum in habitus plurimos format, qui vix diligenti manu effingerentur. Hæc inuenta sunt, postquam sapientem inuenire desinuimus. Democritus, inquit, inuenisse dicitur fornicem, vt lapidū curuatura paulatim inclinorum medio saxo alligaretur. Hoc dicam falsum esse. Necessè est enim ante Democritum, & pontes, & portas fuisse; quarum ferè summa curuantur. Excidit porro vobis eundem Democritū inuenisse, quemadmodum ebur poliretur, quē admodū decoctus calculus in smaragdū cōuerteretur, qua hodieq; coctura inuenti lapides coctiles colorantur. Ista sapiēs licet innenerit, nō quàm sapiens erat, inuenit. multa enim facit, quę ab imprudentissimis aut equē fieri videmus, aut peritiū, aut exercitatiū. Quid sapiens inuestigauerit,

R 3 quid

quid in lucem protraxerit, quæris? Primum rerum naturam, quam non ut cetera animalia oculis secutus est, tardis ad diuina. Deinde vitæ legem, quam ad vniuersa direxit: nec nosse tantum, sed sequi docuit deos, & accidentia non aliter excipere, quam imperata. Vetuit parere opinionibus falsis, & quanti quidque esset, vera æstimatione perpendit: damnauit mixtas poenitentia: voluptates. Et bona semper placitura laudauit, & palam fecit, felicissimum esse, cui felicitate opus non est: potentissimum esse, qui se habet in potestate. Non de ea philosophia loquor, quæ ciuē extra patriam posuit, extra mundū deos, quæ virtutem donauit voluptati: sed de illa, quæ nullum bonum putat, nisi quod honestum est; quæ nec hominis, nec fortunæ muneribus defeniri potest; cuius hoc pretium est, non posse pretio capi. Hanc philosophiam fuisse illo rudi sæculo, quo adhuc artificia deerant, & ipso vso discebant vtilia, non credo: sicut ante fortunata tempora, cum in medio iacerent beneficia naturæ promiscuè vtenda, antequam auaritia atque luxuria dissociare mortales, & ad rapinam ex consortio discurrere, non erant illi sapientes viri, etiam si faciebant facienda sapientibus. Statum quidem generis humani, non aliū quisquā suspexerit magis; nec, si cui permittat Deus terrena formare, & dare gentibus mores, aliud probauerit, quam quod apud illos.

illos fuisse memoratur, apud quos

*—nulli subigebant arua coloni*

*Nec signare quidem, aut partiri limite-  
campum:*

*Fas erat: in medium quarebant, ipsa-  
que tellus*

*Omnia liberiùs, nullo poscente, ferebat.*

Quid hominum illo genere felicius? In commune rerum natura fruebantur: sufficiebat illa, ut parens, in tutelam omnium: hæc erat publicarum opum secura possessio. Quid ni ego illud locupletissimum mortalium genus dixerim, in quo pauperem inuenire non posses? Irrupit in res optimè positas auaritia: & dum seducere aliquid cupit, atque in suum vertere, omnia fecit aliena, & in angustum ex immenso redacta, paupertatem intulit, & multa concupiscendo, omnia amisit. Licet itaque velit nunc concurrere & reparare quod perdidit; licet agros agris adiiciat, vicinum vel pretio pellat aeris, vel iniuria; licet in prouinciarum spatium rura dilatet, & possessionem vocet, per sua longam peregrinationem: nulla nos finium propagatio eò reducet, vnde discessimus. Cum omnia fecerimus, multum habebimus: vniuersum habebamus. Terra ipsa fertilior erat illaborata, & in vsus populorum non diripientium larga. Quidquid natura protulerat, id non minùs inuenisse, quàm inuentum monstrare alteri, voluptas erat: nec aut vlli superare poterat, aut

deesse. inter concordēs diuidebatur. Non-  
dum valentior imposuerat infirmiori ma-  
num, nondum avarus abscondendo quod  
sibi iaceret, alium necessariis quoque ex-  
cluserat: par erat alterius, ac sui cura. Ar-  
ma cessabant, incruentæq; humano san-  
guine manus, odium omne in feras verte-  
rant. Illi, quos aliquod nemus densum à  
sole protexerat, qui aduersus sæuitiam  
hiemis, aut imbris, vili receptaculo tuti  
sub fronde vivebant, placidas transigebant  
sine suspirio noctes. Sollicitudo nos in no-  
stra purpura versat, & acerrimis excitat sti-  
mulis: mollem somnum illis dura tellus  
dabat. Non impendebant cælata laquea-  
ria: sed in aperto iacentes sidera superla-  
bebantur, & insigne spectaculum noctiū,  
mundus in præceps agebatur, silentio tan-  
tum opus ducens. tam interdiu illis, quàm  
noctu, patebat prospectus huius pulcherri-  
mæ domus: libebat intueri signa, ex media  
cæli parte vergentia, rursus ex occulto a-  
lia surgentia. Quid ni iuaret vagari in-  
ter tam latè sparsa miracula? At vos ad om-  
nem tectorum paueis sonum, & inter pi-  
cturas veitras si quid increpuit, fugitis at-  
toniti. Non habebant domos, instar vr-  
bium. Spiritus ac liber inter aperta flatus,  
& levis umbra rupis aut arboris, & perlu-  
cidi fontes, riuique non opere, nec fistula,  
nec vllō coacto itinere obsolefacti, sed  
sponte currentes, & prata sine arte formo-  
sa, inter hæc agreste domicilium rustica  
positum

positum manu. Hæc erat secundum naturam domus, in qua libebat habitare, nec ipsam, nec pro ipsa timentem: nunc magna pars nostri metus, tecta sunt. Sed quamuis egregia illis vita fuerit, & carens fraude, non fuere sapientes, quando hoc iam in opere maximo nomen est. Non tamen negauerim fuisse alti spiritus viros, & ut ita dicam, à diis recentes. neque enim dubium est, quin meliora mundus nondum effectus ediderit. Quemadmodum autem omnibus indoles fortior fuit, & ad labores paratior: ita non erant ingenia omnibus consummata. Non enim dat natura virtutem: ars est, bonum fieri. Illi quidem non aurum, nec argentum, nec perlucidos lapides ima terrarum sece querebant, parcebantque adhuc etiam mutis animalibus: tantum aberat, ut homo hominem non iratus, non timens, tantum spectaturus occideret. Nondum vestis illis erat picta, nondum texebatur aurum: adhuc non eruebatur. Quid ergo ignorantia rerum innocentes erant. multum autem interest, utrum peccare aliquis nolit, an nesciat. Deerat illis iustitia, deerat prudentia, deerat temperantia ac fortitudo. Omnibus his virtutibus habebat similia quædam rudis vita: virtus non contingit animo, nisi instituto & edocto, & ad summum assidua exercitatione perducto. Ad hoc quidem, sed sine hoc nascimur: & in optimis quoque antequam erudias, virtutis materia, non virtus est.

EPIST. XCI. Liberalis noster nunc tristis est, nunciato incendio, quo Lugdunensis colonia exusta est. Mouere hic casus quemlibet posset, nedum hominem patriæ suæ amantissimum. Quæ res efficit, ut firmitatem animi sui quærat, quam videlicet ad ea quæ timeri posse putabat, exercuit: hoc verò tam inopinatum malum, pænè inauditum, non miror si sine metu fuit, cum esset sine exemplo. Multas enim ciuitates incendium vexauit, nullam abstulit. Nam etiam ubi hostili manu in tecta ignis immissus est, multis locis deficit: & quamuis subinde exciteretur, raro tamen sic cuncta depascitur, ut nihil ferro relinquat. Terrarum quoque vix vnumquam tam grauis & perniciosus fuit motus, ut tota oppida euerteret. Numquam denique tam infestum ulli exarsit incendium, ut nihil alteri superesset incendio. Tot pulcherrima opera, quæ singula illustrare vrbes singulas possent, vna nox strauit; & in tanta pace, quantum ne bello quidem timeri potest, accidit. Quis hoc credat? ubique armis quiescentibus, cum toto orbe terrarum diffusa securitas sit, Lugdunum, quod ostendebatur in Gallia, quaeritur. Omnibus fortuna, quos publicè afflixit, quod passuri erant, timere permisit: nulla res magna non aliquod habuit ruinæ suæ spatium: in hac, vna nox fuit inter urbem maximam, & nullam. Denique diutius illam tibi peris, quàm periit, narro. Hæc omnia Liberalis.



ralis nostri affectum inclinant, aduersus  
 sua firmum & erectum. Nec sine causa:  
 concussus est. Inexpectata plus aggra-  
 uant: nouitas adijcit calamitatibus pon-  
 dus: nec quisquam mortalium non magis,  
 quod etiam miratus est, doluit. Ideo nihil  
 nobis improuisum esse debet. in omnia  
 præmittendus est animus: cogitandum-  
 que, non quidquid solet, sed quidquid po-  
 test fieri. Quid enim est, quod non fortu-  
 na cum uoluit, & florentissimo detrahat?  
 quod non eò magis aggrediatur & qua-  
 tiat, quò speciosius fulget? Quid illi ardu-  
 um, quidve difficile est? non una via sem-  
 per, ne tota quidem incurrit. Modò no-  
 stras in nos manus aduocat, modò suis cõ-  
 tenta viribus, inuenit pericula sine aucto-  
 re. Nullum tempus exceptum est: in ipsis  
 voluptatibus causæ doloris oriuntur. Bel-  
 lum in media pace consurgit, & auxilia  
 securitatis in metum transeunt: ex amico  
 inimicus, hostis ex socio. In subitas tem-  
 pestates, hibernisq̃ue maiores, agitur æti-  
 ua tranquillitas. Sine hoste patimur hosti-  
 lia: & cladis causas, si alia deficiunt, nimia  
 sibi felicitas inuenit. Inuadit temperatissi-  
 mos morbus, validissimos phthisis, inno-  
 centissimos pœna, seceratissimos tumultus.  
 Eligit aliquid noui casus, per quod velut  
 oblitis vires suas ingerat. Quidquid longa  
 series, multis laboribus, multa Deum in-  
 dulgentia struxit, id vnus dies spargit ac  
 dissipat. Longam moram dedit malis pro-

perantibus; qui diem dixit, horam, momentumque temporis, euertendis imperiis sufficere. Esset aliquod in becillitatis nostræ solatium rerumque nostrarum; si tam tardè perirent cuncta, quàm sunt: nunc incrementa lentè exeunt, festinatur in damnum. Nihil priuatim, nihil publicè stabile est: tam hominum, quàm vrbium, fata voluuntur. Inter placidissima terror existit, nihilque extrà tumultuantius causis; mala vnde minimè expectabantur, erumpunt. Quæ domesticis bellis steterant regna, quæ externis, impellente nullo ruunt. Quota quæque felicitatem ciuitas pertulit? Cogitanda ergo sunt omnia, & animus aduersus ea quæ possunt euenire, firmandus. Ex filia, tormenta, bella, morbos, naufragia meditare. potest te patriæ, potest patriâ tibi casus eripere: potest te in solitudinem abijcere, potest hoc ipsum in quo turba suffocatur, fieri solitudo. Tota ante oculos sortis humanæ conditio ponatur: nec quantū frequenter euenit, sed quantū plurimum potest euenire, præsumamus animo, si nolumus opprimi, nec vllis inuitatis velut nouis obtupestieri. In plenum cogitanda fortuna est: Quoties Asiæ, quoties Achaïæ vrbes vno tremore ceciderunt? quot oppida in Syria? quot in Macedonia deuorata sunt? Cyprum quoties vastauit hæc clades? quoties in se Paphnis corruit? Frequenter nobis nunciati sunt totarum vrbium interitus: & nos, inter quos frequenter

quenter ista nunciantur, quota pars omnium sumus? Confurgamus itaque aduersus fortuita: & quidquid inciderit, sciamus non esse tam magnum, quàm rumore iactetur. Ciuitas arsit opulenta, ornamentumque prouinciarum, quibus & inserta erat, & excepta, vnitamen imposita, & huic non altissimo monti. Omnium istarum ciuitatum, quas nunc magnificas ac nobiles audis, vestigia quoque tempus eradet. Non vides, quemadmodum in Achaia clarissimarum vrbiū iam fundamenta consumpta sint, nec quidquam exstet, ex quo appareat illas saltem fuisse? Non tantum manufacta labuntur, non tantum humana arte atque industria posita vertit dies: iuga montium diffluunt, totę desedere regiones. Operta sunt fluctibus, quę procul à conspectu maris stabant: vastauit ignis colles, per quos elucebat: erosit & quondam altissimos vertices, solatia nauigantium, ac speculas ad humilem arenam deduxit. Ipsius naturę opera vexantur: & ideo equo animo ferre debemus vrbiū excidia. Casura omnia exstant: omnibus exitus manet: siue interna vi flatuque preclusa violenti pondus, sub quo tenentur, excusserint; siue torrentium in abdito vis obstantia effregerit; siue flammarum violentia compaginem soli ruperit; siue vetustas, à qua nihil tutū est, expugnauerit minutatim; siue grauitas cęli eiecerit populos, & situs deserta corruperit. Enumerare omnes

omnes. fatorum vias, longū est: hoc vnum  
 scio: omnia mortalium opera, mortalita-  
 te damnata sunt: inter peritura viuimus.  
 Hæc ego atque eiusmodi solati admo-  
 ueo. Liberali nostro, incredibili quodam  
 patriæ suæ amore flagranti: quæ fortasse  
 consumpta est, vt in melius excitaretur.  
 Sæpe maiori fortunæ locum fecit iniuria:  
 multa ceciderunt, vt altius surgerent, &  
 in maius. Timagenes felicitati vrbis ini-  
 micus aiebat, *Roma sibi incendia ob hoc*  
*vnum dolori esse, quod sciret meliora re-*  
*surrectura, quàm arsisent.* In hac quo-  
 que vrbe verisimile est certaturos omnes  
 esse, vt maiora certioraque, quàm amise-  
 re, restituantur. Sint vtinam diuturna, &  
 melioribus auspicijs in æuum longius cō-  
 dita! Nam huic coloniz ab origine sua  
 centesimus annus est, ætas ne homini qui-  
 dem extrema. A Planco deducta in hanc  
 frequentiam, loci opportunitate, conua-  
 luit: quæ tamen grauissimos casus intra  
 spatium humanæ pertulit senectutis. Ita-  
 que formetur animus ad intellectum, pa-  
 tientiamque sortis suæ, & sciat nihil inau-  
 sum esse fortunæ. Aduersus imperia illam  
 idem habere iuris, quod aduersus imperā-  
 tes: aduersus vrbes idem posse, quod ad-  
 uersus homines. Nihil horum indignan-  
 dum est: in eum intrauimus mundum, in  
 quo his legibus viuatur. Placet? pare. non  
 placet? quacūq; vis exi. Indignare, si quid  
 in te iniqui propriè constitutum est: sed si  
 hæc

hæc imos summosque necessitas alligat, in gratiam cum fato reuertere, à quo omnia resoluuntur. Nos est quod nos tumultis metiaris, & his monumentis quæ viam disparia prætexunt: æquat omnes cinis. imperes nascimur, pares morimur. Idem de vrbibus, quod de vrbium incolis dico: tam Ardea capta, quàm Roma est. Conditor ille iuris humani, non natalibus nos, nec nominum claritate distinxit, nisi dum sumus. Vbi verò ad finem mortalium ventum est: Discede, inquit, ambitio: omnium quæ terram premunt, si remps lex esto. Ad omnia patiendæ pares sumus: nemo altero fragilior est, nemo in crastinum sui certior. Alexander Macedonum rex discere Geometriam infelix cœperat, sciturus quàm pusilla terra esset, ex qua minimum occupauerat. Ita dico infelix ob hoc, quod intelligere debebat falsum se gerere cognomen. quis enim esse magnus in pusillo potest? Erant illa quæ tradebantur, subtilia, & diligenti intentione discenda: non quæ percipere posset vrsanus homo, & trans Oceanum cogitationes suas mittens. *Facilia*, inquit, *me doce*. Cui præceptor: *Ista*, inquit, *omnibus eadem sunt, aequè difficilia*. Hoc puta rerum naturam dicere: Ista de quibus quereris, omnibus eadem sunt: nulli dari faciliora possunt: sed quisquis volet, sibi ipsi illa reddet faciliora. Quomodo? æquanimitate. Et doleas oportet, & sitias, & esurias,

esurias, & senescas, & si tibi longior contigerit inter homines mora, & agrotas, & perdas aliquid, & pereas. Non est tamen quòd istis, quæ te circumstrepunt, credas: nihil horum malum est, nihil intolerabile, aut durum. Ex consensu istis metus est. sic mortem times, quomodo famam: quid autem stultius homine, verba metuente? Eleganter Demetrius noster solet dicere, *eodem loco sibi esse voces imperitorum, quo ventre redditos crepitus*. Quid enim, inquit, mea refert, sursum isti an deorsum sonent? Quanta dementia est vereri, ne infameris ab infamibus? Quemadmodum famam extimuisisti sine causa: sic & illa, quæ numquam timeretis, nisi fama iussisset. Numquid detrimenti faceret vir bonus, iniquis rumoribus aspersus? nec morti quidem hoc apud nos noceat: & hæc malam molitionem habet. Nemo eorum qui illam accusant, expertus est, interim temeritas est, damnare quod nescias. At illud scis, quàm multis utilis sit, quàm multos liberet tormentis, egestate, querelis, suppliciis, tædio. Non sumus in vilius potestate, cum mors in nostra potestate sit.

EPIST. XCII. Puto, inter me teque cōuenit, externa corpori acquiri, corpus in honorem animi coli, in animo esse partes ministras, per quas mouemur alimurque, propter ipsum principale nobis datas. In hoc principali est aliquid irrationale,

nale, est & rationale. Illud huic seruit: hoc vnum est, quod aliò non refertur, sed omnia ad se perfert. Nam illa quoque diuina ratio omnibus præposita est, ipsa sub nullo est: & hæc autem nostra eadem est, quia ex illa est. Si de hoc inter nos conuenit, sequitur vt de illo quoque conueniat, in hoc vno positam esse beatam vitam, vt in nobis ratio perfecta sit. Hæc enim sola non submittit animum, stat contra fortunam: in quolibet rerum habitu seruata, seruat. Id autem vnum bonum est, quod numquam defringitur. Is, inquam, beatus, quem nulla res minorem facit: tenet summa, & ne vlli quidem, nisi sibi, innixus. Nam qui aliquo auxilio sustinetur, potest cadere. Si aliter est, incipient in nobis multum valere non nostra. Quis autem vult constare fortuna, aut qui se prudens ob aliena miratur? Quid est beata vita? securitas & perpetua tranquillitas. Hanc dabit animi magnitudo, dabit constantia benè iudicati tenax. Ad hoc quomodo peruenitur? si veritas tota perspecta est, si seruatus est in rebus agendis ordo, modus, decor, & innoxia voluntas, aut benigna, intenta rationi, nec vnumquam ab illa recedēs, amabilis simul, mirabilisque. Denique, vt breuiter tibi formulam scribam, talis animus sapientis esse viri debet, qualis Deū deceat. Quid potest desiderare is, cui omnia honesta cōtingunt? Nam si possunt aliquid non honesta cōferre ad optimum statum,

statum, in ijs erit beata vita, sine quibus non est. Et quid stultius, turpiusve, quàm bonum rationalis animi ex irrationalibus necere? Quidam tamen augeri summum bonum iudicant, quia parùm plenum sit, fortuitis repugnantibus. Antipater quoque, inter magnos sectæ huius auctores, aliquid se tribuere dicit externis, sed exiguum admodum. Vides autem quale sit, die non esse contentum, nisi aliquis igniculus alluxerit. Quod potest in hac claritate solis habere scintilla momentum? Si non es sola honestate contentus, necesse est aut quietem adijci velis, quã hesychian vocant Græci, aut voluptatem. Horum alterum utcumque recipi potest: vacat enim animus molestia, liber ad cōspectum vniuersi, nihilque illum auocat à contemplatione naturæ: alterum illud, voluptas, bonum pecoris est. Adijcimus rationali irrationale, honesto inhonestum. Magnā vitam facit titillatio corporis? quid ergo dubitatis dicere, benè esse homini, si palato benè est? Et hunc tu, non dico inter viros numeras, sed inter homines, cuius summum bonū saporibus, ac coloribus, ac sonis constat? Excedat ex hoc animalium numero pulcherrimo, ac dijs secundo, mutis aggregetur animal pabulo natum. Irrationalis pars animi, duas habet partes: alterā animosam, ambitiosam, impotētem, positam in affectionibus: alteram humilem, languidam, voluptatibus deditam. Illam effrænā-



effrænata, meliorem tamen, certè fortio-  
rem ac digniorem viro, reliquerunt: hanc  
necessariam beatæ vitæ putauerunt, ener-  
uem & abiectam. Huic rationem seruire  
iusserunt, & fecerunt animalis generosis-  
simi bonum, demissum & ignobile. Præ-  
terea mixtum, portentosumque; & ex di-  
uersis animalium congruentibus mem-  
bris. nam, ut ait Virgilius noster in Scylla,

*Prima hominis facies, & pulchro pecto-  
re virgo*

*Pube tenns, postrema immani corpore  
pistrix,*

*Delphinum caudas utero commissa lu-  
porum.*

Huic tamen Scyllæ fera animalia iuncta  
sunt, horrenda, velocia: at isti sapientiam  
ex quibusnam composuere portentis? Pri-  
ma hominis pars est ipsa virtus: huic com-  
mittitur futilis caro, & fluida, & receptan-  
dis tantùm cibus habilis, ut ait Posidonius.  
Virtus illa diuina in lubricum defuit, &  
superioribus eius partibus venerandis at-  
que cœlestibus animal. iners ac marcidum  
attexitur. Illa utcumque alta quies, ni-  
hil quidem ipsa animo præstabat, sed im-  
pedimenta remouebat: voluptas vitrò dis-  
soluit, & omne robur emollit. Quæ in-  
uenietur tam discors inter se iunctura  
corporum? Fortissimæ rei inertissima ad-  
struitur, seuerissimæ parùm serua, san-  
ctissimæ intemperans vsque & indigesta.  
Quid ergo, inquit, si virtutem nihil im-  
peditu-

peditura fit bona valetudo, & quies, & do-  
 lorum vacatio, non petes illa? Quid ni pe-  
 tam? non quia bona sunt, sed quia secun-  
 dum naturam sunt, & quia bono à me iu-  
 dicio sumuntur. Quod erit in illis tunc bo-  
 num? hoc vnum, benè eligi. Nam cùm  
 vestem qualem decet sumo, cùm ambulo  
 vt oportet, cùm cæno quemadmodum de-  
 beo: non cæna, aut ambulatio, aut vestis bo-  
 na sunt, sed meum in his propositum, ser-  
 uandi in quaque re rationi conuenientem  
 modum. Etiam nunc adijciam: Mundæ  
 vestis electio appetenda est homini. natu-  
 ra enim homo mundum & elegans ani-  
 mal est. Itaque non est bonum per se  
 munda vestis, sed mundæ vestis electio:  
 quia non in re bonum est, sed in electio-  
 ne: qua actiones nostræ honestæ sunt, non  
 ipsa quæ aguntur. Quod de veste dixi,  
 idem de corpore me exiltima dicere. nam  
 hoc quoque natura, vt quamdam vestem,  
 animo circumdedit: velamentum eius est.  
 Quis autem vnquam vestimenta aestima-  
 uit arcula? Nec bonum, nec malum va-  
 gina gladium facit. Ergo de corpore  
 quoque idem tibi respondeo: sumpturum  
 quidem me, si detur electio, & sanita-  
 tem & vires: bonum autem futurum, iu-  
 dicium de illis meum, non ipsa. Est qui-  
 dem, inquit, sapiens beatus: summum  
 tamen illud bonum non assequitur, nisi  
 illi & naturalia instrumenta respondeant.  
 Ita miser quidem esse, qui virtutem ha-  
 bet,

bet, non potest; beatissimus autem non est, qui naturalibus bonis destituitur, ut valetudine, & membrorum integritate. Quod incredibilius videtur, id concedis, aliquem in maximis & continuis doloribus non esse miserum, esse etiam beatum: quod leuius est, negas, beatissimum esse. Atqui si potest virtus efficere, ne miser aliquis sit, facilius efficiet, ut beatissimus sit. minus enim interualli à beato ad beatissimum restat, quàm à misero ad beatum. An quæ res tantum valet, ut ereptum calamitatibus inter beatos locet: non potest adicere quod superest, ut beatissimum faciat? in summo deficit cliuo? Commoda sunt in vita, & incommoda: vtrique extra nos. Si non est miser vir bonus, quamuis omnibus prematur incommodis: quomodo non beatissimus, & si aliquibus commodis deficitur? Nam quemadmodum incommodorum onere usque ad miserum non deprimitur, sic commodorum inopia non deducitur à beatissimo: sed tam sine commodis beatissimus est, quàm non est sub incommodis miser. An non potest illi eripi bonum suum, si potest minui? Paullò antè dicebam, igniculū nihil conferre lumini solis: claritate enim eius, quidquid sine eo lucet, absconditur. Sed quædam, inquit, soli quoque obstant. At solis vis & lux integra est, etiam inter opposita: & quamuis aliquid intieriaceat, quod nos prohibeat eius adspectu, in opere

opere est, cursu suo fertur. Quoties inter nubila luxit, non est sereno minor, nec tardior quidem: quoniam multum interest, vtrum aliquid obstat tantum, an impediatur. Eodem modo virtuti opposita nihil detrahunt. non est minor, sed minus fulget: nobis forsitan non æquè apparet ac nitet: sibi eadem est, & more solis obscuri, in occulto vim suam exercet. Hoc itaque aduersus virtutē possunt calamitates, & damna, & iniuriæ, quod aduersus solem potest nebula. Inuenitur qui dicat, sapientem corpore parū prospero vsum, nec miserum esse, nec beatum. Hic quoque fallitur. exæquat enim fortuita virtutibus, & tantumdem tribuit honestis, quantum honestate carentibus. Quid autem fēdius, quid indignius, quā comparare veneranda contemptis? Veneranda enim sunt, fides, iustitia, pietas, fortitudo, prudentia: è contrariō vilia sunt, quæ sæpe cōtingunt pleniora vilissimis, crura solidū, & lacertus, & dentes, & horum sanitas, firmitasque. Deinde si sapiens cui corpus molestū est, nec miser habebitur, nec beatus, sed in medio relinquetur: vita quoque eius nec appetēda erit, nec fugienda. Quid autem tam absurdum, quā sapientis vitam appetendam non esse? aut quid tam extra fidem, quā esse aliquam vitam nec appetendā, nec fugiendā? Deinde, si damna corporis miserum nō faciunt, beatum esse patitur. Nam quibus potentia non est in  
peio-

peiores transferendi statum, nec interpellandi quidem optimum. Frigidum, inquit, aliquid & calidum nouimus: inter vtrumque tepidum est. Sic aliquis beatus est, aliquis miser: aliquis nec miser, nec beatus. Volo hanc contra nos positam imaginem excutere. Si tepido illi plus frigidi ingessero, fiet frigidum: si plus calidi affudero, fiet nouissimè calidum. At huic, nec misero, nec beato, quantumcumq; ad miseras adiecero, miser non erit, quem admodum dicitis: ergo imago ista dissimilis est. Deinde tradotibi hominem, nec miserum, nec beatum. huic adiicio cæcitatem, non fit miser: adiicio debilitatem, non fit miser: adiicio dolores continuos & graues, nō fit miser. Quem tam multa mala in miseram vitam non transferunt, nec ex beata quidem educunt. Si non potest, vt dicitis, sapiens ex beato in miserum decidere, non potest in non beatum. quare enim qui labi cœpit, alicubi subsistat? quæ res non patitur illum ad imū deuolui, retinet in summo. Quid ni non possit beata vita rescindi? nec remitti quidem potest: & ideo virtus ad illam per se ipsa satis est. Quid ergo? inquit. sapiens non est beator, qui diutius vixerit, quem nullus auocauit dolor, quàm ille qui cum mala fortuna sæpe luctatus est? Responde mihi: Numquid & melior est, & honestior? si hæc non sunt, nec beator quidem est. Rectius viuatur oportet, vt beatiùs viuatur:

si rectius non potest, ne beatius quidem.  
 Non intenditur virtus: ergo ne beata qui-  
 dem vita, quæ ex virtute est. Virtus enim  
 tantum bonum est, ut istas accessiones mi-  
 nutas non sentiat, brevitatem ævi, & do-  
 lorem, & corporum varias offensiones.  
 Nam voluptas non est digna, ad quam re-  
 spiciat. Quid est in virtute præcipuum?  
 futuro non indigere, nec dies suos com-  
 putare. In quantolibet tempore, bona  
 æterna consummant. Incredibilia nobis  
 hæc videntur, & supra humanam natu-  
 ram excurrentia. Maiestatem enim eius  
 ex nostra imbecillitate metimur, & vitiis  
 nostris nomen virtutis imponimus. Quid  
 porro, non æquè incredibile videtur, ali-  
 quem in summis cruciatibus positum, di-  
 cere, Beatus sum? atqui hæc vox in ipsa  
 officina voluptatis est audita. *Beatissimū,*  
 inquit, *hunc & ultimum diem ago*, Epi-  
 curus: cum illum hinc urinæ difficultas  
 torqueret, hinc insanabilis exulcerati do-  
 lor ventris. Quare ergo incredibilia sunt  
 ista apud eos, qui virtutem colunt: cum  
 apud eos quoque reperiantur, apud quos  
 voluptas imperat? Hi quoque degeneres &  
 humillimæ mentis aiunt, in summis dolo-  
 ribus, in summis calamitatibus, sapientem  
 nec miserum futurum, nec beatum. Atqui  
 hoc quoque incredibile est, imò incredibi-  
 lius. Non video enim, quo modo nō in in-  
 finitū agatur, è fastigio suo deiecta virtus.  
 Aut beatum præstare debet: aut si ab hoc  
 depulsa

depulsa est, non prohibebit fieri miserum. Stans non potest vinci : aut vincatur oportet, aut vincat. Diis, inquit, immortalibus solis & virtus & beata vita contingit: nobis umbra quædam illorum bonorum, & similitudo. accedimus ad illa, non peruenimus. Ratio verò, diis hominibusque communis: hæc in illis consummata est, in nobis consummabilis. Sed ad desperationem nos vitia nostra perducunt. Nam ille alter secundus, ut aliquis parum constans ad custodienda optima, cuius iudicium labat etiamnum & incertum est, desiderat oculorum atque aurium sensum, bonam valetudinem, & non fœdum adspæctum corporis, & habitu manentem suo, ætatis præterea longius spatium. Per hanc potest non pœnitenda agitare, ut in imperfecto viro. Huic malitiæ vis quædam inest, qua animum habet mobilem ad parua: ille agit carens malitia, & ea agitatio abest à bono. Non est adhuc bonus, sed in bonum fingitur: cuiusque autem deest aliquid ad bonum, malus est.

*Sed si cui virtus animusque in corpore præsens;*

hic deos æquat, illò tēdit originis suæ memorem. Nemo improbè eò conatur adscēdere, unde descenderat. Quid est autem, cur nō existimes in eo diuini aliquid existere, qui Dei pars est? totum hoc quo continemur, & vnum est, & Deus: & focij eius sumus, & mēbra. Capax est noster animus:

perfertur illo, si vitia nō deprimāt. Quem-  
 admodū corporum nostrorum habitus e-  
 rigitur, & spectat in cælum: ita animus, cui  
 in quantum vult, licet porrigi, in hoc à na-  
 tura rerum formatus est, ut paria diis velit,  
 & sic utatur suis viribus, ac se in spatium  
 suum extendat. Nam si aliena vi ad sum-  
 ma niteretur, magnus erat labor, ire in cæ-  
 lum: redit. cū hoc iter nactus est, vadit  
 audacter, & contemptor omnium, nec ad  
 pecuniam respicit: aurum argentumque,  
 illis in quibus iacere tenebris dignissima,  
 non ad hunc æstimat splendorem, quo im-  
 peritorum verberant oculos. scit erui è cæ-  
 no, ex quo illa secrevit cupiditas nostra &  
 effodit. Scit, inquam, alibi positas esse diui-  
 tias, quā quò congeruntur: animum im-  
 pleri debere, non arcam. Hunc imponere  
 dominio omnium rerum licet, hunc in  
 possessionem rerum naturæ inducere, ut  
 suorum. Oriens Occidentique terminus  
 fiat, deorumque ritu cuncta possideat; cū  
 opibus suis diuites supernè despiciat: quo-  
 rum nemo tam latus est suo, quā tristis  
 alieno. Cū se in hanc sublimitatem tu-  
 lit, corporis quoque velut oneris necessa-  
 rij, non amator, sed procurator est: nec se  
 illi cui impositus est, subijcit. Nemo liber  
 est, qui corpori seruit. nam ut alios domi-  
 nos, quos nimia pro illo sollicitudo inue-  
 nit, transeas, ipsius morosum imperium  
 delicatumque est. Ab hoc, modò æquo a-  
 nimo exit, modò magno profilit: nec, quis  
 dein-



deinde reliquiis eius futurus sit exitus, quærit. Sed ut ex barba capillos detonsos negligimus: ita ille diuinus animus egres-  
surus hominem, quò receptaculum suum conferatur, ignis illud exurat, an feræ distrahant, an terra contegat, non magis ad se iudicat pertinere, quam secundas ad editum infantem. Vtrum proiectum aues differant, an consumatur

— *canibus data prada marinis,*  
quid ad illum? Qui runc quoque, cum inter homines est, nullas minas timet: vlla-  
ne timebit post mortem minas eorum, quibus vsque ad mortem timeri parum est? Non conteret, inquit, me, nec vncus, nec proiecti ad contumeliam cadaueris laceratio, fœda visuris. Neminem de supremo officio rogo: nulli reliquias meas commendo. ne quis insepultus esset, rerum natura prospexit. Quem sæuitia proiecerit, dies condet. Difertè Mecænas ait:

*Nec tumultum curo. sepelit natura re-  
lictos.*

Alcè cinctum putes dixisse. habuit enim ingenium & grande & virile, nisi illud ipse discinxisset.

EPIST. XCIII. In epistola qua de morte Metronactis philosophi querebaris, tamquam & potuisset diutiùs viuere, & debuisset, æquitatem tuam desideravi: quæ tibi in omni persona, in omni negotio superest; in vna re deest, in qua omnibus,

Multos inueni æquos aduersus homines. aduersus deos neminem. Obiurgamus quotidie fatum: Quare ille in medio cursu raptus est? quare ille non rapitur? quare senectutem & sibi & alijs grauem extendit? Vtrum obsecro te, æquius iudicas, te naturæ, an tibi parere naturam? quid autem interest quàm citò exeas, vnde utique exeundum est? Non vt diu viuamus, curandum est: sed vt satis. nam vt diu viuas, fato opus est: vt satis, animo. Longa est vita, si plena est. impletur autem, cum animus sibi bonum suum reddidit, & ad se potestatem sui transtulit. Quid illum octoginta anni iuuant, per inertiam exacti? non vixit iste, sed in vita moratus est; nec serò mortuus est, sed diu. Octoginta annis vixit. Interest, mortem eius ex quo die numeres. At ille obiit viridis: sed officia boni ciuis, boni amici, boni filij executus est: in nulla parte cessauit. licet eius ætas imperfecta sit, vita perfecta est. Octoginta annis vixit. Imò octoginta annis fuit: nisi fortè sic vixisse eum dicis, quomodo dicuntur arbores viuere. Obsecro te, mi Lucili, hoc agamus, vt quemadmodum pretiosa rerum, sic vita nostra non pateat multum, sed multum pendat. Actum illam metiamur, non tempore. Vis scire, quid inter hunc intersit vegetum contemptoremque fortunæ, functum omnibus vitæ humanæ stipendiis, atque in summum bonum euectum, & illum cui multi anni trans-

transmissi sunt? alter post mortem quoque est, alter ante mortem periit. Laudemus itaque, & in numero felicitum reponamus eum, cui quantulumcumque temporis contigit, bene collocatum est. Vidit enim veram lucem, non fuit vnus è multis. & viuit, & vixit, & vixit. Aliquando sereno vsus est: aliquando, vt solet, validi sideris fulgor per nubila emicuit. Quid quæris, quamdiu vixerit? vixit ad posteros vsque: transfiliit, & se in memoriam dedit. Nec ideo mihi plures annos accedere recusa-uerim: nihil tamen ad beatam vitam defuisse dicam, si spatium eius inciditur. Nō enim ad eum diem me aptaui quem vltimum mihi spes audax promiserat: sed nulum non tamquam vltimum adspexi. Quid me interrogas, quando natus sim? an inter iuniores adhuc censear? habeo meum. Quemadmodum in minore corporis habitu, potest homo esse perfectus: sic & in minore temporis modo, potest esse vita perfecta. Ætas inter externa est. Quamdiu sim, alienum est: quamdiu vir bonus sim, meum est. Hoc à me exige, ne velut per tenebras æuum ignobile emettar: vt agam vitam, non vt præteruehar. Quæris quod sit amplissimum vitæ spatium? vsque ad sapientiam viuere. Qui ad illam peruenit, attigit non longissimum finem, sed maximum. Ille verò gloriatur audacter, & diis agat gratias: interque eos, sibi & rerum naturæ imputet, quod

fuit. Merito enim impūtabit: meliorem illi vitam reddidit, quā acceperat. Exemplar boni viri posuit: qualis quantusque esset, ostendit: si quid adiecisset, fuisset simile præterito. Et tamen quousque vivimus? omnium rerum cognitione frui sumus. Scimus à quibus principalis natura se attollat, quemadmodum ordinet mundum, per quas vices annum reuocet, quemadmodum omnia quæ usquam erant, cluserit, & seipsam sui finem fecerit. Scimus, sidera imperii suo vadere: præter terram nihil stare, cetera continua velocitate decurrere. Scimus quemadmodum solem luna prætereat: quare tardior velociorem post se relinquat: quomodo lumen accipiat, aut perdat: quæ causa inducat noctē, quæ reducat diem. Illuc eundum est, vbi ista propius adspicias. Nec hac spe, inquit sapiens ille, fortius ex eo, quod patere mihi ad deos meos iter iudico. Merui quidem admitti, & iam inter illos fui: animumque illò meum misi, & ad me illi suum miserunt. Sed tolli me de medio puta, & post mortem nihil ex homine restare: æquè magnum animum habeo, etiam si nusquam transiturus excedo. Non tam multis vixit annis, quam potuit. Et paucorum versuum liber est, & quidem laudandus, atque utilis: annales Tamusij scis quā non decori sint, & quid vocentur. æquè est vita quorundam longa, & quod Tamusij sequitur annales. Numquid fe-

liciorẽ iudicas eum, qui summo die muneris, quàm eum qui medio occiditur? numquid aliquem esse tam cupidum vitæ putas, vt iugulari in spoliario, quàm in arena malit? Non maiore spatio alter alterum præcedimus. mors per omnes it: qui occidit, consequitur occisum. Minimum est, de quo sollicitissimè agitur. Quid autem ad rem pertinet quamdiu vites, quod evitare non possis?

EPIST. XCIV. Eam partem philosophiæ, quæ dat propria cuique personæ præcepta, nec in vniuersum componit hominem, sed marito suadet, quomodo se gerat aduersus vxorem: patri, quomodo educet liberos: domino, quomodo seruos. regat: quidam solam receperunt, ceteras quasi extra nostram vtilitatem vagantes reliquerunt: tamquam quis possit de parte suadere, nisi qui summam prius totius vitæ complexus est. Sed Aristo Stoicus contrariò hanc partem leuem existimat, & quæ non descendat in pectus vsque: at illam non habentem præcepta, plurimum ait proficere, ipsa quæ decreta philosophiæ, constitutionem esse summi boni. quam qui benè intellexit & didicit, quid in quaque re faciendum sit, sibi ipse præcepit. Quemadmodum qui iaculari discit, destinatum locum caprat, & manum format ad dirigenda quæ mittit: cum hanc vim ex disciplina & exercitatione percepit, quocumque vult, illa vtitur. didicit enim.

non hoc aut illud ferire, sed quodcumque  
 voluerit. sic qui se ad totam vitam instruxit,  
 non desiderat particulatim. Immoneri, do-  
 ctus in totum: non quomodo cum vxore  
 aut cum filio viueret, sed quomodo bene  
 viueret. in hoc est, & quomodo cum vxore  
 ac liberis viuatur. Cleanthes utilem qui-  
 dem iudicat & hanc partem, sed imbecille  
 nisi ab vniuerso fluit, nisi de re ipsa phi-  
 losophia & capita cognouit. In duas ergo  
 quaestiones locus iste diuiditur. Vtrum vi-  
 tilis, an inutilis sit: & an solus virum bonum  
 possit efficere, id est, vtrum superuacuum  
 sit, an omnes faciat superuacuos. Qui hanc  
 partem videri volunt superuacuum iam, hoc a-  
 iunt. Si quid oculis oppositum moratur acie,  
 remouendum est: illo quidem non abiecto  
 operam perdidit, qui praecepit: Sic ambula-  
 bis, illo manum porriges. Eodem modo,  
 ubi aliqua res obsecat animum, & ad offi-  
 ciorum dispiciendum ordinem impedit, ni-  
 hil agit, qui praecipit: Sic viues cum patre, sic  
 cum vxore. Nihil enim proficiunt praece-  
 pta, quoadiu menti error obfusus est: si ille  
 discutitur, apparebit quid cuique debeatur  
 officio. Alioquin doces illum, quid sano  
 faciendum sit, non sanum efficias. Pauperi,  
 ut agat diuitem, monstras: hoc quomodo  
 manente paupertate fieri potest? Ostendis  
 esurienti, quid tamquam satur faciat: fi-  
 xam potius medullis famem detrahe. I-  
 dem tibi de omnibus vitiis dicam. ipsa re-  
 mouenda sunt, non praecipendum, quod  
 fieri

fieri illis manentibus non potest. Nisi opinioniones falsas, quibus laboramus, expuleris: nec atarus, quomodo utendum pecuniā sit, exaudiet; nec timidus, quomodo pericula cōtemnat. Efficias oportet, ut sciat pecuniam nec bonum, nec malum esse: ostendas illi miserrimos diuites. Efficias, ut quidquid publicē expauimus, sciat non esse tam timendū, quā fama circumfert; nec dolorē quoque nec mortem. Sæpe in morte, quam pati lex est, magnum esse solatiū, quod ad neminē redit: in dolore pro remedio futuram obstinationem animi, qui leuius facit sibi, quidquid contumaciter passus est. Optimā doloris esse naturā, quod non potest, nec qui extenditur, magnus esse; nec qui est magnus, extendi. Omnia fortiter excipienda, quę nobis mūdi necessitas imperat. His decretis cū illum in conspectū suę conditionis adduxeris, & cognouerit beatam vitam esse, non quę secundum voluptatē est, sed secundū naturam: cū virtutem vnicum bonum hominis adamauerit, turpitudinē solum malum fugerit; reliqua omnia, diuitias, honores, bonā valetudinē, vires, imperia, scierit esse mediā partē, nec bonis annumerandam, nec malis: monitorem non desiderabit ad singulā, qui dicat: Sic incede, sic cæna: hoc viro, hoc fæminæ, hoc marito, hoc cœlibi conuenit. Ista enim quę diligentissimē monent, ipsi facere non possunt. Hæc pædagogus puero, hæc auis.

nepoti præcipit : & irasce idum non esse ,  
 magister iracundissimus disputat . Si lu-  
 dum litterarium intraueris , scies ista quæ  
 ingenti supercilio philosophi iactant , in  
 puerili esse præscripto . Vtrùm manifesta  
 demum , an dubia præcipies ? non deside-  
 rant manifesta monitores : præcipienti du-  
 bia , non creditur : superuacuum est ergo  
 præcipere . Id adeò sic discite . Si id mones  
 quod obscurum est & ambiguum , proba-  
 tionibus adiuuandum erit : si probaturus  
 es, illa per quæ probas, plus valent, satisque  
 per se sunt. Sic amico vttere, sic ciue, sic so-  
 cio. quare ? quia iustum est . Omnia ista  
 mihi locus de iustitia tradit . Illic inuenio  
 æquitatem per se expetendam ; nec metu  
 nos ad illam cogi , nec mercede conduci :  
 non esse iustum, cui quidquam in hac vir-  
 tute placet, præter ipsam . Hæc cum per-  
 suasi mihi , & peribibi , quid ista præcepta  
 proficiunt, quæ eruditum docent ? Præcepta  
 dare scienti , superuacuum est : nescienti,  
 parum . Audire enim debet , non tantum  
 quid sibi præcipiatur ; sed etiam quare . V-  
 trùm, inquam, veras opiniones habenti de  
 bonis malisque, sunt necessaria, an non ha-  
 bent ? qui non habet , nihil à te adiuuabi-  
 tur : aures eius cōtraria monitionibus tuis  
 fama possedit . qui habet : exactum iudi-  
 cium de fugiendis petendisque , scit quid  
 sibi faciendum sit, etiam te tacente . tota  
 ergo pars ista philosophiæ submoueri po-  
 test . Duo sunt , propter quæ delinquimus .

Aut



Aut inest animo prauis opinionibus malitia contracta: aut etiã si non est falsis occupatus, ad falsã procliuis est; & citò, specie quò non oportet trahente, corrumpitur. Itaque debemus aut percurare mentem egram, & vitiis liberare; aut vacantem quidem, sed ad pejora pronam, præoccupare. Vtrumque decreta philosophiæ faciunt: ergo talẽ præcipiendi genus: nihil agit. Præterea, si præcepta singulis dāmus, incomprehensibile opus est. Aliã enim dare debemus feneranti, aliã colenti agrum, aliã negotianti, aliã regũ amicitias sequenti, aliã pares, aliã inferiores amaturo. In matrimonio præcipias, quomodo viuat cum vxore aliquis quam virginem duxit, quomodo cum ea quæ alicuius matrimonii experta est, quemadmodum cum locuplete, quemadmodum cum indotata. An non putas aliquid esse discriminis inter sterilem, & fœcundam; inter prouectiorẽ, & puellam; inter matrem, & nouercam? Omnes species complecti non possumus: atqui singulæ propria exigunt. Leges autem philosophiæ breues sunt, & omnia alligant. Adijce nunc, quòd sapientis præcepta finita esse debent, & certa: si qua finiri non possunt, extra sapientiam sunt: sapientia rerum terminos nouit. Ergo ista pars præceptiua submouenda est: quia quod paucis promittit, præstare omnibus non potest: sapientia autem omnes tenet. Inter infaniã publicã, & hanc quæ medicis:

traditur, nihil interest: nisi quòd hæc morbo laborat, illa opinionibus falsis. Altera causas furoris traxit ex valetudine, altera animi mala valetudo est. Si quis furioso præcepta det, quomodo loqui debeat, quomodo procedere, quomodo in publico se gerere, quomodo in priuato; erit ipso, quem monebit, infanior. bilis nigra curanda est, & ipsa furoris causa remouenda. Idem in hoc alio animi furore faciendum est. ipse discuti debet: alioquin abibunt in vanum monentium verba. Hæc ab Aristone dicuntur. Cui respondebimus ad singula. Primum aduersus illud quod ait, si quid obstat oculo, & impedit visum, debere remoueri. Fateor, huic non esse opus præceptis ad videndum, sed remedio quo purgetur acies, & officientem sibi moram effugiat. Natura enim videmus: cui visum sui reddit, qui remouet obstantia. Quid autem cuique debeat officio, natura non docet. Deinde cuius curata suffusio est, is non, protinus cum visum recepit, aliis quoque potest reddere: malitia liberatus & liberat. Non est opus exhortatione, nec consilio quidem, ut colorum proprietates oculus intelligat: à nigro album, etiam nullo monente, distinguet. multis contra præceptis eget animus, ut videat quid agendum sit in vita. Quamquam oculos quoque ægros medicus non tantum curat, sed etiam monet. Non est, inquit, quòd protinus imbecillam aciem comittas improbo lumini: à tenebris

bris primò ad vmbrosa procede , deinde plus aude, & paulatim claram lucem pati affuesce. Non est quòd post cibum studeas, non est quòd plenis oculis ac tumentibus imperes. Afflatum & vim frigoris in os occurrentis euita. Alia eiusmodi , quæ non minùs quàm medicamenta proficiunt . Adijcit remediis medicina consilium . Error, inquit , est causa peccandi : hunc nobis præcepta non detrahunt , non expugnant opiniones de bonis ac malis falsas . Concedo , per se efficacia præcepta non esse ad auertendam prauam animi persuasionem: sed nō ideo, ne aliis quidem adiecta proficiunt . Primùm memoriam renouant: deinde quæ in vniuerso confusius videbantur , in partes diuisa diligentius cōsiderantur. Aut tu isto modo licet & consolationes dicas superuacuas , & exhortationes ; atqui non sunt superuacuae : ergo ne monitiones quidem . Stultum est , inquit , præcipere ægro, quid facere tamquam sanus debeat: cū restituenda sanitas sit , si ne qua irrita sunt præcepta . Quid quòd habent ægri saniq̃ quædam communia, de quibus admonendi sunt ? tamquam, ne auidè cibos appetant, vt lassitudinē vitent. Habent quædam præcepta communia pauper, & diues. Sana, inquit, avaritiā , & nihil habebis, quod admoneas aut pauperē, aut diuitem, si cupiditas vtriusq; cōsidet. Quid quod aliud est , non concupiscere pecuniam? aliud, vti pecunia scire ? cuius auari

mo-

modum ignorant, etiam non auari vsum.  
 Tollè, inquit, errores: super iacula præcep-  
 ta sunt. Falsum est: puta enim auaritiam  
 relaxatam: puta adstrictam. Ille luxuriam,  
 temeritati, frænos iniectos; ignauia sub-  
 ditum calcar: etiam remoti vitij, quid &  
 quemadmodum debeamus facere, di-  
 scendum est. Nihil, inquit, efficient mo-  
 nitiones, admotæ grauib; vitij. Ne me-  
 dicina quidem morbos insanabiles vincit:  
 tamen adhibetur alijs in remedium, alijs  
 in læuamentum. Ne ipsa quidem vniuer-  
 sæ philosophiæ vis, licet tota in hoc vires  
 suas adiucet, duram iam & veterem ani-  
 mis extrahet pestem: sed non idè nihil  
 sanat, quia non omnia. Quid prodest,  
 inquit, aperta monstrare? plurimum in-  
 terdum enim scimus, nec attendimus.  
 Nō docet admonitio, sed aduertit, sed ex-  
 citat, sed memoriam continet, nec patitur  
 elabi. Pleraque ante oculos posita transi-  
 mus: admonere, genus adhortandi est:  
 sæpe animus etiā aperta dissimulat: inge-  
 renda est, itaque illi notitia rerum notissi-  
 marum. Illa hoc loco in Varinium Calui  
 repetenda sententia est: *Factum esse am-  
 bitum, scitis: & hoc vos scire, omnes sciunt.*  
 Scis amicitias sanctè colendas esse: sed nō  
 facis. Scis improbum esse, qui ab vxore pu-  
 dicitiam exigit, ipse alienarum corruptor  
 vxorum. Scis, vt illi nihil cum adultero, sic  
 nihil tibi esse debere cum pellice: & non  
 facis. Itaque subindè reducendus es ad

me-

memoriam. Non enim reposita illa esse oportet, sed in promptu. Quæcumque salutaria sunt, sæpè agitari debent, sæpè versari: vt non tantum nota sint nobis, sed etiam parata. Adijce nunc, quòd aperta quoque, apertiora fieri solent. Si dubia sunt, inquit, quæ præcipis, probationes adijcere debebis: ergo illæ, non præcepta, proficient. Quid quod etiam sine probationibus, ipsa monētis auctoritas prodest? sic quomodo iurisperitorum valent responsa, etiam si ratio non redditur. Præterea, ipsa quæ præcipiuntur, per se multum habent ponderis: vtique si aut carmini intexta sunt, aut prosa oratione in sententiam coartata. Sicut illa Catoniana: *Emas, non quod opus est, sed quod necesse est. Quod non opus est, asse carum est.* Qualia sunt illa, aut reddita oracula, aut similia: *Tempori parce; Te nosce.* Numquid rationem exiges, cum tibi aliquis hos dixerit versus?

*Iniuriarum remedium est, obliuio.*

*Audentes fortuna iuuat.*

*Piger sibi ipse obstat.*

Aduocatum ista non quærunt: affectus ipsos tangunt, & natura vim suam exercen-  
te proficiunt. Omnium honestarum rerum  
semina animi gerunt, quæ admonitione  
excitantur: non aliter quàm scintilla flatu  
leui adiuta, ignem suum explicat. Erigi-  
tur virtus cum tacta est, & impulsæ. Præ-  
terea, quædam sunt quidē in animo, sed pa-  
ram

rūm prompta : quæ incipiunt in expedito  
 esse, cū dicta sunt. Quædam diuersis lo-  
 cis iacent sparsa, quæ contrahere inexer-  
 citata mens non potest. Itaque in vnum  
 conferenda sunt, & iungenda, vt plus var-  
 leant, animumque magis alleuent. Aut,  
 si præcepta nihil adiuuant, omnis institu-  
 tio tollenda est : ipsa natura contenti esse  
 debemus. Hoc qui dicunt, non vident aliū  
 ingenij esse mobilis & erecti, alium tardi  
 & hebetis : vtique alio ingeniosior est, In-  
 genij vis præceptis alitur & crescit, nouas-  
 que persuasiones adiicit innatis, & depra-  
 uata corrigit. Si quis, inquit, non habet  
 recta decreta, quid illum admonitiones  
 iuuabunt vitij obligatum? Hoc scilicet, vt  
 illis liberetur. non enim extincta in illo  
 indoles naturalis est : sed obscurata, & op-  
 pressa. Sic quoque tentat resurgere, & cō-  
 tra praua nititur. nacta verò præsidium, &  
 adiuta præceptis, conuale scit : si tamen il-  
 lam diutina pestis infecit, non enecuit.  
 Hanc enim ne disciplina quidem philoso-  
 phiæ, toto impetu suo connixa, restituet.  
 Quid enim interest inter decreta philoso-  
 phiæ, & præcepta : nisi quod illa generalia  
 præcepta sunt, hæc specialia? Vtraque res  
 præcipit : sed altera in totum, particulatim  
 altera. Si quis, inquit, recta habet & hone-  
 sta decreta, hic ex superuacuo monetur.  
 Minimè. nam hic quoque doctus quidem  
 est facere, quæ debet : sed adhuc non satis  
 prospicit. Non enim tantum affectibus  
 impe-

impedimur, quò minùs probanda faciamus, sed imperitia inueniendi, quid quæque res exigat. Habemus interdum compositum animum: sed residem, & inexercitatum ad inueniendam officiorum viâ, quam admonitio demonstrat. Expelle, inquit, falsas opiniones de bonis & malis: in locum autem earum veras repone: & nihil habebit admonitio quod agat. Ordinatur ista sine dubio ratione animus, sed nō ista tantum. Nam quamuis argumentis collectum sit, quæ bona, quæ mala sint: nihilo minus habent præcepta partes suas: & prudentia, & iustitia officij constant: officia præceptis disponuntur. Prætereà, ipsum de bonis malisque iudicium confirmatur officiorum executione, ad quam præcepta perducunt. Vtraque enim inter se consentiunt: nec illa possunt præcedere, ut non hæc sequantur, & hæc ordinem sequuntur suum. Vnde apparet illa præcedere. Infinita, inquit, præcepta sunt. Falsum est. nā de maximis ac necessarijs rebus, non sunt infinita: tenues autem, differētias habent, quas exigunt tempora, loca, personæ. Sed his quoque dantur præcepta generalia. Nemo, inquit, præceptis curat insaniam: ergo nec malitiam quidem. Dissimile est. nam si insaniam sustuleris, sanitas reddita est: si falsas opiniones exclusimus, non statim sequitur dispectus rerum agendarum: & ut sequatur, tamen admonitio corroborabit rectam de bonis malisque sententiam.

tentiam. Illud quoq; falsum est, nihil apud  
 insanos proficere præcepta. Nam quemad-  
 modum sola non profunt, sic curationem  
 adiuuant: & denunciatio, & castigatio in-  
 sanos coercuit. De illis insanis nunc lo-  
 quor, quibus mens mota est, non crepta.  
 Leges, inquit, ut faciamus quod oportet, non  
 efficiunt: & quid aliud sunt, quam mi-  
 nis mixta præcepta? Primum omnium, ob  
 hoc illæ non persuadent, quia minantur:  
 at hæc non cogunt, sed exorant. Deinde  
 leges à scelere deterrent. præcepta in offi-  
 cium adhortantur. His adijce, quod leges  
 quoque proficiunt ad bonos mores: utiq;  
 si non tantum imperant, sed docent. In  
 hac re dissentio à Posidonio. Non probo,  
 quod Platonis legibus adiecta principia  
 sunt. Legem enim breuem esse oportet,  
 quod facilius ab imperitis teneatur, velut  
 emissâ diuinitus vox sit: iubeat, non dispu-  
 tet. Nihil videtur mihi frigidius, nihil ineptius,  
 quam lex cum prologo. Mone, dic  
 quid me velis fecisse: non disco, sed pa-  
 reo. Proficiunt itaq; malis moribus, uti vi-  
 debis ciuitates, vsas malis legibus. At non  
 apud omnes proficiunt. Ne philosophia  
 quidem: nec ideo inutilis, & formâdis ani-  
 mis inefficax est. quid autem philosophia,  
 nisi vitæ lex est? Sed putemus non proficere  
 leges: non ideo sequitur, ut ne monitiones  
 quidem proficiant. Aut sic & consolatio-  
 nes nega proficere, dissuasionesque, & ad-  
 hortationes, obiurgationes, & laudationes.

Omnia.



Omnia ista monitionum genera sunt : per ista ad perfectum animi statum peruenitur . Nulla res magis animis honesta induit, dubiosque & in prauum inclinabiles reuocat ad rectum , quàm bonorum virorum conuersatio . Paullatim enim descendit in pectora : & vim præceptorum obtinet , frequenter audiri, adspici frequenter. Occursus mehercule ipse sapientium iuuat : & est aliquid , quod ex magno viro vel tacente proficias . Nec tibi facile dixerim quemadmodum profit , sicut illud intelligam , profuisse . Minuta quædam , ut ait Phædon, animalia, cum mordent, non sentiuntur . adeò tenuis illis & fallens in periculum vis est. tumor indicat morsum, & in ipso tumore nullum vulnus apparet . Idem tibi in cōuersatione virorum sapientium eueniet . non deprehendes quemadmodum, aut quando , tibi profit: profuisse deprehendes . Quorsum , inquit , hoc pertinet ? æquè præcepta bona , si sæpe tecum sint, profutura, quàm bona exempla . Pythagoras ait , alium animum fieri intrantibus templum , deorumque simulachra ex vicino cernentibus, & alicuius oraculi opperientibus vocem . Quis autem negauerit, feriri quibusdam præceptis efficaciter etiam imperitissimos ? velut his breuissimis vocibus , sed multum habentibus ponderis : *Nihil nimis.*

*Auarus animus nullo satiatur lucro.*

*Ab alio expectes , alteri quod feceris.*

Hæc

Hæc cum ictu quodam audimus, nec vñ  
 licet dubitare, aut interrogare, Quare?  
 adeò etiam sine ratione ipsa veritas ducit.  
 Si reuerentia frænât animos, aut vitia  
 compescit: cur non admonitio idem pos-  
 sit? Si imponit pudorem castigatio: cur  
 admonitio non faciat, etiamsi nudis præ-  
 ceptis utitur? Illa verò efficacior est, & al-  
 tius penetrat, quæ adiuuat ratione, quod  
 præcipit, quæ adiicit, quare quidque fa-  
 ciendum sit, & quis facientē obedientem-  
 que præceptis fructus expectet. Si impe-  
 rio proficitur, & admonitione proficitur;  
 atqui proficitur imperio: ergo & admoni-  
 tione. In duas partes virtus diuiditur, in  
 contemplationem veri, & actionem: con-  
 templationem institutio tradit, actionem  
 admonitio. Virtutem & exercet, & osten-  
 dit recta actio: acturo autem si prodest qui  
 suadet; & qui monet, proderit. Ergo si re-  
 cta actio virtuti necessaria est, rectas au-  
 tem actiones admonitio demonstrat, & ad-  
 monitio necessaria est. Duæ res plurimum  
 roboris animo dant, fides veri, & fiducia:  
 utramque admonitio facit. Nam & credi-  
 tur illi, & cum creditum est, magnos ani-  
 mus spiritus concipit, ac fiducia impletur;  
 ergo admonitio non est superuacua. M.  
 Agrippa, vir ingentis animi, qui solus ex  
 his quos ciuilia bella claros potentisque  
 fecerunt, felix in publicum fuit, dicere so-  
 lebat, multum se huic debere sententiæ:  
*Nâ concordia parua res crescunt, discor-*  
*dia.*

*dia maxima dilabuntur.* Hac se aiebat, & fratrem, & amicum optimum factum. Si cuiusmodi sententiæ familiariter in animū receptæ, formant eum: cur non hæc pars philosophiæ, quæ talibus sententijs constat, idem possit? Pars virtutis disciplina cōstat, pars exercitatione: & discas oportet, & quod didicisti, agendo confirmes. Quod si ita est, non tantum scita sapientiæ profunt, sed etiam præcepta: quæ affectus nostros velut edicto coercent, & obligant. Philosophia, inquit, diuiditur in hæc, scientiam & habitum animi. Nam illam qui didicit, & facienda ac vitanda percepit: nondum sapiens est, nisi in ea quæ didicit, animus eius transfiguratus est. Tertia pars ista præcipiendi, ex utroque est, & ex decretis & ex habitu: itaque superuacua est ad implendam virtutem, cum duo illa sufficiant. Isto ergo modo & consolatio superuacua est; nam hæc quoque ex utroque est: & exhortatio, & suasio, & ipsa argumentatio; nam & hæc ab habitu animi compositi validique proficiscitur. Sed quāuis ista ex habitu animi veniant; optimus animi habitus & ex his est, & ex illis. Deinde istud quod dicis, iam perfecti viri est, ac summam consecuti felicitatis humanæ. Ad hoc autem tardè peruenitur: interim etiam imperfecto, sed proficienti, demonstranda est in rebus agendis via. Hanc forsitan etiam sine admonitione dabit sibi ipsa sapientia: quæ iam eò perdu-

xit animum, ut moueri nequeat, nisi in rectum. Imbecillioribus quidem ingeniis, necessarium est aliquem præire: Hoc vitabis, hoc facies. Præterea, si expectat tempus quo per se sciat, quid optimum factu sit: interim errabit, & errando impedietur, quod minus ad illud perueniat, quo possit se esse contentus: regi ergo debet, dum incipit posse se regere. Pueri ad præscriptum discunt, digiti illorum tenentur, & aliena manu per litterarum simulacra ducuntur: deinde imitari iubentur proposita, & ad illa reformare chirographum: sic animus noster dum eruditur ad præscriptum, iuuatur. Hæc sunt per quæ probatur, hæc philosophiæ partem superuacua non esse. Quæritur deinde, an ad faciendum sapiëntē sola sufficiat. Huic quæstioni suum diem dabimus. interim ommissis argumentis, nonne apparet nobis esse opus aliquo aduocato, qui contra populi præcepta præcipiat? nulla ad aures nostras vox impunè perfertur: nocent qui optant, nocent qui execrantur. nam & horum imprecatio falsos nobis metus & inserit, & illorum amor malè docet benè optando. Mittit enim nos ad longinqua bona, & incerta & errantia, cum possimus felicitatem domo promere. Non licet, inquam, ire recta via: trahunt in prauum parentes, trahunt serui: nemo errat vni sibi, sed dementiam spargit in proximos, accipitque inuicem. Et ideo in singulis vitia populorum

rum sunt, quia illa populus dedit. dum facit quisque peiorem, factus est. Didicit deteriora, deinde docuit: effecta que est ingens illa nequitia; congesto in vnum, quod cuique pessimum scitur. Sit ergo aliquis custos, & aurem subinde peruellat, abigatque rumores, & reclamet populis laudantibus. Erras enim, si existimas nobiscum vitia nasci: superuenerunt, ingesta sunt. Itaque monitionibus crebris opiniones, quæ nos circumsonant, compescamus. Nulli nos vitio natura conciliat: nos illa integros ac liberos genuit. Nihil quidem quod auaritiam nostram irritaret, posuit in aperto: pedibus aurum & argentum subiecit, calcandumque ac premendum dedit, quidquid est, propter quod calcamur ac premimur. Illa vultus nostros erexit in cælum, & quidquid magnificum mirumque fecerat, videri à suspicientibus voluit: ortus occasusque, & properantis mundi volubilem cursum, interdum terrena aperientem, noctu cœlestia: tardos siderum incessus, si compares toti; citatissimos, si cogites, quanta spatia numquam intermissa velocitate circumeant: defectus solis & lunæ, inuicem obstantium. Alia deinceps digna miratu, siue per ordinem subeunt, siue subditis causis mota prosiliunt, vt nocturni ignium tractus, & sine vllò ictu sonituque fulgores cæli patiscētis, columnæque; ac trabes, & varia simulacra flāmarum. Hæc supra nos natura disponit: aurum quidem &

argen-

argentū, & propter ista numquā pacem argens ferrum, quasi malè nobis committerentur, abscondit. Nos in lucem, propter quæ pugnaremus, extulimus: nos & causas periculorum nostrorum, & instrumenta, dissecto terrarum pondere eruiamus: nos fortunę mala nostra tradidimus, nec erubescimus summa apud nos haberi, quę fuerant ima terrarū. Vis scire, quā falsus oculos tuos decipit fulgor? nihil est istis, quamdiu mersa & inuoluta ceno suo iacent, sedius, nihil obscurius. quid ni? quando per longissimorum cuniculorum tenebras extrahuntur, nihil est illis, dum fiunt, & à facie sua separantur, informius. Denique ipsos opifices intueri, per quorum manus sterile terrę genus & informe perpurgatur; videbis quāta fuligine oblinantur. Atqui ista magis inquinant animos, quā corpora: & in possessore eorum, quā in artifice, plus est sordium. Necessarium itaque est admoneri, & habere aliquem aduocatū bonę mentis, eque tanto fremitu tumultuque falsorum, unā denique audire vocē. Quę erit illa vox? ea scilicet, quę tibi tantis clamoribus ambitiosis exsurdato, salubria insusurret verba: quę dicat, Nō est quod inuideas istis, quos magnos felicesq; populus vocat: nō est quod tibi compositę mentis habitum & sanitatem plausus excutiat: non est quod tibi tranquillitatis tuę fastidium faciat ille, sub illis fascibus, purpura cultus: non est quod

quodd feliciorem eum iudices, cui submo-  
uetur, quàm quem lictor semita deiicit. Si  
vis exercere tibi vtile, nulli autem graue  
imperium, submoue vitia. Multi inueniū-  
tur, qui ignem inferant vrbibus, qui inex-  
pugnabilia sæculis, & per aliquot ætates  
tuta prosternant, qui æquum arcibus ag-  
gerem attollant, & muros in miram alti-  
tudinem adductos arietibus ac machinis  
quassent: multi sunt, qui ante se agant ag-  
mina, & tergis hostium graues insistent, &  
ad mare magnum perfusi cæde gentium  
veniant: sed hi quoque, vt vincerent ho-  
stem, cupiditate victi sunt. Nemo illis ve-  
nientibus restitit, sed nec ipsi ambitioni,  
crudelitatiq; restiterant: tunc cùm agere  
visi sunt alios, agebantur. Agebat infeli-  
cem Alexandrum furor aliena deuastan-  
di, & ad ignota mittebat. An tu putas sa-  
num, qui à Græciæ primùm cladibus, in  
qua eruditus est, incipit: qui quod cuique  
optimum est, eripuit? Lacedæmona seruire  
iubet, Athenas tacere. Non contentus tot  
ciuitatum strage, quas aut vicerat Philip-  
pus, aut emerat, & alias alio loco proiicit,  
& toto orbe arma circumfert: nec substitit  
vquam lassa crudelitas. immanium fera-  
rum modo, quæ plus quàm exigit fames,  
mordent. Iam in vnum regnū multa re-  
gna coniecit; iam Græci Persæq; eum-  
dem timent; iam etiam à Dario liberæ na-  
tiones iugum accipiunt: hic tamen vltra  
Oceanū solemq;, indignatur ab Herculis

Liberique vestigiis victoriam flectere, ipsi naturæ vim parat. Non ille ire vult, sed non potest stare: non aliter, quàm in præceptis deiecta pondera, quibus eundi finis est, iacuisse. Ne Cn. quidem Pompeio externa bella aut domestica, virtus aut ratio suadebat: sed insanus amor magnitudinis falsæ, modò in Hispaniam & Sertorianæ arma, modò ad colligendos piratas, ac maria pacanda vadebat. Hæ prætexebantur causæ, ad continuandam potentiam. Quid illum in Africâ, quid in Septentrionem, quid in Mithridatem, & Armeniam, & omnes Asiæ angulos traxit? infinita scilicet cupido crescendi: cùm sibi vni parùm magnus videretur. Quid C. Cæsarem in sua fata, pariter ac publica, immisit? gloria & ambitio, & nullus supra ceteros emendendi modus. Vnum ante se ferre non potuit, cùm resp. supra se duos ferret. Quid? tu C. Marium semel cōsulem (vnum enim consulatum accepit, ceteros rapuit) cùm Theutonicos Cimbrosq; concideret, cùm Jugurtham per Africæ deserta sequebatur, tot pericula putas appetisse, virtutis instinctu? Marius exercitum, Marium ducebat ambitio. Isti cùm omnia concuterent, concutiebantur: turbinum more, qui rapta conuoluunt, sed ipsi antè voluuntur, & ob hæc maiore impetu incurrunt, quia nullum illis sui regimen est. Ideoque cum multis fuerunt mali, pestiferam illam vim, qua plerisque nocuerunt, ipsi quoque sentiunt.



tiunt. Non est quòd credas, quemquam fieri aliena infelicitate felicem. Omnia ista exempla, quæ oculis atque auribus nostris ingeruntur, retexenda sunt, & plenum malis sermonibus pectus exhauriendum. Inducenda est in occupatum locum virtus: quæ mendacia contra verum placentia extirpet, quæ nos à populo, cui nimis credimus, separet, ac sinceris opinionibus reddat. Hæc est enim sapientia, in naturam conuerti, & eò restitui, vnde publicus error expulerit. Magna pars sanitatis est, hortatores insanix reliquisse, & ex isto cœtu inuicem noxio procul abiisse. Hoc vt esse verum scias, adspice, quanto aliter vnusquisque populo viuat, aliter sibi. Non est per se magistra solitudo innocentix, nec frugalitatem docent rura: sed vbi testis ac spectator abscessit, vitia subsidunt, quorum monstrari & conspici fructus est. Quis eam, quam nulli ostenderet, induit purpuram? quis posuit secretam in auro dapem? quis sub alicuius rusticæ arboris proiectus vmbra, luxuriæ suæ pompam solus explicuit? Nemo oculis suis lautus est, ne paucorum quidem & familiarium, sed apparatus vitiorum suorum pro modo turbæ spectantis expandit. Itaque irritamentum est omnium, in quæ insanimus, admirator & conscius. Ne concupiscamus efficies, si ne ostendamus effeceris. Ambitio, & luxuria, & impotentia, scenam desiderant: sanabis ista, si absconderis.

Itaque si in medio urbium fremitu collocati sumus, stet ad latus monitor, & contra laudatores ingentium patrimoniorum laudet paruo diuitem, & usus opes metientem. Contra illos, qui gratiam ac potentiam attollunt, otium ipse suspiciat traditum litteris, & animum ab externis ad sua reuersum. Ostendat ex constitutione vulgi beatos, in isto inuidioso fastigio suo trementes & attonitos, longeque aliam de se opinionem habentes, quam ab aliis habetur. Nam quæ aliis videntur excelsa, ipsis prærupta sunt. Itaque exanimantur, & trepidant, quoties despexerunt in illud magnitudinis suæ præceptum. Cogitant enim varios casus, & in sublimi maximè lubricos: tunc appetita formidant, & quæ & illos graues aliis reddit, grauior ipsis felicitas incumbit. Tunc laudant otium lenè & sui iuris: odio est fulgor, & fuga iam à rebus adhuc stantibus queritur: tunc demum videas philosophantes metu, & ægræ fortunæ sana consilia. Nam quasi ista inter se contraria sint, bona fortuna, & mens bona: ita melius in malis sapimus, secunda rectum auferunt.

EPIST. XCV. Petis à me, ut id quod in diem suum dixeram debere referri, representem, & scribam tibi, an hæc pars philosophiæ, quam Græci *σάφησις* vocant, nos præceptiuam dicimus, satis sit ad consummandam sapientiam. Scio te in bonam partem accepturum, si negauero. Eò magis

magis promitto, & verbum publicum perire non patior: *Postea noli rogare, quod impetrare nolueris.* Interdum enim obnoxè petimus, id quod recusaremus, si quis offerret. Hec siue leuitas est, siue vernilitas, punienda est promittendi facilitate. Multa videri volumus velle, sed nolumus. Recitator historiam ingentem attulit, minutissimè scriptam, arctissimè plicatam, & magna parte perlecta: *Desinam,* inquit, *si vultis.* Acclamatur, *Recita, recita,* ab his qui illum obmutescere illico cupiunt. Sæpè aliud volumus, aliud optamus: & verūne diis quidem dicimus; sed dii aut non exaudiunt, aut misereantur. Ego me, omiffa misericordia, vindicabo, & tibi ingenrem epistolam impingam: quam tu si inuitus leges, dicito: *Ego mihi hoc contraxi.* teq; inter illos numera, quos vxor magno ducta ambitu torquet: inter illos, quos diuitiæ per summū acquisitæ sudorem, male habent: inter illos, quos honores, nulla non arte atque opera periti, discruciant: & ceteros, malorum suorum compotes. Sed vt, omisso principio, rem ipsam aggrediar: Beata, inquiunt, vita constat ex actionibus rectis: ad actiones rectas præcepta perducunt: ergo ad beatam vitam præcepta sufficiunt. Non tamen semper ad actiones rectas præcepta perducunt, sed cū obsequens ingenium est: aliquando frustra admoventur, si animum opiniones obsident prauæ. Deinde, etiamsi rectè faciunt, ne-

T 3 sciunt

sciunt facere se rectè . Non potest enim quisquam nisi ab initio formatus , & tota ratione compositus , omnes exsequi numeros , ut sciat quando oporteat , & inquantum , & cū quo , & quemadmodum . Quare non potest toto animo ad honesta conari , ne cōstanter quidem aut libenter : sed respiciet , sed hēsitat . Si honesta , inquit , actio ex pręceptis venit , ad beatam vitam pręcepta abundè sunt : atqui est illud : ergo & hoc . His respondemus , Actiones honestas ex decretis fieri , non tantūm pręceptis . Si alię , inquit , artes contentę sunt pręceptis , contenta erit & sapientiā : nam & hęc ars vitę est . Atqui gubernatorem facit ille qui pręcipit , Sic moue gubernaculum , sic vela submitte , sic secundo vento utere , sic aduerso resiste , sic dubium communemque tibi vindica . alios quoque artifices pręcepta confirmant . Ergo non hoc idem poterunt artifices viuendi ? Omnes istę artes circa instrumenta vitę occupatę sunt , non circa totam vitam . Itaque multa illas inhihent extrinsecus , & impediunt , spes , cupiditas , timor . At hęc quę artem vitę professā est , nulla re , quō minūs se exerceat , vetari potest . discutit enim impedimenta , & tractat obstantia . Vis scire quā dissimilis sit harum artium conditio , & huius ? In illis excusatiū est voluntate peccare , quā casu : in hac , maxima culpa est , sponte delinquere . Quod dico , tale est . Grammaticus non erubescit solęcismum ,

cūsmū, si sciens facit: erubescit, si nesciens.  
 Medicus si deficere ægrum non intelligit,  
 quantum ad artem magis peccat, quàm si  
 se intelligere dissimulat. At in hac arte vi-  
 uendi, turpior volentium culpa est. Adijce  
 nunc, quod artes quoque pleræque, imò  
 ex omnibus liberalissimæ, habent decreta  
 sua, non tantum præcepta: sicut medicina.  
 Itaque alia est Hippocratis secta, alia A-  
 sclepiadis, alia Themisonis. Præterea nul-  
 la ars contemplatiua sine decretis suis est,  
 quæ Græci vocant *δὲκρυατα*: nobis decre-  
 ta licet appellare, vel scita, vel placita: quæ  
 in geometria ~~non~~ astronomia inuenies.  
 Philosophia autem & contemplatiua est,  
 & actiua: spectat, simulque agit. Erras e-  
 nim, si illam puras tantum terrestres ope-  
 ras promittere: altiùs spirat. Totum, in-  
 quit, mundum scrutor, nec me intra con-  
 tubernium mortale contineo, suadere vo-  
 bis, ac dissuadere contenta: magna me vo-  
 cant, supraque vos posita.

*Nam tibi de summa celeratione, deùm-  
 que,*

*Differere incipiam, & rerum primor-  
 dia pandam;*

*Vnde omnis natura creet res, auctet, a-  
 latque;*

*Quoque eadem rursus natura perempta  
 resoluat:*

ut ait Lucretius. sequitur ergo, ut cūm cō-  
 templatiua sit, habeat decreta sua. Quid,  
 quod facienda quoque nemo ritè obibit, nisi

is cui ratio erit tradita, quæ in quaque re omnes officiorum números exsequi possit: quos non seruabit, qui in re præcepta acceperit. Imbecilla sunt per se, & ut ita dicam, sine radice quæ partibus dantur. Decreta sunt quæ muniant, quæ securitatem nostram, tranquillitatemque tueantur, quæ totam vitam, totamque rerum naturam simul contineant. Hoc interest inter decreta philosophiæ, & præcepta: quod inter elementa, & membra. hæc ex illis dependent: illa & horum causæ sunt & omnium. Antiqua, inquit, sapientia nihil aliud, quàm facienda & vitanda, præcepit: & tunc longè meliores erant viri: post quàm docti prodierunt, boni defuncti. Simplex enim illa & aperta virtus in obscuram & solertem scientiam versa est, docemurque disputare, non viuere. Fuit sine dubio, ut dicitis, vetus illa sapientia, cum maximè nascens rudis: non minùs quàm ceteræ artes, quarum in processu subtilitas creuit. Sed ne opus quidem adhuc erat remediis diligentibus. Nondum in tantum nequitia surrexerat, nec tam latè se sparserat: poterant vitiis simplicibus obitare remedia simplicia. Nunc necesse est tanto operosiora esse munimenta, quanto valentiora sunt, quibus petimur. Medicina quondam paucarum fuit scientia herbarum, quibus susteretur fluens sanguis, vulnera coirent paulatim: deinde in hanc peruenit tam multiplicem varietatem. Nec est mirum, tunc

tunc illam minus negotij habuisse, firmis adhuc, solidisq; corporibus, & facili cibo, nec per artem voluptatemque corruptor. Qui postquam cœpit, non ad tollendam, sed ad irritandam famem quæri, & inueniæ sunt mille conditæ, quibus aviditas excitaretur: quæ desiderantibus alimenta erant, onera sunt plenis. Inde pallor, & nervorum vino madentium tremor, & miserabilior ex cruditatibus, quàm ex famemacies: inde incerti labantium pedes, & semper qualis in ipsa ebrietate titubatio, inde in totam cutem humor admissus, distensusque venter, dum malè assuescit plus capere, quàm poterat: inde suffusio luridæ bilis, & decolor vultus, tabesque in se putrescentium, & retorti digiti articulis obrigescentibus, nervorum sine sensu iacentium torpor, aut palpitatio sine intermissione vibrantium. Quid capitis vertiginæ dicam? quid oculorū auriumque tormenta, & cerebri cœstantis verminationes, & omnia per quæ exoheramur, internis viceribus affecta? Innumerabilia præterea febrium genera, aliarum impetu scipientium, aliarum tenui peste repentium, aliarum cum horrore & multa membrorum quassatione venientium? Quid alios referam innumerabiles morbos, supplicia luxuriæ? Immunes erant ab istis malis, qui nondū se deliciis soluerant, qui sibi imperabant, sibi ministrabāt. Corpora opere ac vero labore durabant, aut cursu defatigati,

T 5 aut.





torum ac naturę peritissimum, in mendacio prehendi, cū tot scēminę podagricę caluzęq; sint? Beneficium sexus sui vitiiis perdiderunt: & quia scēminam exuerunt, lamnatę sunt morbis vitilibus. Antiqui medici nesciebant dare cibum sæpius, & vino fulcire venas cadentes: nesciebant saliem emittere, & diutinam egrotationem balneo sudoribusq; laxare: nesciebant rurum vinculo, brachiorumq; latentem vim, & in medio sedentem, ad extrema reuocare: Non erat necesse circumspicere multa auxiliorum genera, cū essent periculorum paucissima. Nunc verò quālongē processerunt mala valetudinis? has suras voluptatum pendimus, vltra modum falsq; concupitarum. Innumerabiles esse morbos miraris? coquos numeras. Cessat omne studiū: & liberalia professi, sine vlla frequentia, desertis angulis præsident. In rhetorum ac philosophorū scholis, solitudo est: at quā celebres culinę sunt, quanta circa nepotum focos iuuentus premit? Transeo puerorum infelicū greges: quos post transacta conuiuia, alię cubiculi contumelię expectant. Transeo agmina exoletorum, per nationes coloresq; descripta, vt eadem omnibus leuitas sit, eadem primę mensura lanuginis, eadem species capillorū, ne quis cui rector est coma, crispulis misceatur: Transeo pistorum turbam, transeo ministratorū, per quos signo dato ad inferendā cenā discut-

T 6. ritur.

xit animum, ut moueri nequeat, nisi in rectum. Imbecillioribus quidem ingeniis, necessarium est aliquem præire: Hoc vitabis, hoc facies. Præterea, si expectat tempus quo per se sciat, quid optimum factu sit: interim errabit, & errando impedietur, quò minus ad illud perueniat, quo possit se esse contentus: regi ergo debet, dum incipit posse se regere. Pueri ad præscriptum discunt, digiti illorum tenentur, & aliena manu per litterarum simulacra ducuntur: deinde imitari iubentur propo-  
sita, & ad illa reformare chirographum: sic animus noster dum eruditur ad præscriptum, iuuatur. Hæc sunt per quæ probatur, hæc philosophiæ partem superuacua non esse. Quæritur deinde; an ad faciendum sapiētē sola sufficiat. Huic quæstioni suum diem dabimus. interim omissis argumentis, nōne apparet nobis esse opus aliquo aduocato, qui contra populi præcepta præcipiat? nulla ad aures nostras vox impunè perfertur: nocent qui optant, nocent qui execrantur. nam & horum imprecatio falsos nobis metus & inserit, & illorum amor malè docet benè optando. Mittit enim nos ad longinqua bona, & incerta & errantia, cū possimus felicitatem domo promere. Non licet, inquā, ire recta via: trahunt in prauum parentes, trahunt serui: nemo errat vni sibi, sed dementiam spargit in proximos, accipitque iniuicem. Et idē in singulis vitia populorum

rum sunt, quia illa populus dedit, dum facit quisque peiorem, factus est. Didicit deteriora, deinde docuit: effecta que est ingens illa nequitia, congesto in vnum, quod cuique pessimum scitur. Sit ergo aliquis custos, & aurem subinde peruellat, abigatque rumores, & reclamet populis laudantibus. Erras enim, si existimas nobiscum vitia nasci: superuenerunt, ingesta sunt. Itaque monitionibus crebris opinionones, quæ nos circumsonant, compescamus. Nulli nos vitio natura conciliat: nos illa integros ac liberos genuit. Nihil quidem quod auaritiam nostram irritaret, posuit in aperto: pedibus aurum & argentum subiecit, calcandumque ac premendum dedit, quidquid est, propter quod calcamur ac premimur. Illa vultus nostros erexit in cælum, & quidquid magnificum mirumque fecerat, videri à suspicientibus voluit: ortus occasusque, & properantis mundi volubilem cursum, interdiu terrena aperientem, noctu cœlestia: tardos siderum incessus, si compares tot, citatissimos, si cogites, quanta spatia numquam intermissa velocitate circumeant: defectus solis & lunæ, inuicem obitantium. Alia deinceps digna miratu, siue per ordinem subeunt, siue subditis causis mota profiliunt, vt nocturni ignium tractus, & sine vllō ictu sonituque fulgores cæli patiscētis, columnæque ac trabes, & varia simulacra flāmarum. Hæc supra nos natura disponit: aurum quidem & argen-

argentū, & propter ista numquā pacem argens ferrum, quasi malè nobis committerentur, abscondit: Nos in lucem, propter quæ pugnaremus, extulimus: nos & causas periculorum nostrorum, & instrumenta, dissecto terrarum pondere eruimus: nos fortunę mala nostra tradidimus, nec erubescimus summa apud nos haberi, quę fuerant ima terrarū. Vis scire, quā falsus oculos tuos decipit fulgor? nihil est istis, quamdiu merfa & inuoluta cœno suo iacent, sedius, nihil obscurius. quid ni? quando per longissimorum cuniculorum tenebras extrahuntur, nihil est illis, dum fiunt, & à fæce sua separantur, informius. Denique ipsos opifices intuerè, per quorum manus sterile terrę genus & informe perpurgatur; videbis quāta fuligine oblinantur. Atqui ista magis inquinant animos, quā corpora: & in possessore eorum, quā in artifice, plus est sordium. Necessarium itaque est admoneri, & habere aliquem adiocatū bonę mentis, eque tanto fremitu tumultuque falsorum, vñā denique audire vocē. Quę erit illa vox? ea scilicet, quę tibi tantis clamoribus ambitiosis exsurdato, salubria insusurret verba: quę dicat, Nō est quod inuideas istis, quos magnos felicesq; populus vocat: nō est quod tibi compositę mentis habitum & sanitatem plausus excutiat: non est quod tibi tranquillitatis tuę fastidium faciat ille, sub illis fascibus, purpura cultus: non est quod

quodd feliciorem eum iudices, cui submo-  
uetur,quàm quem lictor semita deijcit.Si  
vis exercere tibi vtile, nulli autem graue  
imperium, submoue vitia. Multi inueniū-  
tur, qui ignem inferant vrbibus, qui inex-  
pugnabilia sæculis, & per aliquot ætates  
tuta prosternant, qui æquum arcibus ag-  
gerem attollant, & muros in miram alti-  
tudinem adductos arietibus ac machinis  
quassent:multi sunt, qui ante se agant ag-  
mina, & tergis hostium graues insistent, &  
ad mare magnum perfusi cæde gentium  
veniant: sed hi quoque, vt vincerent ho-  
stem, cupiditate victi sunt. Nemo illis ve-  
nientibus restitit, sed nec ipsi ambitioni,  
crudelitatiq̃ue restiterant:tunc cùm agere  
visi sunt alios, agebantur. Agebat infeli-  
cem Alexandrum furor aliena deuastan-  
di, & ad ignota mittebat. An tu putas sa-  
num, qui à Græciæ primùm cladibus, in  
qua eruditus est,incipit: qui quod cuique  
optimum est,eripuit:Lacedæmona seruire  
iubet, Athenas tacere. Non contentus tot  
ciuitatum strage, quas aut vicerat Philip-  
pus,aut emerat, & alias alio loco proijcit,  
& toto orbe arma circumferet:nec substitit  
vsquam lassâ crudelitas. immanium fera-  
rum modo, quæ plus quàm exigit fames,  
mordent. Iam in vnum regnū multa re-  
gna coniecit; iam Græci Persæque eum-  
dem timent;iam etiam à Dario liberæ na-  
tiones iugum accipiunt: hic tamen vltra  
Oceanū solemq̃, indignatur ab Herculis

Liberique vestigiis victoriam flectere, ipsi naturæ vim parat. Non ille ire vult, sed non potest stare: non aliter, quàm in præceps deiecta pondera, quibus eundi finis est, iacuisse. Ne Cn. quidem Pompeio externa bella aut domestica, virtus aut ratio suadebat: sed insanus amor magnitudinis falsæ, modò in Hispaniam & Sertorianæ arma, modò ad colligendos piratas, ac maria pacanda vadebat. Hæ prætexbantur causæ, ad continuandam potentiam. Quid illum in Africâ, quid in Septentrionem, quid in Mithridatem, & Armeniam, & omnes Asiæ angulos traxit? infinita scilicet cupido crescendi: cum sibi vni parùm magnus videretur. Quid C. Cæsarem in sua fata, pariter ac publica, immisit? gloria & ambitio, & nullus supra ceteros emi-nendi modus. Vnum ante se ferre non potuit, cum resp. supra se duos ferret. Quid? tu C. Marium semel cōsulem (vnum enim consulatum accepit, ceteros rapuit) cum Theutonicos Cimbrosq; concideret, cum Iugurtham per Africæ deserta sequeretur, tot pericula putas appetisse, virtutis instinctu? Marius exercitum, Marium ducebat ambitio. Isti cum omnia concuterent, concutiebantur: turbinum more, qui rapta conuoluunt, sed ipsi antè voluuntur, & ob hæc maiore impetu incurrunt, quia nullum illis sui regimen est. Ideoque cum multis fuerunt mali, pestiferam illam vim, qua plerisque nocuerunt, ipsi quoque sentiunt.

riunt. Non est quòd credas, quemquam fieri aliena infelicitate felicem. Omnia ista exempla, quæ oculis atque auribus nostris ingeruntur, retexenda sunt, & plenum malis sermonibus pectus exhauriendum. Inducenda est in occupatum locum virtus: quæ mendacia contra verum placentia extirpet, quæ nos à populo, cui nimis credimus, separet, ac sinceris opinionibus reddat. Hæc est enim sapientia, in naturam conuerti, & eò restitui, vnde publicus error expulerit. Magna pars sanitatis est, hortatores insanix reliquisse, & ex isto cœtu iniicem noxio procul abiisse. Hoc vt esse verum scias, adspice, quanto aliter vnusquisque populo viuat, aliter sibi. Non est per se magistra solitudo innocentix, nec frugalitatem docent rura: sed vbi testis ac spectator abscessit, vitia subsidunt, quorum monstrari & conspici fructus est. Quis eam, quam nulli ostenderet, induit purpuram? quis posuit secretam in auro dapem? quis sub alicuius rusticæ arboris proiectus vmbra, luxuriæ suæ pompam solus explicuit? Nemo oculis suis lautus est, ne paucorum quidem & familiarium, sed apparatus vitiorum suorum modo turbæ spectantis expandit. Itaque irritamentum est omnium, in quæ insanimus, admirator & conscius. Ne concupiscamus efficies, si ne ostendamus effeceris. Ambitio, & luxuria, & impotentia, scenam desiderant: sanabis ista, si abscoderis.

T 2 Itaque

Itaque si in medio urbium fremitu collocati sumus, stet ad latus monitor, & contra laudatores ingentium patrimoniorum laudet paruo diuitem, & vltus opes metientem. Contra illos, qui gratiam ac potentiam attollunt, otium ipse suspiciat traditum litteris, & animum ab externis ad sua reuersum. Ostendat ex constitutione vulgi beatos, in isto inuidioso fastigio suo trementes & attonitos, longeque aliam de se opinionem habentes, quam ab aliis habetur. Nam quæ aliis videntur excelsa, ipsis prærupta sunt. Itaque exanimantur, & trepidant, quoties despexerunt in illud magnitudinis suæ præceps. Cogitant enim varios casus, & in sublimi maximè lubricos: tunc appetita formidant, & quæ & illos graues aliis reddit, grauior ipsis felicitas incumbit. Tunc laudant otium lenè & sui iuris: odio est fulgor, & fuga iam à rebus adhuc stantibus quæritur: tunc demum videas philosophantes metu, & agræ fortunæ sana consilia. Nam quasi ista inter se contraria sint, bona fortuna, & mens bona: ita melius in malis sapimus, secunda rectum auferunt.

EPIST. XCV. Petis à me, vt id quod in diem suum dixeram debere referri, representem, & scribam tibi, an hæc pars philosophiæ, quam Græci *ἡ ἀπομνηστική* vocant, nos præceptiuam dicimus, satis sit ad consummandam sapientiam. Scio te in bonam partem accepturum, si negauero. Eò magis



magis promitto, & verbum publicum perire non patior: *Postea noli rogare, quod impetrare nolueris.* Interdum enim omnixè petimus, id quod recusaremus, si quis offerret. Hęc siue leuitas est, siue vernilitas, puniendā est promittendi facilitate. Multa videri volumus velle, sed nolumus. Recitator historiam ingentem attulit, minutissimè scriptam, arctissimè plicatam, & magna parte perlecta: *Desinam*, inquit, *si vultis.* Acclamatur, *Recita, recita*, ab his qui illum obmutescere illicò cupiunt. Sæpè aliud volumus, aliud optamus: & verū ne diis quidem dicimus; sed dii aut non exaudiunt, aut misereantur. Ego me, omīssa misericordia, vindicabo, & tibi ingenrem epistolam impingam: quam tu si inuitus leges, dicitō: *Ego mihi hoc contraxi*, teq; inter illos numera, quos vxor magno ducta ambitu torquet: inter illos, quos diuitiæ per summū acquisitæ sudorem, male habent: inter illos, quos honores, nulla non arte atque opera periti, discruciant: & ceteros, malorum suorum compotes. Sed vt, omīssō principio, rem ipsam aggrediar: Beata, inquiunt, vita constat ex actionibus rectis: ad actiones rectas præcepta perducunt: ergo ad beatam vitam præcepta sufficiunt. Non tamen semper ad actiones rectas præcepta perducunt, sed cū obsequens ingenium est: aliquando frustrā admoventur, si animum opiniones obsident prauæ. Deinde, etiamsi rectè faciunt, uer-

T 3 sciunt

sciunt facere se rectè . Non potest enim quisquam nisi ab initio formatus , & tota ratione compositus , omnes exsequi numeros , ut sciat quando oporteat , & inquantum , & cū quo , & quemadmodum . Quare non potest toto animo ad honesta conari , ne cōstanter quidem aut libenter : sed respiciet , sed hēsitat . Si honesta , inquit , actio ex pręceptis venit , ad beatam vitam pręcepta abundè sunt : atqui est illud : ergo & hoc . His respondemus , Actiones honestas ex decretis fieri , non tantum pręceptis . Si alię , inquit , artes contentę sunt pręceptis , contenta erit & sapientia : nam & hæc ars vitę est . Atqui gubernatorem facit ille qui pręcipit , Sic mone gubernaculum , sic vela submitte , sic secundo vento utere , sic aduerso resiste , sic dubium communemque tibi vindica . alios quoque artifices pręcepta confirmant . Ergo non hoc idem poterunt artifices viuendi ? Omnes istę artes circa instrumenta vitę occupatę sunt , non circa totam vitam . Itaque multa illas inhihent extrinsecus , & impediunt , spes , cupiditas , timor . At hæc quę artem vitę professā est , nulla re , quō minùs se exerceat , vetari potest . discutit enim impedimenta , & tractat obstantia . Vis scire quàm dissimilis sit harum artium conditio , & huius ? In illis excusatiùs est voluntate peccare , quàm casu : in hac , maxima culpa est , sponte delinquere . Quod dico , tale est . Grammaticus non erubescit solęcismum ,

cisim, si sciens facit: erubescit, si nesciens. Medicus si deficere ægrum non intelligit, quantum ad artem magis peccat, quàm si se intelligere dissimulat. At in hac arte viuendi, turpior volentium culpa est. Adijce nunc; quod artes quoque pleræque, imò ex omnibus liberalissimæ, habent decreta sua, non tantum præcepta: sicut medicina. Itaque alia est Hippocratis secta, alia Asclepiadis, alia Themisonis. Præterea nulla ars contemplatiua sine decretis suis est, quæ Græci vocant *δὲκρυτα*: nobis decreta licet appellare, vel scita, vel placita: quæ in geometria ~~scilicet~~ astronomia inuenies. Philosophia autem & contemplatiua est, & actiua: spectat, simulque agit. Erras enim, si illam putas tantum terrestres operas promittere: altius spirat. Totum, inquit, mundum scrutor, nec me intra contubernium mortale contineo, suadere vobis, ac dissuadere contenta: magna me vocant, supraque vos posita.

*Nam tibi de summa celeratione, deumque.*

*Differere incipiam, & rerum primordia pandam,*

*Vnde omnis natura creet res, auctet, aliatque,*

*Quoque eadem rursus natura preempta resoluat:*

vt ait Lucretius. sequitur ergo, vt cum contemplatiua sit, habeat decreta sua. Quid; quod facienda quocunque ritè obibit, nisi

is cui ratio erit tradita, quæ in quaque re omnes officiorum números exsequi possit? quos non seruabit, qui in re præcepta acceperit. Imbecilla sunt per se, & ut ita dicam, sine radice quæ partibus dantur. Decreta sunt quæ muniant, quæ securitatem nostram, tranquillitatemque tueantur, quæ totam vitam, totamque rerum naturam simul contineant. Hoc interest inter decreta philosophiæ, & præcepta: quod inter elementa, & membra. hæc ex illis dependent: illa & horum causæ sunt & omnium. Antiqua, inquit, sapientia nihil aliud, quam facienda & viuenda, præcepit: & tunc longè meliores erant viri: postquàm docti prodierunt, boni defuncti. Simplex enim illa & aperta virtus in obscuram & solertem scientiam versâ est, docemurque disputare, non viuere. Fuit sine dubio, ut dicitis, vetus illa sapientia, cum maximè nascens rudis: non minùs quam ceteræ artes, quarum in processu subtilitas creuit. Sed ne opus quidem adhuc erat remediis diligentibus. Nondum in tantum nequitia surrexerat, nec tam latè se sparserat: poterant vitii simplicibus obstatè remedia simplicia. Nunc necesse est tanto operosiora esse munimenta, quanto valentiora sunt, quibus petimur. Medicina quondam paucarum fuit scientia herbarum, quibus listeretur fluens sanguis, vulnera coirent paulatim: deinde in hanc peruenit tam multiplicem varietatem. Nec est mirum,  
tunc

tunc illam mentis negotij habuisse, firmis  
 adhuc, solidisq; corporibus, & facili cibo,  
 nec per attem voluptatemque corrupto:  
 Qui postquam cœpit, non ad tollendam,  
 sed ad irritandam famem quæri, & inuen-  
 iæ sunt mille condituræ, quibus aviditas  
 excitaretur: quæ desiderantibus alimenta  
 erant, onera sunt plenis. Inde pallor, & ner-  
 uorum vino madentium tremor, & mise-  
 rabior ex cruditatibus, quàm ex fame,  
 macies: inde incerti labantium pedes, &  
 semper qualis in ipsa ebrietate titubatio:  
 inde in totam cutem humor admissus,  
 distensusque venter, dum malè assuescit  
 plus capere, quàm poterat: inde suffusio  
 luridæ bilis, & decolor vultus, tabesque in  
 se putrescentium, & retorti digiti articulis  
 obrigescentibus, nervorum sine sensu ia-  
 centium torpor, aut palpitatio sine inter-  
 missione vibrantium. Quid capitis vertigi-  
 nes dicam? quid oculorū auriumque tor-  
 menta, & cerebri cœnuantis verminationes,  
 & omnia per quæ exoheramur, internis vl-  
 ceribus affecta? Innumerabilia præterea  
 febrium genera, aliarum impetu sequen-  
 tium, aliarum tenui peste repentium, alia-  
 rum cum horrore & multa membrorum  
 quassatione venientium? Quid alios refe-  
 ram innumerabiles morbos, supplicia lu-  
 xurix? Immunes erant ab istis malis, qui  
 nondū se deliciis soluerant, qui sibi imper-  
 rabant, sibi ministrabāt. Corpora opere ac  
 vero labore durabant, aut cursu defatigati,

T 5 aut:

aut venatu, aut tellure versata : excipiebat illos cibus, qui nisi esurientibus placere nō poterat. Itaque nihil opus erat tam magna medicorum supellectile, nec tot ferramentis, atque pyxidibus. Simplex erat ex simplici causa valetudo: multos morbos multa fercula fecerunt. Vide quantum rerum per vnam gulam transitarum permisceat luxuria, terrarum marisque vastatrix! necesse est itaque inter se tam diuersa dissideant, & hausta malè digerantur, aliis aliò nitentibus. Nec mirum, quòd inconstans varinsque ex discordi cibo morbus est, & illa ex contrariis naturæ partibus in eundem compulsa redundat. Inde tam nullo ægrotamus genere, quàm viuimus. Maximus ille medicorum, & huius scientiæ conditor, fœminis nec capillos desuere dixit, nec pedes laborare. Atqui hæ iam & capillis destituuntur, & pedibus ægræ sunt. Non mutata fœminarum natura, sed vita est. nam cùm virorum licentiam æquauerint, corporum quoque virilium vitia æquauerunt. Non minùs peruigilant, non minùs potant, & oleo & mero viros prouocant: æquè inuitis ingesta visceribus per os reddunt, & vinū omne vomitu remetiuntur: æquè niuem rodunt, solatiū stomachi æstuantis. Libidine verò, nec maribus quidē cedunt, pati natæ. Dij illas deæque malè perdant: adeò perversū cōmentæ genus impudiciæ: viros ineiit. Quid ergo mirandum est, maximū medicorum

torum ac naturę peritissimum, in mendacio prehendi, cū tot fœminæ podagricæ caluæq; sint? Beneficium sexus sui vitii perdiderunt: & quia fœminam exuerunt, damnatæ sunt morbis virilibus. Antiqui medici nesciebant dare cibum sæpius, & vino fulcire venas cadentes: nesciebant saniem emittere, & diuinam egrotationem balneo sudoribusq; laxare: nesciebant crurum vinculo, brachiorumq; latentem vim, & in medio sedentem, ad extrema reuocare: Non erat necesse circumspicere multa auxiliorum genera, cū essent periculorum paucissima. Nunc verò quàm longè processerunt mala valetudinis? has vsuras voluptatum pendimus, vltra modum fasq; concupitarum. Innumerabiles esse morbos miraris? coquos numera. Cessat omne studiū: & liberalia professi, sine vlla frequentia, desertis angulis præsident. In rhetorum ac philosophorū scholis, solitudo est: at quàm celebres culinæ sunt, quanta circa nepotum fôcos iuuentus premit? Transeo puerorum infeliçiū greges: quos post transacta conuiuia, aliæ cubiculi contumeliæ exspectant. Transeo agmina exoletorum, per nationes colorisq; descripta, vt eadem omnibus leuitas sit, eadem primæ mensura lauuginis, eadem species capillorū, ne quis cui rectior est coma, crispulis misceatur. Transeo pistorum turbam, transeo ministratorū, per quos signo dato ad inferendā cenā discursur.

ritur: Dij boni, quantum hominum vnus  
 venter exercet! Quid, tu illos boletos, volu-  
 ptarium venenum, nihil occulti operis iu-  
 dicas facere, etiam si præsentanei non fue-  
 rant? Quid? tu illam æstiuam niuem non  
 putas callum iecinoribus obducere? Quid?  
 illa ostrea, inertissimam carnem cœno sa-  
 ginatam, nihil existimas limosæ gravita-  
 tis inferre? Quid? illud Sociorum garum,  
 pretiosam malorum piscium saniem, non  
 credis vrere salsa rabe præcordia? Quid? il-  
 la purulenta, & quæ tantum non ab ipso  
 igne in os transferuntur, iudicas sine no-  
 xa, in ipsis visceribus exstingui? Quàm for-  
 di atque pestilentes ructus sunt, quantum  
 fastidium sui exhalantibus crapulam ve-  
 terem? Scias putrescere sumpta, non conco-  
 qui. Memini fuisse quondam in sermone  
 nobile patinam, in quam quidquid apud  
 lautos solet diem ducere, properans in  
 damnum suum popina congefserat: vene-  
 riz spondyliq̃ue, & ostrea eatenus circum-  
 cisa, quæ eduntur, interuenientibus distin-  
 guebantur echinis, torti distractiq̃ue sine  
 villis ossibus nulli constrauerant. Piget  
 iam esse singula: coguntur in vnum sapo-  
 res. In cœna fit, quod fieri debet saturo in  
 ventre. Exspecto iam vt manducata po-  
 nantur. quantulo autem hoc minus est,  
 restas excerpere atque ossa, & dentium o-  
 pera coquum: fungi? Graue est luxuriari  
 per singula: omnia semel, & in eundem  
 saporem versa, ponantur. Quare ergo ad  
 vnam



vitam rem manum porrigam? plura ve-  
 niant simul: mutorum ferculorum orna-  
 menta coeant & cohæreant. Sciant protin-  
 us hi, qui iactationē ex istis peti & glo-  
 riam aiebāt, non ostendi ista, sed conscien-  
 tiæ dari. Pariter sint, quæ disponi solent,  
 iure vno perfusa: nihil intersit, ostrea echin-  
 is, spondyli perturbati nullis cōcoctique  
 ponantur. Non esset confusior vomenti-  
 um cibus. Quomodo ista perplexa sunt,  
 sic ex istis non singulares morbi nascun-  
 tur, sed inexplicabiles, diuersi, multiformes:  
 aduersus quos & medicina armare  
 se cepit multis generibus, multis obserua-  
 tionibus. Idem de philosophia dico. Fuit  
 aliquādo simplicior inter minora peccan-  
 tes, & leui quoque cura medicabiles: ad-  
 uersum tantam morum euerfionem, om-  
 nia conanda. Et vtinam sic denique lues  
 ista vinceretur! Non priuatim solū, sed  
 publicè furimus. Homicidia cōpescimus,  
 & singulas cardes: quid bella, & occisarū  
 gentium gloriosum scelus? Non avaritia,  
 non crudelitas modum nouit: & ista quā-  
 diu furim, & à singulis fiunt, minū no-  
 xia, minusque monstrosa sunt: ex senatus-  
 consultis plebisque scitis scelera exercen-  
 tur, & publicè iubentur, verita priuatim.  
 Quæ clam commissā capite luerēt, eadem  
 quia paludati fecere, laudamus. Nō pudet  
 homines, mitissimum genus, gaudere san-  
 guinē alterno, bella gerere, gerendaq; li-  
 beris tradere: cū inter se etiam mutis ac-  
 feris

feris pax sit? Aduersus tam potentem explicitumque latè furorem operosior philosophia facta est, & tātum sibi virium sumpsit, quantum his, aduersus quæ parabatur, accesserat. Expeditum erat, obiurgare indulgentes. mero, & petentes delicatorem cibum. non erat animus ad frugalitatem magna vi reducendus, à quo paullulū discesserat:

*Nunc manibus rapidis opus est, nunc arte magistra.*

Voluptas ab omni parte quæritur: nullum intra se manet virium. In auaritiam præceps luxuria est: honestatis obliuio inuasit: nihil turpe est, cuius placet pretium. Homo, sacra res, homo iam per lusum & iocum occiditur: & quem crudiri ad inferenda accipiendaque vulnera nefas erat, is iam nudus inermisque producit: satisque spectaculi in homine, mors est. In hac ergo morum peruersitate, desideratur solito vehementius aliquid; quod mala inueterata discutiat: decretis agendum est, vt reuellatur penitus falsorum recepta persuasio. His si adiunxerimus præcepta, consolationes, adhortationes, poterunt valere: per se inefficaces sunt. Si nolumus habere obligatos, & malis quibus iam tenentur, auellere; discāt quid malum, quid bonum sit: sciant omnia præter virtutē mutare nomen, modò mala fieri, modò bona. Quemadmodum primum militiæ vinculum est religio, & signorum

gnorum amor, & deferendi nefas; tunc  
 deinde facillè cætera exiguntur mandan-  
 turque ad iusiurandum adactis: ita in his,  
 quos velis ad beatam vitam perducere, pri-  
 ma fundamēta iacienda sunt, & insinuan-  
 da virtus. Huius quadam superstitione  
 teneantur: hanc ament, cum hac vivere  
 velint, sine hac nolint. Quid ergo? non  
 quidam sine institutione subtili euase-  
 runt probi, magnosque profectus asse-  
 cuti sunt, dum nudis tantum præceptis ob-  
 sequuntur? Fateor: sed felix ingenium il-  
 lis fuit, & salutaria in transitu rapuit. Nam  
 ut dij immortales nullam didicere virtu-  
 tem, cum omni editi, & pars naturæ eo-  
 rum est, esse bonos: ita quidam ex homi-  
 nibus egregiam sortiti indolem, in ea quæ  
 tradi solent, perueniunt sine longo magi-  
 sterio; & honesta complexi sunt, cum pri-  
 mum audierūt. Vnde ista tam rapacia vir-  
 tutis ingenia, vel ex se fertilia? At illis aut  
 hebetibus & obtusis, aut mala cōsuetudine  
 obsessis, diu rubigo animorum effricanda  
 est. Ceterum ut illos in bonum pronos ci-  
 tius educit ad summa, & hos imbecilliores  
 adiuuabit, malisque opinionibus extrahet,  
 qui illis philosophiæ placita tradiderit;  
 quæ quàm sint necessaria, licet videas.  
 Quædam insident nobis quæ nos ad alia  
 pigros, ad alia temerarios faciunt. Nec hæc  
 audacia reprimi potest, nec illa inertia sus-  
 citari, nisi causæ eorum eximantur, falsa  
 admiratio, falsa formido. Hæc nos quādiu  
 possi-

possident, dicas licet: Hoc patri præstare debes, hoc liberis, hoc amicis, hoc hospitibus: tentantem avaritia retinebit. Sciet pro patria pugnandum esse: dissuadebit timor. Sciet pro amicis desudandum esse, ad extremum usque sudorem: sed deliciae verabunt. Sciet in uxorem gravissimum esse genus iniuriæ, habere pellicem: sed illum libido in contraria impinget. Nihil ergo proderit dare præcepta, nisi prius amoveris obstantia præceptis: non magis, quam proderit arma in conspectu posuisse, propiusque admouisse, nisi usuræ manus expediuntur. Ut ad præcepta, quæ damus, possit animus ire, solvendus est. Putemus aliquē facere, quod oportet. non faciet assidue, non faciet aequaliter: nescit enim quare faciat. Aliqua vel casu, vel exercitatione, exhibunt recta: sed non erit in manu regula, ad quam exigantur, cui credat recta esse quæ fecit. Non promittet se talem in perpetuum, qui casu bonus est. Deinde, præstabunt tibi fortasse præcepta, ut quod oportet facias: non præstabunt, ut quemadmodum oportet: & si hoc non præstant, ad virtutem non perducunt. Faciet quod oportet monitus; concedo. sed id parum est. quoniam quidem non in facto laus est, sed in eo quemadmodum fiat. Quid est cena sumptuosa flagitiosius, & equestrem censum consumente? quid tam dignum censoria nota, si quis, ut isti gastrones loquuntur, sibi hæc & genio suo præ-

præstet? & tricies tamen HS. adijciales  
 cænx frugalissimis viris constiterunt. Ead-  
 dem res si gulæ datur, turpis est: si hono-  
 ri, reprehensionem effugit. Non enim lu-  
 xuria, sed impensa sollennis est. Mullum  
 ingentis formæ (quare autem non pon-  
 dus adijcio, & aliorum gulam irritum qua-  
 tuor pondo & ad selibram fuisse aiebant)  
 Tiberius Cæsar missum sibi, cum in ma-  
 cellum deferri & venire iussisset: *Amici*,  
 inquit, *omnia me fallunt, nisi istum mul-*  
*lum aut Apicius emerit, aut P. Octavius.*  
 Ultra spem illi coniectura processit. licita-  
 ti sunt: vicit Octavius, & ingentem conse-  
 cutus est inter suos gloriam, cum quinque  
 millibus HS. emisset piscem, quem Cæsar  
 vendiderat, ne Apicius quidem emerat.  
 Numerare tantum Octavio fuit turpe.  
 Nam ille qui emerat, ut Tiberio mitteret  
 (quamquam illum quoque reprehende-  
 rim) admiratus est rem, qua putavit Cæsa-  
 rem dignum. Amico agro aliquis assidet:  
 probamus. at hoc si hereditatis causâ fa-  
 cit, vultur est, cadauer expectat. Eadem  
 & turpia sunt, & honesta: refert, quare,  
 aut quemadmodum fiant. Omnia autem ho-  
 nestè fient, si honesto nos addixerimus,  
 idque vnum in rebus humanis bonum iu-  
 dicauerimus, quæque ex eo sunt: cetera,  
 in diem bona sunt. Ergo infigi debet per-  
 suasio, ad totam pertinens vitam: hoc est,  
 quod decretum voco. Qualis hæc persua-  
 sio fuerit, talia erunt quæ agentur, quæ  
 cogi-

cogitabuntur : qualia autem hæc fuerint, talis vita erit. In particulas suasse, totum ordinanti parum est. M. Brutus in eo libro, quem *περὶ καθήκοντος* inscripsit, dar multa præcepta & parentibus & liberis & fratribus, hæc nemo faciet quemadmodum debet, nisi habuerit quò referat. Proponamus oportet finem summi boni, ad quem nitamur, ad quem omne factum nostrum dictumq; respiciat: veluti navigantibus ad aliquod sidus dirigendus est cursus. Vita sine proposito, vaga est. Quod si vtiq; proponendum est, incipiunt necessaria esse decreta. Illud, puto, concedes, nihil esse turpius dubio, & incerto ac timido, pedem modò referente, modò producente. Hoc in omnibus rebus accider nobis: nisi eximantur, quæ reprehendunt animos ac detinent, & conari totos vetant. Quomodo sint dii colendi, solet præcipi. Accendere aliquē lucernā sabbathis prohibeamus: quoniam nec lumine dii egent, & ne homines quidē delectantur fuligine. Vetemus salutationibus matutinis fungi, & foribus assidere templorū: humana ambitio istis officiis capitur. Deum colit, qui nouit. Vetemus lintea & strigiles Ioui ferre, & speculum tenere Iunoni. Non querit ministros Deus. quid nī ipse humano generi ministrat: vbique & omnibus præsto est. Audiat licet, quemadmodum se gerere in sacrificiis debeat, quàm procul resilire à molestiis ac superstitionibus: numquā  
 satis

satis profectum erit, nisi, qualem debet.  
 Deum, mente conceperit, omnia habentem,  
 omnia tribuentem, beneficia gratis dantem.  
 Quæ causâ est diis benefaciendi? natura.  
 Errat, si quis putat illos nocere velle:  
 non possunt. nec accipere iniuriam queunt,  
 nec facere. Lædere etenim lædique,  
 coniunctum est. Summa illa ac pulcherrima  
 omnium natura, quos periculo exemit,  
 nec periculosos quidem fecit. Primus est  
 deorum cultus, deos credere: deinde,  
 reddere illis maiestatem suam, reddere  
 bonitatem, sine qua nulla maiestas est.  
 Scire, illos esse qui præsident mundo,  
 qui vniuersa vi sua temperant, qui humani  
 generis tutelam gerunt, interdum curiosi  
 singulorum. Hi nec dant malum, nec habent:  
 ceterum castigant quosdam, & coercent,  
 & irrogant pœnas, & aliquando specie boni  
 puniunt. Vis deos propitiare? bonus esto.  
 Satis illos coluit, quisquis imitatus est.  
 Ecce altera quæstio, quomodo hominibus  
 sit utendum. Quid agimus? quæ damus  
 præcepta? Ut parcat sanguini humano?  
 quantum est ei non nocere cui debeas  
 prodesse? Magna scilicet laus est, si homo  
 mansuetus homini est. Præcipiemus ut  
 naufrago manum porrigat, erranti viam  
 monstret, cum esuriens panem suum diuidat.  
 Quando omnia quæ præstanda sunt ac  
 vitanda, dicam, cum possim breuiter hanc  
 formulam humani officii tradere. Omne hoc  
 quod vides, quo diuina

atque.

quis vsus sit: non magis quàm pantomimo de arte saltâdi. Omnes istæ artes se sciunt: nihil deest. Non enim ad totam pertinent vitam: virtus & aliorum scientia est, & sui. discendum de ipsa est, vt ipsa voluntas discatur. actio recta non erit, nisi recta fuerit voluntas: ab hac enim est actio. Rursus, voluntas non erit recta, nisi habitus animi rectus fuerit: ab hoc enim est voluntas. Habitus porro animi non erit in optimo, nisi totius vitæ leges perceperit, & quid de quoque iudicandum sit, exegerit, nisi res ad verum redegerit. Non contingit tranquillitas, nisi immutabile certumque iudicium adeptis: ceteri decidunt subinde; & reponuntur, & inter omissa appetitaque alternis fluctuantur. Causa huius iactationis est, quòd nihil liquet incertissimo regimine vtentibus, fama. Si vis eadem semper velle, vera oportet velis. Ad verum sine decretis non peruenitur: continent vitam. Bona & mala, honesta & turpia, iusta & iniusta, pia & impia, virtutes vsusque virtutum, rerum commodarum possessio, existimatio ac dignitas, valetudo, vires, forma, sagacitas sensuum, hæc omnia æstimatorem desiderant, quanti quidque in censum deferendum sit. Falleris enim, & pluris quædam quàm sunt, putas: adeoque falleris, vt quæ maxima inter vos habentur, diuitiæ, gratia, potentia, sestertio nummo æstimanda sint. Hoc nescies, nisi constitutionem ipsam, qua ista

inter



inter se æstimantur, inspexeris. Quemadmodum folia virere per se non possunt, ramum desiderant cui inhæreant, ex quo trahant succum: sic ista præcepta si sola sunt, marcent: infigi volunt sectæ. Prætereà non intelligunt hi qui decreta tollunt, eo ipso confirmari illa, quo tolluntur. Quid enim dicunt? præceptis satis vitam explicari, superflua esse decreta sapientiæ, id est, dogmata. Atqui hoc ipsum quod dicunt, decretum est: tam hercule, quàm si nunc ego dicerem recedendum esse à præceptis superuacuis, & in hæc sola studiū conferendū: hoc ipso quo negarem curanda esse præcepta, præciperem. Quædam admonitionem philosophiæ desiderant, quædam probationem: & quidem multa, quia inuoluta sunt, vi xque summa diligentia ac summa subtilitate aperiuntur. Si probationes necessariæ sunt, & decreta, quæ veritatem argumētis colligunt. Quædam aperta sunt, quædā obscura. Aperta, quæ sensu comprehenduntur, quæ memoria: obscura, quæ extra hæc sunt. Ratio autem non impletur manifestis: maior eius pars pulchriorque in occultis est: Occulta probationem exigunt, probatio non sine decretis est, necessaria ergo decreta sunt. Quæ res cōmunem sensum facit, eadem perfectum, certarum rerum persuasio: sine qua, omnia in animo natāt: necessaria ergo sunt decreta, quæ dāt animis inflexibile iudicium. Denique cūm

mo-

monemus aliquem, ut amicum eodem habeat loco quo se, ut ex inimico cogiter posse fieri amicum, in illo amorem incitet, in hoc moderetur odium: adiicimus, iustum est & honestum. Iustum autem honestumque decretorum nostrorum continet ratio: ergo hæc necessaria est, sine qua nec illa sunt. Sed utraque iungamus. namque & sine radice inutiles rami sunt; & ipsæ radices his, quæ genere, adiuuantur. Quântum utilitatis manus habeant, nescire nulli licet: aperte iuuant: cor, illud quo manus viuunt, ex quo impetum sumunt, quo mouentur. latet. Idem dicere de præceptis possum: aperta sunt: secreta verò sapientiæ in abdito. Sicut sanctiora sacrorum tantum initiati sciunt: ita in philosophia, arcana illa admissis receptisque in facta ostenduntur: at præcepta, & alia huiusmodi, profanis quoque nota sunt. Posidonius non tantum præceptionem (nihil enim nos hoc verbo uti prohibet) sed etiam suasionem, & consolationem, & exhortationem necessariam iudicat. His adiicit causillarum inquisitionem, quam cur ætiologiam dicere non audeamus, cum Grammatici, custodes Latini sermonis, suo iure ita appellent, non video. Ait vtilem futuram esse descriptionem cuiusque virtutis. hanc Posidonius ætiologiam vocat: quidam *καρκτηρισμὸν* appellant, signa cuiusque virtutis & vitij ac notas reddentem, quibus inter se similia descri-

mi.

minentur. Hæc res eandem vim habet,  
quam præcipere. Nam qui præcipit, di-  
cit: Illa facies, si voles temperans esse.  
Qui describit, ait. Temperans est, qui  
facit illa, qui illis abstinet. Quæris, quid  
interfit? alter præcepta virtutis dat, alter  
exemplar. Descriptiones has, & (vt publi-  
canorum vtar verbo) *τινωνομενός*, ex usu  
esse confiteor. Proponamus laudanda:  
inuenietur imitator. Putas vtile tibi dari  
argumenta, per quæ intelligas nobilem  
equum, ne fallaris empturus, ne operam  
perdas in ignauo? Quanto hoc vtilius est,  
excellenti animi notas esse, quas ex alio  
in se transferre permittitur?

*Continuo pecoris generosi pullus in ar-  
uis*

*Altiùs ingreditur, & mollia crura re-  
ponit.*

*Primus inire viam, & fluvios tentare  
minaces*

*Audet, & ignoto sese committere ponto.  
Nec vanos horret strepitus: illi ardua  
cervix,*

*Argutùmque caput brevis alius, obesa-  
que terga:*

*Luxuriatque toris animosum pectus: —  
— tum, si qua sonum procul arma  
dedere,*

*Stare loco nescit, micat auribus, & tre-  
mis artus,*

*Collectùmque premens voluit sub nari-  
bus ignem.*

Dum

Dum aliud agit Virgilius noster, descripsit virum fortē. Ego certē non aliam imaginem magno viro dederim. si mihi Cato exprimendus, inter fragores bellorum ciuiliū impaudus, & primus incessens admotos iam exercitus Alpibus, ciuiliq; se bello ferēs obuuium: non alium illi assignauerim vultum, non alium habitum. altius certē nemo ingredi potuit, quā qui simul contra Cæsarem Pompeiumq; se sustulit, & aliis Cæsarianas opes, aliis Pōpeianas fouentibus, vtrumque prouocauit, ostenditq; aliquas esse reip. partes. Nam parū est in Catone dicere: *Nec vanos horret strepitus.* Quid ni, cū veros vicinosq; non horreat? cū contra decem legiones, & Gallica auxilia, & mixta barbarica arma ciuilibus, vocem liberam mittat, & Remp. horretur, ne pro libertate decidar, sed omnia experiatur, honestiūs in seruitutem casura, quā itura? Quantum in illo vigoris ac spiritus, quantum in publica trepidatione fiduciæ est? Scit se vnum esse, de cuius statu non agatur: non quæri, an liber Cato, sed an inter liberos sit. Inde periculorum gladiorumq; contemptus. Libet admirantem inuictam constantiam viri, inter publicas ruinas non labantis, dicere: *Luxuriatque toris animosum pectus.* Proderit non tantū quales esse soleant boni viri, dicere, formamq; eorum & lineamenta deducere: sed quales fuerint narrare, & exponere Cato-

nis illud ultimum ac fortissimum vulnus;  
 per quod libertas amisit animam: La-  
 sapientiam, & cum suo Scipione concor-  
 diam: alterius Catonis domi forisque e-  
 gregia facta: Tuberonis ligneos lectulos,  
 cum in publicum sternerentur, hœdinaf-  
 que pro stragulis pelles, & ante ipsius Io-  
 nis cellam propolita conuiuis vasa fictilia.  
 Quid aliud est, paupertatem in Capi-  
 tolio consecrare? Vt nullum aliud factum eius  
 habeam, quo illum Catonibus inferam,  
 hoc parum credimus? Censura fuit illa,  
 non cœna. O quàm ignorant homines  
 cupidi gloriæ, quid illa sit, aut quemad-  
 modum petenda! Illo die populus Roma-  
 nus multorum supellectilem spectauit,  
 vnus miratus est. Omnium illorum au-  
 rum argentumque fractum est, & milles  
 constatuunt: at omnibus sæculis Tuberonis  
 fictilia durabunt.

EPIST. XCVI. Tamen tu indignaris  
 aliquid, aut quereris: & non intelligis,  
 nihil esse in istis mali, nisi hoc vni, quod  
 indignaris & quereris? Si me interrogas,  
 nihil puto vito miserum, nisi aliquid esse  
 in rerum natura putet miserum. Non fe-  
 ram me, quo die aliquid ferre non potero.  
 Malè valeo? pars fati est. Familia decubu-  
 it? fenus offendit? domus crepuit? damna,  
 vulnera, labores, metus incurrerunt? Soler  
 fieri. hoc parum est: debuit fieri. decer-  
 untur ista, non accidunt. Si quid credis  
 mihi, intimos affectus meos tibi cumma-

ximè

ximè detego: in omnibus quæ aduersa videntur, & dura, sic formatus sum. Non pareo Deo; sed assentior: ex animo illum, non quia necesse est, sequor. Nihil unquam mihi incidet, quod tristis excipiam, quod malo vultu: nullum tributum inuitus conferam. Omnia autem ad quæ gemimus, quæ expauescimus, tributa vitæ sunt. Horum, mi Lucili, nec speraueris immunitatem: nec petieris. Vesicæ te dolor inquitauit: epulæ fuerunt parùm dulces: detrimenta continua: propius accedam, de capite timuisti. Quid tu? nesciebas hæc te optare, cum optares senectutem? Omnia ista in longa vita sunt, quomodo in longa via & puluis & lorum & pluuia. Sed volebam, inquis, viuere, carere tamen incommodis omnibus. Tam effæminata vox virum deceat. Videris, quemadmodum hoc votum meum excipias: ego illud magnò animo, non tantum bono, facio. Neque dii, neque deæ faciant, ut te fortuna in deliciis habeat. Ipse te interroga, si quis potestatem tibi Deus faciat, vtrum velis viuere in micello, au in castris. Atqui viuere, mi Lucili, militare est. Itaque hi qui iactantur, & per operosa atque ardua sursum atque deorsum eunt, & expeditiones periculosissimas obeunt, fortes viri sunt, primoresque castrorum: isti quos publica quies, alijs laborantibus, molliter habet, Turturillæ sunt, tuti contumeliæ causa.

EPIST. XCVII. Erras ; mi Lucili , si existimas nostri sæculi esse vitium , luxuriam & negligentiam boni moris ; & alia quæ obijcit suis quisque temporibus. Hominum sunt ista , non temporum : nulla ætas vacavit à culpa . Et si æstimare licentiam cuiusque sæculi incipias : pudet dicere , numquam apertius , quàm coram Catone , peccatum est. Credat aliquis pecuniâ esse versatam in eo iudicio , in quo reus erat Clodius , ob id adulterium , quod cum Cæsaris vxore in aperto commiserat , violatis religionibus eius sacrificij ; quod pro populo fieri dicitur , sic submotis extra cōspectum omnibus viris , vt picturæ quoque masculorum animalium contegantur ? Atqui dati iudicibus nummi sunt : & quod hac etiamnum pactione turpius est , stupra insuper matronarum & adolescentulorū nobilium , salarij loco exacta sunt. Minus crimine , quàm absolutione , peccatum est. Adulterij reus , adulteria diuisit : nec ante fuit de salute securus , quàm similes sui iudices suos reddidit. Hæc in eo iudicio facta sunt , in quo , si nihil aliud , Cato testimonium dixerat. Ipsa ponā verba Ciceronis , quia res fidem excedit : *Accersuit ad se , promissit , intercessit , dedit. Iam verò , o dij boni , rem perditam ! etiam noctes certarum mulierum ; atque adolescentulorum nobilium introductiones , nonnullis iudicibus pro mercedis cumulo fuerunt. Non vacat de pretio queri ; plus in accessionibus* fuit.

fuit. Vis seueri illius vxorem? dabo illam. Vis diuitis? huius quôq; tibi præstabo concubitum. Adulterium vbi feceris, damna. Illa formosa quam desideras, veniet: illius tibi noctem promitto, nec differo: intra comperendinationem fides promissi mei stabit. Plus est distribuere adulteria, quàm facere: illud est matribus familiæ denunciare, hoc illudere. Hi iudices Clodiani, à senatu petierant præsidium, quod nō erat nisi damnaturis necessarium: & impetrauerant. Itaque eleganter illis Catulus, absoluto reo: *Quid vos, inquit, præsidium à nobis petebatis? an, ne nummi, vobis eriperentur?* Inter hos tamen iocos, impune tulit ante iudicium adulter, in iudicio leno: qui damnationē peius effugit, quàm meruit. Quidquam fuisse corruptius illis moribus credis, quibus libido non sacris inhiberi, non iudiciis poterat? quibus in ea ipsa quaestione, quæ extra ordinem senatus-consulto exercebatur, plus quàm quærebatur admissum est? Quærebatur, an post adulterium aliquis posset tutus esse: apparuit sine adulterio tutum esse non posse. Hoc inter Pompeium & Cæsarem, inter Ciceronē Catonemque commissum est: Catonem, inquit illum, quo sedente negatur populus, permisisse sibi, postulare Florales iocos nudandarū meretricū. Credis spectasse tunc seuerius homines, quàm iudicasse? Et fient, & facta sunt ista: & licentia vrbium, aliquando disciplina metuque.



numquam sponte confidet. Non est itaque quòd credas, nunc plurimum libidini permis-  
sum esse, legibus minimū. Longè enim frugalior hæc iuuentus, quàm illa, est, cum reus adulterum apud iudices negaret, iudices apud reum confiterentur: cum stuprum committeretur rei iudicandæ caus-  
sa: cum Clodius iisdem vitiis gratiofus quibus nocens, conciliaturas exerceret in ipsa causâ dictione. Credat hoc quisquâ qui damnabatur vno adulterio, absolutus est multis. Omne tempus Clodios, non omne Catones feret. Ad deteriora faciles sumus: quia nec dux potest, nec comes de-  
esse: & res etiam ipsa sine duce, sine comite procedit: non prouum iter est tantum ad vitia, sed præceps. Et, quod plerisque inemendabiles facit, omnium aliarum artium peccata, artificibus pudori sunt, offendunt-  
que deerrantem: vitæ peccata delectant. Non gaudet nauigio gubernator euerso, non gaudet egro medicus elato, non gau-  
det orator, si patroni culpa reus cecidit: at contra, omnibus crimen suum voluptati est. Lætatur ille adulterio, in quod irrita-  
tus est ipsa difficultate: lætatur ille circum-  
scriptione furti: nec antè illi culpa, quàm culpæ fortuna displicuit. Id praua consuetudine euenit. Alioqui vt scias, sub-  
esse animis, etiam in pessima abductis, boni sensum, nec ignorari turpe, sed negligi: omnes peccata dissimulant, & quamuis feliciter cesserint, fructu illorum vtuntur,  
ipsa

ipsa subducunt. At bona conscientia pro-  
 dire vult, & conspici: ipsas nequitia tene-  
 bras timet. Eleganter itaque ab Epicuro  
 dictum puto, *Potest nocens contingere ut  
 lateat, latendi fides non potest.* Aut si hoc  
 modo melius hunc explicari posse iudicas  
 sensum: *Idè non prodest latere peccanti-  
 bus, quia latendi etiam si felicitatem ha-  
 bent, fiduciam non habent.* Ita est tuta sce-  
 lera esse possum: secuta non possunt. Hoc  
 ego repugnare sectæ nostræ, si sic expediat-  
 ur, nō iudico. quare? quia prima & maxi-  
 ma peccantium est pœna, peccasse. nec vl-  
 lum scelus, licet illud fortuna exornet mu-  
 neribus suis, licet tueatur ac vindicet, im-  
 punitū est: quoniam sceleris, in scelere, sup-  
 plicium est. Sed nihilominus & hæc, & illa,  
 secundæ pœnæ premunt ac sequuntur: ti-  
 mere semper & expauescere, & securitati  
 diffidere. Quare ego hoc supplicio nequi-  
 tiæ liberem? quare non semper illam in su-  
 spenso relinquā? Illic dissentiamus cum E-  
 picuro, vbi dicit, nihil instum esse natura,  
 & crimina viranda esse, quia vitari metus  
 nō possit. Hic consentiamus, mala facino-  
 ra conscientia flagellari, & plurimum illi  
 tormentorum esse, eò quod perpetua illā  
 sollicitudo urget ac verberat, quod spon-  
 soribus securitatis suæ non potest credere.  
 Hoc enim ipsum argumētum Epicuri est,  
 natura nos à scelere abhorreere, quod nulli  
 non etiam inter tuta timor est. Multos for-  
 tuna liberat pœna, metu neminem: quare?

quia infixæ nobis eius rei auersatio est, quam natura damnavit. Ideò numquam fides latendi fit etiam latentibus: quia coarguit illos conscientia, & ipsos sibi ostendit. Proprium autem est nocentium, trepidare. Malè de nobis actum erat, quod multa scelera legem & iudicem effugiunt, & scripta supplicia: nisi illa naturalia & grauiora de præsentibus soluerent, & in locum patientiæ timor cederet.

EPIST. XCVIII. Numquam credideris felicem quemquam, ex felicitate suspensum. fragilibus innititur, qui aduentio lætus est: exhibet gaudium, quod intravit. At illud ex se ortum, fidele, firmumque est, & crescit, & ad extremum usque proficitur: cetera quorum admiratio est vulgo, in diem bona sunt. Quid ergo non usui ac voluptati esse possunt? Quis negat? sed ita, si illa ex nobis pendent, non ex illis nos. Omnia quæ fortunam intuentur, ita fructifera ac iucunda sunt, si quis habens illa, se quoque habet, nec in rerum suarum potestate est. Errant enim, mi Lucili, qui aut boni aliquid nobis, aut mali iudicant tribuere fortunam: materiā dat bonorum ac malorum, & initia rerum apud nos in malum bonumve exiturarum. Valentior enim omni fortuna animus est: in utramque partem ipse res suas ducit, beatæque ac miseræ vitæ sibi causā est. Malus omnia in malum vertit, etiam quæ specie optimi viderant: rectus atque integer, corrigit prava.

ipræua fortuna; & dura atque aspera ferent-  
 di scientia mollit: idemque & secūda gra-  
 tē excipit modestęque, & aduersa constā-  
 ter atque fortiter. Qui licet prudens sit, li-  
 cet exacto faciat cuncta iudicio, licet nihil  
 supra vires suas tentet: non contingit illi  
 bonum integrum illud, & extra minas  
 fortunę positum; nisi certus aduersus in-  
 certa est. Siue alios obseruare volueris (li-  
 bērius enim inter aliena indicium est) siue  
 reipsum fauore seposito; & senties hoc, &  
 confiteberis, nil ex his optabilibus & caris  
 vtile esse, nisi te contra leuitatem casus,  
 rerumq; casum sequentium, instruxeris:  
 nisi illud frequenter & sine querela, inter  
 singula damna dixeris: *Diis aliter visum*  
*est.* Imò mehercule, vt carmen fortius ac-  
 iustius petam, quo animum tuum magis  
 fulcias, hoc dicito, quoties aliquid aliter  
 quàm cogitabas euenierit: *Diis melius.* Sic  
 composito nihil accidet. sic autem cōpo-  
 netur, si, quid humanarum rerum varietas  
 possit, cogitauerit, antequā senserit. Si &  
 liberos, & coniugem, atq; patrimoniū sig-  
 habuerit, tamquā non utique semper ha-  
 biturus: & tamquam non futurus ob hoc  
 miserior, si habere desierit. Calamitosus  
 est animus futuri anxius, & ante miseras  
 miser, qui sollicitus est, vt ea quibus dele-  
 ctatur, ad extremū vsque permaneāt. Nul-  
 lo enim tempore conquiescet, & expecta-  
 tione futuri, presentia, quibus frui poterat,  
 amittet. In æquo est autem amissio rei, &

timor amittenda. Nec ideo præcipio tibi negligentiam. Quin verò metuēda declina; & quidquid consilio prospici potest, prospice: quodcumque læsurum est, multo antè quàm accidat, specularè & aduertere. In hoc ipsum tibi plurimum conforet fiducia, & ad tolerandum omnino obfirmata mens. Potest fortunā cauere, qui potest ferre: certè in tràquillo non tumultuatur. Nil est nec miserius nec stultius, quàm prætimere. quæ ista dementia est, malum suum antecedere? denique, vt breuiter includam quod sentio, & istos satageos, ac sibi molestos describam tibi, tam intemperantes in ipsis miseriis sunt, quàm ante illas. Plus dolet quàm necesse est, qui antè dolet quàm necesse sit. Eadem enim infirmitate dolorè non æstimat, qua non expectat. Eadem intemperantia fingit sibi perpetuā felicitatē, fingit sibi crescere debere quæcūque contigerunt, non tantum durare: & oblitus huius petauri, quo humana iactantur, sibi vni fortuitorū constātiā spondet. Egregiè itaq; videtur mihi Metrodorus dixisse in ea epistola, qua sororem, amissio optimæ indolis filio, alloquitur: *Mortale est omne mortalium bonum*. de his loquitur bonis, ad quæ cōcurritur. Nā illud verū bonum non moritur: certum est sempiternumque, sapientia & virtus: hoc vnum cōtingit immortale mortalibus. Ceterum tam improbi sunt, tamque obliti quò eant, quò illos singuli dies trahant,

trahant, vt mirentur aliquid se amittere, amissuri vno die omnia. Quidquid est, cui dominus inscriberis, apud te est, tuum nō est: nihil firmum infirmo, nihil fragili æternū & inuictū est. Tā necesse est perire quā perdere: & hoc ipsum, si intelligimus, solatium est, æquo animo perdere, quod periturum est. Quid ergo aduersus has amissiones auxilij inueniemus? Hoc, vt memoria teneamus amissa, nec cū ipsis fructū excidere patiamur, quē ex illis percepimus. Habere, eripitur: habuisse, numquā. Peringratus est, qui cū amiserit, pro accepto nihil debet. Rem nobis eripit casus, vsū fructumq; apud nos relinquit: quē nos iniquitate desiderij perdimus. Dic tibi, Ex istis quę terribilia videntur, nihil est inuictū. Singula vicere iā multi: ignē Mucius, crucem Regulus, venenum Socrates, exsilium Rutilius, mortem ferro adactam Caro: & nos vincamus aliquid. Rursus ista, quę vt speciosa & felicia trahunt vulgum, a multis & sæpe contempta sunt. Fabricius diuitias imperator reiecit, censor notauit: Tubero paupertatem & se dignam & Capitolio iudicauit, cū fictilibus in publica cēna vsus, ostendit debere his hominē esse contentum, quibus dijetianum vterentur. Honores repulit pater Sextius, qui ita natus vt comp. deberet capessere, latum clauum dino Iulio dante, nō recepit. Intelligebat enim, quod dari posset, & eripi posse. Nos quoq; aliquid ipsi faciamus animo.

se: simus inter exempla. Quare deficiamus? quare desperamus? quidquid fieri potuit, potest. Nos modò purgemus animum, sequamurque naturam, à qua aberranti cupiendum timendumque est, & fortuitis feruendum. Licet reuerti in viam, licet in integrum restitui. Restituamur, vt possimus dolores, quocumque modo corpus inuasent, perferre, & fortunæ dicere: *Cum viro tibi negotium est, quare quem vincas.* His sermonibus, & his similibus, lenitur illa vis vlcis: quam opto me hecules mitigari, & aut lauari, aut stare, & cum ipso senescere. Sed securus de ipso sū. de nostro damno agitur, quibus senex egregius eripitur. Nam ipse vitæ plenus est, cui adijci nihil desiderat sua causa, sed eorum quibus utilis est. Liberaliter facit, quod viuunt. Alius iam hos cruciatus finisset: hic tam turpe putat mortem fugere, quàm ad mortē confugere. Quid ergo? non si suadebit res, exhibet? Quid ni exeat? si nemo iam eo vtī poterit? si nihil aliud, quàm dolori operā dabit? Hoc est, mi Lucili, philosophiā in opere discere, & ad verum exerceri: videre quid homo prudens animi habeat contra mortē, contra dolorem: cū illa accedat, hic premat. Quid faciendum sit, à faciente discendum est. Adhuc argumētis actum est, an possit aliquis dolori resistere, an mors magnos quōque animos admota submittere: quid opus est verbis? in rem præsentem eamus: nec mors.

mors illum contra dolorem facit fortio-  
rem, nec dolor contra mortem. Contra  
vtrumque sibi fidit: nec spe mortis patient-  
ter dolet, nec tædio doloris libenter mori-  
tur: hunc fert, illam expectat.

EPIST. XCIX. Epistolam, quam  
scripsi Marullo, cum filium paruulum  
amississet, & diceretur molliter ferre, misi  
tibi. In qua non sum morem solitum se-  
cutus, nec putavi leniter illum debere tra-  
ctari, cum obiurgatione esset quàm conso-  
latione dignior. Afflicto enim, & ma-  
gnum vulnus malè ferenti, paullisper ce-  
dendum est: exfatiet se, aut certè primum  
impetum effundat. Hi qui sibi lugere  
sumpserunt, protinus castigentur, & di-  
scant quasdam etiam lacrimarum ine-  
ptias esse. Solatia expectas? conuicia ac-  
cipe. tam molliter tu fers mortem filij?  
quid faceres, si amicum perdidisses? De-  
cessit filius incertæ spei, paruulus: pusil-  
lum temporis periit. Causas doloris con-  
quirimus, & de fortuna etiam iniquè queri  
volumus: quasi nō sit iustas querēdi caus-  
sas præbitura. At mehercule satis mihi iam  
videbaris animi habere, etiā aduersus soli-  
da mala, nedū ad istas umbras malorum,  
quibus ingemiscunt homines mortis caus-  
sa. Quod damnorum omnium maximum  
est, si amicū perdidisses, dāda opera eras, vt  
magis gauderes quòd habueras, quā me-  
reres quòd amiseras. Sed plerique non com-  
putant, quanta perceperint, quātūmve ga-  
uiū



uisi sint. Hoc habet inter reliqua mala dolor, quod non superuacuum tantum, sed ingratus est. Ergo quod habuisti talem amicum, periit operatur tot annis, tanta coniunctione vitæ, tam familiari studiorum societate, nihil actum est? Cum amico effers amicitiam: & quid doles amisisse, si habuisse non prodest? Mihi crede, magna pars ex illis quos amauimus, licet ipsos casus abstulerit, apud nos manet. Nostrum est quod præterit tempus: nec quidquam est loco tutiore, quam quod fuit. Ingrati aduersus percepta, spe futuri, sumus: quasi non quod futurum est, si modò successerit nobis, citò in præterita transitorium sit. Angustè fructus rerum determinat, qui tantum presentibus lætus est. & futura & præterita delectant: hæc exspectatione, illa memoria. sed alterum pendet, & non fieri potest: alterum non potest non fuisse. Quis ergo furor est, certissimo excidere? Acquiescamus his quæ iam hausimus: si modò nō perforato animo hauriebamus, & transmittēte quidquid acceperat. Innumerable sunt exempla eorū, qui liberos iuuenes sine lacrimis extulerint: qui in senatum, aut in aliquod publicum officium à rogo redierint, & statim aliud egerint: nec immeritò. Nā primum, superuacuum est dolere, si nihil dolendo proficias: deinde iniquū est queri de eo, quod vni accidit, & omnibus restat. Deinde, desiderij stulta conquestio est, ubi minimum interest inter amif-

amissum, & desiderantem. Eo itaq; equio-  
 re animo esse debemus, quòd quos amisi-  
 mus, sequimur. Respice celeritatem & a-  
 pidissimi tēporis: cogita breuitatem huius  
 spatij, per quod citatissimi currimus: ob-  
 serua hunc comitatum generis humani,  
 eodem tendentis, minimis intervallis di-  
 stinctum; etiam vbi maxima videntur: quē  
 putas perijisse, prēmisius est. Quid autē de-  
 mentius, quàm cū idē tibi iter emetien-  
 dū sit, flere eum qui antecessit? Flet aliquis  
 factum, quod nō ignorauit futurum? aut si  
 mortem in homine non cogitauit, sibi im-  
 posuit. Flet aliquis factum, quod aiebat  
 non posse non fieri? quisquis aliquem que-  
 ritur mortuum esse, queritur hominem  
 fuisse. Omnes eadem conditio deuinxit:  
 cui nasci contingit, mori restat. Intervallis  
 distinguimur, exitu æquamur. Hoc quod  
 inter primum diem & vltimum iacet, va-  
 rium, & incertum est. si molestias æsti-  
 mas, etiam puero longum: si velocitatem,  
 etiam seni angustum. Nil non lubricum &  
 fallax, & omni tēpestare mobilius. Iactan-  
 tur cuncta, & in contrarium transeunt, iu-  
 bente fortuna: & in tanta volutatione rerū  
 humanarum, nil cuiquam, nisi mors, cer-  
 tum. Tamen de eo queruntur omnes, in  
 quo vno nemo decipitur. Sed puer deceffit.  
 Nondum dico melius agi cum eo qui vi-  
 ta defungitur: ad eum transeamus qui  
 consenuit: quantulo vincit infantem?  
 Propone profundi temporis vastitatem,

& vniuersum complectere: deinde hoc quod ætatem vocamus humanam, comparata immenso: videbis quàm exiguum sit, quod optamus, quod extendimus. Ex hoc quantum lacrimæ, quantum sollicitudines occupant, quantum mors, antequam veniat, optata; quantum valetudo, quantum timor, quantum teneri aut rudes aut inutiles anni? dimidium ex hoc edormitur. Adijce labores, luctus, periculâ: & intelliges etiam in longissima vita, minimum esse quod vivitur. Sed quis tibi concedat, non melius se habere eum cui citò reuerti licet, cui ante lassitudinem peractum est iter? Vita, nec bonum nec malum est: boni ac mali locus est. Ita nihil perdidit ille, nisi aleam in damnum certatorem, Potuit euadere modestus ac prudens, potuit sub cura tua in meliora formari: sed (quod iustius timeatur) potuit fieri pluribus similis. Adspice illos iuuenes, quos ex nobilissimis domibus in arenâ luxuria proiecit: adspice illos, qui suam alienamque libidinem exercent, mutuo impudici; quorum nullus sine ebrietate, nullus sine aliquo insigni flagitio dies exire plus timeri quàm sperari potuisse manifestum erit. Non debes itaque causas doloris accersere, nec leuia incommoda indignando cumulare. Non horror, vt nitatis & vi geas: non tam malè de te iudico, vt tibi aduersus hæc totâ putem virtutem aduocandam. Nō est dolor iste, sed morsus: tu illum dolorem

torem facis. Sine dubio multum philosophia profecit, si puerum, nutrici adhuc quàm patri notio- rem, animo forti deli-  
 deras. Quid? nunc ego duritiam suadeo, & in funere ipso erigere vultum volo, & animum ne contrahi quidem patior? Mi-  
 nimè. inhumanitas est ista, non virtus, fu-  
 nera suorum iisdem oculis, quibus ipsos videre, nec commoueri ad primam fami-  
 liarium diuisionem. Puta autem me veta-  
 re: quædam non sunt sui iuris. Excidunt etiam retinentibus lacrimæ, & animum profusæ leuant. Quid ergo est? permittra-  
 mus illis cadere, non imperemus. Fluant quantum affectus eiecerit, non quantum poscet imitatio. Nihil verò mœrori adij-  
 ciamus, nec illum ad alienum augeamus exemplum. Plus ostentatio doloris exigit, quàm dolor: quousque sibi tristis est?  
 Clariùs, cum audiuntur, gemunt: & taciti quietique, dum secretum est; cum aliquos viderint, in fletus novos excitantur. Tum capiti suo manus ingerunt, quod potuerant facere, nullo prohibente, liberiùs: tunc mor-  
 tem comprecantur sibi, tunc lectulo deuoluuntur. Sine spectatore cessat dolor. Sequitur nos (vt in alijs rebus, ita in hac quoque hoc vitium) ad pluriù exempla com-  
 poni; nec quid oporteat, sed quid soleat, adspicere. A natura discedimus: populo nos damnis, nullius rei bono auctori, & in hac re, sicut in omnibus, inconstantissi-  
 mo. Videt aliquem fortem in luctu suo &

im-

impium vocat, & effertatū. Videt aliquem collabentem, & corpori affusum? effertminatum ait, & eneruem. Omnia itaque ad rationem reuocanda sunt. Stultius verò nihil est, quàm famam captare tristitiæ, & lacrimas approbare: quas iudico sapienter viro alias permissas cadere, alias vi sua latus. Dicam quid intersit. Cùm primum nos nuncius acerbi funeris perculit, cùm tenemus corpus è complexu nostro in ignem transiturum, lacrimas naturalis necessitas exprimit: & spiritus ictu doloris impulsus, quemadmodum totum corpus quatit, ita oculos, quibus adiacentem humorem perpremit & expellit. Hæ lacrimæ per elisionem cadunt, nolentibus nobis. Aliæ sunt, quibus exitum damus, cùm memoria eorum quos amisimus, retractatur: & inest quiddam dulce tristitiæ: cùm occurrunt sermones eorum iucundi, conuersatio hilaris, officiosa pietas, tunc oculi velut in gaudio relaxantur. His indulgemus, illis vincimur. Non est itaque, quòd lacrimas propter circumstantes assidentisque, aut contineas, aut exprimas: nec cessant, nec fluunt vniquā tam turpiter, quàm finguntur. Eant sua sponte: ire autē possunt placidis atque compositis. Sæpe salua sapientis auctoritate fluxerunt, tanto temperamento, vt illis nec humanitas, nec dignitas deesset. Licer, inquam, naturæ obsequi, grauitate seruata. Vidi ego in funere suorum verendos, in quorum ore amor

emi-

eminebat, remota omni lugentium scēna. Nihil erat, nisi quod veris dabatur affectibus. Est aliquis & dolendi decor. hic sapienti seruandus est: & quemadmodum in ceteris rebus, ita & in lacrimis aliquid sat est. Imprudentium vt gaudia, sic dolores exundauere: Aequo animo excipe necessaria. Quid incredibile, quid notum euenit? quā multis cum maximè finis locatur? quā multis vitalia eruantur? quā multi post luctū tuū lugent? Quoties cogitaueris puerum fuisse, cogita & hominem, cui nihil certi promittatur, quem fortuna non vtiq̃ue perducit ad senectutem: vnde visum est, dimittit. Ceterum de illo frequenter loquere, & memoriam eius quantū potes, celebra: quę ad te sapius reuertetur, si erit sine acerbitate ventura. Nemo enim libenter tristi conuersatur, nedum tristitiæ. Si quos sermones eius, si quos quamuis paruuli iocos cum voluptate audieras, sapius repete: potuisse illum implere spes tuas, quas paterna merite conceperas, audacter affirma. Obluisci quidem suorum, ac memoriam cum corporibus efferre, & effusissimè flere, meminisse parcissimè, inhumani animi est. Sic aues, sic ferę fetus suos diligunt: quarū concitatus est amor, & parē ravidus, sed citā amissis totus exstinguitur. Hoc prudentē virū nō decet: meminisse perseveret, lugere desinat. Illud nullo modo probo, quod ait Metrodorus, esse aliquā cognatam tristitiæ.

animos , & omnia eius tela non tamquam possent venire, sed tamquam utique essent ventura , prospiceres.

EPIST. C. Fabiani Papirij libros , qui inscribuntur *Civilium* , legisse te cupidissime scribis: sed non respondisse expectationi tuæ. deinde , oblitus de philosopho agi, compositionem eius accusas. Puta esse quod dicis: & effundi verba, non fingi. Primum , habet ista res suam gratiam : & est decor proprius orationis leniter lapsæ . Multum enim interesse existimo , utrum exciderit , an fluxerit. Nunc in hoc quoque , quod dicturus sum, ingens differentia est . Fabianus mihi non effundere videtur orationem , sed fundere: adeò larga est, & sine perturbatione, non sine cursu tamen, veniens. Illud planè fatetur & præfert, non esse se tractatam, nec diu tortam. Sed ita, ut vis, esse credamus: mores ille , non verba composuit; & animis scripsit ista, non auribus. Præterea, ipso dicente non vacasset tibi partes intueri: adeò te summa rapuisset: & ferè quæ imperu placent, minus præstant ad manum relata. Sed illud quoque multum est , primo adspectu oculos occupasse , etiam si contemplatio diligens inuentura est , quod arguat . Si me interrogas, maior ille est qui iudicium abstulit, quam qui meruit. Et scio hunc tutiorem esse: scio audacius sibi de futuro promittere . Oratio sollicita philosophum non decet . Vbi tandem erit fortis & constans, vbi peri-

periculum sui faciet, qui timet verba? Fabianus non erat negligens in oratione, sed securus: itaque nihil inuenies sordidum. Electa verba sunt, non captata: nec huius sæculi more contra naturam posita & inuersa, splendida tamen, quamuis sumantur è medio: sensus honestos & magnificos habent, non coactos in sententiam, sed altius ductos. Videbimus, quid parum recisum sit, quid parum structum, quid non huius recentis polituræ: cum circumspexeris omnia, nullas videbis angustias inanes. Desit sanè varietas marmorum, & concisura aquarum cubiculis interfluentium, & pauperis cella, & quidquid aliud luxuria, non contenta decore simplici, miscet: quod dici solet, *domus recta est*. Adjicenunc, quod de compositione non constar. Quidam illam volunt esse ex horrido comptam: quidam vsque eò aspera gaudent, vt etiam quæ mollius casus explicuit, ex industria dissipent, & clausulas abrumpant, ne ad expectatum respondeant. Lege Ciceronem. compositio eius vna est: pedem seruat, curata, lenta, & sine infamia mollis. At contrà, Pollionis Asinij salebrosa & exiliens, & vbi minimè expectes, reliquitura. Denique apud Ciceronem omnia desinunt, apud Pollionem cadunt: exceptis paucissimis, quæ ad certum modum, & ad vnum exemplar, adstricta sunt. Humilia præterea tibi videri dicis omnia, & parum erecta: quo vitio carere cum



quia infixæ nobis eius rei auersatio est, quam natura damnauit. Ideò numquam fides latendi fit etiam latentibus: quia coarguit illos conscientia, & ipsos sibi ostendit. Proprium autem est nocentium, trepidare. Malè de nobis actum erat, quòd multa scelera legem & iudicem effugiūt; & scripta supplicia: nisi illa naturalia & grauiæ de præsentibus soluerent, & in locum patientiæ timor cederet.

EPIST. XCVIII. Numquam credideris felicem quemquam, ex felicitate suspensum. fragilibus innititur, qui aduentio lætus est: exibat gaudium, quod intrauit. At illud ex se ortum, fidele, firmumq; est, & crescit, & ad extremum vsque prosequitur: cetera quorum admiratio est vulgo, in diem bona sunt. Quid ergo non vsui ac voluptati esse possunt? Quis negat? sed ita, si illa ex nobis pendent, non ex illis nos. Omnia quæ fortunam intuentur, ita fructifera ac iucunda fiunt, si quis habens illa, se quoque habet, nec in rerum suarum potestate est. Errant enim, mi Lucili, qui aut boni aliquid nobis, aut mali iudicant tribuere fortunam: materiā dat bonorum ac malorum, & initia rerum apud nos in malum bonumve exiturarum. Valentior enim omni fortuna animus est: in vtramque partem ipse res suas ducit, beatæque ac miseræ vitæ sibi causā est. Malus omnia in malum vertit, etiam quæ specie optimi vacerant: rectus atque integer, corrigit praua

praua fortuna, & dura atque aspera ferens  
 di scientia mollit: idemque & secūda gra-  
 tē excipit modesteque, & aduersa constā-  
 ter atque fortiter. Qui licet prudens sit, li-  
 cet exacto faciat cuncta iudicio, licet nihil  
 supra vires suas tentet: non contingit illi  
 bonum integrum illud, & extra minas  
 fortunæ positum, nisi certus aduersus in-  
 certa est. Siue alios obseruare volueris (li-  
 berius enim inter aliena indicium est) siue  
 teipsum fauore seposito; & senties hoc, &  
 confiteberis, nil ex his optabilibus & caris  
 velle esse, nisi te. contra leuitatem casus,  
 rerumq; casum sequentium, instruxeris:  
 nisi illud frequenter & sine querela, inter  
 singula damna dixeris: *Diis aliter visum*  
*est.* Imò mehercule, vt catmen fortius ac  
 iustius petam, quo animum tuum magis  
 fulcias, hoc dicito, quoties aliquid aliter  
 quàm cogitabas euenerit: *Diis melius.* Sic  
 composito nihil accidet. sic autem cōpo-  
 netur, si, quid humanarum rerum varietas  
 possit, cogitauerit, antequā senserit. Si &  
 liberos, & coniugem, atq; patrimoniū sis  
 habuerit, tamquā non utique semper ha-  
 biturus: & tamquam non futurus ob hoc  
 miserior, si habere defierit. Calamitosus  
 est animus futuri anxius, & ante miserias  
 miser, qui sollicitus est, vt ea quibus dele-  
 etatur, ad extremū vsque permaneāt. Nul-  
 lo enim tempore conquiescet, & expecta-  
 tione futuri, presentia, quibus frui poterat,  
 amittet. In æquo est autem amissio rei, &

timor amittenda. Nec ideo præcipio tibi negligentiam. Quin verò metuēda declina; & quidquid consilio prospici potest, prospice: quodcumque læsurum est, multo antè quàm accidat, specularè & aduerte. In hoc ipsum tibi plurimum conferet fiducia, & ad tolerandum omnino obfirmata mens. Potest fortunā cauere, qui potest ferre: certè in tràquillo non tumultuatur. Nil est nec miserius nec stultius, quàm prætimere. quæ ista dementia est, malum suum antecedere? denique, vt breuiter includam quod sentio, & istos satageos, ac sibi molestos describam tibi, tam intemperantes in ipsis miseriis sunt, quàm ante illas. Plus dolet quàm necesse est, qui antè dolet quàm necesse sit. Eadem enim infirmitate dolorè non æstimat, qua non expectat. Eadem intemperantia fingit sibi perpetuā felicitatē, fingit sibi crescere debere quæcūque contigerunt, non tantum durare: & oblitus huius petauri, quo humana iactantur, sibi vni fortuitorū constātiā spondet. Egregiè itaq; videtur mihi Metrodorus dixisse in ea epistola, qua sororem, amisso optimæ indolis filio, alloquitur: *Mortale est omne mortalium bonum*, de his loquitur bonis, ad quæ cōcurritur. Nā illud verū bonum non moritur: certum est sempiternumque, sapientia & virtus: hoc vnum cōtingit immortale mortalibus. Ceterum tam improbi sunt, tamque obliti quò eant, quò illos singuli dies trahant,

trahant, vt mirentur aliquid se amittere, amissuri vno die omnia. Quidquid est, cui dominus inscriberis, apud te est, tuum nō est: nihil firmum infirmo, nihil fragili æternū & inuictū est. Tā necesse est perire quā perdere: & hoc ipsum, si intelligimus, solatium est, æquo animo perdere, quod periturum est. Quid ergo aduersus has amissiones auxilij inueniemus? Hoc, vt memoria teneamus amissa, nec cū ipsis fructū excidere patiamur, quē ex illis percepimus. Habere, eripitur: habuisse, numquā. Peringratus est, qui cū amiserit, pro accepto nihil debet. Rem nobis eripit casus, vsū fructumq; apud nos relinquit: quē nos iniquitate desiderij perdimus. Dic tibi, Ex istis quę terribilia videntur, nihil est inuictū. Singula vicere iā multi: ignē Mucius, crucem Regulus, venenum Socrates, exsilium Rutilius, mortem ferro adactam Cato: & nos vincamus aliquid. Rursus ista, quę vt speciosa & felicia trahunt vulgum, à multis & sæpe contempta sunt. Fabricius diuitias imperator reiecit, censor notauit: Tubero paupertatem & se dignam & Capitolio iudicauit, cū fictilibus in publica cēna vsus, ostendit debere his hominē esse contentum, quibus diuētium vterentur. Honores repulit pater Sextius, qui ita natus vt temp. deberet capessere, latum clauum diuo Iulio dante, nō recepit. Intelligebat enim, quod dari posset, & eripi posse. Nos quoq; aliquid ipsi faciamus animo.

scimus inter exempla. Quare deficiamus?  
 quare desperamus? quidquid fieri potuit,  
 potest. Nos modò purgemus animum, se-  
 quamurque naturam, à qua aberranti cu-  
 piendum timendumque est, & fortuitis  
 feruiendum. Licet reuerti in viam, licet in  
 integrum restitui. Restituamur, vt possi-  
 mus dolores, quocumque modo corpus  
 inuaserint, perferre, & fortunæ dicere:  
*Cum viro tibi negotium est, quare quem  
 vincas.* His sermonibus, & his similibus,  
 lenitur illa visulceris: quam opto mehe-  
 rentes mitigari, & aut sanari, aut stare, &  
 cum ipso senescere. Sed securus de ipso  
 sū. de nostro damno agitur, quibus senex  
 egregius eripitur. Nam ipse vitæ plenus  
 est, cui adijci nihil desiderat sua causā,  
 sed eorum quibus utilis est. Liberaliter fa-  
 cit, quod viuut. Alius iam hos cruciatus si-  
 nisset: hic tam turpe putat mortem fuge-  
 re, quàm ad mortē confugere. Quid ergo?  
 non si suadebit res, exibat? Quid ni exeat? si  
 nemo iam eo vti poterit? si nihil aliud,  
 quàm dolori operā dabit? Hoc est, mi Lu-  
 cili, philosophiā in opere discere, & ad ve-  
 rum exerceri: videre quid homo prudens  
 animi habeat contra mortē, contra dolo-  
 rem: cū illa accedat, hic premat. Quid  
 faciendum sit, à faciente discendum est.  
 Adhuc argumētis actum est, an possit ali-  
 quis dolori resistere, an mors magnos quo-  
 que animos admota submittere: quid opus  
 est verbis? in rem presentem eamus: nec  
 mors.

mors illum contra dolorem facit fortio-  
rem, nec dolor contra mortem. Contra  
vtrumque sibi fidit: nec spe mortis patient-  
ter dolet, nec tædio doloris libenter mori-  
tur: hunc fert, illam exspectat.

EPIST. XCIX. Epistolam, quam  
scripsi Marullo, cum filium paruulum  
amississet, & diceretur molliter ferre, misi  
tibi. In qua non sum morem solitum se-  
cutus, nec putavi leniter illum debere tra-  
ctari, cum obiurgatione esset quàm conso-  
latione dignior. Afflicto enim, & ma-  
gnum vulnus malè ferenti, paullisper ce-  
dendum est: exfatiet se, aut certè primum  
impetum effundat. Hi qui sibi lugere  
sumpserunt, protinus castigentur, & di-  
scant quædam etiam lacrimarum ine-  
ptias esse. Solatia exspectas? conuicia ac-  
cipe. tam molliter tu fers mortem filij?  
quid faceres, si amicum perdidisses? De-  
cessit filius incertæ spei, paruulus: pusil-  
lum temporis periit. Causas doloris con-  
quirimus, & de fortuna etiam iniquè queri  
volumus: quasi nō sit iustas querēdi caus-  
as præbitura. At mehercule satis mihi iam  
videbaris animi habere, etiā aduersus soli-  
da mala, nedū ad istas umbras malorum,  
quibus ingemiscunt homines mortis caus-  
sa. Quod damnorum omnium maximum  
est, si amicū perdidisses, dāda opera erat, ut  
magis gauderes quòd habueras, quā me-  
reres quòd amiseras. Sed plerique non com-  
putant, quanta perceperint, quātūmve ga-  
uist.

uisti sint. Hoc habet inter reliqua mala dolor, quòd non superuacuum tantum, sed ingratus est. Ergo quod habuisti talem amicum, periit opera tot annis, tanta coniunctione vitæ, tam familiari studiorum societate, nihil actum est? Cum amico effers amicitiam: & quid doles amisisse, si habuisse non prodest? Mihi crede, magna pars ex illis quos amauimus, licet ipsos casus abstulerit, apud nos manet. Nostrum est quod præterit tempus: nec quidquam est loco tutiore, quàm quod fuit. Ingrati aduersus percepta, spe futuri, sumus: quasi non quod futurum est, si modò successerit nobis, cirò in præterita transcurum sit. Angustè fructus rerum determinat, qui tantum præsentibus lætus est. & futura & præterita delectant: hæc expectatione, illa memoria. sed alterum pendet, & non fieri potest: alterum non potest non fuisse. Quis ergo furor est, certissimo excidere? Acquiescamus his quæ iam hausimus: si modò nō perforato animo hauriebamus, & transmutete quidquid acceperat. Innumerable sunt exempla eorū, qui liberos iuuenes sine lacrimis extulerint: qui in senatum, aut in aliquod publicum officium à rogo redierint, & statim aliud egerint: nec immeritò. Nā primū, superuacuum est dolere, si nihil dolendo proficias: deinde iniquū est queri de eo, quod vni accidit, & omnibus restat. Deinde, desiderij stulta conquestio est, ubi minimum interest inter  
amis-

amissum, & desiderantem. Eo itaq; æquiore animo esse debemus, quòd quòs amissimus, sequimur. Respice celeritatem rapidissimi tēporis: cogita breuitatem huius spatij, per quod citatissimi currimus: observa hunc comitatum generis humani, eodem tendentis, minimis intervallis distinctum; etiam vbi maxima videntur: quē putas perijisse, prēmisiū est. Quid autē demēnrius, quā cū idē tibi iter emetientū sit, flere eum qui antecessit? Flet aliquis factum, quod nō ignorauit futurum? aut si mortem in homine non cogitauit, sibi imposuit. Flet aliquis factum, quod aiebat non posse non fieri? quisquis aliquem queritur mortuum esse, queritur hominem fuisse. Omnes eadem conditio deuinxit: cui nasci contingit, mori restat. Intervallis distinguimur, exitu æquamur. Hoc quod inter primum diem & vltimum iacet, varium, & incertum est. si molestias æstimas, etiam puero longum: si velocitatem, etiam seni angustum. Nil non lubricum & fallax, & omni tēpestare mobilius. Iactantur cuncta, & in contrarium transeunt, iubente fortuna: & in tanta volutatione rerū humanarum, nil cuiquam, nisi mors, cētum. Tamen de eo queruntur omnes, in quo vno nemo decipitur. Sed puer decessit. Nondum dico meliūs agi cum eo qui vita defungitur: ad eum transeamus qui consenuit: quantulo vincit infantem? Proponē profundi tēporis vastitatem,



& vniuersum complectere: deinde hoc quod ætatem vocamus humanam, compara immenso: videbis quàm exiguum sit, quod optamus, quod extendimus. Ex hoc quantum lacrimæ, quantum sollicitudines occupant, quantum mors, antequam veniat, optata: quantum valetudo, quantum timor, quantum teneri aut rudes aut inutiles anni? dimidium ex hoc edormitur. Adijce labores, luctus, pericula: & intelliges etiam in longissima vita, minimum esse quod viuitur. Sed quis tibi concedat, non melius se habere eum cui citò reuerti licet, cui ante lassitudinem peractum est iter? Vita, nec bonum nec malum est: boni ac mali locus est. Ita nihil perdidit ille, nisi aleam in damnum certiores. Potuit euadere modestus ac prudens, potuit sub cura tua in meliora formari: sed (quod iustius timetur) potuit fieri pluribus similis. Adspice illos iuuenes, quos ex nobilissimis domibus in arenâ luxuria proiecit: adspice illos, qui suam alienamque libidinem exercent, mutuo impudici; quorum nullus sine ebrietate, nullus sine aliquo insigni flagitio dies exit: plus timeri quàm sperari potuisse manifestum erit. Non debes itaque causas doloris accersere, nec lenia incommoda indignando cumulare. Non horror, ut nitaris & vigeas: non tam malè de te iudico, ut tibi aduersus hæc totâ putem virtutem aduocandam. Nō est dolor iste, sed morsus: tu illum do-  
lorem

forem facis . Sine dubio , multum philo-  
 sophia profecit , si puerum , nutrice adhuc  
 quàm patri notiozem , animo forti desi-  
 deras . Quid ? nunc ego duritiam suadeo ,  
 & in funere ipso erigere vultum volo , &  
 animum ne contrahi quidem patior ? Mi-  
 nimè . inhumanitas est ista , non virtus , fu-  
 nera suorum iisdem oculis , quibus ipsos  
 videre , nec commoueri ad primam fami-  
 liarium diuisionem . Puta autem me veta-  
 re : quædam non sunt sui iuris . Excidunt  
 etiam retinentibus lacrimæ , & animum  
 profusæ leuant . Quid ergo est ? permitta-  
 mus illis cadere , non imperemus . Fluant  
 quantum affectus eiecerit , non quantum  
 poscet imitatio . Nihil verò mœrori adij-  
 ciamus , nec illum ad alienum augeamus  
 exemplum . Plus ostentatio doloris exigit ,  
 quàm dolor : quotusquisque sibi tristis est ?  
 Clariùs , cùm audiuntur , gemunt : & taciti  
 quietique , dum secretum est ; cùm aliquos  
 viderint , in fletus novos excitantur . Tum  
 capiti suo manus ingerunt , quod potuerant  
 facere , nullo prohibente , liberiùs : tunc mor-  
 tem comprecantur sibi , tunc lectulo deno-  
 luuntur . Sine spectatore cessat dolor . Se-  
 quitur nos ( vt in alijs rebus , ita in hac quo-  
 que hoc vitium ) ad pluriù exempla com-  
 poni ; nec quid oporteat , sed quid soleat ,  
 adspicere . A natura discedimus : populo  
 nos damus , nullius rei bono auctori , & in  
 hac re , sicut in omnibus , inconstantissi-  
 mo . Videt aliquem fortem in luctu suo ?  
 im-

impium vocat, & efferatū . Vider aliquem  
collabentem, & corpori affusum? effremi-  
natum ait, & eneruē . Omnia itaque  
ad rationem reuocanda sunt . Stultius ve-  
rò nihil est, quàm famam captare tristitię,  
& lacrimas approbare: quas iudico sapien-  
ti viro alias permissas cadere, alias vi sua  
latas . Dicam quid intersit . Cū primum  
nos nuncius acerbi funeris percolit, cū  
tenemus corpus ē complexu nostro in  
ignem transiturum, lacrimas naturalis ne-  
cessitas exprimit: & spiritus icū doloris  
impulsus, quemadmodum totum corpus  
quatit, ita oculos, quibus adiacentem hu-  
morem perpremit & expellit . Hę lacrimę  
per elisionem cadunt, nolentibus nobis .  
Alię sunt, quibus exitum damus, cū  
memoria eorum quos amisimus, retracta-  
tur: & inest quiddam dulce tristitię: cū  
occurrunt sermones eorum iucundi, con-  
uersatio hilaris, officiosa pietas, tunc ocu-  
li velut in gaudio relaxantur . His indulge-  
mus, illis vincimur . Non est itaque, quod  
lacrimas propter circumstantes assidentē-  
que, aut contineas, aut exprimas: nec ces-  
sant, nec fluunt vñquā tam turpiter, quàm  
finguntur . Eant sua sponte: ire autē pos-  
sunt placidis atque compositis . Sępe sa-  
pientis auctoritate fluxerunt, tanto  
temperamento, vt illis nec humanitas, nec  
dignitas deesset . Licet, inquam, naturę ob-  
sequi, grauitate seruata . Vidi ego in fune-  
re suorum verendos, in quorum ore amor  
emi-

eminebat, remota omni lugentium scena. Nihil erat, nisi quod veris dabatur affectibus. Est aliquis & dolendi decor. hic sapienti seruandus est: & quemadmodum in ceteris rebus, ita & in lacrimis aliquid sat est. Imprudentium ut gaudia, sic dolores exundauere: Equo animo excipe necessaria. Quid incredibile, quid nouum euenit? quam multis cum maxime finus locatur? quam multis vitalia eruantur? quā multi post luctū tuū lugent? Quoties cogitaueris puerum fuisse, cogita & hominem, cui nihil certi promittatur, quem fortuna non utique perducit ad senectutem: vnde visum est, dimittit. Ceterum de illo frequenter loquere, & memoriam eius quantum potes, celebra: quæ ad te sæpius reuertetur, si erit sine acerbitate ventura. Nemo enim libenter tristi conuersatur, nedum tristitiæ. Si quos sermones eius, si quos quamuis paruuli iocos cum voluptate audieras, sæpius repete: potuisse illum implere spes tuas, quas paterna mente conceperas, audacter affirma. Obluisci quidem suorum, ac memoriam cum corporibus efferre, & effusissime flere, meminisse parcissime, inhumani animi est. Sic aues, sic feræ ferus suos diligunt: quarū concitatus est amor, & parè ravidus, sed cū amissis totus exstinguitur. Hoc prudentē virū nō decet: meminisse perseveret, lugere desinat. Illud nullo modo probo, quod ait Metrodorus, esse aliquā cognatam tristitiæ.

titiæ voluptatem: hanc ipsam captandam  
 in eiusmodi tempore. Ipsa Metrodori ver-  
 ba subscripsi: de quibus non dubito, quid  
 sis sensurus. Quid enim turpius, quàm ca-  
 ptare in ipso luctu voluptatem, imò per lu-  
 ctum: & inter lacrimas quoque, quod iu-  
 uet, quærere? Hi sunt qui nobis obijciunt  
 nimium rigorem, & infamant præcepta  
 nostra duntia, quòd dicamus dolorem in  
 animum aut admittendum non esse, aut  
 citò expellendum. Vtrum tandem est aut  
 incredibilius, aut inhumanius, non sentire  
 amisso amico dolorem, an voluptatem in  
 ipso dolore aucupari? Nos quod præcipi-  
 mus honestum est. cum aliquid lacrimarum  
 affectus effuderit, & ut ita dicam, de-  
 spumauerit, non esse tradendum animum  
 dolori. Quid tu dicis? miscendam ipsi do-  
 lori voluptatem? Sic consolamur crustulo  
 pueros, sic infantium fletum infuso lacte  
 compescimus. Ne illo quidem tempore  
 quo filius ardet, aut amicus expirat, cessa-  
 re pateris voluptatem, sed ipsum vis titilla-  
 re mœrorem. Vtrum honestius dolor ab  
 animo submouetur, an voluptas ad dolo-  
 rem quoque admittitur? admittitur, dico?  
 captatur, & quidem ex ipso. Est aliqua,  
 inquit, voluptas cognata tristitiæ. Illud no-  
 bis licet dicere: vobis quidem non licet.  
 Vnum bonum nostis voluptatem, unum  
 malum dolorem. Quæ potest inter bo-  
 num, & malum, esse cognatio? Sed puta  
 esse. nunc potissimum eruitur: & ipsum  
 dolo-

dolorem scrutamur an aliquid habeat iuncundum circa se, & voluptarium? Quædam remedia alijs partibus corporis salutaria, velut scæda & indecora, adhiberi alijs nequeunt: & quod alibi prodesset sine damno verecundiæ, id fit inhonestum loco vulneris. Non te pudet luctum voluptate sanare? seuerius ista plaga curanda est. illud potiùs admone, nullum mali sensum, ad eum qui perit, peruenire: nam si peruenit, non perijt. Nulla, inquam, eum res lædit, qui nullus est: vivit, si læditur. Vtrum putas illi malè esse, quòd nullus est, an quòd est adhuc aliquis? Atqui nec ex eo potest ei tormentum esse, quòd non est: quis enim nullius sensus est? nec ex eo, quod est: effugit enim maximum mortis incommodum, non esse. Illud quoque dicamus ei, qui deslet, ac desiderat in ætate prima raptum: Omnes quantum ad breuitatem æui, si vniuerso compares, & iuvenes & senes in æquo sumus. Minus enim ad nos ex omni ætate venit, quàm quòd minimum esse quis dixerit. quoniam quidè minimum aliqua pars est, hoc quod viuimus, proximum nihilo est: & tamen obdementiam nostram latè disponitur. Hæc tibi scripsi, non tamquam expectaturus esses remedium à me tam serum: liquet enim mihi te locutum tecum, quidquid lecturus es; sed vt castigarem illam exiguan moram, qua à te recessisti: & in reliquum exhortarer, cōtra fortunam tolleres animos,

animos, & omnia eius tela non tamquam possent venire, sed tamquam utique essent ventura, prospiceres.

EPIST. C. Fabiani Papirij libros, qui inscribuntur *Civilium*, legisse te cupidissime scribis: sed non respondisse expectationi tuæ. deinde, oblitus de philosopho agi, compositionem eius acculas. Puta esse quod dicis: & effundi verba, non fingi. Primum, habet ista res suam gratiam: & est decor proprius orationis leniter lapsæ. Multum enim interesse existimo, utrum exciderit, an fluxerit. Nunc in hoc quoque, quod dicturus sum, ingens differentia est. Fabianus mihi non effundere videtur orationem, sed funderet: adeò larga est, & sine perturbatione, non sine cursu tamen, veniens. Illud planè fatetur & præfert, non esse se tractatam, nec diu tortam. Sed ita, ut vis, esse credamus: mores ille, non verba composuit, & animis scripsit ista, non auribus. Præterea, ipso dicente non vacasset tibi partes intueri: adeò te summa rapuisset: & ferè quæ imperu placent, minus præstant ad manum relata. Sed illud quoque multum est, primo adspectu oculos occupasse, etiam si contemplatio diligens inuentura est, quod arguat. Si me interrogas, maior ille est qui iudicium abstulit, quam qui meruit. Et scio hunc tutiorem esse: scio audacius sibi de futuro promittere. Oratio sollicita philosophum non decet. Vbi tandem erit fortis & constans, vbi  
peri-

periculum sui faciet, qui timet verba? Fabianus non erat negligens in oratione, sed securus: itaque nihil inuenies sordidum. Electa verba sunt, non captata: nec huius sæculi more contra naturam sua posita & inuersa, splendida tamen, quamuis sumantur è medio: sensus honestos & magnificos habent, non coactos in sententiam, sed aliùs ductos. Videbimus, quid parùm recisum sit, quid parùm structum, quid non huius recentis polituræ: cum circumspexeris omnia, nullas videbis angustias inanes. Desit sanè varietas marmorum, & concisura aquarum cubiculis interfluentium, & pauperis cella, & quidquid aliud luxuria, non contenta decore simplici, miscet: quod dici solet, *domus recta est*. Adjicenunc, quod de compositione non constat. Quidam illam volunt esse ex horrido comptam: quidam vsque eò aspera gaudent, vt etiam quæ mollius casus explicuit, ex industria dissipent, & clausulas abrumpant, ne ad expectatum respondeant. Lege Ciceronem. compositio eius vna est: pedem seruat, curata, lenta, & sine infamia mollis. At contrà, Pollionis Asinij salebrosa & exiliens, & vbi minime expectes, reliquit. Denique apud Ciceronem omnia desinunt: apud Pollionem cadunt: exceptis paucissimis, quæ ad certum modum, & ad vnum exemplar, adstricta sunt. Humilia præterea tibi videri dicis: omnia, & parùm erecta: quo vitio carere cum



eum iudico . Non sunt humilia illa , sed placida . sunt enim tenore quieto compositoque formata , nec depressa , sed plana . Deest illis oratorius vigor , stimuli que quos quæris , & subiti ictus sententiarum : sed totum corpus videris ; quamvis sit incomptum , honestum est . Non habet oratio eius , sed debet dignitatē . Affer quem Fabiano possis præponere . Dic Ciceronem , cuius libri ad philosophiam pertinentes , penè totidem sunt , quot Fabiani . Cedam . sed non statim pusillum est , si quid maximo minus est . Dic Asinium Pollionem . Cedam . & respondeamus : In re tanta eminere est , & post duos esse . Nomina adhuc Liuiū . Scripsit enim & dialogos , quos non magis philosophiæ annumerare possis , quàm historiæ : & ex professo philosophiam continentes libros . Huic quoque dabo locum : vide tamen , quàm multos antecedar , qui à tribus vincitur , & tribus eloquentissimis . Sed non præstat omnia . non est fortis oratio eius , quamvis elata sit : non est violenta , nec torrens , quamvis effusa sit : non est perspicua , sed pura . Desideres , inquires , contra vitia aliquid asperè dici , contra pericula animosè , contra fortunam superbè , contra ambitionem contumeliosè . Volo luxuriam obiurgari , libidinem traduci , impotentiam frangi : sit aliquid oratoriè acce , tragicè grande , comicè exile , Vis illum assidere pusillæ rei , verbis . Ille rerum se magnitudinī addixit : eloquentiam ,

quentiam, velut umbram, non hoc agens, trahit. Non erunt sine dubio singula circumspecta, nec in se collecta, nec omne verbum excitabit ac punget: fateor: exhibunt multa, nec ferient, & interdum otiosa præterlabetur oratio: sed multum erit in omnibus locis, & ingens sine tædio spatium. Deniq; illud præstabit, vt liqueat tibi, illum sensisse, quæ scripsit. Intelliges actum hoc, vt tu scires quid illi placeret; nõ vt ille placeret tibi. Ad profectum omnia tendunt, & ad bonam mentem: non quæritur plausus. Talia esse scripta eius non dubito, etiam si magis reminiscor quàm teneo: hæretque mihi color eorum, non ex recenti conuersatione familiariter, sed summatim, vt solet ex vetere notitia. Cùm audirem certè illum, talia mihi videbantur: non solida, sed plena, quæ adolescentem indolis bonæ attollerent, & ad imitationem sui vocarent, sine desperatione vincendi. quæ mihi adhortatio videtur efficacissima. Deterret enim, qui imitandi cupiditatem modò fecit, spem abstulit. Ceterum verbis abundabat, sine commendatione partium singularum, in vniuersum magnificus.

ÉPIST. CI. Omnis dies, omnis hora, quàm nihil simus ostēdit, & aliquo argumento recenti admonet fragilitatis oblitos, cùm æterna meditantes respicere cogit ad mortem. Quid sibi istud principiū velit, quæris? Senecionem Cornelium, equitem

Romanum splendidum & officiosum, no-  
ueras: ex tenui principio se ipse promoue-  
rat, & iam illi declinūs erat cursus ad cete-  
ra. Facilius enim crescit dignitas, quā  
incipit. Pecunia quoque circa paupertatē  
plurimam moram habet, dum ex illa ere-  
prat. Hic etiam Senecio diuitiis immine-  
bat, ad quas illum duæ res ducebant effi-  
cacissime, & querendi, & custodiendi sciē-  
tia: quarum vel altera locupletem facere  
potuisset. Hic homo summæ frugalitatis,  
non minūs patrimonij quā corporis di-  
ligens, cum me ex consuetudine manē vi-  
disset, cum per totum diem amico graui-  
ter affecto, & sine spe iacenti, vsque in no-  
ctem assedisset, cum hilaris cœnasset, ge-  
nere valetudinis præcipiti abreptus, angina,  
vix compressum arctatis faucibus spiri-  
tum traxit in lucem. Intra paucissimas er-  
go horas, postquam omnibus erat sani ac  
valentis officiis functus, decessit. Ille qui &  
mari & terra pecuniam agitabat, qui ad  
publica quoque, nullum relinquens inex-  
pertum genus quæstus, accesserat; in ipso  
actu benè cedentium rerum, in ipso pro-  
currentis pecuniæ imperu, raptus est.

*Inferre nunc Melibæe pyros, pone ordine  
vites.*

Quā stultum est ætatem disponere? ne  
crastino quidem dominamur. O quanta  
dementia est, spes longas inchoantium! E-  
mam, ædificabo, credam, exigam, honores  
geram; tum demum lassam, & plenam se-  
nectu-

necessitatem in otium referam. Omnia, mihi  
 crede, etiam felicibus dubia sunt. Nihil si-  
 bi quisquā de futuro debet promittere: id  
 quoque quod tenetur, per manus exit, &  
 ipsam quam premimus horam, casus inci-  
 dit. Voluitur tempus, rata quidem lege,  
 sed per obscurum: quid autem ad me, an  
 naturæ certum sit, quod mihi incertū est?  
 Navigationes longas, & pererratis littori-  
 bus alienis, feros in patriam reditus pro-  
 ponimus, militiam, & castrensiū laborū  
 tarda manupretia; procurationes, officio-  
 rumque per officia processus: cū interim  
 ad latus mors est. quæ quoniam numquā  
 cogitatur, nisi aliena; nobis subinde inge-  
 runtur mortalitatis exempla, non diutius,  
 quā dum miramur, hæsurā. Quid au-  
 tem est stultius, quā mirari id vllō die  
 factum, quod omni potest fieri? Stat qui-  
 dē terminus nobis, vbi illum inexorabilis  
 fatorum necessitas fixit: sed nemo scit no-  
 strū, quā propè versetur. Sic itaque for-  
 memus animum, tamquam ad extrema  
 ventū sit: nihil differamus, quotidie cum  
 vita paria faciamus. Maximum vitæ vitium  
 est, quod imperfecta semper est, quod etiā  
 aliquid ex illa differtur: qui quotidie vitæ  
 suæ summam manum imposuit, non indi-  
 get tempore. Ex hac autem indigentia ti-  
 mor nascitur, & cupiditas futuri exedens  
 animum. Nihil est miserius dubitatione  
 venientium, quorsum euadant. Quantum  
 sit illud quod restat aut quale, collecta

mens inexplicabili formidine agitur.  
 Quomodo effugiemus hanc volutationem? vno, si vita nostra non prominebit, si in se colligetur. Ille enim ex futuro suspenditur, cui irritum est præsens. Vbi vero quidquid mihi debui, redditum est, ubi stabilita mens scit, nihil interesse inter diē & sæculum: quidquid deinceps dierum rerumque venturum est, ex alto prospicit, & cum multo risu seriem temporum cogitat. Quid enim varietas mobilitasque casuum perturbabit, si certus sit aduersus incerta? Idcirco mi Lucili, propera viuere: & singulos dies, singulas vitas puta. Qui hoc modo se aptabit, cui vita sua quotidie fuit tota, securus est. In spe viuentibus, proximum quodque tempus elabitur: subitque auiditas, & miserrimum atque miserrima omnia efficiens, metus mortis. Inde illud Mecænatis turpissimum votū: quo & debilitatem non recusat, & deformitatem, & nouissimè acutam crucem, dummodò inter hæc mala spiritus prorogeretur.

*Debilem facito manu,*

*Debilem pede, coxa:*

*Tuber adstrue gibberum,*

*Lubricos quate dentes.*

*Vita dum superest, bonè est.*

*Hanc mihi, vel acuta*

*Si sedeam cruce, sustine.*

Quod miserrimum erat, si incidisset, optatur: & tamquam vita petitur, supplicij mora. Contemptissimum putarem, si viuere vellet

vellet vsque ad crucem. Tu verò, inquit, me debiles licet, dum spiritus in corpore fracto & inutili maneat: depraves licet; dum monstroso & distorto temporis aliquid accedat: suffigas licet, & acutam scissuro crucem subdas: est tanti, vulnus suum premere, & patibulo pendere destitutum, dum differat id quod est in malis optimū, supplicij finem. Est tanti, habere animam, ut agā. Quid huic optes, nisi deos faciles? quid sibi vult ista carminis effœminati turpitudine? quid timoris dementissimi pœctio? quid tam fœda vitę mendicatio? Huic putas vñquam recitasse Virgilium,

*Vsq̃ adeone mori miserum est?*

Optat vltima malorum: & quæ pati gravissimum est, extendi ac sustineri cupit: qua mercede? scilicet vitæ longioris. Quid autem huius vivere est? diu mori. Invenitur aliquis, qui malit inter supplicia tabescere, & perire membratim, & toties per stillicidia amittere animam, quàm semel exhalare? Invenitur qui velit adactus ad illud infelix lignum, iam debilis, iam prævus, & in fœdum scapularum ac pectoris tuberculis, cui multæ moriendi causæ etiam citra crucem fuerant, trahere animam tot tormenta tracturam? Nega nunc magnum beneficium esse naturæ, quod necesse est mori. Multi peiora pacisci adhuc parati sunt: etiam amicum prodere, ut diutiùs vivant: & liberos ad stuprum manu sua tradere, ut contingat lu-

cem videre, tot consciam scelerum. Excutienda vitæ cupido est: discendumque nihil interesse quando pariaris, quod quandoque patiendum est: quàm benè viuas referre, non quamdiu: saepe autem in hoc esse benè, ne diu.

EPIST. CII. Quomodo molestus est incundum somnium videnti, qui excitat; aufert enim voluptatem, etiam si falsam, effectum tamen verè habentem: sic epistola tua mihi fecit iniuriam: reuocauit enim me cogitationi aptæ traditum, & iterum, si licuisset, ulterius. Iuuabat de eternitate animarum quærere, imò me hercule credere. credebam enim facilè opinionibus magnorum virorum, rem gratissimam promittentium magis, quàm probatium. Dabam me spei tantæ. iam eram fastidio mihi, iam reliquias ætatis infractæ contemnebam, in immensum illud tempus, & in possessionem omnis æui transiturus: cum subito expectectus sum epistola tua accepta, & tam bellum somnium perdididi. quod repetam, si te dimiserò, & redimam. Negas me epistola prima totâ quæstionem explicuisse, in qua probare conabar id quod nostris placet, claritatem quæ post mortem contingit, bonū esse. Id enim me nō soluisse, quod opponitur nobis: Nul lum, inquiunt, bonum ex distantibus: hoc autē ex distantibus constat. Quod interrogas, mi Lucili, eiusdem quæstionis est, loci alterius: & ideo non hoc tantum, sed alia quoq;

quoq; eodem pertinentia, distulerā. Quædam enim, ut scis, moralibus rationalia immixta sunt. Itaque illam partem rectè ad mores pertinentem tractavi. Numquid stultum sit ac superuacuum, ultra extremum diem curas transmittere. An cadāt bona nostra nobiscum, nihilq; sit eius qui nullus est. An ex eo quod, cum erit, sensuri non simus, antequam, aliquis fructus percipi aut peti possit. Hęc autem omnia ad mores spectant: itaque suo loco posita sunt. At quæ à dialecticis contra hanc opinionem dicuntur, segreganda fuerunt: & ideo seposita sunt. Nunc quia omnia exis, omnia quę dicunt persequar, deinde singulis occurrā. At nisi aliquid prædixerō, intelligi non poterunt quæ refellentur. Quid est, quod prædicere velim? Quædam continua esse corpora, ut hominem: quædam composita, ut nauem, domū, omnia denique quorū diuersæ partes iunctura in vnum sunt. coactæ: quædam ex distantibus, quorum adhuc membra separata sunt, tamquam exercitus, populus, senatus. Illi enim, per quos ista corpora efficiuntur, iure aut officio coherent, natura diducti & singuli sunt. Quid est, quod etiā nunc prædicere velim? Nullū bonum putamus esse, quod ex distantibus constat. vno enim spiritu vnum bonum contineri ac regi debet, vnum esse vnius boni principale. Hoc si quādo desideraueris, per se probatur: interim ponendum fuit, quo nostra



tela nitatur. Dicitis, inquit, nullum bonum ex distantibus esse: Claritas autem ista, bonorum virorum secunda opinio est. Nam quomodo fama non est vnus sermo, nec infamia vnus mala existimatio: sic nec claritas, vni bono placuisse. Consentire in hoc plures insignes & præstantes viri debent, vt claritas sit. Hæc autem ex iudiciis plurium efficitur, id est, distantium: ergo non est bonum. Claritas, inquit, laus est à bonis bono reddita: laus oratio: oratio vox est, aliquid significans: vox autem, licet virorum sit bonorum, bonum non est. Neque enim quidquid vir bonus facit, bonum est. nam & plaudit, & sibilat: sed nec plausum quisquam, nec sibilum, licet omnia eius admiretur & laudet, bonum dicit, non magis quàm sternutamentum aut tussim. Ergo claritas bonum non est. Ad summam, dicite nobis, vtrum laudantis, an laudati bonum sit? Si laudantis bonum esse dicitis, tam ridiculam rem facitis, quàm si affirmetis meum esse, quòd alius benè valeat. Sed laudare dignos, honesta actio est: ita laudantis bonum est, cuius actio est, non nostrum qui laudamur: atqui hoc quærebatur. Respondebo nunc singulis cursum. Primum, an sit aliquid ex distantibus bonum, etiam nunc quæritur, & pars vtraque sententias habet. Deinde, claritas desiderat multa suffragia: potest & vnus boni viri iudicio esse contenta. Nam omnes bonos bonus vnus iudicat. Quid ergo, inquit,

inquit, & fama erit vnus hominis existimatio, & infamia vnus malignus sermo: Gloriam quoque, inquit, latius fusam intelligo: consensum enim multorum exigit. Diuersa horum conditio est, & illius. Quare? quia si de me bene vir bonus sentit, eodem loco sum, quo, si omnes boni idem sentirent. omnes enim si me cognouerint, idem sentient. Par illis idemque iudicium est: æquè verò insistitur ab his, qui dissidere non possunt. Ita pro eo est, ac si omnes idem sentiant: quia aliud sentire non possunt. Ad gloriam & famam, non est satis vnus opinio. Illic idem potest vnus sententia, quod omnium: quia omnium si perrogetur, vna erit: hic diuersa dissimilium iudicia sunt, dissimiles affectus. Dubia omnia inuenias, leuia, suspecta. Putas tu posse sententiam vnā omnium esse? nō est vnus vna. Illis placet verum: veritatis vna vis, vna facies est: apud hos falsa sunt, quibus assentiuntur. Numquam autem falsis constantia est: variantur & dissident. Sed laus, inquit, nihil aliud quàm vox est: vox autem bonum non est. Cum dicunt, claritatem laudem esse bonorum, à bonis redditam, iam non ad vocem referunt, sed ad sententiam. Licet enim vir bonus taceat, sed aliquem iudicet dignum laude, laudatus est. Præterea, aliud est laus, aliud laudatio. Hæc & vocem exigit. Itaque nemo dicit laudem funebrem, sed laudationem, cuius officium.

oratione constat. Cùm dicimus aliquem laude dignum, non verba illi benigna hominum, sed iudicia promittimus. Ergo laus etiam taciti est benè sentientis, ac bonum virum apud se laudantis. Deinde, ut dixi, ad animum refertur laus, non ad verba; quæ conceptam laudem egerunt, & in notitiam plurium emittunt. Laudat, qui laudandum esse iudicat. Cùm Tragicus ille apud nos ait, *Magnificum esse laudari à laudato viro*: laude digno, ait. Et cùm æquè antiquus poeta ait, *Laus: alit artes*: non laudationem dicit; quæ corrumpit artes. nihil enim æquè & eloquentiam, & omne aliud studium auribus deditum vitiauit, quàm popularis assensio. Fama utique vocem desiderat, claritas non: potest enim citra vocem contingere, contenta iudicio: plena est, non tantum inter tacentes, sed etiam inter reclamantes. Quid intersit inter claritatem & gloriam, dicam. Gloria multorum iudiciis constat, claritas bonorum: Cuius, inquit, bonum est claritas, id est, laus bono à bonis reddita; vtrùm laudati an laudantis? Vtriusque: Meti qui laudor, quia natura me amantem omnium genuit; & benefecisse gaudeo, & gratos me inuenisse virtutum interpretes lætor. Hoc plurimum bonum est, quòd grati sunt, sed & meum. Ita enim animo compositus sum, ut aliorum bonum, meum iudicem: utique eorum, quibus ipse sum boni causa. Est illud laudantium bonum. virtute.

tute enim geritur: omnis autem virtutis actio bonum est. Hoc contingere illis non potuisset, nisi ego talis essem. Itaque utriusque bonum est, merito laudari: tam mehercule, quam bene iudicasse, iudicantis bonum est, & eius, secundum quem iudicatum est. Numquid dubitas, quin iustitia & habentis bonum sit, & eius cui debitum soluit? Merentem laudare iustitia est: igitur utriusque bonum est. Cauillatoribus istis abunde responderimus. Sed non debuit hoc nobis esse propositum, arguta disserere, & philosophiam in has angustias ex sua maiestate detrahere. Quanto satius est, ire aperta via & recta, quam sibi ipsi flexus disponere, quos cum magna molestia debeas relegere? neque enim quidquam aliud istarum disputationes sunt, quam inter se perire captantium lusus. Dic potius, quam naturale sit, in immensum mentem suam extendere: Magna & generosa res est humanus animus: nullos sibi poni nisi communes & cum Deo terminos patitur. Primum humilem non accipit patriam: Ephesum aut Alexandriam, aut si quod est etiamnum frequentius incolis, latius tectis solum. Illi patria est, quodcumque suprema & vniuersa circuitu suo cingit: hoc omne conuexum, intra quod iacent maria cum terris, intra quod aer humanis diuina fecernens etiam coniungit, intra quod disposita tot numina in actus suos excubant. Deinde, arctam aetatem sibi dari non finit. Om-

nes, inquit, anni mei sunt. nullum sæculū  
 magnis ingeniis clusum est, nullum non  
 cogitationi peruium tempus. Cū vene-  
 rit dies ille qui mixtum hoc diuini huma-  
 niq; secernat, corpus hoc, vbi inuenis, relin-  
 quam: ipse me diis reddam. nec nunc sine  
 illis sum, sed graui terrenoq; detineor. Per  
 has mortalis æui moras, illi meliori vitæ  
 longiori q; proluditur. Quemadmodū no-  
 uem mensibus nos tenet maternus vterus,  
 & præparat non sibi, sed illi loco in quem  
 videmur emitti, iam idonei spiritum tra-  
 here, & in aperto durare: sic per hoc spa-  
 tiū, quod ab infantia patet in senectutem,  
 in alium naturæ sumimur partum. Alia  
 origo nos exspectat, alius rerū status. Non-  
 dum corlum, nisi ex interuallo, pati possu-  
 mus. Proinde intrepidus horam illam de-  
 cretoriā prospice: non est animo suprema,  
 sed corpori. Quidquid circa te iacet rerū,  
 tamquam hospitalis loci sarcinas specta:  
 transeundum est. Excudit redeuntem na-  
 tura, sicut intransientem. Non licet plus effe-  
 re, quàm intuleris: inad etiam ex eo, quod  
 in vitā attulisti, pars magna ponenda est.  
 Detrahetur tibi hæc circumiecta, nouissi-  
 mum velamentū tui, cutis: detrahetur caro  
 & suffusus sanguis, discurrensq; per to-  
 tū: detrahetur ossa nerviq; firmamenta  
 fluidorum ac labentium. Dies iste, quem  
 tamquam extremum reformidas, æterni  
 natalis est. Depone onus. quid cunctaris,  
 tamquam non prius quoque, relicto,

in

in quo latebas corpore, exieris? Hæres & reluctaris: tum quoque magno nisu matris expulsus es. Gemis, ploras: & hoc ipsum flere, nascentis est. Sed tunc debebat ignosci. rudis & imperitus omnium veneras: ex maternorum viscerum calido molliq̃ue fomento emissum, afflavit aura liberior. Deinde, offendit duræ manus tactus: tenerq̃ue adhuc, & nullius rei gnarus obstupuisti inter ignota. Nunc tibi non est novum separari ab eo, cuius antè pars fueris: æquo animo membra iam superuacua dimitte, & istud corpus inhabitatum diu, pone. Scinderetur, obrueretur, abolebitur. Quid contristaris? ita solet fieri. Pereunt semper velamenta nascentium. Quid ista sic diligis, quasi tua? istis operatus es. Veniet qui te reuelet dies, & ex contubernio fœdi atque olidi ventris educat. Hinc nunc quoque tu quantum pores, subuola: vtrique etiam necessariis, quæ cohærebunt, alienus. Iam hinc, altius aliquid sublimiusq̃ue meditare. Aliquando nature tibi arcana reteguntur, discutietur ista caligo, & lux vndique clara percutiet. Imaginare tecum, quantus ille sit fulgor, tot sideribus inter se lumen miscentibus. Nulla serenû vmbra turbabit: æqualiter splendet omne cœli latus: dies & nox, aeris infimi vices sunt. Tunc in tenebris vixisse dices, cùm totam lucem totus adspexeris: quam nunc, per angustissimas oculorum vias, obscure intueris, & tamen admiraris.

raris tam procul. Quid tibi videbitur diuina lux, cum illam suo loco videris? Hæc cogitatio nihil sordidum animo subsidere finit, nihil humile, nihil crudele. Deos omnium rerum esse testes ait: illis nos approbati, illis in futurum parari iubet, & æternitatem proponere: quam qui mente concepit, nullos horret exercitus, non terretur tuba, nullis ad timorem minis agitur. Quid ni non timeat, qui mori sperat? si is quoque, qui tamdiu animum iudicat manere, quamdiu retinetur corporis vinculo; exsolutum, statim spargi; id agit, ut etiam post mortem utilis esse possit. Quamuis enim ipse ereptus sit oculis, tamen

*Multa viri virtus: animo, multumque  
recurfat*

*Gentis honos.*

Cogita, quantum nobis exempla bona profint: scies magnorum virorum, non minus præsentia, esse utilem memoriam.

EPIST. CIII. Quid ista circumspicis, quæ tibi possunt fortasse euenire, sed possunt & non euenire? incendium dico, ruinam, aliâque, quæ nobis incidunt, non insidiantur: illa potius vide, illa deuota, quæ nos observant, quæ captant. Rari sunt casus, etiam si graues, naufragium facere, vehiculò euertere: ab homine homini quotidianum periculum. Aduersus hoc te expedi, hoc intentis oculis intueri. Nullum enim malum frequentius, nullum pertinacius, nullum blandius.

dius . Tempestas minatur , antequam  
 surgat : crepant ædificia , antequam cor-  
 ruant : prænunciat fumus incendium . su-  
 bita est ex homine perniciēs , & eò diligen-  
 tius regitur , quò propius accedit . Erras , si  
 istorum tibi qui occurrunt vultibus credis :  
 hominum effigies habent , animos fera-  
 rum : nisi quòd illarum perniciosior est  
 primus incurſus , quos transire nō queunt .  
 Numquam enim illas ad nocendum nisi  
 necessitas inigit : aut fame , aut timore co-  
 guntur ad pugnam ; homini perdere ho-  
 minem libet . Tu tamen ita cogita , quod  
 ex homine periculum sit : vt cogites , quod  
 sit hominis officium . Alterum intuiere , ne  
 lædaris ; alterū , ne lædas . Commodis om-  
 nium læteris , mouearis incommodis : &  
 memineris quæ præstare debeas , quæ ca-  
 uere . Sic viuendo quid consequeris ? non ,  
 vt ne noceant ; sed , ne fallant . Quantum  
 autem potes , in philosophiam secede : Illa  
 te sinu suo proteget : in huius sacrario eris  
 aut tutus , aut tutior . Non arietant inter se ,  
 nisi in eodem ambulantes . Quod autem  
 ipsam philosophiam , non debebis iactare .  
 multis fuit periculi causa , insolenter tra-  
 ctata , & contumaciter . Vicia tibi detrahat ,  
 non alij exprobet : non abhorreat à publi-  
 cis moribus ; nec hoc agat , vt quidquid  
 non facit , damnare videatur . Licet sapere  
 sine pompa , sine inuidia .

· EPIST. CIIII . In Nomentanum  
 meum fugi . quid putas ? urbem ? imò  
 febrem ,



febrem, & quidem surrepentem. Iam manum mihi iniecerat: protinus itaque parari vehiculum iussi, Paullina mea retinente. Medicus initia esse dicebat, motis venis, sed incertis, & naturalem turbantibus modum. Exire perseveravi. Illud mihi in ore erat domini mei Gallionis: qui cum in Achaia febrem habere coepisset, protinus nauem adscendit, clamitans non corporis esse, sed loci morbum. Hoc ego Paullinae meae dixi, quae mihi valetudinem meam commendat. Nā cum sciam spiritum illius in meo vertis incipio, ut illi consulam, mihi consulere: & cum me fortiorem senectus ad multa reddiderit, hoc beneficium ætatis amitto. Venit enim mihi in mentem, in hoc fene & adolescentem esse, cui parcitur. Itaque quoniam ego ab illa non impetro, ut me fortiùs amet: impetrat illa à me, ut me diligentiùs amem. Indulgendum est enim honestis affectibus: & interdum etiam si premunt causas, spiritus in honorem suorum vel cum tormento reuocandus, & in ipso ore retinendus est: cum bono viro viuendum sit, non quamdiu iuuat, sed quamdiu oportet. Ille qui non uxorem, non amicum tanti putat, ut diutiùs in vita commoretur, qui perseverat mori, delicatus est. Hoc quoque imperet sibi animus, ubi utilitas suorum exigit: nec tantum si vult mori, sed si cepit, intermittat, & suis se commodet. Ingētis animi est, aliena causa ad vitam reuerti:

uerti: quod magni viri sæpè fecerunt. Sed hoc quoque summæ humanitatis existimo, senectutem suam, cuius maximus fructus est, securior sui tutela, & vitæ vsus animosior, attentius conseruare, si scias alicui tuorum esse dulce, vtile, optabile. Habet prætereà in se non mediocre ista res gaudium, & mercedem. quid enim iucundius, quàm vxoritam carum esse, vt propter hoc tibi carior fias? Potest itaque Paullina mea non tantùm suum mihi timorem imputare, sed etiam meum. Quæris ergo, quomodo mihi consilium professionis cesserit? Vt primùm grauitatem vrbis excessi, & illum odorem culinarum fumantium, quæ motæ quidquid pestiferi vaporis obruerant, cum puluere effundunt, protinus mutatam valetudinem sensi. Quantum deinde adiectum putas viribus; postquam vineas attigi? in pascuum emissus, cibum meum inuasi. Repetiui ergo iam me. non permansit marcor ille corporis dubij, & malè cogitantis: incipio toto animo studere. Non multum ad hoc locus confert, nisi se sibi præstet animus, qui secretum & in occupationibus mediis, si volet, habebit. At ille qui regiones eligit, & otium captat, vbique quo dstringatur inueniet. Nam Socratem quarenti cuidam, quòd nihil sibi peregrinationes profuissent, respondisse ferunt: *Non immeritò hoc tibi euenit: tecum enim peregrinabar.* O quàm benè cum quibusdam ageretur.

498 L. ANNÆI SENECAE  
retur, si à se aberrarent ! Nunc primi seip-  
sos sollicitant, corrumpunt, territant. Quid  
prodest mare traicere, & vrbes mutare ?  
si vis ista, quibus vrgeris, effugere, non  
alibi sis oportet, sed alius. Puta venisse te  
Athenas, puta Rhodon: elige arbitrio tuo  
ciuitatem: quid ad rem pertinet, quos illa  
mores habeat? tuos adferes. Diuitias iudi-  
cabis bonum: torquebit te paupertas, &  
(quod est miserrimum) falsa. Quamuis  
enim multum possideas, tamen quia ali-  
quis plus habet, tanto tibi videberis defi-  
ci, quanto vinceris. Honores iudicas bo-  
num? malè te habebit ille consul factus, il-  
le etiam resectus: ringeris, quoties aliquē  
in fastis sæpius legeris. Tantus erit ambi-  
tionis furor, vt nemo tibi post te videatur,  
si aliquis ante te fuerit. Maximum malum  
iudicabis mortē: cū in illa nihil sit ma-  
li, nisi, quod ante ipsam est, timeri. Exter-  
rebunt te non tantū pericula, sed suspi-  
ciones: vanis semper agitaberis. Quid  
enim proderit,

— *euasisse tot vrbes*

*Argolicas, mediòsque fugam tenuisse  
per hostes?*

Ipsa pax timores subministrabit, ne tutis  
quidem habebitur fides, cōsternata semel  
mente. quæ vbi consuetudinē pauoris in-  
prouidi fecit, etiam ad tutelā salutis suę in-  
habilis est. Non enim vitat, sed fugit: magis  
autem periculis patemus auersi. Grauiissi-  
mum iudicabis malum, aliquem ex his  
quos.

quos amabis amittere: cum interim hoc tam ineptum erit, quam flere, quod arboribus amœnis & domum tuam ornantibus decidant folia. Quidquid te delectat, æquè viget, ut videras dum vireret. utique aliud alio die casus excutiet. sed quemadmodum frondium iactura facilis est, quia renascuntur: sic istorum quos amas, quosque oblectamenta vitæ putas esse, damnum: quia reparantur, etiâ si non renascantur. Sed non erunt iidem. Ne tu quidem idem eris. omnis dies, omnis hora te mutat: sed in aliis rapina facilius apparet: hic latet, quia non ex aperto fit. Alij auferuntur: at ipsi nobis furto subducimur. Horum nihil cogitabis, nec remedia vulneribus appones, sed ipse tibi seres sollicitudinum causas, alia sperando, alia desperando? Si sapias, alterum alteri misceas: nec speraueris sine desperatione, nec desperaueris sine spe. Quid per se prodesse peregrinatio cuiquam potuit? Non voluptates illa temperauit, non cupiditates refrænauit, non iras represlit, non indomitos amoris impetus fregit, nulla denique animo mala eduxit, non iudicium dedit, non excussit errorem: sed ut puerum ignota mirantem, ad breue tempus rerum aliqua nouitate detinuit. Ceterum inconstantiam mentis, quæ cum maxime ægra est, lacescit, mobiliorem leuioremque reddit ipsa iactatio. Itaque quæ petierant cupidissime loca, cupidius.

dius deferunt, autum modo transuo-  
lant, citiusque am venerant, abeunt.  
Peregrinatio no- iam dabit gentium, no-  
uas tibi montium formas ostendet, inusi-  
tata spatia campum, & irriguas perenni-  
bus aquis valles; & alicuius fluminis sub  
obseruatione nat ram: siue, vt Nilus, astiti-  
uo incremento ti met; siue, vt Tigris, eri-  
pitur ex oculis, & acto per occulta cursu,  
integræ magni dini redditur; siue, vt  
Mæander, poeta um omnium exercita-  
tio & ludus, im licatur crebris anfracti-  
bus, & sæpè in vi inum alueo suo admo-  
tus, antequam sib influat, flectitur; ceter-  
rùm neque melio rem faciet, neque sanio-  
rem. Inter studia versandum est, & inter  
auctores sapientia; vt quæ sita discamus,  
nondum inuenta quæramus. Sic eximen-  
dus animus ex miserrima seruitute: in li-  
bertatem assèritur. Quamdiu quidem ne-  
scieris, quid fugiendum, quid petendum,  
quid necessarium, quid superuacuum, quid  
iustum, quid honestum sit: non erit hoc  
peregrinari, sed errare. Nullam tibi  
opè feret iste discursus: peregrinaris enim  
cum affectibus tuis, & mala te tua sequi-  
tur. Vtinam quidem sequerentur! longius  
abessent: nunc fers illa, non ducis. Itaque  
vbique te premunt, & paribus incommodis  
vrunt. Medicina agro, nō regio, quæren-  
da est. Fregit aliquis crus, aut extorsit ar-  
ticulum? non vehiculum nauemque con-  
scendit, sed aduocat medicum, vt fracta  
pars.

pars iungatur , vt luxata in locum reponatur. Quid ergo auimum, tot locis fractum & extortum , credis locorum mutatione posse sanari? maius est istud malum, quàm vt gestatione curetur. Peregrinatio non facit medicum , non oratorem : nulla ars loco discitur. Quid ergo? Sapientia rerum omnium maxima in itinere colligetur? Nullum, mihi crede, iter est, quod te extra cupiditates , extra iras , extra metus sistat : aut si quod esset, agmine facto, gens illuc humana pergeret. Tamdiu ista vregbunt mala , macerabuntque per terras ac maria vagum , quamdiu malorum gestaris causas . Fugam tibi non prodesse miraris? tecum sunt quæ fugis. Te igitur emēda, onera tibi detrahe & desideria: saltem intra modum cōtine. Omnem ex animo erade nequitiam . si vis peregrinationes habere iucundas, tuum comitem sana. Hærebit tibi auaritia, quamdiu auaro sordidoque cōuixeris: hærebit tumor, quamdiu cum superbo cōuersaberis: numquam sæuitiam in tortoris contubernio pones : incendunt libidines tuas adulterorum sodalitia . Si velis vitij exui, longe à vitiorum exemplis recedendum est. Auarus , corruptor , sæuus , fraudulentus , multum nocituri si propè à te fuissent, intra te sunt. Ad meliores transi. cum Catonibus viue , cum Lælio , cum Tuberone : quod si conuiuere etiam Græcis iuiat , cum Socrate, cum Zenone versare . Alter te docebit

cebit mori, si necesse erit: alter, antequam  
 necesse erit. Viue cum Chrysippo, cum  
 Posidonio. Hi tibi tradent diuinorum hu-  
 manorumque notitiam. hi iubebunt in  
 opere esse: nec tantum scite loqui, & in  
 oblectationem audientium verba iactare,  
 sed animum indurare, & aduersus minas  
 erigere. Vnus est enim huius vitæ fluctuā-  
 tis & turbidæ portus, euentura contemne-  
 re, stare fidenter, aperte tela fortunæ ad-  
 uerso pectore excipere, non latitantem,  
 nec tergiuersantem. Magnanimos nos  
 natura produxit: & vt quibusdam animalibus  
 ferum dedit, quibusdam subdolum,  
 quibusdam pavidum, ita nobis gloriosum  
 & excelsum spiritum, quærentem vbi ho-  
 nestissime, non vbi tutissime viuat; simil-  
 limum mundo: quem, quantum mortali-  
 bus passibus licet, sequitur æmulaturque.  
 Profert se, laudari & adspici credit. Do-  
 minus omnium est, supra omnia est. ita-  
 que nulli se rei submittit: nihil illi videtur  
 graue, nihil asperum, quod virum in-  
 curnet

*Terribiles visu forma, letūque labōsque.*  
 minimè quidem, si quis rectis oculis in-  
 tueri illa possit, & tenebras perumpere.  
 multa per noctem habita terrori, dies ver-  
 tit ad risum.

*Terribiles visu forma, letūque labōs-*  
*que;*

egregiè Virgilius noster. Non re dixit ter-  
 ribiles esse, sed visu: id est, videri, non esse.

Quid

Quid, inquam, in istis est tam formidabile, quàm fama vulgavit? Quid est, obsecro te, Lucili, cur timeat laborem vir, mortem homo? Totiens mihi occurrunt isti, qui non putant fieri posse quidquid facere non possunt, & aiunt nos loqui maiora, quàm quæ natura humana sustineat. At quanto ego de illis meliùs existimo? ipsi quoque hæc possunt facere, sed nolunt. Denique quem umquam ista destituere tentantem? cui non faciliora apparuere in actu? Non quia difficilia sunt, non audemus: sed quia non audemus, difficilia sunt. Si tamen exemplum desideratis, accipite Socratem perpericulum senem, per omnia aspera iactatum, inuictum tamen & paupertate, quam grauiorem illi domestica onera faciebant; & laboribus, quos militares quoque pertulit, & quibus ille domi exercitus. siue uxorem eius spectes moribus feram, lingua petulantem; siue liberos indociles, & matri quàm patri similiore. Sic ferè aut in bello fuit, aut in tyrannide, aut in libertate, bellis ac tyrannis sæuiore. Viginti & septem annis pugnatum est. post finita arma, triginta tyrannis noxæ dedita est ciuitas, ex quibus plerique inimici erant. Nouissima damnatio est sub grauissimis hominibus impleta. obiecta est & religionum violatio, & iuuentutis corruptela, quam immittere in deos, in patres, in rempub. dictus est: post hæc carcer, & venenum. Hæc  
 vsque



vsque eò animum Socratis non mouerunt,  
 vt ne vultum quidem mouerint. Illam mi-  
 rabilem laudem, & singularem, vsque ad  
 extremum seruauit: non hilariorem quis-  
 quam, non tristiore Socratem vidit: æ-  
 qualis fuit in tanta inæqualitate fortunæ.  
 Vis alterum exemplum? accipe hunc M.  
 Catonem recentiore, cum quo & infe-  
 stius fortuna egit, & pertinacius. Cui  
 cum omnibus locis obstitisset, nouissimè  
 & in morte: ostendit tamen virum for-  
 tem posse inuita fortuna viuere, inuita  
 mori. Tota illi ætas aut in armis est exa-  
 cta ciuilibus, aut in ætate concipiente iam  
 ciuile bellum. Et hunc licet dicas non mi-  
 nus, quàm Socratem, in seruitute vixisse:  
 nisi fortè Cn. Pompeium, & Cæsarem, &  
 Crassum, putas libertatis socios fuisse. Ne-  
 mo mutatum Catonem, toties mutata  
 Rep. vidit: eundem se in omni statu præ-  
 stitit. In prætura, in repulsa, in accusa-  
 tione, in prouincia, in concione, in exer-  
 citu, in morte, denique in illa Reip. tre-  
 pidatione, cum illinc Cæsar esset decem  
 legionibus pugnacissimis subnixus, tot ex-  
 ternarum gètium præfidijs hinc Cn. Pom-  
 peius, satis vnus aduersus omnia. Cum  
 alij ad Cæsarem inclinarent, alij ad Pom-  
 peium, solus Cato fecit aliquas & Reip.  
 partes. Si animo complecti volueris illius  
 imaginem temporis, videbis illinc ple-  
 bem & omnem erectum ad res nouas vul-  
 gum: hinc optimates & equestrem or-  
 dinem,

dimem, quidquid erat in ciuitate sancti & lecti: duos in medio relictos, Remp. & Catonem. Miraberis, inquam, cum animaduuerteris

*Atridem, Priamumque, & sauum  
ambobus Achillem.*

Vtrumque enim improbat, ytrumque exarmat. Hanc fert de ytroque sententiam. Ait, *se, si Caesar vicerit, moriturum: si Pompeius, exulaturum.* Quid habebat quod timeret, qui ea sibi & victo & victori constituerat, quæ constituta esse ab hostibus iratissimis poterant? Periit itaque ex decreto suo. Vides posse homines labores pati? per medias Africæ solitudines pedes duxit exercitum. Vides posse tolerare sitim? & in collibus arentibus, sine vllis impedimentis victi exercitus reliquias trahens, inopiam humoris loricatus tulit, & quoties aquæ fuerat occasio, nouissimus bibit. Vides honorem & notam posse contemni? eodem quo repulsus est die, in comitio pila ludit. Vides posse non timeri potentiam superiorum? & Pompeium & Casarem, quorū nemo alterum offendere audebat, nisi vt alterum demereretur, simul prouocauit. Vides tam mortē posse cōtemni quàm exsilium? & exsilium sibi indixit & mortem, & interim bellum. Possumus itaque aduersus ista tantum habere animi: libeat modò subducere iugo collum. In primis autem despuendæ sunt voluptates: enervant, & effæminant, & multum perunt.

multum autem à fortuna petendum est. Deinde spernendæ opes : auctoramenta sunt seruitutum. Aurum & argentum , & quidquid aliud felices domos onerat , relinquatur . non potest gratis constare libertas . Hanc si magno æstimas , omnia paruo æstimanda sunt.

EPIST. CV. Quæ obseruanda tibi sint, vt tutior viuas , dicam. Tu tamen sic audias censeo ista præcepta , quomodo si tibi præciperem, qua ratione bonam valetudinem in Ardeatino tuereris. Considera , quæ sint quæ hominem in perniciem hominis instigent : inuenies spem , inuidiam, odium , metum , contemptum. Ex omnibus istis, adeò lenissimum est cōtemptus, vt multi in illo remedij causâ delituerint. Quem quis contemnit, calcat sine dubio, sed transit. Nemo homini contempto , pertinaciter , nemo diligenter nocet. Etiam in acie iacens præteritur: cum stan- te pugnatur. Spem improborum vitabis, si nihil habueris quod cupiditatem alienam & improbam irritet, si nihil insigne possederis. Concupiscuntur enim insignia, etiã si parùm nota sunt . Sic verò inuidiam ef- fugies, si te non ingesseris oculis , si bona tua non iactaueris, si scieris in sinu gaudere . Odium autem ex offensa sic vitabis, neminem laceßendo gratuito: à quo te sē- sus cōmunistuebitur. fuit enim hoc mul- tis periculosum . Quidam odium habue- runt, nec inimicum. Illud, ne timearis, præ- stabit

stabit tibi & fortunę mediocritas, & ingenij lenitas: cū te esse homines scient, quę offendere sine periculo possint. Reconciliatio tua & facilis sit, & certa. Timeri autem tam domi molestum est, quā foris: tam à seruis, quā à liberis. Nulli non ad nocendum satis virium est. Adijce nunc, quod qui timetur, timet. nemo potuit terribilis esse securē. Contemptus superest: cuius modum in sua potestate habet, qui illum sibi adiunxit: qui contemnitur, quia voluit, non quia debuit. Huius incommodum & artes bonę discutiunt, & amicitia eorum, qui apud aliquem potentem potentes sunt. quibus applicari expediet, non implicari: ne pluris remedium, quā periculum constet. Nihil tamen æquē proderit, quā quiescere, & minimum cum aliis loqui, plurimum secum. Est quędam dulcedo sermonis, quę irrepit, & blanditur, & non aliter quā ebrietas aut amor secreta producit. Nemo quod audierit, tacebit: nemo quantum audierit, loquetur. Qui rem non tacuerit, non tacebit auctorem. Habet unusquisque aliquem cui tantum credit, quantum ipsi creditum est: ut garrulitatem suam custodiat, & contentus sit vnius auribus, populum faciet. Sic quod modò secretum erat, rumor est. Securitatis magna portio est, nihil iniqui facere. Confusam vitam & perturbatam impotentes agunt: tantum metuunt, quantum nocent: nec vllō tempore vacant:

Trepidant enim cū fecerunt, hærent conscientia aliud agere non patitur, ac subinde respicere ad se cogit. Dat pœnas, quisquis exspectat: quisquis autem meruit, exspectat. Tutum aliqua res in mala conscientia præstat, nulla securum. putat enim se, etiam si non deprehenditur, posse deprehendi: & inter somnos mouetur, & quoties alicuius scelus loquitur, de suo cogitat. Non satis illi oblitteratum videtur, non satis tectum. Nocens habuit aliquando latendi fortunam, numquam fiduciam.

EPIST. CVI. Tardius rescribo ad epistolas tuas, non quia districtus occupationibus sum: hanc excusationem caue audias: vaco, & omnes qui volunt, vacant. Neminem res sequuntur: ipsi illas amplexantur, & argumentum esse felicitatis occupationem putant. Quid ergo fuit, quare non protinus rescriberem tibi, de quo quærebas? Veniebat in contextum operis mei: scis enim me moralem philosophiam velle complecti, & omnes ad eam pertinentes quæstiones explicare. Itaque dubitavi vtrum differrem te, an, donec suus isti rei veniret locus, ius tibi extraordinem dicerem: humanitus visum est, tam longè venientem non detinere. Itaque & hoc ex illa serie rerum cohærentium excerpam, & si qua erunt huiusmodi, non quærenti tibi vtrò mittam. Quæ sint hæc, interrogas? Quæ scire magis iuvat,

nat,quàm prodest : sicut hoc de quo quæris, an bonum corpus sit. Bonum prodest: facit enim: quod facit, corpus est: bonum, agit animum, & quodāmodo format, & continet: quæ ergo propria sunt corporis, ea corporis bona sunt : corpora ergo sunt, & quæ animi sunt. nam & hic corpus est. Bonum hominis necesse est corpus sit, cū ipse corporalis. Mentior, nisi & quæ alunt illud, & quæ valetudinem eius vel custodiunt vel restituunt, corpora sunt: ergo & bonum eius corpus est. Non puto te dubitaturum, an affectus corpora sint, ut aliud quoque de quo non quæris, infulciam: tamquam ira, amor, tristitia. si dubitas, vide an vultum nobis mutent, an frontem adstringant, an faciem diffundant, an ruborem euocent, an fugent sanguinem. Quid ergo? tam manifestas corpori notas credis imprimi, nisi à corpore? Si affectus corpora sunt, & morbi animorum, & auaritia, crudelitas, indurata vitia, & in statum inemendabilem adducta: ergo & malitia, & species eius omnes, malignitas, inuidia, superbia. Ergo & bona. primum quia contraria istis sunt: deinde, quia eadem tibi indicia præstabunt. An non vides, quantum oculis det vigorem fortitudo? quantum intentionem prudentia? quantum modestiam & quietem reuerentia? quantum serenitatem lætitia? quantum rigorem seueritas? quantum remissionem veritas? Corpora ergo sunt, quæ colorem habitumq; corpo-

rum mutant, quæ in illis regnum suum exercent. Omnes autem quas retuli virtutes, bona sunt, & quidquid ex illis est. Numquid est dubium, an id quo quid tangi potest, corpus sit?

*Tangere enim & tangi, nisi corpus, nulla potest res, ut ait Lucretius.*

Omnia autem ista quæ dixi, non mutant corpus, nisi tangerent: ergo corpora sunt. Etiamnum, cui tanta vis est, ut impellat & cogat & retineat & iubeat, corpus est. Quid ergo? Non timor retinet? non audacia impellit? non fortitudo immittit, & impetum dat? non moderatio refrænât ac reuocat? non gaudium extollit? non tristitia adducit? Denique quidquid facimus, aut malitiæ, aut virtutis gerimus imperio: quod imperat corpori, corpus est: quod vim corpori affert, corpus. Bonum corporis corporale est: bonum hominis, & corporis bonum est: itaque corporale est. Quoniam, ut voluisti, morem gessi tibi, nunc ipse dicam mihi, quod dicturum esse te video. Latrunculis ludimus: in superuacuis subtilitas teritur. non faciunt bonos ista, sed doctos. Apertior res est, sapere: imò simplicior. paucis opus est ad mentem bonam litteris. Sed nos ut cetera in superuacuum diffundimus, ita philosophiam ipsam. Quemadmodum omnium rerum, sic litterarum quoque intemperantia laboramus: non vitæ, sed scholæ discimus.

EPIST. CVII. Vbi illa prudentia tua? vbi in dispiciendis rebus subtilitas? vbi magnitudo? Tam pusilla te angunt? serui occupationes tuas, occasionem fugæ putauerunt. Si amici deciperent, (habeant enim sanè nomen, quod illis Epicurus noster imposuit, & ita vocentur) quo turpius non sint omnibus rebus tuis: desint illi, qui & operam tuam conterebant, & te aliis molestum esse credebant. Nihil horum insolitum, nihil inexpectatum est. Offendi rebus istis tam ridiculum est, quàm queri, quòd spargaris in publico, aut inquineris in luto. Eadem vitæ conditio est, quæ balnei, turbæ, itineris: quædam intermittuntur, quædam incident. Non est delicata res, viuere. Longam viam ingressus es: & labaris oportet, & arietes, & cadas, & lassæris, & exclames: O mors, id est, mentiaris. Alio loco comitem relinques, alio efferes, alio timebis. Per eiusmodi offensas emetiendum est confragosum hoc iter. Mori me vult? præparetur animus contra omnia. Sciat se venisse vbi patiatur fulmen; sciat se venisse vbi

*Luctus & ultrices posuere cubilia cura,  
Pallentesque habitant morbi, tristisque  
senectus.*

In hoc contubernio vita degenda est. Ef-  
fugere ista non potes, contemnere potes:  
cōtemnes autem, si sæpè cogitaueris, &  
futura præsumpseris. Nemo non fortius ad



id cui se diu composuerat, accessit, & dūris quoque, si præmeditata erant, obstitit. At contrā imparatus, etiā leuissima expauit. Id agēdum est, ne quid nobis inopinatum sit: & quia omnia nouitate grauiora sunt, hæc cogitatio assidua præstabit, vt nulli sis malo tiro. Serui te reliquerunt. Alium compilauerunt, alium accusauerunt, aliū occiderunt, alium prodiderunt, alium calcauerunt, aliū veneno, alium criminatione petierunt. Quidquid dixeris, multis accidit. Deinceps quæ multa & varia sunt in nos diriguntur. Quædam in nos fixa sunt, quædam vibrant, & cum maxime veniunt, quædam ad alios peruentura nos stringunt. Nihil miremur eorum ad quæ nati sumus: quæ ideò nulli querenda, quia paria sunt omnibus. Ita dico, paria sunt. nam etiam quod effugit aliquis, pati potuit. Æquum autem ius est, non quo omnes vsi sunt, sed quod omnibus latum est. Imperetur æquitas animo, & sine querela mortalitatis tributa pendamus. Hyems frigora adducit: algendum est. æstas calores refert: æstuandum est. intemperies cæli valetudinem tentat: egrotandum est. Et fera nobis loco occurret, & homo perniciosior feris omnibus. Aliud aqua, aliud ignis eripiet. Hanc rerum conditionem mutare non possumus: id possumus, magnum sumere animum, & viro bono dignum, quo fortiter fortuita patiamur, & naturæ consentiamus. Natura autem hoc, quod vides,

regnum

regnum mutationibus temperat. Nubilo-  
ferena succedunt: turbantur maria, cum  
quieuerunt: flant inuicem venti: nocte dies  
sequitur: pars cæli confurgit, pars mergi-  
tur: contrariis rerum æternitas constat. Ad  
hanc legem animus noster aptandus est:  
hanc sequatur, huic pareat: & quæcumq;  
fiunt, debuisse fieri putet: nec velit obiur-  
gare naturam. Optimum est pati, quod  
emendare non possis: & Deum, quo aucto-  
re cuncta proueniunt, sine murmuratione  
comitari. Malus miles est, qui imperato-  
rem gemens sequitur. Quare impigri at-  
que alacres excipiamus imperia, nec dese-  
ramus hunc operis pulcherrimi cursum,  
cui, quidquid patimur, intextum est: & sic  
alloquamur Iouem, cuius gubernaculo  
moles ista dirigitur, quemadmodum Cle-  
anthes noster versibus disertissimis allo-  
quitur. quos mihi in nostrum sermonem  
mutare permittitur, Ciceronis viri diser-  
tissimi exemplo. Si placuerint, boni consu-  
les: si displicuerint, scies me in hoc secu-  
tum Ciceronis exemplum.

*Duc me parens, celsiq; dominator poli,  
Quocumque placuit. nulla parendi mo-  
ra est:*

*Assum impiger. fac nolle: comitabor ge-  
mens:*

*Ducunt volentem fata, nolentem tra-  
hunt.*

*Malusque patiar, quod pati licuit bo-  
no.*

Sic viuamus, sic loquamur. paratos nos inueniat atque impigros fatum. Hic est magnus animus, qui se Deo tradidit: at contra ille pusillus ac degener, qui obluetur, & de ordine mundi malè existimat, & emendare mauult deos, quàm se.

EPIST. CVIII. Id de quo quæris, ex his est, quæ scire tantùm eò, vt scias, pertinet. Sed nihilominus quia pertinet, pertinaciter properas, nec vis expectare libros, quos cum maximè ordino continentes totam moralem philosophiæ partem, statim expediam. Illud tamen priùs scribam, quemadmodum tibi ista cupiditas discendi, qua flagrare te video, dirigenda sit, ne ipsa se impediat. Nec passim carpèda sunt, nec auidè inuadenda vniuersa: per partes peruenitur ad totum. Aptari onus viribus debet: nec plus occupari, quam cui sufficere possumus. Non quantum vis, sed quantum capis; hauriendum est. bonum tantùm habe animum: capies, quantum voles. Quò plus recipit animus, hoc se magis laxat. Hæc nobis præcipere Attalum memini, cùm scholam eius obsideremus, & primi veniremus, & nouissimi exiremus: ambulantes quoque illum ad aliquas disputationes euocaremus, non tantùm paratum discantibus, sed obuium. Idem, inquit, & docenti & discenti debet esse propositum: vt ille prodesse velit, hic proficere. Qui ad philosophorum scholas venit, quotidie secum aliquid boni ferat: aut

aut sanior domum redeat, aut sanabilior. Redibit autem. ea enim philosophiæ vis est, ut non solum studentes, sed etiam conuersantes inuet. Qui in solem venit, licet non in hoc venerit, colorabitur: qui in vnguentaria taberna resederunt, & paullo diutius commorati sunt, odorem secum loci ferunt; & qui apud philosophum fuerunt, traxerint aliquid necesse est, quod prodesset etiam negligentibus. Attende quid dicam: negligentibus, non repugnantibus. Quid ergo? non nouimus quosdam, qui multis apud philosophum annis persederint, & ne colorem quidem duxerint? Quid ni nouerim? pertinacissimos quidē, & assiduos: quos ego non discipulos philosophorum, sed inquilinos voco. Quidam veniunt ut audiant, non ut discant: sicut in theatrum voluptatis causā ad delectandas aures, oratione, vel voce, vel fabulis ducimur. Magnam hanc auditorum partem videbis, cui philosophi schola diuersorium otij sit. Non id agunt ut aliqua illic vitia deponant, ut aliquam legem vitæ accipiāt, ad quam mores suos exigant, sed ut oblectamento aurium perfruantur. Aliqui tamen & cum pugillaribus veniunt, non ut res excipiant, sed verba: quæ tam sine profectu alieno discant, quàm sine suo audiant. Quidam ad magnificas voces excitantur, & transcunt in affectum dicentiū, alacres vultu & animo: nec aliter concitantur, quàm solent Phrygij tibicinis sono.

femiuri, & ex imperio furentes. Rapiunt illos instigatque rerum pulchritudo, non verborum inanum sonitus. Si quid acriter contra mortem dictum est, si quid contra fortunam contumaciter, iuuat protinus quæ audias facere. Afficiuntur illi: & sint quales iubentur, si illa animo forma permaneat, si non impetum insignem protinus populus honesti dissuasor excipiat. Pauci illam, quam conceperant, mentem domum perferre potuerunt. Facile est auditorem concitare ad cupiditatem recti. Omnibus enim natura fundamenta dedit, semenque virtutum: omnes ad omnia ista nati sumus: cum irritator accessit, tunc illa animi bona velut sopita excitantur. Non vides quemadmodum theatra consonent, quoties aliqua dicta sunt, quæ publicè agnoscimus, & consensu vera esse testamur?

*Desunt inopia multa, auaritia omnia.*

*In nullum auarus bonus est, in se pessimus.*

Ad hos versus ille sordidissimus plaudit, & vitiis suis fieri conuicium gaudet. Quanto magis hoc iudicas euenire, cum à philosopho ista dicuntur: cum salutaribus præceptis versus inferuntur, efficacius eadē illa demissuri in animū imperitorum? Nam (ut dicebat Cleanthes) quemadmodum spiritus noster clariorem sonum reddit, cum illum tuba per longi canalis angustias tractum, parētiore nouissimè exitu effudit: sic sensus.

sensus nostros clariores carminis arcta  
 necessitas efficit. Eadem negligentius au-  
 diuntur, minusque percutiunt, quamdiu  
 soluta oratione dicuntur: ubi accessere nu-  
 meri, & egregium sensum adstrinxere  
 certi pedes, eadem illa sententia velut la-  
 certo excussa torquetur. De contemptu  
 pecuniæ multa dicuntur, & longissimis  
 orationibus hoc præcipitur, ut homines in  
 animo, non in patrimonio putent esse di-  
 uitias: cum esse locupletem, qui pauper-  
 tati suæ aptus est, & paruo se diuitem fe-  
 cit: magis tamen feriuntur animi, cum  
 carmine eiusmodi dicta sunt:

*Is minimo eget mortalis, qui minimum  
 cupit.*

*Quod vult habet, qui velle quod satis  
 est, potest.*

Cum hæc atque eiusmodi audimus, ad  
 confessionem veritatis adducimur. Illi  
 enim quibus nihil satis est, admirantur,  
 acclamant, odium pecuniæ indicunt.  
 Hunc illorum affectum ubi videris, urge,  
 hoc preme, hoc onera, relictis ambigui-  
 tatibus, & syllogismis, & cauillationi-  
 bus, & ceteris acuminis irriti ludicris. Dic  
 in auaritiam, dic in luxuriam. cum pro-  
 fecisse te videris, & animos audientium  
 affeceris, instā vehementius. Verisimi-  
 le non est, quantum proficiat talis ora-  
 tio remedio intenta, & tota in bonum  
 audientium versa. Facillimè enim tene-  
 ra conciliantur ingenia ad honesti recti-  
 que

quæ amorem. Adhuc docilibus leuiterque corruptis inijcit manum veritas, si aduocatum idoneum nacta est. Ego certè, cum Attalum audirem, in vitia, in errores, in mala vitæ perorantem, sæpè misertus sum generis humani, & illum sublimem altioremq; humano fastigio credidi. Ipse regem se esse dicebat: sed plus quàm regnare mihi videbatur, cui liceret censuram agere regnantium. Cum verò commēdare paupertatem cœperat, & ostendere, quàm quidquid vsum excederet pondus esset superuacuum & graue ferenti sæpe exire ē schola pauperi libuit. Cum cœperat voluptates nostras traducere, laudare castum corpus, sobriam mensam, puram mentē, non tātū ab illicitis voluptatibus, sed etiā superuacuis: libebat circumscribere gulam & ventrem. Inde mihi quēdam permanferre, Lucili. Magno enim in omnia impetu venerā: deinde ad ciuitatis vitā reductus, ex benè cēptis pauca seruaui. Inde ostreis, boletisq; in omnem vitam renunciātū est. Hęc enim nō cibi, sed oblectamenta sunt, ad edendum saturos cogētia: quod gratissimū est edacibus, & se vltra quàm capiunt farcientibus, facile descensura, facile reditura. Inde in omnem vitam vnguento abstinemus: quoniam optimus odor in corpore est nullus. Inde vino caret stomachus: inde in omnem vitam balneum fugimus. Decoquere corpus, atq; exinanire sudoribus, inutile simul delicatūq; credimus.

Cete-

Cetera proiecta redierunt: ita tamen, ut quorum abſtinentiam interrumpi, modum ſeruem, & quidem abſtinentiæ proximiorē, neſcio an difficiliorē: quoniam quædam abſcinduntur facilius animo, quàm temperantur. Quoniam cœpi tibi exponere, quantum maiori impetu ad philoſophiam iuuenis acceſſerim, quàm ſenex pergam; non pudebit fateri, quem mihi amorem Phythagorę iniecerit Sotion. Dicebat, quare ille animalibus abſtinuiſſet, quare poſteà Sextius. Diſſimilis utriq; cauſa erat, ſed utrique magnifica. Hic homini ſatis alimentorum citra ſanguinem eſſe credebat, & crudelitatis conſuetudinem fieri, ubi in voluptatem eſſet adducta laceratio. Adijciebat, contrahendam materiam eſſe luxuriæ: colligebat, bonæ valetudini contraria eſſe alimenta varia, & noſtris aliena corporibus. At Pythagoras omnium inter omnia cognationē eſſe dicebat, & aliorum commercium in alias atque alias formas tranſeuntium. Nulla (ſi illi credas) animā interit, nec ceſſat quidē, niſi tēpore exiguo, dum in aliud corpus tranſfunditur. Viderimus per quas temporum vices, & quando pererratis pluribus domicilijs, in hominē reuertatur: interim ſceleris hominibus ac parricidij metum fecit, cum poſſint in parentis animā inſcij incurrere, & ferro morſuue violare, in quo cognatus aliquis ſpiritus hoſpitaretur. Hęc cum expoſuiſſet Sotion, & impleſſet argu-

mentis



mentis suis, Non credis, inquit, animas in alia corpora atque alia describi? & migrationem esse, quam dicimus esse mortem? Non credis in his pecudibus ferisve, aut aqua mersis, illum quondam hominis animum morari? Non credis nihil perire in hoc mundo, sed mutare regionem? nec tantum cœlestia per certos circuitus verti, sed animalia quoque per vices ire, & animos per orbem agi? Magni ista crediderunt viri. itaque iudicium quidem tuum sustine: ceterum omnia tibi integra serua. Si vera sunt ista, abstinuisse animalibus innocētia est: si falsa, frugalitas est. Quod istie crudelitatis tuę damnum est? Alimēta tibi leonum & vulturum eripio. His instinctus, abstinere animalibus cœpi: & anno peracto non tantum facilis erat mihi consuetudo, sed dulcis. Agiliorē mihi animum esse credebam: nec tibi hodie affirmauerim, an fuerit. Quæris, quomodo desierim? In Tiberij Cæsaris principatum iuuentutis tempus inciderat: alienigenarum sacra mouebantur: sed inter argumēta superstitionis ponebatur quorundam animalium abstinencia. Patre itaque meo rogante, qui non calumniam timebat, sed philosophiam oderat, ad pristinam cōsuetudinem redij: nec difficulter mihi, ut inciperem melius cœnare, persuasit. Laudare solebat Attalus culcitram, quæ resisteret corpori: tali vtor etiam senex, in qua vestigium apparere non possit. Hac retuli,

ut probarem tibi, quam vehementes haberent tirunculi impetus primos ad optimam quæque, si quis exhortaretur illos, si quis impelleret. Sed aliquid præcipientium vitio peccatur, qui nos docent disputare, non vivere: aliquid discientium, qui propositum adferunt ad præceptores suos, non animum excolendi, sed ingenium. Itaque quæ philosophia fuit, facta philologia est. Multum autem ad rem pertinet, quo proposito ad quam rem accedas. Qui grammaticus futurus, Virgilium scrutatur, non hoc animo legit illud egregium,

— *Fugit irreparabile tempus.*

Vigilandum est: nisi properamus, reliquimur. agit nos, agiturque velox dies: inscij rapimur. omnia in futurum disponimus, & inter præcipitia lenti sumus. Sed ut obseruet, quoties Virgilius de celeritate temporum dicit, hoc uti verbo illum, **FUGIT.**

*Optima quaque dies miseris mortalibus anni*

*Prima fugit. subeunt morbi, tristisque senectus,*

*Et labor, & dura rapit inclementia mortis.*

Ille qui ad philosophiam spectat, hæc eadem quò debet, abducit. Numquã Virgilius, inquit, dies dicit ire, sed fugere, quod currendi genus cõcitatissimum est: & optimos quosq; primos rapi. Quid ergo cessamus nos ipsi concitare, ut velocitatem rapidis-

pidiſſimæ rei poſſimus equare? Meliora præteruolant; deteriora ſuccedunt. Quemadmodum ex amphora primùm quod eſt ſinceriſſimum effluit, grauiſſimum quodque turbidumque ſubſidit: ſic in ætate noſtra, quod optimum, in primo eſt. Id exhauriri in alijs potiùs patimur, vt nobis facem reſeruemus. In hæreat iſtud animo & tamquam miſſum oraculo placeat:

*Optima quaque dies miſeris mortalibus  
æui*

*Prima fugit.*

Quare optima? quia reſtat quod incertum eſt. Quare optima? quia iuuenes poſſumus diſcere, poſſumus facilem animum, & adhuc tractabilem, ad meliora conuertere: quia hoc tempus idoneum eſt laboribus, idoneum agitandis per ſtudia ingenijs, & exercendis per opera corporibus. Quod ſuper eſt, ſegnius & languidius eſt, & propius à fine. Itaque toto hoc agamus animo, & omiſſis ad quæ diuertimus, in rem vnã laboremus: ne hanc temporis perniciſſimi celeritatem, quam retinere non poſſumus, relictĩ demurn intelligamus. Primus quiſque tamquam optimus dies placeat, & redigatur in noſtrum. quod fugit, occupandum eſt. Hoc nõ cogitat ille, qui grammatici oculis carmen iſtud legit. ideò optimum quemque primum eſſe diem, quia ſubeunt morbi, quia ſenectus premit, & adhuc adoleſcentiam cogitantibus ſupra caput eſt: ſed ait,

Virgi-

Virgilium semper vnâ ponere morbos & senectutem. non mehercule immeritò: senectus enim insanabilis morbus est. Prætereà, inquit, hoc senectuti cognomen imposuit, tristem illam vocat:

— *subeunt morbi, tristiſq; senectus.*  
 Non est quòd mireris, ex eadem materia suis quemque studijs apta colligere. In eodem prato bos herbam quærit, canis leporem, ciconia lacertum. Cùm Ciceronis libros de Rep.prehendit hinc philologus aliquis, hinc grammaticus, hinc philosophiæ deditus: alius aliò curam suam mittit. Philosophus admittatur, contra iustitiam dici tam multa potuisse. Cùm ad hanc eandem lectionem philologus accessit, hoc subnotat, duos Romanos reges esse, quorum alter patrem non habet, alter matrem. Nam de Seruij matre dubitatur: Anci pater nullus, Numæ nepos dicitur. Prætereà notat eum quem nos dictatorem dicimus, & in historiis ita nominari legimus, apud antiquos magistrum populi vocatum. Hodieq; id extat in Auguralibus libris: & testimonium est, quòd qui ab illo nominatur, magister equitum est. Æquè notat, Romulū perisse solis defectione. Prouocationem ad populum etiam à regibus fuisse. Id ita in Põtificalibus libris aliqui putant, & Fenestella. Eosdem libros cùm grāmaticus explicuit, primùm REAPSE dici ab Cicerone, id est, re ipsa, in commentarium refert; nec minùs SEPSE, id est

est, se ipse. Deinde transit ad ea, quæ consuetudo sæculi mutauit: tamquam quod ait Cicero, *Quoniam sumus ab ipsa calce, eius interpellatione renocati*: hanc quam nunc in circo cretam vocamus, calcem antiqui dicebant. Deinde Ennianos colligit versus, & in primis illos de Africano scriptos:

— *Cui nemo ciuis neque hostis* —

*Quinit pro factis reddere operæ pretium*.  
Ex eo se ait intelligere, apud antiquos non tantum auxilium significasse operam, sed opera. ait enim neminem potuisse Scipioni neque ciuem, neque hostem reddere operæ pretium. Felicem deinde se putat, quod inuenerit, vnde visum sit Virgilio dicere:

— *Quem super ingens* —

*Porta tonat cœli* —

Ennium hoc ait Homero surripuisse; Ennio Virgilium. Est enim apud Ciceronem in his ipsis de Rep. hoc Epigramma:

*Si fas endo plagas cœlestum ascendere  
cuiquam:*

*Mi soli cœli maxima porta patet.*

Sed ne & ipse, dum aliud ago, in philologum aut grammaticum dilabar, illud admonco, auditionem philosophorum, lectionemque ad propositum beatæ vitæ trahendam: non vt verba prisca aut ficta captemus, & translationes improbas figuræque dicendi, sed vt profutura præcepta, & magnificas voces, & animosas, quæ mox in-  
rem

rem transferantur. Sic ista discamus, ut  
 quæ fuerunt verba, sint opera. Nullos au-  
 tem peius mereri de omnibus mortalibus  
 iudico, quàm qui philosophiam velut ali-  
 quod artificium venale didicerunt: qui ali-  
 ter viuunt, quàm viuendum esse præcipiunt.  
 Exempla enim seiplos inutilis disciplinæ  
 circumferunt, nulli non vitio, quod inse-  
 quuntur, obnoxij. Non magis mihi po-  
 test quisquam talis prodesse præceptor,  
 quàm gubernator in tempestate nausca-  
 bundus. Tenendum est, rapiente fluctu,  
 gubernaculum, luctandum cum ipso ma-  
 ri, eripienda sunt vento vela: quid me po-  
 test adiuuare rector nauigij attonitus &  
 vomitans? Quanto maiore putas vitam  
 tempestate iactari, quàm vllam ratem? non  
 est loquendum, sed gubernandum. Omnia  
 quæ dicunt, quæ turba audiente iactant,  
 aliena sunt. dixit illa Plato, dixit Zeno,  
 dixit Chrysippus, & Posidonius, & ingens  
 agmen tot ac talium. Quomodo probare  
 possint sua esse, monstrabo: faciant quæ  
 dixerint. Quoniam quæ volueram ad te  
 perferri, iam dixi, nunc desiderio tuo sa-  
 tisfaciam, & in alteram epistolam inte-  
 grum quod exegeras transferam: ne ad-  
 spinosam, & auribus erectis curiosisque  
 audiendam, lassus accedas.

EPIST. CIX. An sapiens sapienti  
 profit, scire desideras. Dicimus plenū om-  
 ni bono esse sapientem, & summa adeptū;  
 quomodo prodesse aliquis possit summū  
 bonum

bonum habenti, quæritur. Profunt inter se boni: exercent enim virtutes, & sapientiam in suo statu continent. desiderat uterque aliquem, cum quo conferat, cum quo quærat. Peritos luctandi, usus exercet: musicum, qui paria didicit monet. Opus est & sapienti, agitatione virtutum. Ita quemadmodum ipse se mouet, sic mouetur ab alio sapiente. Quid sapiens sapienti proderit? impetum illi dabit, occasiones actionum honestarum monstrabit. Præter hæc, aliquas suas cogitationes exprimet, docebit quæ inuenerit. Semper enim sapienti restabit quod inueniat, & quod animus eius excurrat. Malus malo nocet; facit peiorem, iram, metum incitando, tristitiæ assentiendo, voluptates laudando: & tunc maxime laborant mali, ubi plurius vitia miscuere, & in unum collata nequitia est: ergo ex contrario, bonus bono proderit. Quomodo inquis? Gaudium illi afferet, fiduciam confirmabit, ex conspectu mutue tranquillitatis crescet utriusque letitia. Præterea, quatumdam illi rerum notitiam tradet. non enim omnia sapiens scit: etiam si sciret, breuiiores vias rerum aliquis excogitare possit, & has indicare, per quas facilius totum opus circumfertur. Proderit sapienti sapiens: non scilicet tantum suis viribus, sed ipsius quæ adiuuat. Potest quidem ille etiam relictus sibi, explicare partes suas. Vternr propria velocitate: sed nihilominus adiuuat etiam, qui currentem horta-

hortatur . Non prodest tantum sapiens  
 sapienti , sed sibi ipsi . Obijcies : Detrahe  
 illi vim propriam , & ille nihil agit . Isto  
 modo dicas licet , non esse in melle dulce-  
 dinem . Nam ipse ille qui est,esse debet ita  
 aptatus lingua palatoque ad huiusmodi  
 gustum , ut ille tali sapore capiatur , non  
 offendatur . Sunt enim quidam , quibus  
 morbi vitio mel amarum videatur . Opor-  
 tet utrumque talem esse , ut & ille prodesse  
 possit , & huic profecturo idonea materia  
 sit . In summum , inquit , producto calo-  
 rem calefieri superuacuum est : & in sum-  
 mum producto bonum superuacuum est ,  
 quod profit . Num quid instructus omni-  
 bus rebus agricola , ab alio instrui qua-  
 rit ? Numquid armatus miles quantum in  
 aciem exituro satis est , amplius arma de-  
 siderat ? Ergo nec sapiens . Satis enim vitæ  
 instructus,satis armatus est . Qui in summo  
 est calore, ei non opus est adiecto , ut sum-  
 mum teneat . Ipse se, inquit, calor continet.  
 Ad hæc respondeo : Primum multum inte-  
 rest inter ista , quæ comparas . Calor enim  
 unus est:prodesse varium est . Deinde calor  
 non adiuuatur adiectione caloris, ut caleat :  
 sapiens non potest in habitu suæ mentis sta-  
 re, nisi amicos aliquos similes sui admisit,  
 cum quibus virtutes suas cōmunicet . Ad-  
 iice nūc, quod omnibus inter se virtutibus  
 amicitia est . Itaque prodest, qui virtutes ali-  
 cuius pares suis amat , amandasque inui-  
 cem præstat . Similia delectant : utique ubi  
 hone-



honestā sunt, & probare ac probari sciunt. Etiamnum. Sapientis animum peritè mouere nemo alius potest, nisi sapiens: sicut hominem mouere rationaliter nō potest, nisi homo. Quomodo ergo ad rationem mouendam ratione opus est: sic ut moueatur ratio perfecta, opus est ratione perfecta. Prodesse dicuntur, & qui media nobis largiuntur: pecuniam, gratiam, incolumitatem, alia in vsus vitæ cara aut necessaria: in his dicetur etiam stultus sapienti prodesse. Prodesse autem est, animum secundum naturam mouere virtute sua, aut eius qui mouebitur. Hoc non sine ipsius quoque qui proderit, bono fiet. necesse est enim, alienam virtutem exercendo, exerceat & suam. Sed ut remoueas ista, quæ aut summa bona sunt, aut summorum efficientia, nihilominus prodesse inter se sapientes possunt. Inuenire enim sapientem, sapienti per se res petenda est: quia natura bonum omne carum est bono: & sic quisque conciliatur bono, quemadmodum sibi. Necesse est, ex hac quæstione, argumenti causā, in alteram transeam. Queritur enim, an deliberaturus sit sapiens: an in consilium aliquem aduocaturus: quod facere illi necessarium est, cum ad hæc ciuilia & domestica venit, & (ut ita dicam) mortalia. In his sic illi opus est alieno cōsilio, quomodo medico, quomodo gubernatori, quomodo aduocato, & litis ordinatori. Proderit ergo sapiens ali-

quando

quando sapienti: suadebit enim: sed in illis quoque magnis ac diuinis, ut diximus, communiter honesta tractando, & animos cogitationesque miscendo, utilis erit. Præterea secundum naturam est & amicos complecti, & amicorum actu, ut suo proprioque, latari. Nam si hoc non fecerimus, ne virtus quidem nobis permanebit, quæ in exercendo se, usu valet. Virtus autem suadet præsentia bene collocare, in futurum consulere, deliberare, & intendere animû: facilius intendet explicabitque qui aliquem sibi assumpserit. Quærit itaque aut perfectum virum, aut proficientem, vicinumque perfecto. Proderit autem ille perfectus, si consilium communi prudentia iuuerit. Aiunt homines plus in alieno negotio videre, quam in suo: hoc illis evenit, quos amor sui excæcat, quibusque dispectum utilitatis timor in periculis excutit. Incipiet sapere securior, & extra metum positus. Sed nihilominus quædam sunt, quæ etiam sapientes in alio, quam in se, diligentius vident. Præterea illud quod dulcissimum honestissimumque est, idem velle atque idem nolle, sapiens sapienti præstabit. Egregium opus pari iugo ducet. Persolui quod exegeras, quamquã in ordine rerum erat, quas moralis philosophiæ voluminibus complectimur. Cogita, quod soleo frequenter tibi dicere: In istis nos nihil aliud quam acumen exercere. Toties enim illò reuertor: Quid ista me res iu-

uat?fortiorem faciet, iustiore, tempera-  
torem? Nondum exerceri vacat: adhuc  
medico mihi opus est. Quid me doces  
scientiam inutilem? magna promisti: e-  
xigua video. Dicebas intrepidum fore,  
etiamsi circa me gladij micarent, etiamsi  
mucro tangeret iugulum: dicebas secu-  
rum fore, etiamsi circa me flagrant in-  
cendia, etiamsi subitus turbo toto nauem  
meam mari raperet. Hæc mihi præsta tu,  
ut voluptatem, ut gloriam contemnam:  
postea docebis implicita soluere, ambigua  
distinguere, obscura perspicere: nunc do-  
ce, quod necesse est.

EPIST. CX. Ex Nomentano meo te  
saluto, & iubeo te habere mentem bonam,  
hoc est, propitios deos omnes: quos habet  
placatos & fauentes, quisquis sibi se propi-  
tiauuit. Sepone in præsentia, quæ quibusdam  
placent: Vnicuique nostrum pædagogum  
dari Deum, non quidem ordinarium, sed  
hunc inferioris notæ, ex eorum numero  
quos Ouidius ait, *de plebe deos*. Ita tamen  
hoc seponas volo, ut memineris maiores  
nostros, qui crediderunt hoc, Stoicos fuisse:  
singulis enim & Genium & Iunonem de-  
derunt. Postea videbimus, an tantum diis  
vacet, ut priuatorum negotia procurent: in-  
terim illud scito, siue assignati sumus, siue  
neglecti, & fortunæ dati, nulli te posse im-  
precari quidquā grauius, quàm si impre-  
catus fueris, ut se habeat iratū. Sed non est,  
quate cuiquam, quem dignum poena pu-  
ta-

taueris, optes, vt infestos deos habeat: habet, inquam, etiam si videtur eorum cura & fauore produci. Adhibe diligētiam tuam, & intueri, quid sint res nostræ, non quid vocentur: & scies plura mala contingere nobis, quam accidere. Quoties enim felicitatis causā & initium fuit, quod calamitas vocabatur? Quoties magna gratulatione excepta res gradum sibi struxit in præceps, & aliquem iam eminentem alleuauit etiamnum, tamquam ibi adhuc staret, vnde tutò caderet? sed ipsum illud cadere nō habet in se mali quidquam, si exitum spectes, vltra quem natura neminem deiicit. Propè est rerum omnium terminus, propè est, inquam, & illud vnde felix eijcitur, & illud vnde infelix emittitur. Nos vtraque extendimus, & longa spe ac metu facimus. Sed si sapias, omnia humana conditione metire: simul & quod gaudes, & quod times contrahe. Est tanti, diu nihil gaudere, ne quid diu timeas. Sed quare istuc malum adstringo? nō est quòd quidquam timendum putes. Vana sunt ista quæ nos mouent, quæ attonitos habent. Nemo nostrum quid veri esset, excussit, sed metum alter alteri tradidit. Nemo ausus est ad id quo perturbatur accedere, & naturā ac bonum timoris sui nosse. Itaque res falsa & inanis habet adhuc fidem, quia non coarguitur. Tanti putemus oculos intendere: iam apparebit quàm breuia, quàm incerta, quàm tuta timeantur. Talis est

animorum nostrorum confusio, qualis  
Lucretio visa est:

*Nam veluti pueri trepidant, atque  
omnia cecis*

*In tenebris metuunt: ita nos in luce ti-  
memus.*

Quid ergo? Non omni puero stultiores su-  
mus, qui in luce timemus? Sed falsum est,  
Lucreti: non timemus in luce. omnia no-  
bis fecimus tenebras: nihil videmus, nec  
quid noceat, nec quid expediat. tota vita  
incursumus, nec ob hoc resistimus, aut  
circumspectius pedem ponimus. Vides au-  
tem quam sit furiosa res, in tenebris im-  
petus. At mehercule id agimus, ut longius  
reuocandi simus: & cum ignoremus quò  
feramur, velociter tamen illò quò intendi-  
mus, ire perseveramus: Sed lucescere, si  
velimus, potest. Vno autem modo potest,  
si quis hanc humanorum diuinorumq;  
notitiam acceperit: si illa se non perfude-  
rit, sed infecerit: si eadem quamuis sciat,  
retractauerit, & ad se sæpè retulerit: si  
quæsierit quæ sint bona, quæ sint mala, qui-  
bus hoc sit falsò nomē adscriptum: si quæ-  
sierit de honestis, de turpibus, de prou-  
dentia. Nec intra hæc humani ingenij  
sagacitas sistitur. prospicere & ultra mū-  
dum libet, quo feratur, vnde surrexerit, in  
quem exitum tanta rerum velocitas pro-  
peret. Ab hac diuina cōtemplatione abdu-  
ctum animum in sordida & humilia per-  
traximus, ut avaritiæ seruiret, ut relicto  
mundo

mundo terminisq̃ue eius, & dominis cun-  
 cta versantibus, terram rimaretur, & quæ-  
 reret quid ex illa mali effoderet, non con-  
 tentus oblati. Quidquid nobis bono futu-  
 rum erat, Deus & parens noster in proxi-  
 mo posuit. Non expectauit inquisitione-  
 nem nostram: vtrò dedit: nocitura altissi-  
 mè pressit: Nihil nisi de nobis queri pos-  
 sumus. ea quibus periremus, nolente rerū  
 natura & abscondente, protulimus. Addi-  
 ximus animū voluptati: cui indulgere, ini-  
 tium omnium malorum est. Tradidimus  
 ambitioni & famæ, ceteris æquè vanis &  
 inanibus. Quid ergo nunc te hortor vt fa-  
 cias? nihil noui: nec enim nouis malis re-  
 media quærentur: sed hoc primū, vt tecū  
 ipse dispicias, quid sit necessarium, quid  
 superuacuum. Necessaria tibi vbique oc-  
 current: superuacua & semper, & toto ani-  
 mo quærenda sunt. Non est autem quòd  
 te nimis laudes, si contempseris aureos le-  
 ctos, & gemmeam supellectilem: quæ est  
 enim virtus, superuacua contemnere? tunc  
 te admirare, cū contempseris necessaria.  
 Non magnam rem facis, quòd viuere sine  
 regio apparatu potes: quòd non desideras  
 milliarios apros, nec linguas phœnicopte-  
 rorum, & alia portenta luxuriæ iam tota  
 animalia fastidientis, & certa membra ex  
 singulis eligentis. Tunc te admirabor,  
 si non contempseris etiam sordidum pa-  
 nem: si tibi persuaferis, herbas, vbi neces-  
 se est, non pecori tantum, sed homini

nasci: si sci- cacumina arborum exple-  
 mentum est ventris, in quem sic pretiosa  
 congerimus tamquam recepta seruan-  
 tem. sine fal- dio implendus est. Quid e-  
 nim ad rem rtinet, quid accipiat, perdi-  
 turus quidquid acceperit? Delectant te di-  
 sposita, quæ t- tra marique capiuntur. alia  
 eò gratiora, s- decentia perferuntur ad mē-  
 sam: alia, si di- pasta & coacta pinguesce-  
 re, fluunt, ac v- x saginam continent suam.  
 Delectat te ni- lor horum, arte quæsitus.  
 At mehercule ista sollicitè scrutata, varie-  
 que condita, cum subierint ventrem, vna  
 atque eadem fæditas occupabit. Vis cibo-  
 rum voluptatem cōtemnere? exitum spe-  
 cta. Attalum memini cum magna admi-  
 ratione omnium hæc dicere: Diu mihi, in-  
 quit, imposuere diuitiæ. stupebam, vbi ali-  
 quid ex illis alio atque alio loco fulserat:  
 existimabam similia esse quæ laterent, his  
 quæ ostenderentur. Sed in quodam appa-  
 ratu vidi totas opes vrbis, cælatas ex auro &  
 argento, & his quæ pretium auri argenti-  
 que vicerunt, exquisitos colores, & vestes  
 vltra non tantum nostrum, sed vltra finem  
 hostium aduectas. Hinc puerorum perspi-  
 cuos cultu atque forma greges, hinc femi-  
 narum, & alia quæ res suas recognoscens  
 summi imperij fortuna protulerat. Quid  
 hoc est, inquā, aliud quàm irritare cupidi-  
 tates hominum per se incitatas? Quid sibi  
 vult ista pecuniæ pompa? ad discendā aua-  
 ritiam conuenimus. At mehercules minus  
 cupi-

eupiditatis istinc effero , quàm attuleram. Contempsisti diuitias, non quia superuacuas, sed quia pusillæ sunt: Vidistine, quàm intra paucas horas ille ordo, quamuis lentus dispositusque , transierit? hoc totam vitam nostram occupabit, quod totum diem occupare non potuit? Accessit illud quoque: tam superuacuas mihi visæ sunt habentibus , quàm fuerant spectantibus: Hoc itaque ipsi mihi dico , quoties tale aliquid præstrinxerit oculos meos, quoties occurrit domus splendida, cohors culta seruorum, lectica formosis imposita calonibus: Quid miratis? quid stupes? Pompa est. Ostenduntur istæ res, non possidentur: & dum placent, transeunt. Ad veras potius te conuertere diuitias: Disce paruo esse contentus: & illam vocem magnus atq; animosus exclama: *Habeamus aquam, habeamus polentam. Ioui ipsi de felicitate controuersiam faciamus.* Faciamus, oro te, etiam si ista defuerint. Turpe est, beatam vitam in auro & argento reponere: æquè turpe est in aqua & polenta. Quid ergo faciam, si ista non fuerint? Quæris, quod sit remedium inopiæ? famem fames finit. Alioqui quid interest, magna sint, an exigua, quæ seruire te cogunt? quid refert quantum sit, quod tibi possit negare fortuna? Hæc ipsa aqua & polenta in alienum arbitrium cadit: liber est autem, non in quem parum licet fortunæ, sed in quæ nihil. Ita est: nihil desideres oportet, si vis Iouē prouocare, nihil



536 L. ANNÆI SENECAE  
desiderantem. Hęc nobis Attalus dixit: natura omnibus edixit. Quæ si voles frequenter cogitare, id ages, vt sis felix, non vt videaris: & vt tibi videaris, non aliis.

EPIST. CXI. Quid vocentur Latine sophismata, quæstisti à me. Multi tentaerunt illis nomen imponere, nullum hæsit: videlicet quia res ipsa non recipiebatur à nobis, nec in vsu erat, nomini quoque repugnatum est. Aptissimum tamen videretur mihi, quo Cicero vsus est: Cauillationes vocat. quibus quisquis se tradidit, quæstiunculas quidem vastras nectit: ceterum ad vitam nihil proficit, neque fortior fit, neque temperantior, neque elatior. At ille qui philosophiam in remedium suum exercuit, ingens fit animo, plenus fiduciæ, inexuperabilis, & maior adeunti. Quod in magnis euenit montibus, quorum proceritas minùs apparet longè intuentibus; cum accesseris, tunc manifestum fit, quàm in arduo summa sint: talis est, mi. Lucili, verus & rebus, non artificiis, philosophus. In edito stat admirabilis, celsus, magnitudinis veræ. Non exsurgit in plantas, nec summis ambulat digitis, eorum more qui mendacio staturam adiuuant, longioresq; quàm sunt, videri volunt: contentus est magnitudine sua. Quid ni contentus sit eoque creuisse, quò manum fortuna non porrigit: ergo & supra humana est. Par sibi in omni statu rerum, siue secundo cursu vita procedit, siue fluctuatur per  
ad

aduersa ac difficilia. Hanc constantiam  
 cauillationes istæ, de quibus paullo antè  
 loquebar, præstare non possunt. Ludit istis  
 animus, non proficit: & philosophiam à  
 fastigio deducit in planum. Nec te prohi-  
 buerim aliquando ista agere, sed tunc cùm  
 uoles nihil agere. Hoc tamen habent in se-  
 pessimum, dulcedinem quandam sui fa-  
 ciunt, & animum specie subtilitatis indu-  
 ctum tenent, ac remorantur: cùm tanta re-  
 rum moles vacet, cùm vix tota vita suffi-  
 ciat, ut hoc vnum discas, vitam contemne-  
 re. Quid regere? inquis. secundum opus  
 est. Nam nemo illam benè rexit, nisi qui  
 contempserat.

EPIST. CXII. Cupio meherculè a-  
 micū tuum formari, ut desideras, & insti-  
 tui: sed valdè durus capitur, imò potius,  
 quod est molestius, valdè mollis capitur, &  
 cōsuetudine mala ac diutina fractus. Volo  
 tibi ex nostro artificio exemplum referre.  
 Nō quælibet insitionē vitis patitur. si vetus  
 & exesa est, si iufirma gracilisque: aut non  
 recipiet surculum, aut non alet, nec appli-  
 cabit sibi, nec in qualitatē eius naturamq;  
 transibit. Itaq; solemus supra terram præ-  
 cidere: ut, si non respōderit, tētari possit se-  
 cūda fortuna, & iterū repetita infra ter-  
 rā inferatur. Hic de quo scribis & mādās,  
 nō habet vires. indulgit vitiis: simul & e-  
 marcuit, & induruit. Non potest recipere  
 rationem, non potest nutrire. At cupit ipse.  
 Noli credere, non dico illum mentiri tibi:

Z s. . putat.

putat se cupere . Stomachum illi fecit luxuria : citò tan en cū illa redibit in gratiā . Sed dicit se offendi vita sua . Non negauerim . quis enim nō offenditur ? homines vitā suam & amant simul , & oderunt . Tunc itaq; de illo feremus sententiam , cū fidem nobis fecerit , inuisam iam sibi esse luxuriam . nunc illis malè conuenit .

EPIST. CXIII. Desideras tibi scribi à me , quid sentiam de hac quæstione iactata apud nostros : An iustitia , an fortitudo , prudentia , ceteræque virtutes , animalia sint . Hac subtilitate efficimus , Lucili carissime , vt exercere ingenium inter irrita videamur , & disputationibus nihil profuturis otium terere . Faciam quod desideras , & quid nostris videatur , exponam . Sed me in alia sententia profiteor esse . Puto quædam esse , quæ decent phæcasiatum palliatumque . Quæ sint ergo quæ antiquos mouerint , dicam . Animum constat animal esse : cū ipse efficiat , vt simus animalia , & cū ab illo animalia nomen hoc traxerint . Virtus autem nihil aliud est , quàm animus quodammodo se habens : ergo animal est . Deinde : virtus agit aliquid : agi autem nihil sine impetu potest : si impetum habet , qui nulli est , nisi animali ; animal est . Si animal est , inquit , virtus , habet ipsam virtutem . Quid nunc habet seipsam . Quomodo sapiens omnia per virtutem gerit , sic virtus per se . Ergo , inquit , & omnes artes animalia sunt , & omnia

nia quæ cogitamus, quæque mente cõ-  
 plectimur. Sequitur, vt multa animalium  
 millia habitent in his angustiis pectoris,  
 & singuli multa simus animalia, aut mul-  
 ta habeamus animalia. Quæris, quid ad-  
 uersus ista respondeatur? Vnaquæque res  
 ex istis animal erit, multa animalia non e-  
 runt. Quare? dicam, si mihi accommoda-  
 ueris subtilitatem & intentionem tuam:  
 Singula animalia singulas debent habere  
 substantias: ista omnia vnum animum ha-  
 bent. Itaque singula esse possunt, multa  
 esse non possunt. Ego & animal sum &  
 homo, non tamen duos esse dices. Quare?  
 quia separati esse debent. Ita dico, alter  
 ab altero debet esse diductus, vt duo sint.  
 Quidquid vnum multiplex est, sub vnam  
 cadit naturam: itaque vnum est. Et animus  
 meus animal est, & ego animal sum, duo  
 tamen non sumus. quare? quia animus  
 mei pars est. Tunc aliquid per se numera-  
 bitur, cùm per se stabit: vbi verò alterius  
 membrum erit, non poterit videri aliud.  
 Quare? dicam: quia quod aliud est, suum  
 oportet esse, & proprium, & totum, & intra  
 se absolutum. Ego in alia esse me senten-  
 tia professus sum. Non enim tantùm vir-  
 tutes animalia erunt, si hoc recipitur: sed  
 opposita quoque illis vitia & affectus, tam-  
 quam ira, timor, luctus, suspicio. Ultra res  
 ista procedet. omnes sententiæ, omnes co-  
 gitaciones animalia erunt: quod nullo mo-  
 do recipiendum est. Non enim quidquid

ab homine fit, homo est. Iustitia quid est? inquit. Animus quodammodo se habens: Itaque si animus animal est, & iustitia. Minimè. hæc enim habitus animi est, & quædam vis. Idem animus in varias figuras conuertitur, & non toties animal aliud est, quoties aliud facit: nec illud quod fit ab animo, animal est. Si iustitia animal est, si fortitudo, si ceteræ virtutes: utrùm desinunt animalia esse subinde, ac rursus incipiunt, an semper sunt? Desinere virtutes non possunt: ergo multa animalia, imò innumerabilia in hoc animo versantur. Non sunt, inquit, multa: quia ex vno reliquata sunt, & partes vnius ac membra sunt. Talem ergo faciem animi nobis proponimus, qualis est Hydræ, multa habentis capita, quorū vnumquodque per se pugnet, per se noceat. Atqui nullum ex illis capitibus animal est, sed animalis caput: ceterum ipsa vnum animal est. Nemo in Chimaera leonem esse animal dixit, aut draconē: hæc partes erant eius: partes non sunt animalia. Quid est, quo colligas iustitiam animal esse? Agit, inquit, aliquid, & prodest: quod autem agit aliquid, & prodest, impetū habet: quod autem impetum habet, animal est. Verum est, si suum impetū habet: suum autem non habet, sed animi. Omne animal, donec moriatur, id est quod cœpit: homo donec moriatur, homo est: equus item, & canis: transire enim in aliud non possunt. Iustitia, id est, animus quodammodo.

modo se habens, animal est. Credamus. Deinde animal est fortitudo, id est, animus quodammodo se habens. Quis animus? Ille qui modò iustitia erat, tenetur in priore animali, in aliud animal ei transire non licet. In eo illi in quo primùm esse cœpit, perseverandum est. Præterea vnus animus duorum animalium esse non potest, multominus plurium. Si iustitia, fortitudo, temperantia, ceteræque virtutes animalia sunt: quomodo vnum animum habebunt? Singulos habeant oportet, aut non sunt animalia. Non potest vnum corpus plurium animalium esse: hoc & ipsi fatentur. Iustitiæ quod est corpus? animus. Fortitudinis quod est corpus? idē animus. Atqui vnum corpus esse duorum animalium non potest. Sed idem animus, inquit, iustitiæ habitum induit, & fortitudinis, & temperantiæ. Hoc fieri posset, si quo tempore iustitia esset, fortitudo non esset: quo tempore fortitudo esset, temperantia non esset. Nunc verò omnes virtutes simul sunt. Ita quomodo erunt singula animalia, cū vnus animus sit, qui plus quàm vnum animal non potest facere? Denique nullum animal pars est alterius animalis: iustitia autem pars est animi: non est ergo animal. Videor mihi in re confessa perdere operam. Magis enim indignandum de isto, quàm disputandum est. Nullum animal alterius pars est. Circumspice omnium corpora: nulli.

nulli nō & color proprius est, & figura sua,  
 & magnitudo. Inter cetera, propter quæ  
 mirabile divini artificis ingenium est, hoc  
 quoque existimo, quod in tanta copia re-  
 rum numquam in idem incidit: etiam  
 quæ similia videntur, cū contuleris, di-  
 versa sunt. Tot fecit genera foliorum, nul-  
 lum non sua proprietate signatum. tot ani-  
 malia: nulli similitudo cum altero conve-  
 nit. Utique aliquid interest. Exegit à se,  
 ut quæ alia erant, & dissimilia essent, & im-  
 paria. Virtutes, ut dicitis, omnes pares  
 sunt: ergo nō sunt animalia. Nullum non  
 animal per se aliquid agit. Virtus autem  
 per se nihil agit, sed cum homine. Omnia  
 animalia aut rationalia sunt, ut homines,  
 ut dij: aut irrationalia, ut pecora. Virtu-  
 tes utique rationales sunt: atqui nec homi-  
 nes sunt, nec dij: ergo non sunt animalia.  
 Omne rationale animal nihil agit, nisi pri-  
 mū specie alicuius rei irritatum est, de-  
 inde impetum cepit, deinde assensio con-  
 firmavit hunc impetum. Quid sit assensio,  
 dicam. Oportet me ambulare. tunc de-  
 mum ambulo, cū hoc mihi dixi, & ap-  
 probavi hanc opinionem meam. oportet  
 me sedere: tunc demum sedeo. hæc assen-  
 sio in virtute non est. Puta enim pruden-  
 tiam animal esse: quomodo assentietur:  
 Oportet me ambulare? hoc natura non  
 recipit: prudentia enim ei cuius est prospici-  
 cit, non sibi. Nam nec ambulare potest,  
 nec sedere: ergo assensionem non habet:  
 quod

quod assensionem non habet , rationale animal non est . Virtus si animal est ; rationale est : rationale autem non est , ergo nec animal . Si virtus animal est : virtus autem bonum est : omne bonum animal est . Hoc nostri fatentur . Patrem seruare , bonum est : & sententiam prudenter in senatu dicere , bonum est : & iuste discernere , bonum est . Ergo & patrem seruare , animal est : & prudenter dicere , animal est . Eousque res excedet , vt risum tenere non possis . Prudenter tacere , & cænare benè , bonum est : ita & tacere & cænare , animal est . Ego mehercule titillare non desinam , & ludos mihi ex istis subtilibus ineptijs facere . Iustitia & fortitudo si animalia sunt , certè terrestria sunt . Omne animal terrestre alget , esurit , sitit : ergo iustitia alget , fortitudo esurit , clementia sitit . Quid porro non interrogabo illos , quam figuram habeant ista animalia , hominis , an equi , an feræ ? Si rotundam illis , qualem Deo , dederint formam : quæram , an & auaritia , & luxuria , & dementia æquè rotundæ sint ? sunt enim & ipsæ animalia . Si has quoque corrotundauerint : etiamnum interrogabo , an prudens ambulatio animal sit , nec ne ? confiteantur necesse est . Deinde dicant , ambulationem esse animal , & quidem rotundum . Ne putes autem me primum ex nostris , non ex præscripto loqui , sed meæ sententiæ esse :

inter



inter Cleanthē, & discipulum eius Chrysippum, non conuenit quid sit ambulatio. Cleanthes ait, spiritum esse à principali vsque in pedes permissum: Chrysippus, ipsum principale. Quid est ergo cur non ipsius Chrysippi exemplo sibi quisque se vindicet, & ista tot animalia, quot mundus ipse non potest capere, derideat? Non sunt, inquit, virtutes multa animalia, & tamen animalia sunt. Nam quemadmodum aliquis & poeta est & orator, & tamen vnus: sic virtutes istæ animalia sunt, sed multa non sunt. Idem est animus & iustus, & prudens, & fortis, ad singulas virtutes quodammodo se habens. Sublata est quæstio: conuenit nobis. Nam & ego interim fateor, animum animale esse: postea visurus, quam de ista re sententiam feram. Actiones eius animalia esse nego. Alioquin & omnia verba erunt animalia, & omnes versus. Nam si sermo prudens, bonum est: bonum autem omne animal est: sermo ergo animal est. Prudens versus, bonum est: bonum autem omne animal est: versus ergo animal est. Itaque,

*Arma virumque cano,*

animal est; quod non possunt rotundum dicere, cum sex pedes habeat. Textorium, inquis, totum mehercule istud est, quod cum maximè agitur. dissilio risu, cum mihi propono solæcismum animal esse, & barbarismum, & syllogismum; & ap-

tas

tas illis facies, tamquam pictor, assigno.  
Hæc disputamus, attractis supercilijs, fronte rugosa. Non possum hoc loco dicere illud Cæcilianum: *O tristes ineptias!* ridiculæ sunt. Quin itaque potius aliquid utile nobis ac salutare tractamus, & quærimus quomodo ad virtutes venire possimus, quæ nos ad illas via adducat. Docerne, non an fortitudo animal sit: sed nulum animal felix esse sine fortitudine, nisi contra fortuita conualuit, & omnes casus antequam exciperet, meditando prædomuit. Quid est fortitudo? munimentum humanæ imbecillitatis inexpugnabile: quod qui circumdedit sibi, securus in hac vitæ obsidione perdurat. Vtitur enim suis viribus, suis telis. Hoc loco tibi Posidonij nostri sententiã referre volo. *Non est quod umquã fortuna armis putes esse te tutum: tuis pugna contra ipsam. fortuita non armant.* Itaque contra hostes instructi, contra ipsam inermes sunt. Alexander quidẽ Persas, & Hyrcanos, & Indos, & quidquid gentium usque in Oceanum extendit Oriens, vastabat, fugabatque: sed ipse modò occiso amico, modò amisso, iacebat in tenebris, alias scelus, alias desiderium suum mærens, victor tot regum atque populorum, iræ tristitiæque succubuit. Id enim egerat, ut omnia potius haberet in potestate, quàm affectus. O quàm magnis homines erroribus tenentur, qui ius dominandi trans maria cupiunt mittere:

re: felicissimosque se iudicant, si multas per milites prouincias obtinent, & nouas veteribus adiungunt, ignari quod sit illud ingens paratūque regnum! Imperare sibi, maximū imperium est. Doceat me, quā sacra res sit iustitia, alienum bonum spectans, nihil ex se petens, nisi vsum sui. Nihil sit illi cum ambitione famaue: sibi placeat. Hoc ante omnia sibi quisque persuadeat, Me iustum esse gratis oportet, Parum est, adhuc illud persuadeat sibi, Me in hanc pulcherrimam virtutem vltro etiā impendere iunet: vt tota cogitatio à priuatis commodis quā longissimè auersa sit. Nō est quòd spectes, quod sit iustæ rei præmium maius, quā iustum esse. Illud adhuc tibi affige, quod paullò antè dicebam: nihil ad rem pertinet, quā multi æquitatē tuam nouerint. Qui virtutem suam publicari vult, non virtuti laborat, sed gloriæ. Non vis esse iustus sine gloria? at mehercules sæpe iustus esse debebis cum infamia. Et tunc, si sapias, mala opinio benè parata delectat.

— EPIST. CXIV. Quare quibusdam temporibus prouenerit corrupti generis oratio, quæris? & quomodo in quēdā vitia inclinatio ingeniorum facta sit; vt aliquādo inflata explicatio vigeret, aliquando infracta, & in morem cantici ducta. Quare alias sensus audaces, & fidem egressi placuerint, alias abruptæ sententiæ, & suspiciosa, in quibus plus intelligendum est, quā audien-

audiendum: quare aliqua ætas fuerit, quæ translationis iure vteretur inuerecundè. Hoc quod audire vulgò soles, quod apud Græcos in prouerbum celsit, talis hominibus fuit oratio, qualis vita. Quemadmodum autem vniuscuiusque actio dicenti similis est, sic genus dicendi aliquando imitatur publicos mores. Si disciplina ciuitatis laborauit, & se in delicias dedit, argumentum est luxuriæ publicæ, orationis lasciuiæ: si modò non in vno aut in altero fuit, sed approbata est, & recepta. Non potest alius esse ingenio, alius animo color. Si ille sanus est, si compositus, grauis, temperans, ingenium quoque siccum ac sobrium est: illo vitiato, hoc quoque afflatur. Nō vides, si animus languet, trahi membra, & pigrè moueri pedes? si ille effæminatus est, in ipso incelsu apparere mollitiem? si ille acer est & velox, cōcitari gradum? si furit, aut (quod furori simile est) irascitur, turbatum esse corporis motum, nec ire, sed ferri? Quanto hoc magis accidere ingenio putas, quod totum animo permixtum est? ab illo fingitur, illi paret, inde legem petit. Quomodo Mecenas vixerit, notius est, quam vt narrari nūc debeat: quomodo ambulauerit, quàm delicatus fuerit, quàm cupierit videri, quàm vitia sua latere noluerit. Quid ergo? non oratio eius æquè soluta est, quàm ipse discinctus? non tam insignita illius verba sunt, quàm cultus, quàm comita-

tus,

tus, quàm domus, quàm vxor? Magni ingenij vir fuerat, si illud egisset via rectiore, si non vitasset intelligi, si non etiam in oratione diffunderet. Videbis itaque eloquentiam ebrij hominis inuolutam, & errantem, & licentiæ plenam. Mæcenas in cultu suo. *Quid turpius amne, siluisque ripa comantibus? Vide ut alueum lintribus arent, versoque vado remittant hortos. Quid si quis famina cirro crispata, & labris columbatur? Incipitque suspirans, ut ceruice laxa feratur. nemo tyranni, irremediabilis factio rimantur, epulis, laganaque tentant domos, & saepe mortem exigunt. Genium festo vix suo testem, tenuis cerei fila, & crepacem molam. focum mater aut vxor inuestiunt.* Non statim hæc cum legeris, hoc tibi occurreret, hunc esse qui solutis tunicis in vrbe semper incesse- rit? Nam etiam cum absentis partibus Cæsaris fungeretur, signum à discincto petebatur. Hunc esse qui in tribunali, in rostris, in omni publico cœtu sic apparuerit, ut pallio velaretur caput, exclusis utrimque auribus, non aliter quàm in Mimo diuites fugitiui solent? Hunc esse cui, cum maximè ciuilibus bellis strepentibus, & sollicita vrbe & armata, comitatus hic fuerit in publico: spadones duo, magis tamen viri quàm ipse? Hunc esse, qui vxorem millies duxit, cum vnâ habuerit? Hæc verba tam improbè structa, tam negligenter abiecta, tam contra con-

sue-

fuetudinem omnium posita, ostendunt  
 mores quoque non minùs nouos & pia-  
 uos, & singulares fuisse. Maxima laus il-  
 li tribuitur mansuetudinis: pepercit gla-  
 dio, sanguine abstinuit: nec vlla alia re,  
 quid posset, quàm licentia ostendit. Hanc  
 ipsam laudem suam corrumpit, istis oratio-  
 nis portentosissimæ deliciis. Apparet enim  
 mollem fuisse, non mitem. Hoc istæ am-  
 bages compositionis, hoc verba transuer-  
 sa, hoc sensus magni quidem sæpe, sed  
 eneruati dum exeunt, cuius manifestum  
 facient, motum illi felicitate nimia ca-  
 put: quod vitium hominis esse interdum,  
 interdum temporis solet. Vbi luxuriam  
 latè felicitas fudit, cultus primùm corpo-  
 rum esse diligentior incipit; deinde supel-  
 lectili laboratur; deinde in ipsas domos  
 impenditur cura; vt in laxitatem ruris ex-  
 currant; vt parietes aduectis trans maria  
 marmoribus fulgeant; vt tecta varientur  
 auro, vt lacunaribus pauimentorum re-  
 spondeat nitor; deinde ad cænas lautitia  
 transfertur, & illic commendatio ex no-  
 uitate, & soliti ordinis commutatione ca-  
 ptatur. vt ea quæ claudere cænam solent,  
 prima ponantur; vt quæ aduenientibus da-  
 bantur, exeuntibus dentur. Cùm afflueuit  
 animus fastidire quæ ex more sunt, & illi  
 pro sordidis solita sunt; etiam in oratio-  
 ne quod nouum est, quærit: & modò an-  
 tiqua verba atque exoleta reuocat & pro-  
 fert: modò fingit & ignota deflectit:  
 modò

modò id quod nuper increbuit, pro cultu habetur, audax translatio, ac frequens. Sunt qui sensus præcidant, & hinc gratiam sperent, si sententia pependerit, & audienti suspicionem sui fecerit: sunt qui illos detineant, & porrigant: sunt qui non usque ad vitium accedât ( necesse est enim hoc facere, aliquid grande tentanti ) sed qui ipsum vitium ament. Itaque ubicumq; videris orationem corruptam placere, ibi mores quoque à recto descivisse, non erit dubiū. Quomodo conviviū luxuria, quomodo vestium, ægræ ciuitatis indicia sunt: sic orationis licentia ( si modò frequens est ) ostendit animos quoque, à quibus verba exeunt, procidisse. Mirari quidem non debes corrupta excipi, non tantum à corona sordidiore, sed ab hac turba quoque cultiore. Togis enim inter se isti, non iudicijs distant. Hoc magis mirari potes, quòd non tantum vitiosa, sed & vitia laudantur. Nam illud semper factum est: nullum sine venia placuit ingenium. Da mihi quemcumque vis magni nominis virū. dicā, quid illi ætas sua ignouerit, quid in illo sciens dissimulauerit. Multos dabo, quibus vitia non nocuerint: quosdam, quibus profuerint. Dabo, inquā, maximæ famæ, & inter miranda propositos: quos si quis corrigit, delet. Sic enim vitia virtutibus immixta sunt, vt illas secū tractura sint. Adice nunc, quòd oratio certam regulā non habet. Consuetudo illam

ciui-

ciuitatis, quæ numquam in eodem diu stetit, versat. Multi ex alieno sæculo petunt verba: duodecim tabulas loquuntur: Græchus illis, & Crassus, & Curio, nimis culti, & recentes sunt: ad Appium vsque, & ad Coruncanum redeunt. Quidam contrà, dum nihil nisi tritum & vñtatum volunt, in sordes incidunt. Vtrumque diuerso genere corruptum est, tam mehercules, quàm si vellent splendidis vti, ac sonantibus, & poeticis; necessaria, & in vsu posita vitare: tam hunc dicam peccare, quàm illum. Alter se iusto plus colit, alter se iusto plus negligit: ille & crura, hic nec alas quidem vellit. Ad compositionem transeamus. quot genera tibi dabo in hac, quibus peccetur? Quidam præfractam & asperam probant; disturbant de industria. si quid placidius effluxit; nolunt sine salebra esse iuncturam; virilem putant & fortem, quæ aurem inæqualitate percutiat. Quorundam non est compositio: modulatio est: adeò blanditur, & molliter labitur. Quid de illa loquar, in qua verba differuntur, & diu expectata vix ad clausulas redduntur? Quid de illa in exitu lenta, qualis Ciceronis est, deuexa, & molliter desinens, nec aliter quàm solet, ad morem suum pedemque respondens? Non tantùm in genere sententiarum vitium est, si aut pusillæ sunt & pueriles, aut improbæ, & plus ausæ quàm pudore saluo licet: sed



si floridæ sunt, & nimis dulces, si in vanum exeunt, & sine effectû, nihil ampliùs quàm sonant. Hæc vitia vnus aliquis inducit, sub quo tunc eloquentia est: ceteri imitantur, & alter alteri tradunt. Sic Sallustio vigente, amputatæ sententiæ, & verba ante exspectatum cadentia, & obscura breuitas, fuere pro cultu. Arruntius vir raræ frugalitatis, qui historias belli Punico scripsit, fuit Sallustianus, & in illud genus nitens. Est apud Sallustium: *Exercitum argento fecit*: id est, pecunia parauit. Hoc Arruntius amare cœpit: posuit illud omnibus paginis. Dicit quodam loco: *Fugam nostris fecere*. Alio loco *Hierorex Syracusanorum, bellum facit*. Et alio loco: *Quæ audita Panormitanos dedere Romanis fecere*. Gustum tibi dare volui. Totus his contextitur liber. Quæ apud Sallustium rara fuerunt, apud hunc crebra sunt, & pœnè continua, nec sine causa. ille enim in hæc incidebat: at hic illa quærebat. Vides autem quid sequatur, vbi alicui vitium pro exemplo est. Dixit Sallustius: *Aquis hyemantibus*. Arruntius in primo libro belli Punico ait; *Repentè hyemauit tempestas*. Et alio loco, cùm dicere vellet frigidum annum fuisse, ait: *Totus hyemauit annus*. Et alio loco: *Inde sexaginta onerarias, leues præter militem & necessarios nautarum, hyemante Aquilone misit*. Non desinit omnibus locis hoc verbum infulcire. Quodam loco Sallu.

Sallustius dicit: *Inter arma ciuilia aquiboni famas petit*. Arruntius non temperauit, quominus primo statim libro poneret: *Ingentes esse famas de Regulo*. Hæc ergo & huiusmodi vitia, quæ alicui impressit imitatio, non sunt indicia luxuriæ, nec animi corrupti. Propria enim esse debent, & ex ipso nata, ex quibus tu æstimes alicuius affectus. Iracundi hominis iracunda oratio est: commoti nimis incitata, delicati tenera & fluxa. Quod vides istos sequi, qui aut vellunt barbam, aut interuellunt: qui labra pressius tondent & abradunt, seruata & submissa cetera parte: qui lacernas coloris improbi sumunt, qui perlucentem togam, qui nolunt facere quidquam, quod hominum oculis transire liceat. Irritant illos, & in se aduertunt: volunt vel reprehendi, dum conspiciantur. Talis est oratio Mecænatis, omniumque aliorum, qui non casu errant, sed scientes volentesque. Hoc à magno animi malo oritur. Quomodo in vino non antè lingua titubat, quàm mens cessit oneri, & inclinata vel perdita est: ita ista oratio (quid aliud quàm ebrietas?) nulli molesta est, nisi animus labat. Ideò ille curretur: ab illo sensus, ab illo verba exeunt, ab illo nobis est habitus, vultus, incessus. Illo sano ac valente, oratio quoque robusta, fortis, virilis est: si ille procubuit, & cetera sequuntur ruinam.

— *Rege incolumi, mens omnibus una est;*

*Amisso rupere fidem.*

Rex noster est animus. hoc incolumi, cetera manent in officio, parent & obtemperant: cum ille paulum vacillauit, simul nutant. Cum verò cessit voluptati, artes quoque eius actusque marcent, & omnis ex languido fluxoque conatus est. Quoniam hac similitudine usus sum, perseuerabo. Animus noster modò rex est, modò tyrannus. rex, cum honesta intuetur, salutem sibi commissi corporis curat, & nihil imperat turpe, nihil sordidum: vbi verò impotens, cupidus, delicatus est, transit in nomē detestabile ac dirum, & fit tyrannus. Tunc illum excipiunt affectus impotentes, instantque: qui initio quidem gaudet, ut solet populus largitione nocitura frustra plenus, & quæ non potest haurire, contrectat. Cum verò magis ac magis vires morbus exedit, & in medullas nervosque descendere deliciae: conspectu eorum, quibus se nimia auiditate inutilem reddidit, lætus, pro suis voluptatibus habet spectaculum, alienarum subministrator libidinum, testisque, quarum sibi usum ingerendo abstulit. nec illi tam gratum est abundare iucundis, quàm acerbum, quòd non omnem illū apparatus per gulam ventremque transmittit, non cum omni exoletorum fœminatūque turba cōuolutatur: mæretque, quòd magna pars suæ felicitatis exclusa corporis

ris angustiis, cessat. Numquid enim, mi Lucili, hic furor est, quod nemo nostrum mortalem se cogitat? quod nemo imbecillum? imò quod nemo nostrum vnum esse se cogitat? Adspice culinas nostras, & concursantes inter tot ignes coquos nostros: vnum videri putas ventrem, cui tanto tumultu comparatur cibus? Adspice veteraria nostra, & plena multorum sæculorum vindemiis horrea: vnum putas videri ventrem, cui tot consulum regionumque vina conduntur? Adspice quot locis vertatur terra, quot millia colonorum arent, fodiāt: vnum putas videri ventrem, cui & in Sicilia, & in Africa feritur? Sani erimus, & modica concupiscemus, si vnusquisque se numeret: metiatur simul corpus, sciatque nec multum capere, nec diu posse. Nihil tamen æquè tibi profuerit ad temperantiam omnium rerum, quàm frequens cogitatio brevis æui, & huius incerti. Quidquid facies, respice ad mortem.

EPIST. CXV. Nimis anxium esse te circa verba & compositionem, mi Lucili, nolo: habeo maiora quæ cures. Quære quid scribas, non quemadmodum: & hoc ipsum, non vt scribas, sed vt sentias: vt illa quæ senseris, magis applies tibi, & veluti signes. Cuiuscumque orationem videris sollicitam & politam, scito animum quoque non minùs esse pusillis occupatum: Magnus ille remissiùs loquitur, & securiùs: quæcumque dicit, plus habent fidu-

ciræ, quàm curæ. Nosti complures iuvenes, barba & coma nitidos, de tarpula totos: nihil ab illis speraueris forte, nihil solidum. Oratio vultus animi est: si circumtonsa est, & fucata, & manufacta, ostendit illum quoque non esse sincerum, & habere aliquid fracti. Non est ornamentum virile, concinnitas. Si nobis animum boni viri liceret inspicere, o quàm pulchram faciem, quàm sanctam, quàm ex magnifico placidoq; fulgentem videremus! hinc iustitia, illinc fortitudine, hinc temperantia, prudentiaque lucentibus. Præter has frugalitas, & continentia, & tolerantia, & libertas, comitasque, & (quis credat?) in homine rarum humanitas bonum, splendorem illi suum affunderent. Tum providentia, tum elegantia, & ex istis magnanimitas eminentissima, quantum, dii boni, decoris illi, quantum ponderis, gravitatisque adderent! quanta esset cum gratia auctoritas! Nemo illum amabilem, qui nō simul venerabilem diceret. Si quis viderit hanc faciem altiore fulgentioreque, quàm cerni inter humana consuevit, nonne velut numinis occursum obstupescit resistat, & ut fas sit vidisse, tacitus preceat? Tum aduocante ipsum vultus benignitate productus, adoret ac supplicet: & diu contēplatus multū exstantem, supraque mensuram solitorum inter nos adspici, elatam, oculis miti quidē, sed nihilominus viuido igni flagrantibus, tūc demum

demum illam Virgilij nostri vocem verens atque attonitus emittat:

*Quam te memorem virgo? namque  
haud tibi vultus*

*Mortalis, nec vox hominem sonat.*

*Sis felix, nostrumque leues quacumque  
laborem.*

Aderit, leuabitque, si colere eam voluerimus. Colitur autem non taurorum optimis corporibus contrucidatis, nec auro argentoque; suspenso, nec in thesauros stipe infusa, sed pia & recta voluntate. Nemo, inquam, non amore eius arderet, si nobis illam videre contingeret. Nunc enim multa obstrigillant, & aciem nostram aut splendore nimio reperiunt, aut obscuro retinent. Sed quemadmodum visus oculorum quibusdam medicamentis acui solet, & repurgari: sic & nos, si aciem animi liberare impedimentis voluerimus, poterimus perspicere virtutem, etiam obrutam corpore, etiam paupertate opposita, & humilitate & infamia obiacentibus. Cernemus, inquā, pulchritudinem illam, quāvis sordido oblectā. Rursus æquē malitiam, & ærumnosi animi veterum perspicimus: quāvis multus circā diuitiarum radiantium splendor impediāt, & intuentem, hinc honorum, illinc magnarū potestatum falsa lux verberet. Tunc intelligere nobis licebit, quā contemnenda miremur, similimi pueris, quibus omne ludicrum in pretio est. Parentibus quippe,

nec minùs fratribus , præferunt paruo ære  
 empta monilia. Quid ergo inter nos & il-  
 los interest, vt Aristo ait, nisi quòd nos cir-  
 ca tabulas & statuas insanimus , cariùs in-  
 epti? Illos reperti in littore calculi leues, &  
 aliquid habentes varietatis, delectant; nos  
 ingentium maculæ columnarum : siue ex  
 Ægyptiis arenis , siue ex Africæ solitudi-  
 nibus aduectæ , porticum aliquam vel ca-  
 pacem populi cænationem ferunt . Mira-  
 mur parietes tenui marmore inductos :  
 cùm sciamus quale sit, quod absconditur.  
 oculis nostris imponimus. Et cùm auro te-  
 cta perfundimus , quid aliud quam men-  
 dacio gaudemus? scimus enim sub illo au-  
 ro fœda ligna latitare . Nec tantùm parie-  
 tibus aut lacunaribus ornamentum tenue  
 prætenditur : omnium istorum quos ince-  
 dere altos vides, bracteata felicitas est. In-  
 spice , & disces sub ista tenui membrana  
 dignitatis , quantum mali lateat. Hæc ip-  
 sa res tot magistratus , tot iudices detinet,  
 quæ magistratus & iudices facit, pecunia;  
 quæ ex quo in honore esse cœpit, verus re-  
 rum honor cecidit : mercatoresque & ve-  
 nales inuicem facti, quærimus, non quale  
 sit quid , sed quanti. Ad mercedem pij su-  
 mus, ad mercedem impij. Honestæ, quam-  
 diu aliqua illis spes inest, sequimur, in con-  
 trarium transaturi , si plus scelera promit-  
 tant . Admirationem nobis parentes auri  
 argenti que fecerunt : & teneris infusa cu-  
 piditas altiùs sedit , creuitque nobiscum.

Deinde totus populus in alia discors, in hoc conuenit: hoc suspiciunt, hoc suis optant, hoc Diis velut rerum humanarum maximum, cum grati videri volunt, consecrant. Denique eò mores redacti sunt, ut paupertas maledicto probroque sit, contempta diuitibus, inuisa pauperibus. Accedunt deinde carmina poetarum, quæ affectibus nostris facem subdant, quibus diuitiæ velut vnicum vitæ decus ornamentumque laudantur. Nihil illis melius nec dare videntur Dij immortales posse, nec habere.

*Regia solis erat sublimibus alta colum-  
nis,*

*Clara micante auro.*

Eiusdem currum adspice.

*Aureus axis erat, temo aureus, aurea  
summa.*

*Curuatura rota, radiorum argenteus  
ordo.*

Denique quod optimum videri volunt sæculum, aureum appellant. Nec apud tragicos defunt, qui lucro innocentiam, salutem, opinionem bonam mutant.

*Sine me vocari pessimū, ut diues vocer.*

*An diues omnes quarimus: nemo, an  
bonus.*

*Non quare: & unde quid habeas tan-  
tū rogant.*

*Ubique tanti quisque quantum habuit  
fuit.*



*Quid habere nobis turpe sit, quaris? nīhil.*

*Aut diues opto viuere, aut pauper mori.  
Benè moritur, qui, dum moritur, lucrum facit.*

*Pecunia ingens generis humani bonum,  
Cui non voluptas matris, aut blanda potest.*

*Par esse prolis, non sacer meritis parens.  
Tā dulce si quid Veneris ī vultu micat,  
Merito illa amores calitum atque hominum mouet.*

Cū hi nouissimi versus in tragœdia Euripidis pronunciati essent, totus populus ad eijciendum & actorem & carmen confurrexit vno impetu: donec Euripides in medium ipse profiluit, petens, vt expectarent, viderentque quem admirator auri exitum faceret. Dabat in illa fabula pœnas Bellerophontes, quas in sua quisque dat. Nulla enim auaritia sine pœna est, quamuis satis sit ipsa pœnarum. O quantum lacrymarum, ò quantum laborum exigit! quàm misera desideratis, quàm misera partis est! Adice quotidianas sollicitudines, quæ pro modo habendi quemque discruciant. Maiore tormento pecunia possidetur, quàm quæritur. Quantum damnis ingemiscunt, quæ & magna incidunt, & maiora videntur! denique vt nihil illis fortuna detrahat, quidquid non acquiritur, damnum est. At felicem illum homines, & diuitem vocant, & consequi optant.

optant, quātum ille possidet. Fateor. Quid ergo? tu illos esse conditionis peioris existimas, quā qui habent & miseriam, & inuidiam? Vtinam qui diuitias appetituri essent, cum diuitibus deliberarent! vtinam honores petitori, cum ambiriosis, & summum adeptis dignitatis statum! profectò vota mutassent: cū interim illi noua suscipiunt, qui priora damnauerant. Nemo enim est cui felicitas sua, etiamsi cursu venit, satisfaciāt. Queruntur & de consiliis, & de processibus suis: malunt quæ semper, quæ reliquerunt. Itaque hoc tibi philosophia præstabit, quo equidem nihil maius existimo: numquam te pœnitebit tui. Ad hanc tam solidam felicitatem, quam tempestas nullā concutiat, non perducunt te aptè verba contexta, & oratio fluens leniter. Eant ut volent, dum animo compositio sua constet, dum sit magnus, & opinionum securus, & ob ipsa quæ aliis displicent, sibi placens: qui profectum suum vita æstimet, & tantum scire se iudicet, quantum non cupit, quantum non timet.

EPIST. CXVI. Vtrum satius sit, modicos habere affectus, an nullos, sepe questum est. Nostri illos expellunt: Peripatetici temperant. Ego non video, quomodo salubris esse aut utilis possit vlla mediocritas morbi. Noli timere. nihil eorum, quæ tibi non vis negari, eripio: facilem me, in-

dulgentemque præbebo rebus, ad quas tendis, & quas aut vitæ necessarias, aut utiles, aut iucundas putes: detraham vitium. Nam cum tibi cupere interdixero, velle permittam: ut eadem illa intrepidus facias, ut certiore consilio, ut voluptates illas magis sentias. Quid nunc ad te magis peruenturæ sunt, si illis imperabis, quam si seruiēs. Sed naturale est, inquis, ut desiderio amici torquear: da tempus lacrymis tam iuste cadentibus. Naturale est opinionibus hominum tangi, & aduersis contristari: quare non permittas mihi hunc tam honestum malæ opinionis metum? Nullum vitium est sine patrocínio: nulli non initium est verendum & exorabile, sed ob hoc latius funditur. Non obtinebis ut desinat, si incipere permiseris. Imbecillis est primò omnis affectus, deinde ipse se concitat, & vires, dum procedit, parat: excluditur facilius, quam expellitur. Quis negat omnes affectus à quodam quasi naturali fluere principio? curam nobis nostri natura mandauit: sed huic ubi nimium indulseris, vitium est. Voluptatem naturæ necessariis rebus admiscuit, non ut illam peteremus, sed ut ea sine quibus non possumus vivere, gratiora nobis illius faceret accessio: si suo veniat iure, luxuria est. Ergo intrantibus resistamus: quia facilius, ut dixi, non recipiuntur quam exeunt. Aliquatenus, inquis, dolere, aliquatenus timere permitte. sed illud aliquatenus longe

gè producitur, nec ubi vis, accipit finem. Sapiienti non sollicitè custodire se tutum est: & lacrymas suas & voluptates, ubi volet, sistet. Nobis quia non est regredi facile, optimum est omnino non progredi. Eleganter mihi videtur Panætius respondisse adolescentulo cuidam quærenti, *An sapiens amaturus esset?* De sapiente, inquit, *videbimus: mihi & tibi, qui adhuc à sapiente longè absumus, non est committendum, ut incidamus in rem commotam, impotentem, alteri emancipatam, vilem sibi.* Siue enim nos respexit, humanitate eius irritamur: siue contempsit, superbia accendimur. Æquè facilitas amoris, quàm difficultas nocet: facilitate capimur, cum difficultate certamus. Itaq; conscij nobis imbecillitatis nostræ, quiescamus. Nec viro infirmum animum committamus, nec formæ, nec adulationi, nec ullis rebus blandè trahentibus. Quod Panætius de amore quærenti respondit, hoc ego de omnibus dico. Quantum possumus nos, à lubrico recedamus: in sicco quoque parùm fortiter stamus. Occurres hoc loco mihi illa publica contra Stoicos voce: Nimis magna promittitis, nimis dura præcipitis. nos homunciones sumus, omnia nobis negare non possumus. Dolebimus, sed parùm: concupiscemus, sed temperatè: irascemur, sed placabimur. Scis quare non possumus ista? quia nos posse non credimus. Imò mehercules, aliud est in

re. Vitia nostra, quia amamus, defendimus, & malumus excusare illa, quàm ex-  
eunt. Satis natura homini dedit roboris,  
si illo utamur, si vires nostras colligamus,  
ac totas pro nobis, certè non contra nos  
concitemus. Nolle in causa est: non pos-  
se prætenditur.

EPIST. CXVII. Multum mihi ti-  
biq̃ue negotium concinnabis, & dum ne-  
scis, in magnam me litem ac molestiam  
impinges, qui mihi tales quæstiunculas  
ponis, in quibus ego nec dissentire à no-  
stris salua gratia, nec consentire salua cō-  
sciētia possum. Quæris, an verum sit, quod  
Stoicis placet, Sapientiam bonum esse, sa-  
pere bonum non esse? Primum exponam,  
quid Stoicis videatur: tum dicere senten-  
tiam audebo. Placet nostris, quod bonum  
est, esse corpus: quia quod bonum est, fa-  
cit; quidquid facit, corpus est. Quod bonū  
est, prodest: faciat autem aliquid oportet,  
ut proficit: si facit, corpus est. Sapientiam  
bonum esse dicunt: sequitur, ut necesse sit  
illam corporalem quoque dicere. At sa-  
pere non putant eiusdem conditionis esse.  
Incorporale est & accidens alteri, id est,  
sapientiæ: itaque nec facit quidquam, nec  
prodest. Quid ergo? inquiunt, non dici-  
mus, Bonum est sapere? dicimus, referen-  
tes ad id ex quo pendet, id est, ad ipsam sa-  
pientiam. Aduersus hos quid ab aliis re-  
spōdeatur, audi, antequā ego incipio sece-  
dere, & in alia parte considerare. Isto modo,  
in-

Inquiunt, nec beatè viuere bonum est. Velint nolint, respondendum est, beatam vitam bonum esse, & beatè viuere bonum non esse. Etiamnum quoque nostris illud opponitur. Vultis sapere? ergo expetenda res est sapere: si expetenda res est, bonum est. Coguntur nostri verba torquere, & vnā syllabam expetendo interponere, quam sermo noster inseri non sinit. Ego illam, si pateris, adiungam. Expetendum est, inquiunt, quod bonum est: ad expetendum, quod bono contingit: quod, cū bonū consecuti sumus, non petitur tamquam bonum, sed petito bono accedit. Ego non idem sentio, & nostros iudico in hoc descendere: quia iam primo vinculo tenētur, & mutare illis formulam non licet. Multum dare solemus præsumptioni omnium hominum. Apud nos veritatis argumentum est, aliquid omnibus videri: tamquā deos esse, inter alia sic colligimus, quod omnibus de diis opinio insita est: nec vlla gens vsquam est adeò extra leges moresque proiecta, vt nō aliquos deos credat. Cū de animarum æternitate disserimus, non leue momentum apud nos habet cōsensus hominum, aut timentium inferos, aut colentium. Vtor hac publica persuasione: neminem inuenies, qui non putet & sapientiam bonum, & sapere. Non faciam quod victi solent, vt prouocem ad populum: nostris incipiemus armis configere. Quod accidit alicui, vtrum  
extra.

extra id cui accidit est, an in eo cui acci-  
dit? Si in eo est cui accidit, tam corpus est,  
quàm illud cui accidit. Nihil enim accide-  
re sine tactu potest: quod tangit, corpus  
est. Si extra est, postquam acciderat, re-  
cessit: quod recessit, motum habet: quod  
motum habet, corpus est. Speres me di-  
citurum, non esse aliud cursum, aliud cur-  
rere: nec aliud calorem, aliud calere: nec  
aliud lucem, aliud lucere. Concedo ista  
alia esse, sed non fortis alterius. Si valetur-  
do indifferens est, & valere indifferens est.  
Si forma indifferens est, & formosum es-  
se indifferens est. Si iustitia bonum est, &  
iustum esse bonum est. Si turpitudine malum  
est, & turpem esse malum est: tam meher-  
cules quàm si lippitudine malum est, & lip-  
pire malum est. Hoc ut scias, neutrum es-  
se sine altero potest. Quod sapit, sapiens  
est; quod sapiens est, sapit. Adeo non po-  
test dubitari, an quale illud sit, tale hoc sit,  
ut quibusdam utrumque; vnum videatur at-  
que idem. Sed illud libenter quaesierim:  
Cum omnia aut bona sint, aut mala, aut  
indifferentia, sapere in quo numero sit?  
Bonum negant esse. malum utique non est:  
sequitur, ut medium sit. Id autem medium  
atque indifferens vocamus, quod tam malo  
contingere quàm bono potest: tamquam  
pecunia, forma, nobilitas. Hoc, ut sapiat,  
contingere nisi bono non potest: ergo in-  
differens non est. Atqui ne malum quidem  
est, quod contingere malo non potest: ergo  
bonum

bonum est. Quod nisi bonus non habet,  
 bonum est: sapere non nisi bonus habet:  
 ergo bonum est. Accidens est, inquit, sa-  
 pientia. Hoc ergo quod vocas sapere,  
 utrum facit sapientiam, an patitur? siue fa-  
 cit illud, siue patitur, utroque modo corpus  
 est. nã & quod fit, & quod facit, corpus est.  
 Si corpus est, bonum est: vnum enim de-  
 erat illi, quò minus bonum esset, quòd in-  
 corporale erat. Peripateticis placet: nihil  
 interesse inter sapientiam & sapere, cum  
 in utrolibet eorũ & alterum sit. Numquid  
 enim quemquã existimas sapere, nisi qui  
 sapientiam habet? Numquid quemquam  
 qui sapiat, non putas habere sapientiam?  
 Dialectici veteres ista distinguunt: ab illis  
 diuisio vsque ad Stoicos venit. Qualis sit  
 hæc, dicam. Aliud est ager, aliud agrum  
 habere. Quid ni? cum habere agrum ad  
 habentem, non ad agrum pertineat. Sic  
 aliud est sapientia, aliud sapere. Puto con-  
 cedes duo esse hæc, id quod habetur, & eũ  
 qui habet: habetur sapientia: habet, qui  
 sapit. Sapientia est mens perfecta, vel ad  
 summum optimumq; perducta: ars enim  
 vitæ est. Sapere quid est? non possum di-  
 cere mens perfecta, sed id quod contingit  
 perfectam mētem habēti. Ita alterum est,  
 mens bona: alterum, quasi habere mētem  
 bonā. Sunt, inquit, naturæ corporum: tam-  
 quam, hic homo est, hic equus: has deinde  
 sequuntur motus animorum enunciativi  
 corporum. Hi habent proprium quiddam,

&amp;



& à corporibus seductum: tamquam, video, Catonem ambulante: hoc sensus ostendit, animus credit. Corpus est quod video, cui & oculos, & animum intendi. Dico deinde, Cato ambulat: non corpus quidem est quod nunc loquor, sed enuntiatiuum quiddam de corpore: quod alij effatum vocant, alij enunciatum, alij edictum. Sic cum dicimus sapientiã, incorporale quiddam intelligimus: cum dicimus, Sapit, de corpore loquimur. Plurimum autem interest, utrum illud dicas, an de illo. Putemus in præsentia ista, duo esse: nondum enim quid mihi videatur, pronuncio: quid prohibet, quò minus aliud quidem sit, sed nihilominus bonum? Dicebas paullò antè aliud esse agrum, aliud habere agrum. Quid ni? in alia enim natura est qui habet, in alia quod habetur. illa terra est, hic homo est. At in hoc de quo agitur, eiusdè naturæ sunt, utraque, & qui habet sapientiam, & ipsa quæ habetur. Præterea illic aliud est quod habetur, alius qui habet: hic in eodem est, & quod habetur, & qui habet. Ager in re possidetur: sapientia natura. ille ab alienari potest, & alteri tradi: hæc non discedit à domino. Non est itaque quòd compares inter se dissimilia. Cœperam dicere, posse ista duo esse, & tamen utraque bona. Sapientia, & sapiens duo sunt: & utrumque bonum esse concedis. Quomodo nihil obstat, quò minus & sapientia bonū sit, & habens sapientiam: sic

sic nihil obstat, quò minus & sapientia bonum sit, & habere sapientiam, id est, sapere. Ego in hoc volo sapiens esse, ut sapiam. Quid ergo? non est id bonum, sine quo nec illud bonum est? Vos certè dicitis, sapientiam, si sine usu detur, accipiendam non esse. Quis est usus sapientiæ? Sapere: hoc est in illa pretiosissimū: quo detracto superuacua fit. Si tormenta mala sunt, torqueri malum est: adeò quidem, ut illa non sint mala, si quod sequitur, detraxeris. Sapientia habitus perfectæ mentis est: sapere, usus perfectæ mentis. Quomodo potest usus eius bonum nō esse, quæ sine usu bonum non est? Interrogo te, an sapientia sit expetenda. fateris. Interrogo, an usus sapientiæ sit expetendus. fateris. negas enim te illam recepturū, si uti ea prohibearis. quod expetendum est, bonum est. Sapere, sapientiæ usus est: quomodo eloquentiæ, loqui: quomodo oculorum, videre: ergo sapere, sapientiæ usus est. usus autem sapientiæ expetendus est: sapere ergo expetendum est: si expetendum est, bonum est. Olim ipse me damno, qui illos imitor dum accuso, & verba apertæ rei impendo. Cui enim dubium potest esse, quin si æstus malum est, & æstare malum sit? si algor malum est, malum sit algere? si vita bonum est, & vivere bonum est? Omnia ista circa sapientiam, nō in ipsa sunt: ac nobis in ipsa commorandum est. etiā si quid eniagari libet, amplos habet illa spatiosque

folque ſeceſſus . De deorum natura qua-  
 ramus, de ſiderum alimēto, de his tam va-  
 rijs ſtellarum diſcurſibus: an ad illarum  
 motus noſtra moueantur corpora, an cor-  
 poribus omnium, animiſque illinc impe-  
 tus veniat . An & hæc quæ fortuita dicun-  
 tur, certa lege conſtricta ſint, nihilque in  
 hoc mundo repentinum, aut expers ordi-  
 nis volutetur . Iſta iam à formatione mo-  
 rum receſſerunt; ſed leuant animum, &  
 ad ipſarum quas tractant rerum magnitu-  
 dinem attollunt. Hæc verò de quibus paul-  
 lo antè dicebam, minuunt & deprimunt,  
 nec vt putas exacuunt, ſed extenuant . Ob-  
 ſecro vos, cur tam neceſſariam curam ma-  
 ioribus, melioribuſque debitā, in re neſcio  
 an falſa, certè inutili, terimus? Quid mihi  
 profuturum eſt ſcire, an aliud ſit ſapientia,  
 aliud ſapere? quid mihi profuturū eſt ſcire,  
 illud bonum eſſe, hoc nō eſſe? Temerè me  
 geram, ſubibo, huius voti aleam . tibi ſa-  
 pientia, mihi ſapere contingat: pares eri-  
 mus . Potiùs id age, vt mihi viam mon-  
 ſtres, qua ad iſta perueniā . Dic mihi quid  
 vitare debeam, quid appetere: quibus ani-  
 mum labantem ſtudijs firmem: quemad-  
 modum quæ me ex tranſuerſo ferunt a-  
 guntque, procul à me repellā . Quomodo  
 par eſſe tot malis poſſim: quomodo iſtas  
 calamitates remoueam, quæ ad me irru-  
 perunt: quomodo illas, ad quas ego irrupi  
 Doce, quomodo ferā ærumnā ſine gemitu  
 meo, felicitatē ſine alieno: quomodo vlti-  
 mum

mum necessarium vitæ terminum non ex-  
 spectem, sed ipsemet, cum visum erit, pro-  
 fugiam. Nihil mihi videtur turpius, quàm  
 optare mortem. Nam si vis viuere, quid  
 optas mori? si non vis, quid deos rogas,  
 quod tibi nascenti dederunt? Nam ut quā-  
 doque moriaris, etiam inuito positum est:  
 ut cum voles, in tua manu est. Alterum ti-  
 bi necesse est, alterum licet. Turpissimum  
 his diebus principium diserti mehercules  
 viri legi: *Ita, inquit, quāprimūm moriar.*  
 Homo demens, optas rem tuā. *Ita quam-*  
*primūm moriar.* Fortasse inter has voces  
 senex factus es. Alioqui quid in mora est?  
 nemo te tenet, euade quā visum est. Eli-  
 ge quamlibet rerum naturæ partem, quā  
 tibi præberi exitum iubeas. Hæc nempe  
 sunt elementa, quibus hic mundus admi-  
 nistratur: aqua, terra, spiritus. Omnia ista  
 tam causæ viuendi sunt, quam viæ mortis.  
*Ita quāprimūm moriar.* Quāprimūm  
 istud, quod esse vis? quem illi diem ponis?  
 citiūs fieri quàm optas, potest. Imbecillæ  
 mentis ista sunt verba, & hac detestatione  
 misericordiam captantis. Non vult mori,  
 qui optat. Deos vitam roga, & salutem: si  
 mori placuit, hic mortis est fructus, optare  
 desinere. Hæc, mi Lucili, tractemus. his  
 formemus animū. Hæc est sapientia, hoc  
 est sapere, non disputatiunculis inanibus  
 subtilitatem vanissimam agitare. Tot quæ-  
 stiones tibi fortuna posuit. nondū illas sol-  
 uisti: iam cauillaris. Quàm stultum est,  
 cum

cū signum pugnae acceperis, ventilare? remoue ista luforia arma, decretoriis opus est. Dic qua ratione nulla animum tristitia, nulla formido perturbet: qua ratione hoc secretarum cupiditatū pondus effundam. Agatur aliquid. Sapientia bonum est, sapere non est bonum. Sic fit. negemus, sapere bonum esse: ut hoc totum studium derideatur, tamquam operatum superuacuis. Quid si scires etiam illud queri, an bonum sit futura sapientia? Quid enim dubij est, oro te, an nec messem futuram iam sentiant horrea, nec futuram adolescentiam pueritia viribus aut vllō robore intelligat? Ægro interim nihil ventura sanitas prodest, non magis quā currentem luctantemque, post multos secutorum sensus otium reficit. Quis nescit hoc ipso non esse bonū id quod futurum est, quia futurum est? nam quod bonum est, utique prodest: nisi præsentia, prodesse nō possunt. Si non prodest, bonum non est utique: si prodest, iam est. Futurus sum sapiens: hoc bonum erit, cū fuero: interim non est. Prius aliquid esse debet, deinde quale esse. Quomodo, oro te, quod adhuc nihil est, iam bonum est? Quomodo autem tibi magis vis probari, non esse aliquid, quā si dixerō, futurum est? nōdum enim venisse apparet, quod venit. Ver secuturū est: scio nunc hiemem esse. æstas secutura est: scio æstatem non esse. Maximum argumentum habeo nondum præsentis, futurum.

turum esse. Sapiam, spero: sed interim non sapio. si illud bonum haberem, iam hoc carerem malo. Futurum est, ut sapiam. ex hoc licet nondum me sapere intelligas: non possum simul & in illo bono, & in hoc malo esse. Duo ista non coeunt, nec apud eundem sunt vnà, bonum & malum. Transcurramus solertissimas nugas, & ad illa quæ nobis aliquam opem sunt latura, properemus. Nemo qui obstetricem parturienti filiaë sollicitus accersit, edictum & ludorum ordinem perlegit. nemo qui ad incendium domus suæ currit, tabulam latrunculariam perspicit, ut sciat quomodo alligatus exeat calculus. At mehercules omnia tibi vndique nunciantur, & incendium domus, & periculum liberorum, & obsidium patriæ, & bonorum direptio: adice istis naufragium, motusque terrarum, & quidquid aliud timeri potest. Inter ista districtus, rebus, nihil aliud quam animum oblectantibus, vacas? Quid inter sapientiam, & sapere intersit, inquiris? nodos nectis ac soluis, tanta mole impendente capiti tuo? Non tam benignum ac liberale tempus natura nobis dedit, ut aliquid ex illo vacet perdere: & vide quam multa etiam diligentissimis pereant. Aliud valetudo sua cuique abstulit, aliud suorum: aliud necessaria negotia, aliud publica occupauerunt: vitam nobiscum diuidit somnus. Ex hoc tempore tam angusto & rapido, & nos auferente, quid iuvat maiorem

rem

rem partem mittere in vanum? Adiciè  
nunc, quòd assuescit animus delectare se  
potiùs, quàm sanare: & philosophiã oble-  
tamentum facere, cùm remedium sit. In-  
ter sapientiam, & sapere quid intersit, ne-  
scio: scio mea non interesse, sciam ista, an  
nesciam. Dic mihi, cùm, quid inter sa-  
pientiam & sapere intersit, didicero, sa-  
piam? Cur ergo potiùs inter vocabula me  
sapientiæ detines, quàm inter opera? Fac  
me fortiozem, fac me securiozem, fac for-  
tunæ parem, fac superiorem. possum au-  
tē superior esse, si fecero omne quod disco.

EPIST. CXVII. Exigis à me fre-  
quentiores epistolas. Rationes confera-  
mus: soluendo non eris. Conuenerat qui-  
dem, vt tua priora essent; tu scriberes,  
ego rescriberem: sed non ero difficilis.  
benè credi tibi scio: itaque in antecessum  
dabo. Nec faciã, quod Cicero vir disertis-  
simus facere Atticum iubet, vt etiam si  
rem nullam habebit, *quod in buccam ve-  
nerit, scribat*. Numquam potest deesse  
quod scribam, vt omnia illa quæ Cicero-  
nis implent epistolas, transeam: quis can-  
didatus laboret, quis alienis, quis suis viri-  
bus pugnet, quis consulatum fiducia Cæ-  
saris, quis Pompeij, quis apertè petat:  
quàm durus sit fœnerator Cæcilius, à quo  
minoris centesimis propinqui nummum  
mouere non possunt. Sua satius est mala,  
quàm aliena tractare: se excutere, & vide-  
re, quàm multarum rerum candidatus sit,

& non suffragari. Hoc est, mi Lucili, egregium, hoc securum ac liberum, nihil petere, & tota fortunæ comitia transire. Quàm putas esse iucundum, tribubus vocatis, cum candidati in templis suis pendean-  
 deant, & alius nummos pronunciet; alius per sequestrum agat; alius eorum manus osculis conterat, quibus designatus contingendam manum negaturus est; omnes attoniti, vocem præconis expectant, stare otiosum, & spectare illas nundinas, nec ementem quidquam, nec vendentem?  
 Quanto hic maiore gaudio fruitur, qui nō prætoriam, aut consulariam comitia securus intuetur, sed magna illa, in quibus alij honores anniuersarios petunt, alij perpetuas potestates, alij bellorum euentus prosperos triumphosque, alij diuitias, alij matrimonia ac liberos, alij salutem suam suorumque! Quanti animi res est, solum nihil petere, nulli supplicare, & dicere: Nihil mihi tecum fortuna: non facio mei tibi copiam. Scio apud te Catones repelli, Vatinios fieri: nihil rogo. Hoc est priuatam facere fortunam. Libet ergo hæc inuicem scribere, & hanc integram semper egerere materiam, circumspicientibus tot millia hominum inquieta: qui ut aliquid pestiferi consequantur, per mala nituntur in malum, petuntque mox fugienda, aut etiam fastidienda. Cui enim affecto satis fuit, quod optanti nimium videbatur? Non est, ut existimant homi-  
 nes,



nes, auida felicitas, sed pusilla . itaque ne-  
minem fatiat. Tu ista credis excelsa, quia  
longè ab illis iaces: ei verò qui ad illa per-  
uenit, humilia sunt. Mentior, nisi adhuc  
quærit ascendere. Istud quod tu sum-  
mum putas, gradus est. Omnes autem  
malè habet ignorantia veri: tamquam ad  
bona feruntur, decepti rumoribus. Dein-  
de mala esse, aut inania, aut minora quàm  
sperauerint, adepti ac multa passi vident:  
maiorque pars miratur ex interuallo fal-  
lentia, & vulgò magna pro bonis sunt.  
Hoc ne nobis quoque eueniat, quæramus  
quid sit bonum. Varia eius interpretatio  
fuit. Finiuit hoc alius alio modo, alius il-  
lud aliter expressit. Quidam ita finiunt:  
Bonum est, quod inuitat animos, quod ad se  
vocat. Huic statim opponitur: Quid si in-  
uitat quidè, sed in perniciem? scis quàm  
multa mala, blanda sint. Verum, & verifi-  
mile, inter se differunt ita: Quod bonum  
est, vero iungitur: non est enim bonum, nisi  
verum est. At quod inuitat ad se, & allicit  
facie, verisimile est: subrepat, sollicitat, at-  
trahit. Quidam ita finierunt: Bonum est,  
quod appetitione sui mouet, vel quod im-  
petum animi tendentis ad se mouet. Et huic  
idem opponitur: multa enim imperum ani-  
mi mouent, quæ petuntur petentium ma-  
lo. Melius illi qui sic finierunt: Bonum  
est, quod ad se impetum animi secun-  
dum naturam mouet: & ita demum peten-  
dum est, cum cœpit esse expetendum.

Iam

Iam & honestum est : hoc enim perfectè est petendum. Locus ipse me admonet , ut quid intersit inter bonum honestumque , dicam . Aliquid inter se habent mixtum , & inseparabile : nec potest bonum esse , nisi cui aliquid honesti inest : & honestum utique bonum est. Quid ergo inter duo interest? Honestum est perfectum bonum , quo beata vita completur , cuius contactu alia quoque bona fiunt. Quod dico , tale est. Sunt quædam neque bona , neque mala : tamquam militia , legatio , iurisdictio. Hæc cum honestè administrata sunt , bona esse incipiunt , & ex dubio in bonum transeunt. Bonum societate honesti fit , honestum per se bonum est. Bonum ex honesto fluit , honestum ex se est. Quod bonum est , malum esse potuit : quod honestum est , nisi bonum esse non potuit. Hanc quidam finitionem reddiderunt : Bonum est , quod secundum naturam est . Attende quid dicam . Quod bonum est , & secundum naturam est : non protinus quod secundum naturam est , & bonum est . Multa quidem naturæ consentiunt : sed tam pusilla sunt , ut non conveniat illis boni nomen. Levia enim sunt , & contemnenda : nullum nec minimum cōtemnendum bonum . Nam quamdiu exiguum est , bonum non est : cum bonum esse cepit , non exiguum est . Vnde aliquid cognoscitur bonum? si perfectè secundum naturam est. Fateris , inquis , quod bonum est , secundum naturam esse : hæc eius pro-

578 L. ANNÆI SENECAE  
prietas est. Fateris & alia secundum natu-  
ram quidem esse; sed bona non esse. Quo-  
modo ergo illud bonum est, cum hæc non  
sint? quomodo ad aliam proprietatem  
peruenit, cum utrique præcipuum illud  
commune sit, secundum naturam esse?  
ipsa scilicet magnitudine. Nec hoc nouū  
est, quædam crescendo mutari. Infans  
fuit, factus est pubes; alia eius proprietas  
fit: ille irrationalis est, hic rationalis. Quæ-  
dam incremento non tantum in maius  
exiunt, sed in aliud. Non fit, inquit, aliud  
quod maius sit. Vtrum lagenam an do-  
lium impleas vino, nihil refert: in utroque  
proprietas vini est. Exiguum mellis pon-  
dus, & magnum, sapore non differt. Di-  
uersa ponis exempla. in istis enim eadem  
qualitas est: quamuis augeantur, manent.  
Quædam amplificata in suo genere, in  
sua proprietate perdurant: quædam post  
multa incrementa, vltima demum vertit  
adiectio, & nouam illis, aliamque quam  
in qua fuerant, conditionem imprimit.  
Vnus lapis fecit fornicem, ille qui latera  
inclinata cuneauit, & interuentu suo vin-  
xit. Summa adiectio quare plurimum fa-  
cit, vel exigua? quia non auget, sed im-  
plet. Quædam processu priorem exiunt  
formam, & in nouam transeunt. Vbi ani-  
mus aliquid diu protulit, & magnitudinē  
eius sequendo lassatus est, infinitum cepit  
vocari; quod longè aliud factum est quam  
fuit, cum magnum vidcretur, sed finitum.  
Eodem

Eodē modo aliquid difficulter secari cogitauimus: nouissimè crescēte difficultate, insecabile inuentū est. Sic ab eo quod vix & ægrè mouebatur, processimus ad immobile. Eadem ratione aliquid secundū naturam fuit: hoc in aliam proprietatem magnitudo sua transtulit, & bonum fecit.

EPIST. CXIX. Quoties aliquid inueni, non exspecto donec dicas, *In commune*: ipse mihi dico. Quid sit quod inuenerim, quæris? sinum laxa, merum luterum est. Docebo quomodo fieri diues celerimè possis, quod valdè cupis audire. Nec immeritò: ad maximas te diuitias compendiarie ducam. Opus erit tamen tibi creditore. vt negotiari possis, æs alienum facias oportet: sed nolo per intercessorem mutueris, nolo proxenetæ nomen tuum iactent. Paratum tibi creditorē dabo, Catonianum illud: à te mutuū sumes. *Quantulumcumque est, satis erit, si quid quid deerit, id à nobis petierimus*. Nihil enim, mi Lucili, interest, utrū non desideres, an habeas. Summa rei in utroque est eadem: non torqueberis. Nec illud præcipio, vt aliquid naturæ neges: contumax est, non potest vinci, suum polcit: sed vt quidquid naturam excedit, scias precarium esse, non necessarium. Esurio: edendum est. utrū hic panis sit plebeius, an filigineus, ad naturam nihil pertinet. Illa ventrem non delectari vult, sed impleri. Sitio. utrū hæc aqua sit ex lacu proximo excepta,

an ea quam multa niue clusero, ut rigore refrigeretur alieno, ad naturam nihil pertinet. Illa hoc vnum iubet, sitim extinguere. Vtrum sit aureum poculum, an crystallinum, an murrhinum, an Tiburtinus calix; an manus concaua, nihil refert. Finem omnium rerum specta, & superuacua dimittes. Fames me appellat: ad proxima quæque tendatur manus: ipsa mihi comendabit, quodcumque comprehendere. Nihil contemnit esuriens. Quid sit ergo, quod me delectauerit, quæris? Videtur mihi egregiè dictum: *Sapiens, diuitiarum naturalium est quasitor acerrimus.* Inani me, inquis, lance muneris. Quid est illud inane? iam ego paraueram fiscos: circumspiciebam in quod me mare negotiaturus immitteram, quod publicum agitare, quas accerferem merces. Decipere est istud, docere paupertatem, cum diuitias promiseris. Ita tu pauperem iudicas, cui nihil deest? Suo, inquis, & patientiæ suæ beneficio, non fortunæ. Ideò ergo illum non iudicas diuitem, quia diuitiæ eius desinere non possunt? Vtrum malis habere multum, an satis? qui multum habet, plus cupit; quod est argumentum, nondum illum satis habere; qui satis habet, consecutus est, quod numquam diuiti contingit, finem. An has ideò non putas esse diuitias, quia propter illas nemo proscribitur? quia propter illas nulli venenum filius, nulli vxor impigit? quia in bello tutæ sunt? quia in pace otiosæ?

otiosæ ? quia nec habere illas periculosum est , nec operosum disponere ? An parum habet , qui tantum non alget , non esurit , non sitit ? plus Iupiter non habet . Numquam parum est , quod satis est : numquam multum est , quod satis non est . Post Darium & Indos pauper est Alexander Macedo : quærit quod suum faciat , scrutatur maria ignota , in Oceanum classes mittit novas , & ut ita dicam , mundi claustra perumpit . Quod naturæ satis est , homini non est . Inuentus est qui concupisceret aliquid post omnia . Tanta est cæcitas mentium , & tanta initiorum suorum vnicuique , cum processit , obliuio . Ille modò ignobilis anguli non sine cōtrouersia dominus , de tanto sine terrarum per suum rediturus orbem tristis est . Neminem pecunia diuitem fecit : imò contrà , nulli non maiorem sui cupiditatem incussit . Quæris , quæ sit huius rei causa ? plus incipit habere posse , qui plus habet . Ad summam , quem voles mihi ex his quorum nomina cum Crasso Licinoque numerantur , in medium licet protrahas : afferat censum , & quidquid habet , & quidquid sperat , simul computet : ille , si mihi credis , pauper est ; si tibi , potest esse . At hic qui se ad id quod natura exigit , cōposuit , non tantum extra sensum est paupertatis , sed extra metum . Sed ut scias , quàm difficile sit res suas ad naturalem modum coarctare , hic ipse quæ circa naturam diximus , quem tu vocas pau-

perem, habet aliquid & superuacui. At ex-  
cæcant populum, & in se conuertunt o-  
pes, si numerati multum ex aliqua domo  
effertur, si multum auri recto quoque e-  
jus illinitur, si familia aut corporibus ele-  
cta, aut spectabilis cultu est. Omnium isto-  
rum felicitas in publicum spectat: ille quæ  
nos & populo & fortunæ subduximus,  
beatus introsumus est. Nam quod ad illos  
pertinet, apud quos falsò diuitiarum no-  
men iuuasit occupata paupertas: sic diui-  
tias habent, quomodo habere dicimur fe-  
brem, cum illa nos habeat. Econtrario di-  
cere debemus: Febris illum tenet, eodem  
modo dicendum est, Diuitiæ illum tenent.  
Nihil ergo monuisse te malim, quã hoc,  
quod nemo monetur satis: ut omnia natu-  
ralibus desideriis metiaris, quibus aut  
gratis satis fiat, aut paruo. Tantum mi-  
scere vitia desideriis noli. Quæris quali  
mensa, quali argento, quàm paribus mi-  
nisteriis, & leuibus, afferatur cibus? nihil  
præter cibum natura desiderat.

*Num tibi, cum fauces urit sitis, aurea  
quæris*

*Pocula? num esuriens fastidis omnia,  
præter*

*Pauonem rhombumque?*

Ambitiosa non est fames: contenta desine-  
re est: quo desinat, non nimis curat. Infe-  
licis luxuriæ ista tormenta sunt. quærit  
quemadmodum post saturitatem quoque  
esuriat; quemadmodum non impleat ven-  
trem,

trem, sed farciat: quemadmodum sitim prima potione sedatam reuocet. Egregiè itaque Horatius negat ad sitim pertinere, quo poculo aqua, aut quàm eleganti manu ministretur. Nam si pertinere ad te iudicas, quàm crinitus puer, & quàm perlucidum tibi poculum porrigat, non sitis. Inter reliqua, hoc nobis natura præstitit præcipuum, quod necessitati fastidium excussit. Recipiunt superuacua delectum. Hoc parùm decens, illud parùm lautum, oculos hoc meos lædit. Id actum est ab illo mundi conditore, qui nobis viuendi iura descripsit, ut salui essemus, non delicati. Ad salutem omnia parata sunt, & in promptu: deliciis omnia miserè ac sollicitè comparantur. Utamur ergo hoc naturæ beneficio inter magna numerando: & cogitemus, nullo nomine meliùs illam meruisse de nobis, quam quia quidquid ex necessitate desideratur, sine fastidio sumitur.

EPIST. CXX. Epistola tua per plures quæstiunculas vagata est, sed in vna constitit, & hanc expediri desiderat: Quomodo ad nos boni honestiq; prima notitia peruenierit. Hæc duo apud alios diuersa sunt, apud nos tantùm diuisa. Quid sit hoc, dicā. Bonū putāt esse aliqui, quod vtile est. itaq; hoc & diuitiis, & equo, & vino, & calceo nomen imponunt: tanta est apud illos boni vilitas, & adeò vsque ad sordida descendit. Honestum putāt, cui ratio recti officij cōstat: tamquam piè curatam patris sene-



étutem, adiutam amici paupertatem, for-  
 tem expeditionem, prudentem modera-  
 tamque sententiam. Ista duo quidem fa-  
 cimus, sed ex vno. Nihil est bonum, nisi  
 quod honestum est: quod honestum est,  
 utique bonū. Superuacuum iudico adijce-  
 re, quid inter ista discriminis sit, cum sæpè  
 dixerim. Hoc vnum dicam: Nihil nobis  
 bonum videri, quo quis & malè uti potest.  
 Vides autem, diuitiis, nobilitate, viribus  
 quàm multi malè vtantur. Nunc ergo ad  
 id reuertor, de quo desideras dici. Quo-  
 modo ad nos prima boni honestique no-  
 titia peruenierit. Hoc nos docere natura  
 non potuit: semina nobis scientiæ dedit,  
 scientiam non dedit. Quidam aiunt nos in-  
 notitiam incidisse: quod est incredibile,  
 virtutis alicui speciem casu occurrisse. No-  
 bis videtur obseruatio collegisse, & rerum  
 sæpe factarum inter se collatio, per analo-  
 giam nostro intellectu & honestum & bo-  
 num iudicante. Hoc verbum cum Latini  
 grāmatici ciuitate donauerint, ego dam-  
 nandum non puto, nec in ciuitatem suam  
 redigendum. Vtar ergo illo nō tātum tam-  
 quā recepto, sed tamquam vsitato. Quæ sit  
 hæc analogia, dicā. Noueramus corporis  
 sanitatem: ex hac collegimus esse aliquam  
 & animi. noueramus corporis vires: ex  
 his collegimus esse & animi robur. Aliqua  
 benigna facta, aliqua humana, aliqua for-  
 tia, nos obstupescerant: hæc cœpimus tā-  
 quam perfecta mirari. Suberant illis mul-

ta vitia, quæ species alicuius conspicui facti  
fulgorq; celabat: hæc dissimulauimus. Na-  
tura iubet augere laudanda: nemo non  
gloriam ultra verū tulit. Ex his ergo spe-  
cie ingentis boni traximus. Fabricius Pyr-  
rhi regis aurum repulit, maiusq; regno iu-  
dicauit, regias opes posse cōtemnere. Idē,  
medico Pyrrhi promittēte venenum se re-  
gi daturum, monuit Pyrrhum, caueret in-  
fidias. Eiusdem animi fuit, auro non vin-  
ci, veneno non vincere. Admirati sumus  
ingentē virum, quem non regem, nō con-  
tra regem promissa flexissent, boni exem-  
pli tenacē: quod difficillimum est, in bello  
innocentem: qui aliquod esse crederet etiā  
in hoste nefas: qui in summa paupertate,  
qua sibi decus fecerat, non aliter refugit  
diuitias quā venenum. Viue, inquit, be-  
neficio meo Pyrrhe, & gaude, quod adhuc  
dolebas, Fabriciū nō posse corrumpi. Ho-  
ratus Coeles solus impleuit pontis angu-  
stias, adimiq; à tergo sibi reditum, dum-  
modo iter hosti auferretur, iussit: & tā diu  
restitit prementibus, donec reuulsa ingen-  
ti ruina tigna sonuerunt. Postquam respe-  
xit, & extra periculū esse patriā periculo-  
suo sensit: *Veniat, si quis vult*, inquit, *sic  
euntē sequi*: deditq; se in præceps: & non  
minus sollicitus in illo rapido alueo flumi-  
nis, vt armatus, quā vt saluus exiret, re-  
tento armorum victricium decore, tā tu-  
tus rediit, quā si ponte venisset. Hæc &  
huiusmodi facta imaginē nobis ostenderet

virtutis. Adijciam quod mirum fortasse videatur: mala interdum speciem honesti obtulerunt, & optimum ex contrario nituit. Sunt enim, ut scis, virtutibus vitia confinia, & perditis quoque ac turpibus recti similitudo est. Sic mentitur prodigus liberalem: cum plurimum interfit, utrum quis dare sciat, an servare nesciat. Multi, inquam, sunt, Lucili, qui non donant, sed projiciunt. non voco ego liberalem, pecuniae suae iratum. Imitatur negligentia facilitatem, temeritas fortitudinem. Hæc nos similitudo coegit attendere, & distinguere specie quidem vicina, re autem plurimum inter se dissidentia. Dū observamus eos, quos insignes egregium opus fecerat, cœpimus annotare, quis rem aliquam generoso animo fecisset & magno impetu, sed semel. Hunc vidimus in bello fortem, in foro timidum; animosè paupertatem ferentem, humiliter infamiam: factum laudavimus, contempsimus virum. Aliū vidimus aduersus amicos benignū, aduersus inimicos temperatum, & publica & priuata sanctè ac religiosè administrantē: non deesse ei, & in his quæ toleranda erant, patientiā, & in his quæ agenda, prudentiā. Vidimus ubi tribuendū esset, plena manu dantem: ubi laborandū, pertinacem & obnoxium, & lassitudinem corporis animo subleuantem. Præterea idem erat semper, & in omni actu: par sibi, iam non consilio bonus, sed more eò perductus, ut non tantum re-

ct:

et ò facere posset, sed nisi rectè facere non posset. Intelleximus in illo perfectam esse virtutè: hanc in partes diuisimus. Oportebat cupiditates refrænari, metus comprimi, facienda prouideri, reddèda distribui: comprehendimus temperantiã, fortitudinem, prudentiam, iustitiam, & suũ cuiq; dedimus officium. Ex quo ergo virtutem intelleximus? Ostendit illam nobis ordo eius, & decor, & constantia, & omnium inter se actionum concordia, & magnitudo super omnia efferens sese. Hinc intellecta est illa beata vita, secundo defluens cursu, arbitrij sui tota. Quomodo ergo hoc ipsũ nobis apparuit? dicam. Numquam vir ille perfectus adeptusq; virtutem, fortunæ maledixit: numquam accidentia tristes excepit, cinem esse se vniuersi & militem credens, labores velut imperatos subiit. Quidquid inciderat, non tamquam malũ aspernatus est, & in se casu delatum, sed quasi delegatum sibi. Hoc quaecumque est, inquit, meum est: asperum est, durum est: in ipso nauemus operam. Necessariò itaque magnus apparuit, qui numquã malis ingemuit, numquam de fato suo questus est, fecit multis intellectum suũ, & nõ aliter quàm in tenebris lumen effulsit: aduertitq; in se omnium animos, cùm esset placidus & lenis, & humanis diuinisq; rebus pariter æquus. Habebat perfectũ animum, ad summã suĩ adductus, supra quã nihil est nisi mens Dei, ex qua pars & im-

hoc pectus mortale defluxit: quod nunquam magis diuinum est, quam ubi mortalitatem suam cogitat, & scit in hoc natum hominem, ut vita defungeretur: nec domum esse hoc corpus, sed hospitium, & quidem breue hospitium: quod relinquendum est, ubi te grauem esse hospiti videas. Maximum, inquam, mi Lucili, argumentum est animi ab altiori venientis sede, si hæc in quibus versatur, humilia iudicat, & angusta; si exire non metuit. Scit enim quod exiturus sit, qui vnde venerit, meminit. Non videmus, quam multa nos incommoda exagitant, quam malè nobis cōueniat hoc corpus? Nunc de ventre, nunc de capite, nunc de pectore ac faucibus querimur: alias nervi nos, alias pedes vexant: nunc deiectio, nunc destillatio: aliquando superest sanguis, aliquando deest: hinc atque illinc tentamur, & expellimur. Hoc euenire solet in alieno habitantibus. At nos corpus tam putre sortiri, nihilominus æterna proponimus, & in quantum potest ætas humana protendi, tantum spe occupamus, nulla contenti pecunia, nulla potentia. Quid hac re fieri impudētius, quid stultius potest? Nil satis est morituris, imò morientibus quotidie enim propius ab ultimo stamus, & illò vnde nobis cadendum est, hora nos omnis impellit. Vide in quanta cecitate mens nostra sit! Hoc quod futurum dico, cum maximè sit, & pars eius magna iam facta est. nara quod viximus tempus, eo loco

loco est , quo erat antequam viximus . Erramus autem , qui vltimum timemus diem : cū tantumdem in mortem singuli conferant . Non ille gradus lassitudinem facit, in quo deficiamus, sed ille proficitur . Ad mortem dies extremus pervenit , accedit omnis . Carpit nos illa , non corripit . Ideò magnus animus , conscius sibi melioris naturæ, dat quidem operam, ut in hac statione, qua positus est, honestè se atque industriè gerat : ceterū nihil horum quæ circa ipsum sunt , suum iudicat , sed ut commodatis utitur , peregrinus & properans . Cū aliquem huius videremus constantiæ , quidni subiret nos species non vlitatæ indolis ? utique si hanc , ut dixi , magnitudinem veram esse ostendebat . Qualitatis veræ tenor permanet , falsa non durant . Quidam alternis Vatinij, alternis Catones sunt : & modò parū illis seuerus est Curius , parū pauper Fabricius , parū frugi & contentus vili Tubero : modò Licinum diuitijs , Apicium cænis , Mecanatem delicijs prouocant . Maximum indicium est malæ mentis, fluctuatio , & inter simulationem virtutum , amoremque vitiorum , assidua iactatio .

— habebat sæpe ducentos,

Sæpe decem seruos : modò reges atque tetrarchas,

Omnia magna loquens : modò sit mihi mensa tripes , &c

Con-

*Concha salis puri , & toga qua defende-  
re frigus ,*

*Quamvis crassa , queat . decies cente-  
na dedisses*

*Huic parco paucis contento : quinque  
diebus*

*Nil erat in oculis.*

Omnes isti tales sunt , qualem hunc de-  
scribit Horatius : numquam eundem ,  
nec similem quidem sibi . adeò in diuer-  
sum aberrat . Multos dixi : propè est ut  
omnes sint . Nemo non quotidie & con-  
siliū mutat , & votum . modò vxorem  
vult habere , modò amicam : modò re-  
gnare vult ; modò id agit , ne quis sit of-  
ficiosior seruis : modò dilatat se vsque ad  
inuidiam ; modò subsidit , & contrahitur  
infra humilitatem verè iacentium : nunc  
pecuniam spargit , nunc rapit . Sic maxi-  
mè coarguitur animus imprudens : alius  
prodit atque alius , & ( quo turpius nihil  
iudico ) impar sibi est . Magnam rem pu-  
ta , vnum hominem agere . Præter sa-  
pientem autem nemo vnum agit : ceteri  
multiformes sumus . Modò frugi tibi vi-  
debimur & graues , modò prodigi & va-  
ni . Mutamus subinde personam , & con-  
trariam ei sumimus , quam exuimus . Hoc  
ergo à te exige , ut qualem institueris præ-  
stare te , talem vsque ad exitum serues .  
Effice ut possis laudari : si minùs , ut agno-  
sci . De aliquo , quem vidisti heri , merito  
dici potest : Hic quis est ? tanta mutatio est .

EPIST.

EPIST. CXXI. Litigabis , ego video : -cùm tibi hodiernam quæstiunculam , in qua satis diu hæsimus , exposuerō . Iterum enim clamabis , Hoc quid ad mores ? Sed exclama , dum tibi primum alios opponam , cum quibus litiges , Posidonium & Archidemum . Hi iudicium accipient , deinde dicam . Non quidquid morale est , bonos mores facit . Aliud ad hominem alendum pertinet , aliud ad exercendum , aliud ad vestiendum , aliud ad docendum , aliud ad delectandum . Omnia tamen ad hominem pertinent , etiam si non omnia meliorem eum faciunt . Mores alia aliter attingunt . Quædam illos corrigunt & ordinant ; quædam naturam eorum & originem scrutantur . Cùm quæritur , quare hominem natura produxerit , quare prætulit animalibus ceteris , longè me iudicas mores reliquisse ? falsum est . Quomodo enim scies , qui habendi sint , nisi quid homini sit optimum , inueneris ? nisi naturam eius inspexeris ? Tunc demum intelliges , quid faciendum tibi , quid vitandum sit , cùm didiceris quid naturæ tuæ debeas . Ego , inquis , volo discere , quomodo minùs cupiam , minùs timeam . Superstitionem mihi excute , doce leue esse vanumque hoc , quod felicitas dicitur : viam illi syllabam facillimè accedere . Desiderio tuo satisfaciam , & ad virtutes exhortabor , & vitia conuerberabo , licet aliquis nimium



mium immoderatumque in hac parte me iudicet, non desistam persequi nequitiam, & affectus efferratissimos inhibere, & voluptates ituras in dolorem compescere, & votis obstrepere. Quidni? cum maxima malorum optauerimus, & ex gratulatione natum sit quidquid obloquimur. Interim permitte mihi ea quæ paullo remotiora videntur, excutere. Quærebat, an esset omnibus animalibus constitutionis suæ sensus? Sensum autem esse ex eo maximè apparet, quod membra aptè & expeditè mouent, non aliter quàm in hoc erudita. Nulli non partium suarum agilitas est. Artifex instrumenta sua tractat ex facili: rector navis scit gubernaculum flectere: pictor colores quos ad reddendam similitudinem multos variosque ante se posuit, celerrimè denotat, & inter ceram opusque facili vultu ac manu com meat. Sic animal in omnem vsum sui mobile. Mirari solemus scenæ peritos, quod in omnem significationem rerum & effectuum parata illorum est manus, & verborum velocitatem gestus assequitur. Quod illis ars præstat, his natura. Nemo ægrè molitur artus suos, nemo in vsum sui hæsit: ad hoc edita, protinus faciunt. Cum hac scientia prodeunt, instituta nascuntur. Ideò, inquit, partes suas animalia aptè movebunt: quia si aliter mouerint, dolorem sensura sunt. Ita, ut vos dicitis, coguntur; metusque illa

in rectum, non voluntas mouet : quod est falsum . Tarda enim sunt , quæ necessitate impelluntur . Agilitas spontaneus motus est . Adeò autem non adigit illa ad hoc doloris timor, vt in naturalem morum etiam dolore prohibente nitantur . Sic infans qui stare meditatur , & ferre se assuescit , simul tentare vires suas cœpit , cadit : & cum fletu toties resurgit , donec se per dolorem ad id quod natura poscit , exercuit . Animalia quædam tergi durioris inuersa tamdiu se torquent , ac pedes exserunt , & obliquant , donec ad locum reponantur . Nullum tormentum sentit supinata testudo . inquieta est tamen desiderio naturalis status : nec antè desinit niti, quaterere se, quàm in pedes constitit . Ergo omnibus constitutionis suæ sensus est, & inde membrorum tam expedita tractatio : nec vllum maius indicium habemus , cum hac illa ad viuendum venire notitia , quàm quòd nullum animal ad vsum sui rude est . Constitutio est , inquit , vt vos dicitis , principale animi quodammodo se habens erga corpus . Hoc tam perplezum & subtile , & vobis quoque vix enarrabile , quomodo infans intelligit ? Omnia animalia dialectica nasci oporteret , vt istam finitionem magnæ parti togatorum obscuram intelligant . Verum erat quod opponis , si ego ab animalibus constitutionis finitionem intelligi dicerem . Nam ipsa constitutio faciliùs natura intelligitur,

ligitur, quàm enarratur. Itaque infans ille, quid sit constitutio, non nouit: constitutionem suam nouit: & quid sit animal nescit, animal esse se sentit. Præterea ipsam constitutionem suam crasse intelligit, & summatim, & obscure. Nos quoque animum habere nos scimus: quid sit animus, ubi sit, qualis sit, & unde, nescimus. Qualis ad nos peruenit animi nostri sensus, quamuis naturam eius ignoremus, ac sedem; talis ad omnia animalia constitutionis suæ sensus. Necessè est enim id sentiant, per quod alia quoque sentiunt: necessè est sensum eius habeant, cui parent, à quo reguntur. Nemo non ex nobis intelligit esse aliquid, quod impetus suos moueat: quid sit illud, ignorat. & conatum sibi esse scit: quid sit, aut unde sit, nescit. Sicut infantibus, sic quoque animalibus, principalis partis suæ sensus est, non satis dilucidus, non expressus. Dicitis; inquit, omne animal primum constitutioni suæ conciliari: hominis autem constitutionem rationalem esse: & ideò conciliari hominem sibi, non tamquam animali, sed tamquam rationali. Ea enim parte sibi carus est homo, qua homo est. Quomodo ergo infans conciliari constitutioni rationali potest, cum rationalis nondum sit? Vnicuique ætati sua constitutio est: alia infanti, alia puero, alia seni. Omnes enim constitutioni conciliantur, in qua sunt. Infans

sue

sine dentibus est : huic constitutioni suæ conciliatur . enati sunt dentes : huic constitutioni conciliatur . Nam & illa herba , quæ in segetem frugemque ventura est , alienam constitutionem habet tenera , & vix eminens sulco : aliam cum conualuit , & molli quidem culmo , sed qui ferat onus suum , constitit : aliam cum flavescit , & ad aream spectat , & spica eius induruit : in quamcumque constitutionem venit , eam tuetur , in eam componitur . Alia est ætas infantis , pueri , adolescentis , senis : ego tamen idem sum , qui & infans fui , & puer , & adolescens . Sic quamvis alia atque alia cuique constitutio sit , conciliatio constitutionis suæ eadem est . Non enim puerum mihi , aut iuuenem , aut senem , sed me natura commendat . Ergo infans ei constitutioni suæ conciliatur , quæ tunc infanti est , non quæ futura iuveni est . Neque enim si aliquid illi maius , in quo transeat , restat , non hoc quoque in quo nascitur , secundum naturam est . Primum sibi ipsi conciliatur animal : debet enim aliquid esse , ad quod alia referantur . Voluptatem peto . cui ? mihi . ergo mei curam ago . Dolorem refugio . pro quo ? pro me . ergo mei curam ago . Si omnia propter curam mei facio , ante omnia est mei cura . Hæc animalibus inest cunctis , nec inferitur , sed innascitur . Producit foetus suos natura , nō abiicit : & quia tutela certissima ex proximo

ximo est, sibi quisq; commissus est. Itaque  
 ut in prioribus dixi, tenera quoque anima-  
 lia è materno utero vel quoquo modo ef-  
 fusa, quid sit infestū ipsis, protinus norunt,  
 & mortifera deuitant: umbram quoque  
 transuolantium reformidant, obnoxia au-  
 bus rapto uiuentibus. Nullum animal ad  
 vitam prodit sine metu mortis. Quemad-  
 modum, inquit, editum animal intelle-  
 ctum habere, aut salutaris aut mortiferas  
 rei potest? Primum quæritur, an intelli-  
 gat, non quemadmodum intelligat. Ef-  
 fe autem illis intellectum, ex eo apparet,  
 quòd nihil amplius, si intellexerint, fa-  
 ciant. Quid est quare pauonem, quare  
 anserem gallina non refugiat, cū tanto  
 minorem, & ne notum quidem sibi, acci-  
 pitrem fugiat? quare pulli selem timent,  
 canem non timent? Apparet, illis inesse  
 scientiam nocituri, non experimento col-  
 lectam. nam antequam possint experiri,  
 cauent. Deinde, ne hoc casu existimes  
 fieri, nec metuunt alia quàm debent, nec  
 umquam obliuiscuntur huius tutelæ & di-  
 ligentiæ. æqualis est illis à pernicioso fu-  
 ga. Præterea, non fiunt timidiora uiuen-  
 do. Ex quo quidem apparet, non usu il-  
 la ad hoc peruenire, sed naturali amore  
 salutis suæ. Et tardum est & varium, quod  
 usus docet: quidquid natura tradit, & æ-  
 quale est omnibus, & statim. Si tamen  
 exigis, dicam quomodo omne animal  
 perniciosa intelligere conetur. Sentit  
 sc

se carne constare : itaque sentit , quid sit ,  
 quo secari caro , quo vri , quo obteri pos-  
 sit . Quæ sunt animalia armata ad nocen-  
 dum , horum speciem trahit inimicam &  
 hostilem . Inter se ista coniuncta sunt .  
 Simul enim conciliatur salutis suæ quid-  
 que : & quæ iuvant , illa petit ; læsura for-  
 midat . Naturales à contrariis aspernatio-  
 nes sunt . sine vlla cogitatione , sine consi-  
 lio fit , quidquid natura præcipit . Nō vides ,  
 quanta subtilitas sit apibus ad fingēda do-  
 micilia ? quanta diuidui laboris obeundi  
 concordia ? Non vides quā nulli morta-  
 lium imitabilis sit illa araneæ textura ?  
 quanti operis sit , fila disponere ? alia in  
 rectum immissa firmamenti loco , alia in  
 orbem currentia ex denso rara , quæ mi-  
 nora animalia , in quorum perniciem illa  
 tenduntur , velut retibus implicata teneāt .  
 Nascitur ars ista , non discitur . Itaque  
 nullum est animal altero doctius . videbis  
 aranearum pares telas , par in fauis angu-  
 lorum omnium foramen . Incertum est &  
 inæquale , quidquid ars tradit : ex equo ve-  
 nit , quod natura distribuit . Hęc nihil ma-  
 gis , quā tutelam sui , & eius peritiam  
 tradidit : ideoque etiam simul incipiunt ,  
 & discere & viuere . Nec est mirum , cum  
 eo nasci illa , sine quo frustra nascerentur .  
 Primum hoc instrumentum illis natura  
 contulit , ad permanendum in conciliatio-  
 ne & caritate sui . Non poterant salua es-  
 se , ni vellet . Nec hoc per se profuturum  
 erat ;

erat: sed sine hoc nulla res profuisset. Sed in nullo deprehendes vilitatem sui, ne negligentiam quidem. Tacitis quoque & brutis, quamuis in cetera torpeant, ad viuendum solertia est. Videbis quæ aliis inutilia sunt, sibi ipsa non deesse.

EPIST. CXXII. Detrimentum iam dies sensit: resiliuit aliquantulum: ita tamen, ut liberale adhuc spatium sit, si quis cum ipso, ut ita dicam, die surgat, officiosior, meliorque, quam si quis illum expectat, ut luce prima exeat. Turpis, qui alto sole semisomnis iacet, cuius vigilia medio die incipit: & adhuc multis hoc antelucanum est. Sunt qui officia lucis noctisque peruertunt: nec antè diducunt oculos hesternæ graues crapula, quam appetere nox cœpit. Qualis illorum conditio dicitur, quos natura (ut ait Virgilius) pedibus nostris subditos econtrario posuit,

*Nòsque ubi primus equis oriens afflauit  
anhelis,*

*Illis fera rubens accedit lumina vesper:*  
talis horum contraria omnibus non regio, sed vita est. Sunt quidam in eadem vrbe antipodes, qui, ut M. Cato ait, *nec orientem umquam solem viderunt, nec occidentem*. Hos tu existimas scire, quemadmodum viuendum sit, qui nesciunt quando? & hi mortem timent, in quam se viui condiderunt: tam infausti ominis, quam nocturnæ aues sunt? Licet in vino

unguentoque tenebras suas exigant, licet epulis, & in multa quidem fercula distinctis, totum peruersæ vigiliæ tempus deducant: non conuiuantur, sed iusta sibi faciunt. Mortuis certè interdiu parentatur. At mehercules nullus agenti dies longus est. Extendamus vitam: huius & officium, & argumentum, actus est. circumscribatur nox, & aliquid ex illa in diem transferatur. Aues, quæ conuiuijs comparantur, vt immotæ faciliè pinguescant, in obscuro continentur: ita sine vlla exercitatione iacentibus, tumor pigrum corpus inuadit, & super membra hirs sagina succrescit. Ita istorum corpora, qui se tenebris dicauerunt, fœda visuntur. Quippe non speciosior illis, quàm morbo pallentibus, color est: languidi, & euanidi albent, & in viuis caro morticina est. Hoc tamen minimum in illis malorum dixerim: quanto plus tenebrarum in animo est? ille in se stupet, ille caligat, inuidet cæcis. Quis vñquam oculos tenebrarum causa habuit? Interrogas, quomodo hæc animo prauitas fiat, auersandi diem, & totam vitam in nocte transferendi? Omnia vitia contra naturam pugnant: omnia debitum ordinem deferunt. hoc est luxuriæ propositum, gaudere peruersis: nec tantum discedere à recto, sed quàm longissimè abire, deinde etiam econtrariò stare. Isti non videntur tibi contra naturam viuere, qui iei-

iuni



iuni bibunt , qui vinum recipiunt inanibus venis , & ad cibum ebrij transeunt ? Atqui frequens hoc adolescentium vitium est , qui vires excolunt . in ipso pænè balnei limine , inter nudos bibunt , imò potant : vt sudorem , quem mouerunt potionibus crebris ac feruentibus , subinde distringant . Post prandium aut cœnam bibere , vulgare est : hoc patres-familiæ rustici faciunt , & veræ voluptatis ignari . Merum illud delectat , quod non innatat cibo , quod liberè penetrat ad nervos : illa ebrietas iuuat , quæ in vacuum venit . Non videntur tibi contra naturam viuere , qui commutant cum fœminis vestem ? Non viuunt contra naturam , qui expectant , vt pueritia splendeat tempore alieno ? Quid fieri vel crudeliùs , vel miseriùs potest ? numquam vir erit , vt diu virum pati possit : & cùm illum contumeliæ sexus eripuisse debuerat , ne ætas quidem eripiet ? Non viuunt contra naturam , qui hyeme concupiscunt rosam ? fomentoque aquarum calentium , & calorum apta mutatione , bruma lilium , florem vernum , exprimunt ? Non viuunt contra naturam , qui pomaria in summis turribus ferunt ? quorum syluæ in tectis domorum ac fastigiis nutant , inde ortis radicibus , quò improbè caecamina egissent ? Non viuunt contra naturam , qui fundamenta thermarum in mare iaciunt : nec delicatè natatæ ipsi sibi videntur , nisi calentia stagna

gna fluctu ac tempestate feriantur? Cùm instituerunt omnia contra naturæ consuetudinem velle, nouissimè in totum ab illa desciscunt. Lucet: somni tempus est. quies est: nunc exerceamur, nunc gestemur, nunc prandeamus. Iam lux propius accedit: tempus est cœnæ. Non oportet id facere, quod populus: res sordida est, trita ac vulgari via viuere. Dies publicus relinquatur: proprium nobis ac peculiare mane fiat. Isti verò mihi defunctorum loco sunt. quantulum enim à funere absunt, & quidem acerbo, qui ad faces & cereos viuunt? Hanc vitam agere eodem tempore multos meminimus: inter quos & Atilium Butam prætorium, cui post patrimonium ingens consumptum, Tiberius paupertatem confitenti: *Sed, inquit, experrectus es.* Recitabat Montanus Iulius carmen, tolerabilis poeta, & amicitia Tiberij notus, & frigore. Ortus & occasus libentissimè inferebat. itaque cùm indignaretur quidam illum tota die recitasse, & negaret accedendum ad recitationes eius, Natta Pinarius ait: *Numquid liberalius possum agere? paratus sum illum audire ab ortu ad occasum.* Cùm hos versus recitasset:

*Incipit ardentes Phœbus producere  
flamas,*

*Spargere se rubicunda dies, iam tristis  
hirundo*

*Argutis reditura cibos immittere nidis*

*Incipit, & molli partitos ore ministrat:*  
 Varus eques Romanus L. Vinicij comes,  
 cœnarum bonarum affectator, quas im-  
 probitate linguæ merebatur, exclamauit:  
*Incipit Buta dormire.* Deinde cum subin-  
 de recitasset:

*Iam sua pastores stabulis armenta lo-  
 carunt,*

*Iam dare sopitis nox nigra silentia ter-  
 ris*

*Incipit:*

Idem Varus inquit: *Quid dicit? iam nox  
 est: ibo, & Butam salutabo.* Nihil erat  
 notius hac eius vita in cōtrarium circum-  
 acta: quam, ut dixi, multi eodem tempo-  
 re egerunt. Causa autem est ita viuendi  
 quibusdam, non quia aliquid existiment  
 noctem ipsam habere iucundius, sed quia  
 nihil iuuat obuium, & grauis malæ con-  
 scientiæ lux est: & omnia concupiscenti  
 aut contemnenti, prout magno aut paruo  
 empti sunt, fastidio est lumen gratuitum.  
 Præterea, luxuriosi vitam suam esse in ser-  
 monibus, dum viuunt, volunt. nam si ta-  
 cetur, perdere se putant operam. Itaque  
 malè habent, quoties non faciunt, quod  
 excitet famam. Multi bona comedunt,  
 multi amicas habent: ut inter istos nomen  
 inuenias, opus est non tantum luxurio-  
 sam rem, sed notabilem facere. In tam  
 occupata ciuitate, fabulas vulgaris nequi-  
 tia non inuenit. Pedonem Albinouanum  
 narrantem audieramus (erat autem fa-  
 bula-

bulator elegantissimus) habitasse se supra domum Sp. Papinij. is erat ex hac turba lucifugarum. Audio, inquit, circa horam tertiam noctis, flagellorum sonos: quæro, quid faciat? Dicitur rationes accipere. Audio, circa horam sextam noctis, clamorem concitatum: quæro, quid sit? Dicitur vocem exercere. Quæro circa octauam horam noctis, quis sit ille sonus rotarum? velle gestari dicitur. Circa lucem discurritur, pueri vocantur; cellarij, coqui tumultuantur: Quæro quid sit? Dicitur mulsum & alicam poposcisse, à balneo exisse. Excedebat, inquit, cæna eius diem? minimè, valdè enim frugaliter viuebat, nihil consume-  
bat nisi noctem. Itaque crebrò dicentibus illum quibusdam avarum, & sordidum: *Vos, inquit, illum & lychnobium dicetis*. Non debes admirari, si tantas inuenis vitiorum proprietates: varia sunt, & innumerabiles habent facies: comprehendi eorum genera non possunt. Simplex recti cura est; multiplex prauis, & quantumuis nouas declinationes capit. Idem moribus euenit. naturam sequentium, faciles sunt, soluti sunt, exiguas differentias habent: ab his distorti plurimum, & omnibus & inter se dissident. Causa tamen præcipua mihi videtur huius morbi, vitæ communis fastidium, Quomodo cultu se à ceteris distinguunt, quomodo elegantia cœnarum, mundiciis ve-

hicularum, sic volunt separare etiam temporum dispositione. nolunt solita peccare, quibus peccandi præmium infamia est. Hanc petunt omnes isti, qui, ut ita dicam, retrò viuunt. Ideò, Lucilli, tenenda nobis via est, quam natura præscripsit, nec ab illa declinandum. illam sequentibus, omnia facilia & expedita sunt: contra illam nitentibus, non alia vita est, quàm contra aquam remigantibus.

EPIST. CXXIII. Itinere confectus incommodo magis, quàm longo, in Albanum meum nocte multa perueni. Nihil habeo paratum, nisi me. Itaque in lecto lassitudinem pono: hanc coqui, hanc pistoris mora boni consulo. Mecum enim de hoc ipso loquor, quàm nihil sit graue, quod leniter excipias: quàm indignandum nihil, nisi ipse indignando adstruas. Non habet panem meus pistor: sed habet villicus, sed habet atriensis, sed habet colonus. Malum panem, inquis: Expecta, bonus fiet: etiam illum tenerum tibi & siligineum fames reddet. Ideò non est antè edendum, quàm illa imperet. Expectabo ergo: nec antè edam, quàm aut bonum panem habere cœpero, aut malum fastidire desiero. Necessarium est, paruo assuescere. Multæ difficultates locorum, multæ temporum etiam locupletibus & instructis à diis optantem prohibent & occurrunt. Quidquid vult, habere nemo potest: Illud potest, nolle quod

non

non habet: rebus oblati hilaris uti. Magna pars libertatis est, bene inoratus venter, & contumeliæ patiens. Æstimari non potest, quantam voluptatem capiam ex eo, quod lassitudo mea sibi ipsi acquiescit. Non vnctiones, non balneum, non ullum aliud remedium quàm temporis quæro. Nam quod labor contraxit, quies tollit: hæc qualiscumque cæna adijciali incundior erit. Aliquando enim experimentum animi sumpsi subitum: hoc est, simplicius & verius. nam ubi se præparavit, & indixit sibi patientiam, non æquè apparet, quantum habeat veræ firmitatis. Illa sunt certissima argumenta, quæ ex tempore dedit, si non tantum æquus molesta, sed placidus adspexit: si non excaudit, non litigavit, si quod dari deberet, ipse sibi non desiderando supplevit, & cogitavit, aliquid consuetudini suæ, sibi nihil deesse. Multa quàm superuacua essent, non intelleximus, nisi cùm deesse cœperunt. Vtebamur enim illis, non quia debebamus, sed quia habebamus. Quàm multa autem paramus, quia alij parauerunt? quia apud plerosque sunt? Inter causas malorum nostrorum est, quod vivimus ad exempla: nec ratione componimur, sed consuetudine abducimur. Quod, si pauci facerent, nollemus imitari: cùm plures facere cœperunt, quasi honestius sit, quia frequentius, sequimur: & recti apud nos locum tenet error, ubi publi-

-cus factus est . Omnes iam sic peregrin-  
 -nantur , vt illos Numidarum præcurrat  
 -equitatus , vt agmen curforum antecedit .  
 -turpe est nullos esse , qui occurrentes via  
 -deiciant , qui honestum hominem veni-  
 -re magno puluere ostendant . Omnes iam  
 -mulos habent , qui crySTALLINA & murrhi-  
 -na , & cæLATA magnorum artificum ma-  
 -nu , portent . turpe est videri , eas te ha-  
 -bere sarcinas , quæ tutò concuti possint .  
 -Omniū pedagogia oblita facie vehuntur ,  
 -ne sol , ne frigus teneram cutem lædat .  
 -turpe est , neminem esse in comitatu pue-  
 -rorum , cuius sana facies medicamentum  
 -desideret . Horum omnium sermo vitan-  
 -dus est . hi sunt , qui vitia tradunt , & aliò  
 -aliunde transferunt . Pessimum genus ho-  
 -minum videbatur , qui verba gestarent :  
 -sunt quidam qui vitia gestant . Horum  
 -sermo multum nocet . nam etiamsi non  
 -statim officit : semina in animo relinquit ,  
 -sequiturque nos etiam cùm ab illis disces-  
 -serimus , resurrecturum postea malum .  
 -Quemadmodum qui audierunt sympho-  
 -niam , ferunt secum in auribus modula-  
 -tionem illam ac dulcedinem cantus , quæ  
 -cogitationes impedit , nec ad seria patitur  
 -intendi : sic adulatorum , & praua lau-  
 -dantium sermo , diutius hæret quàm au-  
 -ditur : nec facile est , animo dulcem so-  
 -num excutere . prosequitur & durat , &  
 -ex interuallo recurrit . Ideò claudendæ  
 -sunt aures malis vocibus , & quidem pri-  
 -mis .

mis. Nam cū initium fecerunt, admissę-  
 que sunt, plus audent. Inde ad hæc per-  
 venit verba: Virtus & philosophia, &  
 iustitia, verborum inanum crepitus est.  
 Vna felicitas est, bona vita: facere omnia  
 liberè, frui patrimonio. hoc est viuere,  
 hoc est se mortale esse meminisse. Fluunt  
 dies, & irreparabilis vita decurrit. Dubi-  
 tamus quod iuuat facere, & ætati non  
 semper voluptates decerpturæ, interim  
 dum potest, dum poscit, ingerere? Quid  
 iuuat frugalitate vtrò mortem præcurre-  
 re, & quidquid illa ablatura est, iam sibi  
 interdicere? Non amicam habes, non  
 puerum, qui amicæ moueat inuidiam.  
 quotidie sobrius prodis: sic cœnas, tam-  
 quam ephemeridem patri approbaturus.  
 Non est istud viuere, sed alienæ vitæ inte-  
 resse. Quanta dementia est, heredi suo  
 procurare, & sibi negare omnia, vt tibi  
 ex amico inimicum magna faciat here-  
 ditas? Plus enim gaudebit tua morte,  
 quò plus acceperit. Istos tristes & super-  
 ciliosos alienæ vitæ censores, suæ hostes,  
 publicos pædagogos, assis ne feceris:  
 nec dubitaueris, bonam vitam, quàm  
 opinionem bonam malle. Hæ voces non  
 aliter fugiendæ sunt, quàm illæ, quas  
 Vlyxes nisi alligatus, præteruehi noluit.  
 Idem possunt: abducunt à patria, à pa-  
 rentibus, ab amicis, à virtutibus, & in tur-  
 pem vitam miseros turpiùs illidunt. Quā-  
 to satius est, rectum sequi limitem, & eò



se perducere, ut ea demum sint tibi iuctanda, quæ honesta? Quod assequi poterimus, si fecerimus duo esse genera rerum, quæ nos aut inuitent, aut fugient. Inuitent; ut diuitiæ, voluptates, forma, ambitio, cetera blanda & arridentia. Fugent; labor, mors, dolor, ignominia, victus astrictior. Debemus itaque exerceri, ne hæc timeamus, ne illa cupiamus. In contrarium pugnemus, & ab inuitantibus recedamus, aduersus petentia concitemur. Non vides, quàm diuersus sit ascendentium habitus, & descendentium? qui per pronum eunt, resupinant corpora: qui in arduum, incumbunt. Nam si descendas, pondus suum in priorem partem dare: si ascendas, retrò abducere, cum vitio, Lucili, consentire est. In voluptates descenditur: in res asperas & duras subeundum est. hic impellamus corpora, illic refrænemus. Hoc nunc me existimas dicere, eos tantum perniciosos esse auribus nostris, qui voluptatem laudant, qui doloris metum, per se formidabilis rei, incutiunt? Illos quoque nocere nobis existimo, qui nos sub specie Stoicæ sectæ hortantur ad vitia. Hoc enim iactant: solum sapientem & doctum, esse amatorem. solus aptè ad hanc artem, æquè combibendi & conuiuandi, sapiens est peritissimus. Quæramus, ad quā vsque ætatem iuuenes amandi sint. Hæc Græcæ cōsuetudini data sint: nos ad illa potius aures dirigamus: Nemo est

est casu bonus: discenda virtus est. Voluptas humilis res & pusilla est, & in medio habenda pretio, communis cum mutis animalibus, ad quam minima & contemptissima aduolant. Gloria vanum & volatile quiddam est, auraque mobilius. Paupertas nulli malum est, nisi repugnanti. Mors malum non est. quid quereris? sola ius æquum est. generis humani. Superstitio error insanus est: amandos timet; quos colit, violat. Quid enim interest, utrùm deos neges, an infames? Hæc discenda, imò ediscenda sunt. non debet excusationes vitio philosophia suggerere. Nullam habet spem salutis æger, quem ad intemperantiam medicus hortatur.

## EPIST. CXXIV.

*Possū multa tibi veterum præcepta referre.*

*Ni refugis, tenuisq; piget cognoscere curas.*

Non refugis autem, nec vllā te subtilitas abigit. Non est elegantiae tuæ, tantū magna sectari. Sicut illud probo, quòd omnia ad aliquem profectum redigis, & tunc tantū offenderis, vbi summa subtilitate nihil agitur: quod ne nunc quidem fieri laborabo. Quæritur, utrū sensu an intellectu comprehendatur bonum. Huic adiunctum est, in mutis animalibus & infantibus non esse. Quicumque voluptatem in summo ponunt, sensibile iudicant bonum: nos contrā intelligibile.

C c s qui

qui illud animo damus . Si de bono sensus iudicarent , nullam voluptatem reijceremus : nulla enim non inuitat , nulla non delectat . Et econtrariò nullum dolorem volentes subiremus : nullus enim non offendit sensum . Præterea , non essent digni reprehensione , quibus nimium voluptas placet , quibusque summus est doloris timor . Atqui improbamus gulæ ac libidini addictos ; & contemnimus illos qui nihil viriliter ausuri sunt doloris metu . Quid autem peccant , si sensibus , id est , iudicibus boni ac mali , parent ? his enim tradidistis appetitionis & fugæ arbitrium . Sed videlicet ratio isti rei præposita est , quemadmodum debeat de vita , quemadmodum de virtute , de honesto , sic & de bono maloque constitui . Nam apud istos vilissimæ parti datur de meliore sententia , ut de bono pronunciet sensus , obtusa res & hebes , & in homine quàm in aliis animalibus tardior . Quid si quis velit non oculis , sed tactu minuta discernere ? subtilior ad hoc nulla acies , quàm oculorum , & intentior daretur , bonum malumque dignoscere . Vides in quanta ignorantia veritatis versetur , & quàm humi sublimia ac diuina proiecerit , apud quem de summo bono maloque iudicat tactus . Quemadmodum , inquit , omnibus scientia atque ars aliquid debet habere manifestum , sensu comprehensum , ex quo oriatur & crescat : sic beata vita fundamentum &

initium à manifestis ducit, & eo quod sub sensum cadit. Nempe vos à manifestis beatam vitam sui initium capere dicitis. Dicimus beata esse, quæ secundum naturam sunt: quid autem secundum naturam sit, palàm & protinus apparet, sicut quid sit integrum. Quid est secundum naturam? quod contingit & protinus nato, non dico bonum, sed initium boni. Tu summum bonum voluptatem infantie donas, ut inde incipiat nascens, quò consummatus homo peruenit. Cacumen radicis loco ponis. Si quis diceret illum in materno utero iacentem vixque incœptum, tenerum, & imperfectum, & informem, iam in aliquo bono esse, aperte videretur errare. Atqui quantum interest inter eum qui cum maxime vitam accipit, & illum qui maternorum viscerum latens onus est? Uterque, quantum ad intellectum boni ac mali, æquè maturus est: & non magis infans adhuc boni capax est, quàm arbor, aut mutum aliquod animal. Quare autem bonum in arbore animalique muto non est? quia nec ratio. ob hoc in infante quoque non est: nam & huic deest. Tunc ad bonum perueniet, cum ad rationem peruenerit. Est aliquod irrationale animal: est aliquod nondum rationale: est rationale, sed imperfectum: In nullo horum bonum: ratio illud secum affert. Quid ergo inter ista, quæ retuli,

distat? Numquam erit bonum in eo quod  
 irrationale est: in eo quod nondum ratio-  
 nale est, tunc esse bonum non potest: in  
 imperfecto iam potest esse bonum, sed  
 non est. Ita dico, Lucili, bonum non in  
 quolibet corpore, non in qualibet ætate  
 inuenitur: & tantum abest ab infantia,  
 quantum à primo vltimum, quantum ab  
 initio perfectum. ergo nec in tenero mo-  
 dō coalescente corpusculo est. Quid nō  
 non sit? non magis quàm in femine. Vt  
 si dicas, aliquod arboris, aut sati bonum:  
 hoc non est in prima fronde, quæ emissa  
 cum maxime solum rumpit. Est aliquod  
 bonum tritici: hoc nondum est in her-  
 ba lactente: nec cum folliculo se exferit  
 spica mollis, sed cum frumentum ætas  
 & debita maturitas coxit. Quemadmo-  
 dum omnis natura bonum suum nisi con-  
 summata non profert: ita hominis bo-  
 num non est in homine, nisi cum in illo  
 ratio perfecta est. Quod autem hoc sit  
 bonum, dicam. Liber animus est ac re-  
 ctus, alia subiiciens sibi, se nulli. Hoc  
 bonum adeò non recipit infantia, ut pue-  
 ritia non speret, adolescentia improbè  
 speret. Benè agitur cum senectute, si il-  
 luc longo studio intentoque peruenit: ubi  
 hoc & bonum, & intelligibile est. Dixi-  
 sti, inquit, aliquod bonum esse arboris,  
 aliquod herbæ: potest ergo esse aliquod  
 & infantis. Verum bonum nec in arbo-  
 ribus, nec in mutis animalibus est: hoc  
 quod

quod in illis bonum est, precario bonum dicitur. Quod est? inquis. hoc quod secundum naturam cuiusque est. Bonum quidem cadere in mutum animal nullo modo potest: felicioris meliorisque naturæ est. Nisi ubi rationi locus est, bonum non est. Quatuor hæ naturæ sunt, arboris, animalis, hominis, & Dei. Hæc duæ quæ irrationalia sunt, eandem naturam habent: illa diuersa sunt, quod alterum immortale, alterum mortale est. Ex his ergo vnius bonum, natura perficit, Dei scilicet: alterius cura, hominis. Cetera in sua natura perfecta sunt, non verè perfecta, à quibus abest ratio. Hoc enim demum perfectum est, quod secundum vniuersam naturam perfectum est: vniuersa autem natura rationalis est: cetera possunt in suo genere perfecta esse. In quo non potest beata vita esse, nec id potest quo beata vita efficitur: beata autem vita bonis efficitur: in muto animali non est quo beata vita efficitur: ergo in muto animali bonum non est. Mutum animal sensu comprehendit præsentia: præteritorum reminiscitur, cum id incidit, quo sensus admonetur: tamquam equus reminiscitur viæ, cum ad initium eius admotus est. In stabulo quidem nulla viæ, quamvis sæpè calcata, memoria est. Tertium verò tempus, id est, futurum, ad muta non pertinet. Quomodo ergo potest eorum videri perfecta natura, quibus.

bus vsus perfecti temporis non est? Tempus enim tribus partibus constat: præterito, præsentē, & futuro. Animalibus tantum quod breuissimum est in transcurso datum, præsens: præteriti rara memoria est, nec umquam reuocatur, nisi præsentium occurſu. Non potest ergo perfectæ naturæ bonum in imperfecta esse natura. Aut si natura habet, hoc habet, quod habent & fata. Nec illud nego, ad ea quæ videntur secundum naturam, magnos esse mutis animalibus impetus & concitatos, sed inordinatos ac turbidos. Numquam autem aut inordinatum est bonum, aut turbidum. Quid ergo, inquis, muta animalia perturbatè & indispositè mouentur? Dicerem illa perturbatè & indispositè moueri, si natura illorum ordinem caperet: nunc mouentur secundum naturam suam. Perturbatum enim id est, quod esse aliquando & non perturbatum potest. Sollicitum est, quod potest esse securum. Nulli vitium est, nisi cui virtus potest esse. Mutis animalibus talis ex sua natura motus est. Sed ne te diuteneam, aliquod erit bonum in muto animali, erit aliqua virtus, erit aliquid perfectum: sed quale? nec bonum absolute, nec virtus, nec perfectum. Hæc enim rationalibus solis contingunt, quibus datum est scire, quare, quatenus, quemadmodum. Ita bonum in nullo est, nisi in quo ratio. Quò nunc perti-

near

neat ista disputatio, quæris, & quid animo tuo profutura sit? dico. & exercet illum, & acuit, & utique aliquid acturum occupatione honesta tenet. Prodest autem, & quod moratur ad praua properantem. Sed illud dico, nullo modo prodesse tibi possum magis, quàm si tibi bonum tuum ostendo, si te à mutis animalibus separo, si cum Deo pono. Quid, inquam, vires corporis alis & exerces? pecudibus istas maiores ferisquæ natura concessit. Quid excolis formam? cùm omnia feceris, à multis animalibus decore vinceris. Quid capillum ingenti diligentia comis? cùm illum vel effuderis more Parthorum, vel Germanorum nudo vinxeris, vel ut Scythæ solent, sparseris: in quolibet equo densior iactabitur iuba, horrebit in leonum ceruice formosior. Cùm te ad velocitatem paraueris, par lepusculo non eris. Vis tu, relictis in quibus vinci te necesse est, dum in aliena niteris, ad bonum reuerti tuum? Quod hoc est? animus scilicet emendatus ac purus, æmulator Dei, super humana se extollens, nihil extra se sui ponens. Rationale animales. quod ergo in te bonum est? perfecta ratio. Hanc tu ad summum finem euoca, in quantum potest plurimum crescere. Tunc beatum esse te iudica, cùm tibi ex te gaudium omne nascetur. cùm in his quæ homines eripiunt, optant, custodiunt, nihil inuen-

deris,



616 L. ANN. SENECAE EP.  
neris , non dico quod malis , sed quod ve-  
lis . Breuem tibi formulam dabo , qua te  
metiaris , qua perfectum esse iam sentias  
Bonum tunc habebis tuum , cum intelli-  
ges infelicitissimos esse felices.

FINIS.

L. ANN.



L. A N N Æ I  
 S E N E C Æ  
 C L A V D I I C Æ S A R I S  
 ΑΠΟΚΟΛΟΚΥΝΤΩΣΙΣ.



V I D actum sit in cælo ante  
 diem tertium eidus Octo-  
 bris, Asinio Marcello, Aci-  
 lio Auiola Coss. anno nouo,  
 initio sæculi felicissimi, volo  
 memoriæ tradere. Nihil offensæ vel gra-  
 tiæ dabitur. Hęc ita vera si quis quęsierit  
 vnde sciam: primum, si noluerō, non re-  
 spondebo. Quis coacturus est? Ego scio  
 me liberum factum, ex quo suum diem  
 obiit ille, qui verum prouerbum fecerat,  
 Aut regem, aut fatuum nasci oportere. Si  
 libuerit respondere, dicam quod mihi in  
 buccam venerit. Quis vñquam ab histo-  
 rico iurato res exegit? Tamen si necesse  
 fuerit auctorem producere, quærite ab  
 eo qui Drusillam euntem in cælum vidit.  
 Idem Claudium vidisse se dicet iter fa-  
 cientem, non passibus æquis. Velit, nolit,  
 necesse est illi omnia videre, quæ in cælo  
 agan-

218 L. ANNÆI SENECAE LVDVS  
agantur. Appiæ viæ curator est: quâ scis &  
diuum Augustum, & Tiberium Cæsa-  
rem, ad deosisse. Hunc si interrogaueris,  
soli narrabit: coram pluribus numquam  
verbum faciet. Nam ex quo in senatu iu-  
rauit se Drusillam vidisse cælum adscen-  
dentem, & illi pro tam bono nuntio nemo  
credidit quid viderit, verbis conceptis ad-  
firmavit, se non indicaturum etiam si in  
medio foro hominem vidisset occisum.  
Ab hoc ego quæcumque audiui, certè cla-  
ra afferro, ita illum saluum & felicem ha-  
beam.

*Iam Phœbus breuiore via contraxerat  
ortum*

*Lucis, & obscuri crescebant tempora  
somnia:*

*Iamque suum victrix augebat Cynthia  
regnum:*

*Et deformis hiems gratos carpebat ho-  
nores*

*Diuitis autumnus, visoque senescere  
Baccho*

*Carpebat raras serus vindemitor v-  
nas.*

Puto magis intelligi si dixerò, mensis e-  
rat October, dies tertius eîdus Octobris.  
Horam non possum tibi certam dicere. fa-  
ciliùs inter philosophos, quàm inter ho-  
rologia conueniet. Tamen inter sextam  
& septimam erat. Nimis rusticè acquie-  
scunt oneri poetæ, non contenti ortus &  
occasus describere, vt etiam medium  
diem

DE MORTE C. CÆSARIS. 619  
diem inquietent. Tu sic transibis horam  
tam bonam?

*Iam medium cursu Phæbus diuiserat  
orbem,*

*Et propior nocti fessas quatiebat habenas,*

*Obliquo flexam deducens tramite lucem.*

Claudius animam agere cœpit, nec inuenire exitum poterat. Tum Mercurius, qui semper ingenio eius delectatus esset, vnam de tribus Parcis educit, & ait: Quid fœmina crudelissima hominem miserum torqueri pateris, nec vñquam meritum, vt tamdiu cruciaretur? Annus sexagesimus & quartus est, ex quo cum anima luctatur. Quid huic inuides? Patere mathematicos aliquando verum dicere, qui illum ex quo princeps factus est, omnibus annis, omnibus mensibus efferunt. Et tamen non est mirum si errant. horam eius nemo nouit. Nemo enim illum vñquam natum putauit. Fac quod faciendum est.

*Dede neci. melior vacua sine regnet in aula.*

Sed Clotho: Ego mehercule, inquit, pusillum temporis adiicere illi volebam, dum hos pauculos, qui supersunt, ciuitate donaret. Constituerat enim omnes Græcos, Gallos, Hispanos, Britannos, togatos videre. Sed quoniam placet aliquos peregrinos in semen relinqui, & tu ita iubes fieri,

620 L. ANNÆI SENECAE LVDVS  
fieri, fiat. Aperit tum capsulam, & treis fu-  
sos profert. Vnus erat Augurini, alter Ba-  
bæ, tertius Claudij. Hos, inquit, treis vno  
anno exiguis interuallis temporum diui-  
sos mori iubebo: nec illum incomitatum  
dimittam. Non oportet enim eum, qui  
modò se tot millia hominum sequentia  
videbat, tot præcedentia, tot circumfusa,  
subitò solum destitui. Contentus erit his  
interim conuictoribus.

*Hæc ait: & tuxpi conuoluens stamina  
fuso,*

*Abrupit stolidæ regalia tempora vitæ.*

*At Lachesis redimita comas, ornata ca-  
pillis,*

*Pieria crinem lauro frontemque coro-  
nans.*

*Candida de niueo subtegmina vellere  
sumit,*

*Felici moderanda manu: quæ ducta  
colorem*

*Assumpsere nouum: mirantur pensa so-  
rores.*

*Mutatur vilis pretioso lana metallo:*

*Aurea formoso descendunt sacula filo.*

*Nec modus est illis, felicia vellera du-  
cunt,*

*Et gaudent implere manus, sunt dul-  
cia pensa.*

*Sponte sua festinat opus, nulloq; labore*

*Mollia cōtorto descēdunt stamina fuso.*

*Vincunt Tithoni, vincunt & Nestoris  
annos.*

*Phæbus*

DE MORTE C. CÆSARIS. 621

*Phœbus adest, cantuque inuat, gaudet-  
que futuris :*

*Et latus nunc plectra mouet, nunc pen-  
sa ministrat.*

*Detinet intentas cantu, fallitq; laborē.*

*Dumque nimis citharam, fraterna que  
carmina laudant,*

*Plus solito neuere manus : humana que  
fata*

*Laudatum transcendit opus. Ne demi-  
te Parca,*

*Phœbus ait: vincat mortalis tempora  
vita:*

*Ille mihi similis vultu, similisq; decore,*

*Nec cantu, nec voce minor: felicia lassis*

*Sacula præstabit, legumq; silētia rumpet.*

*Qualis discutiēs fugiētia lucifer astra;*

*Aut qualis surgit redeuntibus hespe-  
rus astris :*

*Qualis cū primū tenebris aurora  
solutis*

*Induxit rubicunda diem, sol adspicit  
orbem*

*Lucidus, & primos è carcere concitat  
axes :*

*Talis Cæsar adest, talem iam Roma  
Neronem*

*Adspiciet, flagrat nitidus fulgore re-  
misso*

*Vultus, & affuso ceruix formosa ca-  
pillo.*

*Hæc Apollo. At Lachesis, quæ & ipsa ho-  
mini fortissimo faueret, fecit, & plena or-  
ditur*

622 L. ANNÆI SENECAE LVDVS  
ditur manu, & Neroni multos annos de  
suo donat. Claudium autem iubent om-  
nes χαίροντας, εὐφημοῦντας ἐκπέμπειν δὲ  
μὲν. Et ille quidem animam ebullit, & eò  
desiit viuere videri. Exspirauit autem  
dum comœdos audit, vt scias me non sine  
caussa illos timere. Vltima vox eius hæc  
inter homines audita est, cùm maiorem  
sonitum emisisset illa parte, qua faciliùs  
loquebatur: Væ me, puto, concacauit me.  
Quid autem fecerit, nescio: omnia certè  
concacauit. Quæ in terris postea sint acta,  
superuacuum est referre. Scitis enim  
optimè: nec periculum est, ne excidant,  
quæ memoriæ publicum gaudium im-  
presserunt. Nemo felicitatis suæ oblini-  
scitur. In cælo quæ acta sint, audite: fides  
penes auctorem erit. Nunciatur Ioui, ve-  
nisse quemdam bonæ staturæ, benè ca-  
num; nescio quid illum minari: assiduè  
enim caput mouere, pedem dextrum tra-  
here. quæsisse se, cuius nationis esset? re-  
spondisse, nescio quid perturbato sono,  
& voce confusa, non intelligere se lin-  
guam eius: nec Græcum esse, nec Roma-  
num, nec vllius gentis notæ. Tum Iupiter  
Herculem, quia totum orbem terrarum  
pererrauerat, & nosse videbatur omnes na-  
tiones, iubet ire & explorare, quorum ho-  
minum esset. Tum Hercules primo ad-  
spectu sanè perturbatus est, vt qui etiam  
non omnia monstra timuerit: vt vidit  
noui generis faciem, insolitum incessum,  
vocem

vocem nullius terrestris animalis , sed  
( qualis esse marinis belluis solet ) raucam  
& implicatam , putavit sibi tertium deci-  
mum laborem venisse. Diligentius intu-  
enti, visus est quasi homo. Accessit itaque,  
& quod facillimum fuit Græculo , ait :  
Τίς πòθεν εἰς ἀνδρῶν , πόθι τοὶ πτόλις; Vbi  
hec Claudius , gaudet esse illic philologos  
homines , sperat futurum aliquem histo-  
riis suis locum . Itaque & ipse Homericò  
versu Cæsarem se esse significans, ait:

Ἰλίοθεν με φέρων ἄνεμος Κικόνεσσι πύλα-  
σσεν.

Erat autem sequens versus verior , æquè  
Homericus :

Ἐνθα δ' ἐγὼν πόλιν ἔπραθον , ὅλεσα δ'  
αὐτοῦς.

Et imposuerat Herculi homini minimè  
vafro, nisi fuisset illic Febris, quæ fano suo  
relictò sola cum illo venerat : cæteros  
omnes deos Romæ reliquerat. Iste, in-  
quit, mera mendacia narrat. Ego tibi  
dico, quæ cum ipso tot annos vixi. Lug-  
duni natus est: Marci municipem vides:  
quod tibi narro, ad sextumdecimum la-  
pidem à Vienna natus est, Gallus germa-  
nus. Itaque quod Gallum facere oport-  
ebat, Romam cepit. Hunc ego tibi reci-  
piò Lugduni natum, vbi Licinius multos  
annos regnavit. Tu autem qui plura lo-  
ca calcasti, quàm vllus mulio perpetua-  
rius, Lugdunenses scire debes, & multa  
millia inter Xanthum & Rhodanum in-  
teresse,



624 L. ANNÆI SENECAE LVDVS  
teresse. Excandescit hoc loco Claudius,  
& quanto potest murmure irascitur. Quid  
diceret, nemo intelligebat. Ille autem  
Febrim duci iubebat, illo gestu soluta  
manus, & ad hoc vnum satis firmæ, quo  
decollare homines solebat. Iusserat illi  
collum præcidi: Putares omnes illius esse  
libertos, adeò illum nemo curabat. Tum  
Hercules: Audi me, inquit, tu, & define  
fatuari: venisti, huc, vbi mures ferrum ro-  
dunt. Citiùs mihi verum, ne tibi alogias  
excutiam. Et quò terribilior esset, tragi-  
cus fit, & ait:

*Exprome properè, sede qua genitus cluas,  
Hoc ne peremptus stipite, ad terram ac-  
cidas.*

*Hæc claua reges sæpè mactauit feros.  
Quid nunc profatu vocis incerto sonas?  
Quæ patria, quæ gens mobile eduxit ca-  
put,*

*Edissere. equidem regna tergemini pe-  
tens*

*Longinqua regis, unde ab Hesperio mari  
Inachiam ad urbem nobile aduexi pe-  
cus,*

*Vidi duobus imminens fluuiis iugum  
Quod Phœbus ortu semper obuerso vi-  
det:*

*Vbi Rhodanus ingens amne prarapido  
fluit.*

*Ararque dubitās quò suos cursus agat,  
Tacitus quietis alluit ripas vadis.*

*Estne illa tellus spiritus altrix tui?*

Hæc

Hæc satis animosè & fortiter. Nihilominus mentis suæ non est, & timet *μωροῦ παλιν*. Claudius ut vidit virum valentem, oblitus nugarum, intellexit neminem parem sibi Romæ fuisse: illic non habere se idem gratiæ: Gallum in suo sterquilinio plurimum posse. Itaq; quantum intelligi potuit, hæc visus est dicere: Ego te fortissime deorum Hercules, speravi mihi affuturum apud alios: & si quis à me notorem petisset, te fui nominaturus, qui me optimè nosti. Nam si memoria repetis, ego eram, qui tibi ante templum tuum ius dicebam totis diebus mense Iulio & Augusto. Tu scis quantum illic miseriarum pertulerim, cum causidicos audirem, & diem & noctem: in quos si incidisses, valdè fortis licet, maluisses Cloacas Augiæ purgare: multò plus ego stercoris exhausti. \* Sed quoniam volo, non mirum, quòd impetum in curiam fecisti: nihil tibi clusi est. Modò dic nobis, qualem Deum istum fieri velis: *ἡπικέρειος θεὸς* non potest esse: *ἔτε αὐτὸς πρᾶγμα ἔχει ἔτε ἄλλοις παρέχει*. Stoicus? quomodo potest rotundus esse (ut ait Varro) sine capite, sine præputio? Est aliquid in eo Stoici Dei: iam video, nec cor, nec caput habet. \* Si mehercules à Saturno petisset hoc beneficium, cuius mensem toto anno celebravit, Saturnalia eius princeps non tulisset. Illum Deum ab Ioue, quem quantum quidem

626 L. ANNÆI SENECAE LYDVS  
 in illo fuit, damnauit incesti. L. Sylla-  
 num enim generum suum occidit. Oro  
 per quod sororem suam, festiuissimam  
 omnium puellarum, quam omnes Vene-  
 rem vocarent, maluit Iunonem vocare.  
 Quare, inquit, quæro enim, sororem  
 suam stultè studere; Athenis dimidium  
 licet, Alexandria totum? Quia Romæ,  
 inquit, mures molas lingunt: hic nobis  
 curua corrigit. Quid in cubiculo suo  
 faciat, nescio: etiam cœli scrutatur pla-  
 gas, deus fieri vult. Parum est quòd  
 templum in Britannia habet, quòd hunc  
 barbari colunt, & vt deum orant. Ἀλά-  
 ρου φρυάτου χίαν. Tandem Ioui venit in  
 mentem, priuatis intra curiam moranti-  
 bus sententiam dicere, nec disputare.  
 Ego inquit, P. C. interrogare vobis per-  
 miseram; vos mera mapalia fecistis. Vo-  
 lo seruetis disciplinam curiæ. Hic qua-  
 liscumque est, quid de nobis existima-  
 bit? illo dimisso, primus interrogatur  
 sententiam Ianus pater: is designatus  
 erat in Kal. Iulias postmeridianus Cos.  
 homo quantumuis vaser, qui semper  
 videt εἶμα πρόσω καὶ ὀπίσω. Is multa  
 disertè, quòd in foro viuat, dixit, quæ  
 notarius persequi non potuit: & ideò non  
 refero: ne aliis verbis ponam, quæ ab il-  
 lo dicta sunt. Multa dixit de magnitu-  
 dine deorum: non debere hunc vulgo da-  
 ri honorem. Olim, inquit, magna res  
 erat, Deum fieri: iam fama nimium fe-  
 cisti.

cisti. Itaque ne videar in personam, non in rem sententiam dicere, cenſeo ne quis poſt hunc diem Deus fiat ex his, qui ἀπὸ τοῦ καρπὸν ἔδουσιν: aut ex his, quos alit Ζεὺς ἀπὸ τοῦ ἀρούρα. Qui contra hoc S. C. deus factus, fictus, pictuſve erit, cum dedi laruis, & proximo munere inter novos auctoratos, ferulis vapulare placet. Proximus interrogatur ſententiam Diespiter Vicæ Potæ filius, & ipſe designatus Coſ. nummulariolus. Hic quaſtu ſe ſuſtinebat, vendere ciuitatulas ſolebat. Ad hunc ce bellè acceſſit Hercules, & auriculam ei tetigit. Itaque in hæc verba cenſet: Cum Diuus Claudius Diuum Auguſtum ſanguine contingat, nec minùs Diuam Auguſtam auiam ſuam, quam ipſe Deam eſſe iuſſit, longeque omnes mortales ſapientia antecellat, ſitque è rep. eſſe aliquem, qui cum Romulo poſſit

—*feruentia rapa vorare:*

cenſeo, vt D. Claudius ex hac die Deus fiat, ita vti ante eum quis optimo iure factus ſit: eamque rem ad μεταμορφώσεως Ouidij adiſciendam. Variæ erant ſententiæ, & videbatur Claudius ſententia vincere. Hercules enim, qui videret ferrum ſuum in igne eſſe, modò huc, modò illuc curſabat: & aiebat: Noli mihi inuidere, mea res agitur: deinde ſi quid volueris, inuicem faciam: Manus manu lauat. Tunc Diuus Auguſtus ſurrexit ſententiæ ſuæ dicendæ, & ſumma ſacundia diſſe-

628 L. ANNÆI SENECAE LVDVS  
ruit. P. C. vos testes habeo, ex quo deus  
factus sum, nullum verbum me fecisse.  
semper meum negotium ago. Sed non  
possum amplius dissimulare, & dolorem  
quem grauiorem pudor facit, continere.  
In hoc terra marique pacem peperit? ideo  
ciuilia bella compefcui? ideo legibus vr-  
bem fundauit, operibus ornaui? Et quid  
dicam P. C. non inuenio: omnia infra in-  
dignationem verba sunt. Confugiendum  
est itaque à me ad Messalē Coruini diser-  
tissimi viri illam sententiam: Præcidit ius  
imperij. hic, P. C. qui nobis non posse vi-  
detur muscam excitare, tam facile homi-  
nes occidebat, quàm canis exta edit. Sed  
quid ego de tot acribus viris dicam? Non  
vacat deflere publicas clades, intuenti do-  
mestica mala. Itaque illa omittam, hæc  
referam. Etiam si Phormea Græcè nescit,  
ego scio. **ΕΝΤΙΚΟΝΤΟΝΥΚΗΝΔΙΗC.**  
senescit. Iste, quem videris, per tot annos  
sub meo nomine latens, hanc mihi gra-  
tiam retulit, vt duas Iulias proneptes  
meas occideret, alteram ferro, alteram  
fame: vnum abnepotem L. Syllanum. Vi-  
deris Iupiter, an in causâ mala, certè in  
tua, si hic inter nos futurus est. Dic mihi,  
Dine Claudii, quare quemquam ex his,  
quos, quasque occidisti, antequam de causâ  
cognosceres, antequam audires, dam-  
nasti? hoc fieri solet? in cœlo non fit. Ecce  
Iupiter, qui tot annos regnat, vni Vulcano  
crus fregit, quem

Πλὴν ποδὶς τεταγὼν ἀπὸ βρυοῦ θεοπα-  
σίῃσιν.

& iratus fuit vxori, & suspendit illam, numquid occidit? Tu Messalinam, cuius æquè auunculus maior eram, quàm tuus, occidisti. Nescio, inquis? Dij tibi malefaciant: adeò istud turpius est, quòd nescis, quàm quòd occidisti. Iste C. Cæsarem non desit mortuum prosequi. Occiderat ille socerum: hic & generum. Caius Cæsar Crassi filium vetuit Magnum vocari: hic nomen illi reddidit, caput tulit. Occidit in vna domo Crassum Magnum, Scriboniam, Tristoniam, Asfarionem, nobiles tamen: Crassum verò tam factuum, vt etiam regnare posset. Cogitate P. C. quale portentum in numerum deorum se recipi cupiat. Hunc nunc deum facere vultis? Videte corpus eius, diis iratis natum. Ad summam tria verba citò dicat, & seruum me ducat. Hunc deum quis colet? quis credet? denique dum tales deos facitis, nemo vos deos esse credet. Summa rei, P. C. si honestè inter vos gessi, si nulli duriùs respondi, vindicate iniurias meas. Ego pro sententia mea hoc censeo. Atque ita ex tabella recitauit: Quandoquidem diuus. Claudius occidit socerum suum Appium Syllanum, generos duos, Pompeium Magnum & L. Syllanum, socerum filiae suæ Crassum, frugi hominem, tam similem sibi, quàm ouo quum, Scriboniam socrum filiae suæ,

Dd 3 Messa-

Messalinam vxotem suam, & ceteros, quorum numerus iniri non potuit: placet mihi in eum seuerè animaduerti, nec illi rerum iudicandarum vocationem dari, cumque quamprimum exportari, & ecœlo intra dies xxx. excedere, olympo intra diem tertium. Pedibus in hanc sententiam itum est. Nec mora, Cyllenius illum collo obtorto trahit ad infêros,

*Illuc vnde negant redire quemquam.*

Dum descendunt per viam sacram, interrogat Mercuriûs, quid sibi velit ille concursus hominum, num Claudij funus esset? Et erat omnium formosissimum, & impensa cura plenum, vt scires deum ef ferri, tibicinum, cornicinum, omnisque generis aëneatorum tanta turba, tantus conuentus, vt etiam Claudius audire posset. Omnes læti, hilares. P. Ro. ambulabat tamquam liber. Agatho, & pauci causidici plorabant, sed planè ex animo. Iurisperiti è tenebris procedebant, pallidi, graciles, vix habentes animam, tamquam qui cum maximè reuiuiscerent. Ex his vnus, cùm vidisset capita conferentes, & fortunas suas deplorantes causidicos, accedit, & ait: Dicebam vobis, Non semper Saturnalia erunt. Claudius vt vidit funus suum, intellexit se mortuum esse. Ingenti enim *μεγαληγορία* nœnia cantabatur anapæstis.

*Fundite fletus,*

*Edite planctus,*

*Fingite*

Fingit eluctus,  
 Resonet tristi  
 Clamore forum:  
 Cecidit pulchrè  
 Cordatus homo,  
 Quo non alius  
 Fuit in toto  
 Fortior orbe.  
 Ille citato  
 Vincere cursu  
 Poterat celeres:  
 Ille rebelles  
 Funderè Parthos.  
 Leuibusque sequi  
 Persida telis,  
 Certa que manu  
 Tendere neruum:  
 Qui precipites  
 Vulnere paruo  
 Figeret hostes,  
 Pictaque Medi  
 Terga fugacis.  
 Ille Britanno  
 Ultra noti  
 Littora ponti,  
 Et caruleos  
 Scuta Brigantas  
 Dare Romuleis,  
 Colla catenis  
 Iussit, & ipsam  
 Nona Romana  
 Iura securis  
 Tremere Oceanum.



*Deflete virum.*

*Quo non alius*

*Potuit citius*

*Discere caussas,*

*Vna tantum*

*Parte audita,*

*Sape & neutra.*

*Quis nunc iudex*

*Toto lites*

*Audiet anno?*

*Tibi iam ceder*

*Sede relicta,*

*Qui dat populo*

*Iura silenti,*

*Cretæa tenens*

*Oppida centum.*

*Cadite mæstis*

*Pectora palmis*

*O caufidici,*

*Venale genus.*

*Vosque Poeta*

*Lugete noui,*

*Vosque in primis*

*Qui concusso*

*Magna parastis*

*Lucra fritillo.*

Delectabatur laudibus suis Claudius, & cupiebat diutius spectare. Inijcit illi manum Talthyblus deorum nuncius, & trahit capite obuoluto, ne quis eum possit agnoscere, per campum Martium, & inter Tyberim & viam rectam descendit ad inferos. Antecesserat iam compendiarie

via

via Narcissus libertus, ad patronum excipiendum, & venienti nitidus, ut erat à Balineo, occurrit, & ait: Quid dii ad homines? Celerius, inquit Mercurius; & venire nos nuncia. Ille autem patrono plura blandiri volebat. quem Mercurius iterum festinare iussit, & virga morantem impulit. Dicto citius. Narcissus euolat; Omnia proclia sunt, facile descenditur. Itaque, quamvis podagricus esset, momento temporis peruenit ad ianuam Ditis: ubi iacebat, ut ait Horatius, belluacenticeps, sese mouens, villosque horrendos excutens. pusillum superturbatur, (albam canem in deliciis habere consue- rat) ut illum vidit canem nigrum villosum sanè: quem non velis tibi in tenebris occurrere. Et magna inquit voce: Claudius Cæsar venit. Ecce ex templo cum plausu procedunt cantantes. *Εὐφρονιστὴς συγκαίπαμεν*. Hic erat C. Silius Cos. desig., Iunius Prætorius, Sex. Trallus, M. Heluius Trogus, Cotta Tectus, Valens, Fabius, Equ. Rom. quos Narcissus duci iusserat. Medicus erat in hac cantantium turba Mnester Pantomimus, quem Claudius decoris causa minorem fecerat. Nec non ad Messalinam citò rumor percrepuit, Claudium venisse. Conuolantur primum omnium liberti, Polybius, Myron, Harpocras, Amphæus & Pheronactes, quos omnes, necubi imparatus esset, præmiserat. Deinde præfecti duo, Iustus Ca-

634 L. ANNÆI SENECAE LVDOVS  
 tonius, & Ruffus Pompeij F. Deinde ami-  
 ci, Saturnius Luscus, & Pedit Pompeius,  
 & Lupus, & Celer Asinius, consulares, no-  
 tissimè fratris filia, sororis filia, gener,  
 focer, socrus, omnes planè consanguinei.  
 Et agmine factò Claudio occurrunt.  
 Quos cum vidisset Claudius, exclamat,  
 Πάντα φίλων πλήρη. Quomodo vos huc  
 venistis? Tum Pedit Pompeius: Quid di-  
 cis homo crudelissime? Queris quomo-  
 do? Quis enim nos alius huc misit quàm  
 tu, omnium amicorum interfector? In  
 ius eamus: ego tibi hic sellas ostendam.  
 Ducit illum ad tribunal Æaci. is lege  
 Cornelia, quæ de sicariis lata est, quære-  
 bat: postulat nomen eius recipi. edit sub-  
 scriptionem: Occisos Senatores xxx,  
 Equites Rom. cccxv. atque plures: ce-  
 teros ccxxi. ὅσα ψάμαθός τε νόμις τε.  
 Exterritus Claudius oculos undecunque  
 circumfert, vestigat aliquem patronum  
 qui se defenderet. Aduocatum non inue-  
 nit. Tandem procedit P. Petronius, ve-  
 tus conuictor eius, homo Claudiana lin-  
 gua disertus, & postulat aduocationem.  
 Non datur. Accusat Pedit Pompeius ma-  
 gnis clamoribus. Incipit Petronius velle  
 respondere. Æacus homo iustissimus, ve-  
 rat. Illum tantùm altera parte audita  
 condemnat, & ait: Εἶνε πάθος τάκ' ὄρεξε,  
 δ' ἰμνὸν ἰβεία γένοιτο. Ingens silentium fa-  
 ctum est. Stupebant omnes, nouitate rei  
 attoniti: negabant hoc vnquam factum.  
 Clau-

Claudio iniquum magis videbatur quàm nouum. De genere pœnæ diu disputatum est, quid illum pati oporteret. Erant qui dicerent, si vni dij laturam fecissent: Tantalum siti periturum, nisi illi succurreretur: non vñquam Sisyphum onere releuari: aliquando Ixionis miseri rotam sufflaminandam. Non placuit vlli ex veteranis missionem dari, ne vel Claudius vñquam simile speraret. Placuit nouam pœnam excogitari debere, instituendum illi laborem irritum, & alicuius cupiditatis species sine fine & effectu. Tum Æacus iubet illum alea ludere pertuso fritillo. Et iam cœperat fugientes semper tesseras quærere, & nihil proficere.

*Nam quotiens missurus erat resonante  
fritillo,*

*Vtraq; subducto fugiebat tessera fundo:*

*Cũq; recollectos auderet mittere talos,*

*Lufuro similis semper, semperq; petenti,*

*Decepere fidẽ: refugit, digitosq; per ipsos*

*Fallax assiduo dilabitur alea furto.*

*Sic cùm iam summi tanguntur culmi-  
na montis,*

*Irrita Sisyphio voluuntur pondera collo.*

Apparuit subitò C. Cæsar, & petere illum in seruitutem cœpit: producit testes, qui illum viderant ab illo flagris, ferulis, colaphis vapulantem. Adiudicatur C. Cæsari: illum Æacus donat. Is Menandro liberto suo tradidit, vt à cognitionibus ei esset.



# EXCERPTA QUÆDAM E LIBRIS

SENECÆ.



**H**ONESTA, inquit Epicu-  
rus, res est paupertas læta.  
Illa verò iam paupertas non  
est, si læta est. Cui cum  
paupertate bene convenit,  
diues est. Non qui parum habet, sed qui  
plura cupit, pauper est. Quid enim re-  
fert, quantum illi in arca, quantum in  
horreis lateat, quantum pascat, aut fene-  
ret, si alieno imminet, si non acquisita,  
sed acquirenda concupiscit? Quis sit diui-  
tiarum modus, quætis? Primò, habere  
quod necesse est: secundò, quod satis est.  
Nulli potest secura vita contingere, qui  
de producenda nimis cogitat. Nullum  
bonum iuuat habentem, nisi ad cuius  
amissionem præparatus est animus. Ma-  
gnæ diuitiæ sunt, lege naturæ composita  
paupertas. Lex autem naturæ, scis quos  
terminos nobis statuit? Non esurire, non  
sitire, non algere. Vti famem sitimque de-  
pellas, non est necesse maria tentare, neque  
castra

castra sequi. Parabile est quod natura desiderat, & citò apponitur. Ad superuacua fudatur. Illa sunt quæ togam terunt, quæ nos senescere cogunt, quæ in aliena lit-tora impingunt. Ad manum est, quod satis est. Si cui suæ non videntur amplissima, licet totius mundi dominus sit, miser est. Miser est, qui se beatissimum non iudicat, licet toti mundo imperet. Non est beatus, qui se id non putat esse. Nihil habemus, quod cum magno emolumento insidiantis eripi possit. Quamminimum in corpore tuo sit spoliolum. Nemo ad humanum sanguinem venit, propter ipsum, vel admodum pauci. Nudum latro transmittit: etiam in obsessa via pauperi pax est. Is maximè diuitijs fruatur, qui minimè indiget. Si ad naturam viues, numquam eris pauper: si ad opinionem, numquam diues. Exiguam natura desiderat, immensum opinio. Si congeratur in te, quidquid multi locupletes possederunt, si ultra priuatum pecuniæ modum fortuna te prouehat, auro tegat, purpura vestiatur, eò deliciarum opumque perducat, ut terram marmoribus abscondas, non tantum liceat habere, sed calcare diuitias: accedent statue & picture, & quidquid ars vlla luxuriæ auro & argento elaborauit: maiora cupere ab his discas. Desideria naturalia, finita sunt: ex falsa opinione nascentia, ubi desinant, non habent. nullus enim terminus falsus est. Veritati.

ritati aliquid extremum est: error immensus est. Retrahe te ergo à vanis: & cùm voles scire, an naturalem, an vanam habeas cupiditatem, considera num alicubi consistat. Si longè progressio semper aliquid longiùs restat, scito id naturale non esse. Paupertas expedita, secuta est. Cùm clausum cecinit, scit non se peti: cum aliquo conclamatum est, quomodo exeat, non quid effèrat, quærit. At cùm nauigandum est, non strepitu portus, non viuis comitatu inquieta sunt litora. Non circumstat illum turba hominum, ad quos pascendos transmarinarum regionum optanda est fertilitas. Facile est pascere paucos ventres, & benè institutos, & nihil aliud desiderantes, quàm impleri. Paruo fames constat, magno fastidium. Paupertas contenta est desiderijs instantibus satisfacere. Sanus diues est, qui licet habeat diuitias, eas tamen vt fugientes habet. Quid ergo est, quare rectes eam contubernalem, cuius mores sanctus diues imitatur? Si vis vacare animo, aut pauper sis oportet, aut pauperi similis. Non potest studiũ salutare fieri sine frugalitatis cura. Frugalitas, paupertas volũtaria est. Perpeffi sunt multotiens exercitus inopiam omnium rerum, vixerunt herbarum radicibus, & dictu fœdam tulerunt famem. Et hæc omnia perpeffi sunt pro regno, quò magis mireris, alieno. Dubitabit aliquis ferre paupertatem, vt animum

num à furoribus liberet? Multis diuitias parasse, non finis miseriarum fuit, sed mutatio. Nec hoc miror. Non in rebus vitiū, sed in animo ipso est. Illud quod paupertatem grauem nobis fecerat, & diuitias graues faciet. Quemadmodū nihil refert, vtrū egrum in lecto ligneo, an in aureo colloques: quocunque illum transtuleris, morbum suum secum transferet: sic nihil refert, vtrū aeger animus in diuitiis an in paupertate sit: malum suum illum sequitur. Ad securitatem non est opus fortuna. Quod enim necessitati sat est, dabit, licet irata. Ne imparatos nos fortuna deprehendat, fiat nobis paupertas familiaris. Securius diuites erimus, si sciemus quā non sit graue pauperes esse. Incipe cum paupertate habere contubernium.

*Aude hospes contemnero opes, & te quoque dignum*

*Finge Deo.*

Nemo alius dignus Deo est, nisi qui opes contempsit. Quare possessiones tibi non interdico, sed efficere volo, vt illas intrepidè possideas. Quod vno consequeris modo, si te etiam sine illis benè victurum speraueris, & si illas tamquam exituras adspexeris: Discedat quisquis, non te, sed aliud in te sequebatur. ob hoc vnum est amanda paupertas, quod à quibus ameris, ostendit. Multum est, non corrumpi diuitiarum contubernio. Magnus ille est, qui in diuitiis pauper est. Nemo nascitur di-

ues.



ues. Quisquis exit in lucem, iussus est pane & lacte esse contentus. Ab his initijs regna nos non capiunt. Panem & aquam natura desiderat. Nemo ad hæc pauper est. Intra quæ si quis desiderium suum clu-  
sit, cum ipso Ioue de felicitate contendat. Res inquieta, felicitas est, ipsa se exagitat, mouet cerebrum, non in vno genere. Alios in cultum irritat, alios in potentiam, alios inflat, alios mollit. Si vis scire quàm nihil mali sit in paupertate, compara inter se vultum pauperis & diuitis. Sæpius pauper & fidelius ridet: nulla sollicitudine concutitur, in alto est. Cura velut nubes leuis transit. Horum qui felices vocantur, hilaritas ficta est: huic gravis & suprema superbia, licet non palam, tristitia est: eò quidem grauior, quod interdum non licet palam esse miseros, sed inter ærumnas cor ipsum exedentes necesse est agere felicem. Abstrahunt à recto diuitiæ, honores, potentia, & cetera: quæ opinione hominum cara sunt, pretio suo vilia. Nescimus æstimare res, de quibus non cum fama, sed cum rerum natura deliberandum est. Nihil habent ista magnificum, quod mentes nostras in se trahat, præter hoc quod mirari illa consueuimus. Non enim quia concupiscenda sunt, laudantur: sed quia concupiscuntur. Hanc præcedentem causam habent diuitiæ. Mutant animos, superbiam & arrogantiam pariunt, inuidiam trahunt, eò usque mentem

sem alienant, ut fama pecuniæ nos etiam nocitura delectet. Bona omni culpa care-  
re decet: pura sunt, non corrumpunt ani-  
mos, non sollicitant: extollunt quidem  
animos & delectant, sed sine timore. Quæ  
bona sunt, fiduciam faciunt; diuitiæ auda-  
ciam. Quæ bona sunt, magnitudinem ani-  
mi dant; diuitiæ insolentiam.

## EXCERPTA ALIA.

**I**CET cunctorum poetarum  
carmina gremium tuum sem-  
per illustrent, aliquando de-  
liberans, hoc tibi opusculum  
pro accidentibus casibus di-  
rigere curavi, quod non præcedentes, sed  
posteriores narrabunt. Vnde ergo primum  
incipimus? Si tibi videtur, à morte. Ab  
ultimo, inquis: imò à maximo. Ad hoc  
præcipuè gens humana contremittit: nec  
immeritò tibi videtur hoc facere. Ceteri  
timores habent aliquem post se locum:  
mors omnia abscindit. Alia nos torquet:  
mors omnia deuorat. Omnium quæ hor-  
remus, ad hanc exitus spectat aliorum  
quæ per circuitum. Etiam qui alioqui se  
nihil timere iudicant, hoc timent. Quid-  
quid aliud extimescimus, habet aut re-  
medium, aut solatium. Sic ergo te forma,  
ut si quis tibi palam mortem minetur,  
omnes terriculas eius deludas.

Mo-

Morieris. Ista hominis natura est, non poena. Morieris. Hac conditione intraui, ut exirem. Morieris. Gentium ins est, quod acceperis reddere. Morieris. Peregrinatio est vita. Multum cum deambulaueris, domum redeundum est. Morieris. Putabam te aliquid noui dicere. Ad hoc veni, hoc ago, huc me singuli dies adducunt. Nascenti mihi natura protinus hunc posuit terminum. Quid habeo quod indigner? In hæc verba iuraui. Morieris. Stultum est timere, quod vitare non possis. Istud non effugit, etiam qui distulit. Morieris. Nec primus, nec ultimus. Multi me antecesserunt, omnes sequentur. Morieris. Hic est humani officij finis. Quis sanus exauctorari molestè tulit? Quò transit orbis, ego transibo. Ad hanc conditionem cuncta gignuntur. Quod cœpit, & desinit. Morieris. Nihil graue est, quod semel est. Æs alienum meum noui. Hoc quidem cum eo creditore contraxi, cui decoquere non possum. Morieris. Dij melius. Nemo hac re melius mortalibus minari potest.

Sed decollaberis. Quid interest, utrum cæsum moriar, an punctum? Sed sæpè ferieris, & multi in te gladij concurrent. Quid refert, quàm multa sint vulnera? Non potest amplius, quàm vnum esse mortiferum.

Peregre morieris. Vndecumq; ad inferos vna via est. Peregrè morieris. Ego.  
quod

quod debeo, solvere paratus sum. Videar fenerator, ubi me appellet. Peregrè morieris. Nulla terra est aliena mortuo. Peregrè morieris. Non est grauior foris quàm domi somnus. Peregrè morieris. Hoc est, in patriam sine viatico peruenire.

Sed iuuenis morieris. Optimum est, an-  
tequam optes, mori. Iuuenis morieris. Hoc vnum est, quod æquè ad iuuenem quàm ad senem pertinet. Non citamur ex censu, nec exigitur numerus annorum. Et adolescentes & impuberes eadem fati necessitas ducit. Optimum est mori, cum iuuat viuere. Iuuenis morieris. Quicumque ad extremū fati sui venit, senex moritur. Non enim refert quæ sit hominis ætas, sed quæ sit meta. Iuuenis morieris. Fortasse alicui malo subducit me fortuna; si nulli alij, vel senectuti. Iuuenis morieris. Non refert, quot annos habeam, sed quot acceperim. si plus viuere non possum, hæc est senectus mea.

Insepultus iacebis. Quid aliud respondeam, quàm illud Maronis?

— *Facilis iactura sepulcri.*

Si nihil sentio, non pertinet ad me iactura corporis insepulti. Si sentio, omnis sepultura tormētum est. Insepultus iacebis.

— *Cælo tegitur, qui nō habet urnam.*

Quid interest, ignis me an fera consumat, an tellus omnium sepultura? Istud non sentienti superuacuum est, sentiēti onus. Insepultus iacebis. At tu combustus, at tu obru-

obrutus, at tu inclusus, at tu putridus, at tu emisceratus & constrictus, at traditus lapidi, qui te paullatim edat & exsiccet. Nulla est sepultura. non sepelimur, sed proijcitur. Non sepelietis. Quid inter tutissima trepidas? Ultra poenarum omnium terminum iste locus est. Vitę multa debemus, morti nihil. Non defunctorum causa, sed viuorum, inuenta est sepultura, ut corpora & visu, & odore feeda, amouerentur. alios terra obruit, alios flāma consumpsit, alios lapis ossa redditurus inclusit. Non defunctis, sed nostris oculis parcimus.

Ægrotō. Venit tempus quo experimentum mei caperem. Non in mari tantum, aut in praelio vir fortis apparet. Exhibetur etiam in lectulo virtus. Ægrotō. Non potest istud toto sæculo fieri. Aut ego febrem relinquam, aut ipsa me. Semper vna esse non possumus. Cum morbo mihi res est: aut vincetur, aut vincet.

Malè de te loquuntur homines. Sed mali. Mouerer, si de me Marcus Cato, si Lælius Sapiens, si alter Cato, si duo Scipiones ista loquerentur. Nunc malis displicere, laudari est. Non potest vllam auctoritatem habere sententia, vbi qui damnandus est, damnat. Malè de te loquuntur. Mouerer, si iudicio hoc facerent: nunc morbo faciunt. Non de me loquuntur, sed de se. Malè de te loquuntur. Benè nesciunt loqui: faciunt, non quod mereor, sed quod solent. Quibusdam

dam enim canibus sic innatum est, ut non pro feritate, sed pro consuetudine latrent.

Exsulabis. Erras: cum omnia fecerim, patriam meam transire non possum. Omnium una est. Extra hanc nemo proficisci potest. Exsulabis. Non patria mihi interdicitur, sed locus. In quamcumque terram venio, in meam venio. Nulla terra exilium est, altera patria est. Non eris in patria. Patria est, ubicunque bene est. Illud autem per quod bene est, in homine, non in loco est. In ipsius potestate est, quæ sit illi fortuna. Si enim sapiens est, peregrinatur: si stultus, exulat. Exsulabis. Hoc dicis: alterius loci ciuitate donaberis.

Dolor imminet. Si exiguus est, feramus: levis est patientia. Si grauis est, feramus: non levis est gloria. Dolor clamorem exprimat, dum secreta non exprimat. Non potest homo par dolori esse, nec rationi dolor. Dura res est dolor. immò tu mollis. Pauci dolorem ferre potuerunt. Simus ex paucis. Imbecilles natura sumus. Naturam infamare nolite. illa nos fortes genuit. Fugiamus dolorem. Quid quòd ille sequitur fugientes?

Paupertas mihi gravis est, imò tu paupertati. Non in paupertate vitium est, sed in paupere. Illa expedita est, hilaris, tanta. Pauper sum. Nescis te opinione,  
non

non te, laborare. Pauper es, quia videris. Pauper sum. Nihil deest auius. pecora in diem viuunt. feris ad alimenta solitudo sua sufficit.

Non sum potens. Gaude, impotens non eris. Iniuriam accipere potero. Gaude: facere non poteris. Magnam pecuniam habet. Hominem illum iudicas? arca est. Quis ærario, quis plenis loculis inuidet? Et iste quem dominum pecuniæ existimas, locus est. Multum habet. Vtrum avarus, an prodigus est? Si avarus, non habet: si prodigus, non habebit. Iste quem beatum credis, sæpè dolet, sæpè suspirat. Multi illum comitantur. Mel muscæ sequuntur, cadauera lupi, frumenta formicæ. Prædam sequitur ista turba, non hominem.

Pecuniam perdidi. Fortasse te illa perdidisset. Pecuniam perdidi. Sed habuisti. Pecuniam perdidi. Sed habebis inde periculi minus. Pecuniam perdidi. O te felicem, si cum illa auaritiam perdidisti! Sed si manet illa apud te, es tamen utcumque felicior, quòd tanto malo materia subducta est. Perdidi pecuniam. & illa quidem quàm multos. Eris nunc in via expeditior, domi tutior. Non habebis, sed non timebis heredem. Exoneravit te fortuna, si intelligis, & tutiore loco posuit. Damnum putas? remedium est. Defles, gemis, miserum te clamitas, quòd opibus excussus es? Tuo vitio ista tibi iactura

ctura tam tristis est . Non tam molestè ferres , si tamquam perditurus habuisses . Perdidisti pecuniam . Nempe quam ut tu haberes , alius antè perdiderat .

Oculos perdidisti . Habet & nox suas voluptates . Oculos perdidisti . Quàm multis cupiditatibus via incisa est ? quàm multis rebus carebis , quas ne videres , vel eruendi erant ? Non intelligis partem innocentiae esse caritatem . Hunc oculi adulterium monstrant , huic incestum , huic domum quam concupiscat , huic urbem , & mala omnia . Certè irritamenta sunt vitiorum , ducesque scelerum .

Amisi liberos . Stultus es , qui defleas mortem mortalium . Quid istud aut novum , aut mirum est ? Quàm rara est sine isto casu domus ! Quid si infelicem nocet arborem , quòd stante ipsa cadunt poma ? Et hic tuus fructus est . Nemo extra ictum vulneris positus est . Ducuntur ex plebeia domo immatura funera , ducuntur & ex regia . Non est idem ordo fati , qui & ætatis . Non quomodo quisque venit , emittitur . Quid tamen est quòd indigneris ? Quid contra expectationem tuam evenit ? Periere perituri . Sed ego illos superstites optabam . Verùm hoc nemo tibi promiserat . Perierunt liberi mei . Habebant illi cuius essent magis quàm tui : apud te precariò morabantur . Educandos tibi fortuna mandauerat . recepit illos , non abstulit .

Nau-



Naufragium feci . Cogita nō quid perdidideris, sed quòd euaseris . Nudus exij . Sed existi . Omnia perdididi . Sed perire potuisti vnà cum omnibus .

In latrones incidi . Sed alius in accusatores , alius in fures , alius in fraudatores . Plena est infidiis via . Noli conqueri quòd incideris : gaude quòd euaseris . Inimicos graues habeo . Quomodo aduersus feras munimenta conquiris , quomodo aduersus serpentes : sic aduersus inimicos auxilia circumspice , quibus illos aut arceas, aut compescas , aut quod optimum est , places . Inimicos habeo . Illud est peius, quòd, amicos non habes .

Amicum perdididi . Iam enim te habuisse certum est? Amicum perdididi . Alium quære : & ibi eum quæras , vbi inuenire possis . Quære inter liberales artes, inter honesta & recta officia , quære in laboribus . Ad mensam ista res non quæritur . quære aliquem frugi . Perdididi amicum . Fortem animum habe , si vnum : erubescere , si vnicum . quid tu in tanta tempestate ad vnā anchoram stabas ?

Vxorem bonam amisi . Vtrū inueneras bonam , an feceras ? Si inueneras , habere adhuc te posse ex hoc intelligas licet, quòd habuisti . Si feceras , benè spera . Res periit : saluus est artifex . Amisi vxorem bonam . Quid in illa probabas ? Pudicitiam ? Quā multā diu custoditam perdidere ! Decus ? Quā multā inter

pro-

probatas matronalis ordinis esse cœperunt, postea inter exempla mutatarum? Delectabat te fides eius? Quàm multas ex optimis coniugibus pessimas videmus, ex diligentissimis solutissimas? Omnium quidem imperitorum animus, maximè tamen muliebris, in lubrico est. Si bonam uxorem habuisti, non potes affirmare in illo eam permansuram fuisse proposito. Nihil tam mobile quàm feminarum voluntas, nihil tam vagum. Nouimus veterum matrimoniorum repudia; & frædiores diuortio, malè cohærentium rixas. Quàm multæ quos in adolescentia amauerunt, in communi reliquere senectute? quoties anile diuortium risimus? quàm multarum notus amor odio notiore mutatus est? Sed hæc & fuit bona, & fuisset, si vixisset. Mors effecit, vt affirmare id sine periculo possis. Bonam uxorem amisi. Inuenies, si nihil quæris nisi bonam. Tu modò ne imagines, proauosque respexeris, nec patrimonium, cui iam ipsa nobilitas celsit. Ista diu cum forma non repugnabunt. Faciliùs reges animum, nulla vanitate tumentem. Non multùm abest à contemptu viri, quæ se nimis suspicit. Duc benè institutam, nec maternis inquinatam vitiis. non cuius auriculis vtrimque bina patrimonia dependeant. non quam margaritæ suffocent, cui minus sit in dote quàm in veste: quam in patente sella circumlata per urbem populus ab omni parte

æquè ut maritus inspexerit: cuius sarcinis domus sit angusta. Hanc facîle ad tuos mores rediges, quam nondum corruperunt publici. Vxorem bonam amisi. Non erubescis flere, & intolerabilem vocare iacturam? Hoc vnum deest, utrùm illam lugeas, an non. Cùm maritum te cogitaueris, cogita & virum. Amisi vxorem bonam. Soror bona non potest recuperari, nec mater. Vxor aduentitium bonum est: non est inter illa, quæ semel vnicuique contingunt. Amisi vxorem bonam. Multos tibi numerare possum, quibus bonam vxorem lugentibus successit melior.

Mors, exilium, luctus, dolor, non sunt supplicia, sed tributa viuendi. Neminem illæsum fata transmittunt. Felix est, non qui aliis videtur, sed qui sibi.

*Hæc EXCERPTA libenter omissem. Seneca enim non esse, vel cato perspicuum est. Sed veritus sum, nequis ea, cui cui modi sunt, sublata quereretur. Et in eis tamen multa ex vetere libro emendauimus.*



L. A N N Æ I  
**S E N E C Æ**  
 A D L V C I L I V M

Epistolarum Argumenta.

Argumenta sic ordinauimus, ne Epistolarum series variis titulis & inscriptionibus variaretur. Placet enim scribendi ratio non interrupta: & breuiarium hoc in multis editionibus non inseruerunt Emendatores, quod in editione Plantini repertum hic apposuius.

A R G V M E N T V M E P I S T. I.

**T**EMPORIS estimationem & vsum Lucilio commendat: non differri debere, non elabi, non malè poni. pag. I.

E P I S T. II.

Corporis quietem approbat, sed & animi in una aliqua re aut studio. Damnat curiosulos, qui per varios auctores & scripta discurrunt: pauca bonaque potius legere, & iis immorari suadet. Excerpendum semper aliquid, & animo inserendum: à suo exemplo, qui sensum tunc Epicuri egregium, de Paupertate, 2

E P I S T. III.

Malè & temerè sapè amicos dici, qui re non sunt. Si quis talis, omnia illi fidendum, & communicandum esse, tanquam alteris nobis. Timidi

di & subducti arguuntur; sed & creduli nimis, atque aperti. Medium optimum. 7

## EPIST. IV.

Hortatur ad perseverandum in Philosophiâ: à qua in serium & grauem, ac verè virum transcribatur. Ceteros, pueros esse: timere non timenda. ut Mortem imprimis. Atqui hanc finem malorum esse, & impetu aut desperatione multos contempsisse; cur non ratione? Vitam ergo non amandam, & cottidie cogitandum, quam ex variis leuibusq; causis mors veniat. Emblemata deinde ex Epicuro, de veris diuitiis. 8

## EPIST. V.

Arcet ab ostentatione Philosophia, & ne cultu notabilem, aut victu se faciat. Non spernere vulgi omnia, sed modicè adhibere, & citra vitium. Sordes abdicat: ad Naturæ legem nos vocat. Clausula est, ex Hecatone, de Spei & Metus coniunctione. Liberum ab altero esse, qui alteram posuit: obnoxium utrique, qui uni. 11

## EPIST. VI.

Proficere se in Philosophia; & argumentum esse, quòd vitia sua agnoscat. Velle se cum eo, ut verò amico, omnia communicare, qua sint utilia: idque proprium sapientis. Consuetudinem bonorum valde efficacem, & supra ipsa praecepta videri: quod exemplo Philosophorum aliquot docet. 13

## EPIST. VII.

Proficienti turbam vitandam, & vitia ab ea trahi: vitanda item spectacula, & maximè cruenta. Neque publicè recitandum, aut differendum, apud dissimiles. Pluris sit, inquit, unus alterque auditor bonus, aut etiam nullus. 15

## EPIST. VIII.

Pendet à priori Epistola, & est velut obiectio. Quid vitare me vis turbam, & populum? atqui Stoici tui docent rebus accedere, in rebus mori. Respondet non otium se suadere, sed secessum. à suo

suo exemplo ; qui relictis aliis , Sapiëntia vacat , & præcepta eius scriptis propagat . Hoc operum maximum , & pulcherrimum esse . Denique inserta ab Epicuro , libertatem veram à Philosophia dari .

18

## EPIST. IX.

Item pars aut explicatio priorum . Sapiëntem non querere homines , seipso contentum . Quid ergo ? non etiam amicum ? Imò , sed potest & sine eo esse : potest amittere , & amissum reparare . In eo ipso fructus & voluptas est , dum parat . An ergo suâ causâ , ut Epicurei censent ? Non , sed potius alterius cui proffit , pro quo periclitetur , pro quo moriatur . Merces virtutis , ipsa est . Fusius deinde & subtilius . Quatenus se contentus , quatenus non sit : & in verbis distinctiuncula Stoica .

21

## EPIST. X.

Solitudinem bonam , sed bonis aut progressis , esse : alijs aliam . Nam mali aut stulti maxime in eâ peccant , remoto arbitro , & sibi relictis . Obiter præceptiuncula de Votis : & nihil concipere , nisi quod palam possis nuncupare .

27

## EPIST. XI.

Benè sperare se de amico Lucilij , in quo plurimus pudor & rubor . Hunc aliquando à natura esse , nec ullis præceptis excuti : ac se qui etiam Sapiëntem . Comparere item in malis interdum , & mali notam . Monitum deinde salutare Epicuri : Semper virum bonum representare nobis , qui coerceat ut pedagógus . Velut illo presente facere omnia , & loqui .

28

## EPIST. XII.

Facetè de senectute suâ narrat , & in villâ se eius admonitum . Admonitum autem sine tristitia ; nec tristem eam , imò iucundam esse , & vitiis minùs opportunam . Omnem vitam breuem : sed qualemcumque , usu faciendam nostram , & manum illi insiciendam . Cottidie dicamus , & censeamus , Vixi .

31

## EPIST. XIII.

*Format pulchre aduersus fortuita, & robur donat.  
Maximè autem, ne futurorum metu angamur:  
incerta ea esse, & posse non euenire. Spc igitur  
omnem metum temperandum. Deinde illud ro-  
bustius: Fac & præcipe ventura; a Deo sunt, &  
in bonum.* 35

## EPIST. XIV.

*Prudentissima Epistola. Monet corporis vitæ cu-  
ram habendam, sed non nimiam. Timeri au-  
tem corpori tria, Pauperiem, Morbos, Violen-  
tiam: maximè hanc ultimam, qua à potentibus  
est, aut tyrannis. Vt non timeas, tria vitentur:  
Odium, Inuidia, Contemptus. Quomodo au-  
tem, Sapientia dicet, & breuiter ipse.* 39

## EPIST. XV.

*Ad curam etiam corporis Exercitatio spectat; sed  
hæc laboriosa, aut occupata non esto. Facilis &  
brevis sufficit: ut cursus, saltus, gestatio, vocis  
intentio. Clausula ab Epicuro. Ne vita in fu-  
turum feratur: presentibus acquiesce.* 44

## EPIST. XVI.

*Philosophiam vita necessariam, sed illam veram  
esse: qua in factis sit, & profectu. Disponi ab ea  
actiones, & consilia. Non ob stare, si Fatum sit,  
aut Fortuna sit: nam & illa docebit Deo parere,  
& Fortunam ac fortuita adspernari. Clausula  
item ab Epicuro: Secundum naturam qui uiuit,  
diues: sperne opinionem.* 47

## EPIST. XVII.

*Philosophiam autem non differendam, amplecten-  
dam omisis rebus. At pauper ero. Quid si hoc  
expetendum? expeditius philosophaberis. Iam  
Natura pauca desiderat, atque ea non deerunt.  
Clausula, Cui paupertas grauis, etiam opes erunt:  
nam vitium est in animo.* 50

## EPIST. XVIII.

*Sapientem, in publica lasciuiâ, temperanter se gere-  
re, & aut nihil aut parum ex moribus libere.  
Quomodocumque; utile esse, certis diebus absti-  
nere,*

nero, parcere, pauperes adsimilare. Praeexercitatio est ad veram inopiam, si ea venit. Clausula ab Epicuro: Ira insaniam astringit. 53

## EPIST. XIX.

Omittendas aut abijciendas occupationes, & otium captandum: sed otium, non latebras. Monet ab aula, & splendore abire: quia tumultus, & fluctus suos habent. Clausula ab eodem magistro: Vide quibusum mensa communices. 57

## EPIST. XX.

Philosophiam in factis non verbis esse: itaque ad illa eundum. Et constanter eundum. nam Sapientia, est convenientia, & tenor unus voluntatum, ac vita. Paupertas etiam non timenda: & diuitia, si assint, non amanda. Iterum monitio, pauperem certis diebus agere, & imitari. 60

## EPIST. XXI.

Verum splendorem à Philosophia, non ab honoribus aut titulis esse. Dare illam nomen mansurum & famam, habenti; & adherenti quoque. Emblemata ab Epicuro: Ut diuitias augeas, cupiditates minue. 65

## EPIST. XXII.

Fortiter exeundum esse ab occupationibus, & soluendos laqueos, aut rumpendos. Sed tamen opportunitas & ευκαιρία expectetur: nec elabatur. Spernit deinde, & abijcit splendores istos falsos. Tum ab Epicuro sententia: Omnes exire pueros è vita: id est, vera eius ignaros. 67

## EPIST. XXIII.

Monet verum gaudium quarere, quod illud? senarium, & ex vero Bono natum. Reliqua fallacia & fugacia sunt, hoc solidum & firmum: quia in solido situm, & animo, optima nostri parte. Vno verbo, positum est in Conscientia. Epicuri deinde dictum: Turpe & molestum, vitam semper inchoare: & inconstantes damnantur. 72

## EPIST. XXIV.

Epistola inter bonas pulchraeque. Hortatur non time-



re ventura, et si minentur: imò proponere ventura, & sic se formare examinando, aut eleuando. Quid enim omnes isti metus sunt? ultimus eorum mors est, & ratione contemne. Magni viri fecerunt, è plebe & seruitiis fecerunt: cur tu non adspires? Deme personam rebus quod times, dolor est: quem muliercula in puerperio tulit. Denique in hac natus es, iactari, dolere, mori. agnosce sortem: Tamen (Epicuri praecepto) nec opta mortem, nec time. 75

## EPIST. XXV.

Præscribit de duobus amicis, iuvene & sene, aliter atque aliter cum utroque agendum: cum illo fortius; cum hoc remissiùs, ne desperet. ipsum Lucium hortatur ad mediocritatem, aut pauperiem: deinde (Epicuri voce) ut sumat sibi Padagogum. Fac omnia tanquam aliquis spectet. 83

## EPIST. XXVI.

Senem se esse, & tamen animo vigere. Fortiter de morte loquitur: qua sola, inquit, iudicat, an aliquid sit facti. Reliqua, verba sunt. Robur & virtus apparebit, cum animam ages. Ab Epicuro clausula: Disce mortem meditari. 85

## EPIST. XXVII.

Monet & excusat, Quid enim? Ipse iam bonus, iam sanus? Non sum, inquit: sed inter agros, de communi malo, & remedio, tecum dissero. Voluptates nocent, aut falsò iuuant: Virtus sola solidum gaudium parit. Sed hanc tu adsume & habe: per alium non potes. Historiola de Calvisio faceta. Epicuri dictum, Diuitia sunt, naturalis paupertas. 87

## EPIST. XXVIII.

Loca mutata animum non mutant: ipse te debes. Tolle internam agrimoniam, omnis locus bonus iucundusque erit. Eligam tamen, si possum, quietissimum & minus turbis aut vitiis opportunum. Clausula: Peccata tua nosce, iam es saluus. 90

## EPIST. XXIX.

*Marcellinum difficilem corrigi. Adspernatur enim, & illudit: tamen non deseram, & fortasse vel sic pervincam. Sententia Epicuri, Ne stude populo placere: idest, multis.* 92

## EPIST. XXX.

*Morti parari nos debere, & robur in eam sumere ab exemplo Aufidij Bassi: qui senex libenter audit de ea, & loquitur, & rationibus adstruit, non timendam. Obiter ista aliqua.* 95

## EPIST. XXXI.

*Et vota, & iudicia vulgi, spernendum: ad verum bonum eundum est. id autem, Scientia rerum, per quam vera & falsa noscas, peritura & mansura. Exemplis illustrat.* 100

## EPIST. XXXII.

*Laudat Lucilij solitudinem, & subductionem. Porro hortatur, nequis tempus eripiat, illud tam breue & fugax. Contemnat etiam vulgaria vota.* 104

## EPIST. XXXIII.

*Negat sententias aut chrias à Stoicis excerpendas. Primum quia omnia plena talibus & densa sunt: deinde quia turpe, cum auctore semper loqui. Nostra faciamus, & vitâ præferamus.* 105

## EPIST. XXXIV.

*Gaudere se in profectu Lucilij, quia ab ipso est: & ipse eum formavit. Hortatur porro pergere, & ad summum.* 108

## EPIST. XXXV.

*Amicum illum sibi optat, idest virum bonum. aliter enim amicus nemo est, etiamsi amat. Hoc ergo faciat, & in primis discat conuenienter vivere, idest constanter, idest sapienter.* 109

## EPIST. XXXVI.

*Laudat quemdam qui otio se admouit, à republica amouit: & ut contemnat vulgi voces. Pergat bonus esse, aut magis fieri; pergat & mortem aspernari, idque ratione.* 110

## EPIST. XXXVII.

*Perseuerandum in via & militia Sapientia est. Ab hac salutem, felicitatem, libertatem pendere. Perueniri, & vinci, Ratione duce.* 114

## EPIST. XXXVIII.

*Præcepta utilia ad Sapientiam, magis quam Dissertationes scire esse. Illa irrepere in animum, & seminis modo fructificare & diffundi.* 115

## EPIST. XXXIX.

*Variè, & varios, in Philosophia scripsisse: excitari nos debere, & ardorem capere ab exemplo. Naturam eò ducere, qua ad excelsa vocat: in quibus non est, plebeia felicitas, non item voluptas, quia aut fragilia sunt, aut nocent.* 116

## EPIST. XL.

*Hortatur scribere, quia ibi imago mentis. tum de Serapione, prompti & profusi sermonis: quòd negat Philosophum decere. Grauis & tarda oratio magis intrat & descendit.* 118

## EPIST. XLI.

*O pulchram, altamque epistolam! Deum in nobis habitare, & bonum virum sine eo nullum esse. Colamus ipsum, & animum, qui ab illo descendit. In eo propria nostra bona sunt: alia omnia aliena. Bonum autem, recta ratio.* 122

## EPIST. XLII.

*Non citò credendum de viro bono: rem magnam esse. Quosdam præferre, aut simulare; malos futuros, si sit occasio. Exemplo cuiusdam docet. Tum non laborandum in externis, qua incommoda, aut falsa commoda, habent.* 124

## EPIST. XLIII.

*Non latere, qua faciat; rumorem omnia perferre. Ergo viue, inquit, ut in publico. Quid si etiam lateas? animus tuus scit & videt.* 127

## EPIST. XLIV.

*Pulchra epistola. Nemo se à stirpe contemnat, si ad Sapientiam, idest Virtutem venit. Hac sola nobilitat.* 128

## EPIST. XLV.

*Non multis libris, sed bonis, ad Sapientiam opus. Vete-*

*Veteres superflua quadam, aut arguta, frustra seipfisse. Tum contra cauillos, & vocum captiones. Res, res, & earum discrimina quarenda: quis Beatus, & quod verè Bonum?* 130

## EPIST. XLVI.

*De libro Lucilij indicat, & laudat.* 133

## EPIST. XLVII.

*Familiariter cum seruis agendum, viuendumque. Peccatum in eo sui aui, ex fastu & fastidio. Iudicio tamen, liberius aut seuerius, hos illosque (pro indole & virtute cuiusque) habendos.* 134

## EPIST. XLVIII.

*Amicis eadem expedire, & alterum alteri utilem esse. Tum contra captiunculas, & spinosas ineptias. Quid facitis? quid luditis? de vita agitur: succurre, & forma. De fortuna: contra eam da arma.* 140

## EPIST. XLIX.

*Pompeiorum adspetu, memoriam sibi Lucilij renouatam. De breuitate & cursu Temporis: nihil longum aut vctus in eo esse. Obiter contra Dialecticos: & totum id genus prospiciendos tantum.* 143

## EPIST. L.

*Cacos nos in vitiis esse, aut velamenta ijs quarere. Agnoscenda autem, & remedia quarenda. Vnde alioqui animi sanitas? qua etiam contingere vel inueteratis vitiis potest: quia ille facilis esse flecti, & Natura ad bonum volat.* 147

## EPIST. LI.

*De Aetna aliquid, vberius de Baiis: & hac occasione, in molles & luxui deditos. Hunc pellen- dum, & militandum esse: in quos? in voluptatem, in dolorem, alia. Hoc agentem, bonum in locis feriis sanctisq; agere, vitare lasciuia, aut peramona.* 149

## EPIST. LII.

*Vacillare nos in rectis: opus esse adiutorio, & directione. Alios autem aliis facilius duci formam, ut natura est. Sed ut formeris, elige è pri-*

scis, & è presentibus. Fuge tamen verbosos, ambitiosos, plausum captantes. 153

EPIST. LIII.

Nauigationem suam describit, & iactationem in mari. Per occasionem in uitâ nos iactari, sed uitia sua paucos scire, aut fateri. Philosophia docebit, excitabit: demus nos, pares Deo faciet. 157

EPIST. LIV.

Suspirio se laborasse: atque ita de morte cogitasse. Non timendam, quia idem post eam, quod antequam eramus, erit. Præparemur. 160

EPIST. LV.

De Vatiæ villâ, & de ipso Vatiâ: tum de bono maloque otio. Item amicos animo adesse posse, & debere. 162

EPIST. LVI.

Mentem compositam, vacare sibi & studiis, etiam in turbâ. Suo exemplo docet. Magis optandum internum silentium & pacem. Inertia porro mala, & ea cupidinum mater. 166

EPIST. LVII.

De cryptâ Neapolitanâ, & ibi horrore. tum primos motus in potestate non esse. Aliquid de animi tenuitate & celeritate. 170

EPIST. LVIII.

Verba quadam nupera, desita nunc esse. Transít ad Physica, & quoduplex τὸ ὄν, ex Platone. Aprat ad Ethica, & nihil hic idem, aut firmum, esse. Tum subtilitates quem usum habere possint? & hunc ex omni re captandum. Adnectit de senectute, & morte: neutram optandam, aut recusandam. 172

EPIST. LIX.

Voluptatis & Gaudij discrimen: atque hoc honestum verbum esse. Laudat deinde stilum Lucilij, & Philosopho verba item non negligenda; amandas etiam parabolas atque imagines. Serio autem, non obiter, philosophandum esse: nec nobis ipse citò placendum. qua adulatio nos perdit. 183

## EPIST. LX.

*Vota, vulgi spernenda : Naturam audiendam esse.*  
188

## EPIST. LXI.

*Emendari & immutari studeamus : mortem cogitemus, ut semper imminentem, & utique venturam.*  
189

## EPIST. LXII.

*Homines aut negotia non ob stare bona menti. Laus Demetrii.*  
190

## EPIST. LXIII.

*Consolatoria super morte amici, Sapiens & perpulchra.*  
191

## EPIST. LXIV.

*Quinti Sextij laudatio, & ipsius deinde Sapientia. Veteres eius auctores venerandos, & nos tamen, posse adijcere.*  
195

## EPIST. LXV.

*Physiologica tractat, de causâ & materiâ. Quatenus utilia, docet : si cum modo tractentur, & bono fine, idest vita. Attolli per hac animum ad Deum, & Honestum.*  
198

## EPIST. LXVI.

*Clarum senem, sed alacrem esse : eundem corpore deformem, animo honestum. Non refert de casa, in qua is habitet. Discrimen Bonorum Stoicis : & omnia paria esse. Quid ergo ? idem Gaudium, & Patientia ? idem, quod ad Virtutem : non ad Materiam. Externa etiam, non dare Boni augmentum. Hac diffuse, distincte, pulchre. O legamus, & apremus ?*  
204

## EPIST. LXVII.

*Post Praefatiunculam Quaestio, An omne bonum optabile ? Ait, esse : etiam cuius materia in malis. Ut, fortiter uri, agrotare, flagellari. Non ipsa vstro, morbus, flagella ; sed illud, fortiter & patienter, inquit, est optabile. Deinde, virtutes nexas esse : & uti una,*

*vna, omnes. Sunt & hac pulchra, sortis, ger-  
mani-Stoici.* 219.

## EPIST. LXVIII.

*Suadet otium, sed cum Philosophia iunctum. Id-  
ipsum non iactandum esse. Et in eo de se, apud  
se, agendum: id est, ut in vitia inquiramus, e-  
mendemus. Denique hoc otium, super aliorum  
negotia esse: quod magna reip. seruit.* 224

## EPIST. LXIX.

*Loca non mutanda, sed magis quiescendum corpo-  
re, ut & animus possit. Hunc in salutare studio  
desigendum, & qua auocent vitanda.* 227

## EPIST. LXX.

*Pompeiis se fuisse, & prateriti temporis admonitu,  
sensisse eius fugam. Mortem instare, portum  
nempe iactationum, neque timendam, neque ap-  
petendam, aut sumendam: nisi interdum. &  
quando? cum ratio, non impetus suadebit. Plu-  
ra & perpulchra in hunc sensum.* 228

## EPIST. LXXI.

*Summum bonum in oculis habendum, eò singula  
consilia vel actiones referendas. Quod igitur il-  
lud? unum Honestum. Adulterant, qui Ex-  
terna miscent: quia in solo animo haeret. Dein-  
de, Bona paria esse, & Contemptum à Claritate  
non differre, si utrumque ex Honesto. Catonem  
dat exemplum, & (ô pulchrè!) dilatat: Mor-  
tem honestam à vitâ tali, non item differre: con-  
tra Academicos, qui gradus faciunt Beatitatis.  
Non esse, nec illam, nec Honestum intendi. Ita-  
que in eculeo, Beatissimo esse licere. Itane? Non  
pallebit, tremet, dolebit? Imò (à natura enim  
ista: ) sed hac omnia animi robore vincet. Nec  
tamen statim omnes. discrimina sunt inter Sa-  
pientes, aut Studiosos. Lege sodes, attende, mi-  
rare.* 235

## EPIST. LXXII.

*Differt petitionem Lucilij. ex occasione, differri à  
nobis Boni studium: malè. Huic uni, ommissis aliis,  
va-*

*vacandum est. Nihil incidere, quod impediatur. Sapiienti quidem: aliqua Proficienti. Discrimen inter utrosque. Externa nec addere, nec demere Sapienti, semper se contento.*

246

## EPIST. LXXIII.

*Philosophos non esse contumaces. Parere magis, & amare Principes, quam illos ambitiosos, aut Palatinos. Nam isti appetunt, invident, semper inquieti, & saepe irati. Illi autem amant, quia in quiete sub ijs sunt, & tales sunt, idest bonarum mercium pleni. Imputant etiam hoc beneficium, etsi pluribus contingat. Hortatur deinde assurgere ad Virtutem, idest Deum. Nam Sapientem (Stoica superbia) vel illi parem.*

249

## EPIST. LXXIV.

*O pulchra, o honesta Epistola! & de ipso Honesto, unum illud re Bonum esse: cetera, opinione. Qui tutò, qui securè volet vivere, sic sentiat. Quid etiam? scutum in omnia fortuita promptum habeat. Deum sequi. Obiectiunculis deinde quibusdam respondet: postremò, vitam beatam, ut circulum esse; in paruo, in magno, perfectam: nihil addi, nihil detrahi ab Externis. Iterandum est, o pulchra, o honesta! qui mentem talem habes, fruire.*

254

## EPIST. LXXV.

*Philosophiam verba non captare, nec tamen ingenio aut eloquio renunciare. Præcipuum est, sit vita ut sermo. Deinde, tentemus progredi: quoniam per gradus ascenditur, & sunt tres Proficientium classes.*

264

## EPIST. LXXVI.

*Philosophum se audire, & scholam adire. Conqueritur de hominum incuriam vel ignaviam, qui alia discunt, philosophari negligunt. Ne tu sic, o Lucili. Propere, & Bonum discere: quod Bonum? unum illud Honestum. Et iterum argumentis enunciat, tale esse, alia non esse. Laudabilis & sapiens Epistola.*

268

EPI-



## EPIST. LXXVII.

*Et hac inter bonas, utilisque. Narrat obiter de Alexandrinis nauibus: aliis accurrentibus, se neglexisse. Quanti enim ista, aut quamdiu? Senex sum, abeo. Et aliquando sponte abeundum, ut fecit Marcellinus. Tum contra metum mortis: rationesque huius temnenda.* 278

## EPIST. LXXVIII.

*De morbis suis etiam in iuuentute: & quid sit in leuandis? Honesti, inquit, studia, itemque amici: sed remediorum remedium, contemptus mortis. Eo vocat Lucilium, & contra dolorem plura disserit, alta, animosa, vera.* 283

## EPIST. LXXIX.

*De Charybdi aliquid, Scylla, & Ætna. Tum Sapientes inter se pares esse: & ad Sapientiam hortatur, etiamsi gloria non comitetur. Atqui comitabitur, vel post vitam. Bona.* 292

## EPIST. LXXX.

*Vulgus ad spectaculum & ad stadium, sese ad studium & animum iuisse. Hunc colendum, non corpus: & facile id esse, si Bona velis. Ad libertatem eundum; quod sit spretis calcatisque cupidinibus. In eo veram felicitatem, non externo splendore esse. Bona.* 297

## EPIST. LXXXI.

*De homine ingrato exordium: tum quaestio, An grati esse debeamus aduersus eum, qui ante iuuat, post nocuit? Subtiliter & diffuse hoc disputat, & variè distinguit.* 300

## EPIST. LXXXII.

*Contra delicias, & mollem vitam: itemque otium ignauum. Studiis id dedicandum esse: & praesertim Philosophia, qua muniat contra metus, & externa omnia mala, contra ipsam mortem. Frustra in hanc nos argutiis aut Sophismatibus armari; & obiter contra facientes. Mortem per se indifferentem esse; sed talem, aut talem, honestam; & contra. Iterumque contra cauillatores. Bona.* 309

## EPIST. LXXXIII.

*Viuentum, ut coram Deo inspectore & arbitro. Ad-  
iungit de sua tunc vita, temperantia, vigilantia.  
Iterum (ut priore epistola) contra  $\nu\upsilon\chi\rho\omicron\lambda\omicron\gamma\upsilon\varsigma$ ,  
& qui minutis sermonibus aut cauillis Sapien-  
tiam eneruant. Docet ab ipso Zenone, contra  
Ebrietatem differente. Atqui fortius clariús-  
que agendum: & exemplum prabet, & vitium  
illud damnat. Bona.* 317

## EPIST. LXXXIV.

*Stilum lectionemque alternanda esse. Lecta au-  
tem, in succum unum vertenda, & nostra fa-  
cienda. Denique adhortatio ad Sapientiam.  
Bona & utilia monita.* 325

## EPIST. LXXXV.

*Sophismata improbat, & à seriis studiis ea arce-  
t. Exempla quadam dat, sed ad utilia traducit: &  
contra Peripateticos, Sapientem vacare affecti-  
bus debere. Deinde, Beatam vitam sibi suffice-  
re: unam & aequalem esse, seu longam, seu bre-  
uem. Non etiam imminui ab externis, etsi  
mala, aut damna incurrant: & Sapientem  
omnibus bene uti. Bona, sapiens Epistola.*  
329

## EPIST. LXXXVI.

*De villa Africani; edificio & balneo, nec polito,  
nec lauto. Contra luxum sui aui. In extremo,  
de oleis ferendis, occasione villa.* 340

## EPIST. LXXXVII.

*Frugalitas Seneca, & externorum contemptus: ad-  
monitio ad alios, ut sic velint, faciantque.  
Dissertatiuncula deinde, quibus approbat For-  
tuta in bonis non esse: dumtaxat Commoda dici  
posse.* 346

## EPIST. LXXXVIII.

*Liberalia studia in bonis non esse, nec ad virtutem  
per se ducere. Singillatim hoc docet, in Gram-  
matica, Musica, Geometria, Astronomia.  
Et si*

*Et si tamen non ducunt, conducunt: id est, iuvant  
& preparant: Tum divisio alia Artium, in Vul-  
gares, Ludicras, Pueriles, Liberales: & in istis,  
solam Philosophiam esse, quæ vere liberum facit.  
Sola etiam de Bonis Malisque indagar, sola no-  
scit. Sola igitur colenda, aut præcipue est: & o-  
stendit, quàm inuicilia, aut superflua Philologi  
sectentur; quidam etiam Philosophi. O bona  
hic, ô aurea! legere iuvenes, senesque.* 358

## EPIST. LXXXIX.

*Philosophia & Sapientia discrimen: & illius diui-  
sio varia, partiumque iterum divisio, & descri-  
ptio. Monitum deinde, hæc & talia ad mores  
atque animum referenda: & obiter in malè diu-  
ites inuehitur, luxumque simul & avaritiam ca-  
stigmat.* 371

## EPIST. XC.

*Philosophia laus, ea vitam formavit, consortia &  
imperia instituit, leges & iura dedit. An etiam  
artes vita utiles, ut fabricam marmorariam, me-  
tallariam, vestiariam, aliasque? Negat ipse,  
contra Posidonium, & inferiora hæc maiestate  
illius esse: & multa horum superuacua. Non cor-  
poris, sed animi negotium illa gerit, & gessit.  
Rudi etiam sæculo, an fuere Sapientes: Non, sed  
Sapientibus similes, beneficio non doctrina, sed  
Natura. Multa in his bona, & scientia aut vi-  
ta fructuosa.* 378

## EPIST. XCI.

*Lygdunensis colonia incendium triste, & subitum:  
eâ iniectio, cogitandum de inopinatis, & qua  
homini possunt accidere. Ponit ante oculos in-  
certa & fluxa hæc rerum: maxima & firmissima  
minui, mutari, subduci, terramotu, aquis, flam-  
mis. Omnia mortalia morte damnata esse. Ergo  
nec istam homini, nec infamiam timenda.* 394

## EPIST. XCII.

*Rationem in homine dominari, & huc omnia re-  
ferri, & in eâ perfectâ Beatam vitam esse. Ex-  
terna*

terna leue, aut nullum, pondus habere. Vtique Voluptatem non facere momentum, irrationalium bonum. Et posse tamen sumi externa, quæ secundum Naturam sunt; sed iudicio: & hoc tunc in ijs Bonum esse, benè eligi. Nihilominus & sine ijs, solâ Virtute beatum, imò Beatissimum aliquem esse. Accedere hac posse; non tamen augere addita, nec minuire detracta Beatitatem, in quam nec Tempus aliquid potest. Deo assimilemur, ad illum eamus.

400

## EPIST. XCIII.

De morte Philosophi Metronactis, qui iuuenis obiit. Parùm id refert: & vita non spatio, sed actu metienda est. Omnis bona ea, longa; denique nihil hic longum.

411

## EPIST. XCIV.

Dissertatio, utrùm Dogmatica, an Parænetica pars Philosophia utilior? & an altera sine alterâ sufficiat? Aristo priorem præfert, & solam admittit: eiusq; hic argumenta. alij & alteram adiungunt, ac magnos eius usus ostendunt: & Seneca diducit eleganter, argute, fructuose. Lege, & oblectare.

415

## EPIST. XCV.

Hæret, aut pendet à priori, quæriturque, An igitur Parænetica sola sufficiat? cum præsertim ostenderit, tamoseius & tam claros usus. Negat, & argumenta quæ adferuntur ponit, ac refellit. Dogmaticam igitur laudat, & ab illo fonte manare Præcepta, & vitam ea contineri ostendit. Florida miscet, & in luxum, libidinem, ambitum obiter excurrit. Tota pulchra & fructuosa est.

436

## EPIST. XCVI.

Contra Querulos: & omnia à Fato ac Deo venire. Quid igitur indignamur? Pareamus istis, aut potius assentiamur.

458

## EPIST. XCVII.

Et nunc, & olim, fuisse malos. Exemplum à iudicio

cio

cio Clodiano, quod ille nummis & adulteriis corrupit. De vi deinde Conscientia, damnari ab ea mala, atque etiam puniri interno flagello aut morsu. 460

## EPIST. XCVIII.

Solis internis Bonis fidendum: alia venire, abire. hoc meditandum, & omnia ut fugacia adspicienda; atque habenda. Preparandus itaque animus ad amissionem talium, & ad tolerandum obfirmandus. Quidni? Alij tulerunt. Sequere exempla, imò ipse esto exemplum. Planè inter bonas utilisque Epistola. 464

## EPIST. XCIX.

Consolatoria in morte filij, sapiens, ita me Deus, & diserta. 469

## EPIST. C.

De Papirio Fabiano philosopho iudicium, eiusque scriptis. 478

## EPIST. CI.

De subita morte cuiusdam noti: & ex occasione, nihil fidendum aut spondendum nobis. Omnia incerta, idcircoque vita bona non differenda. Longa autem non optanda: & exagitat Meccanatis turpissimum votum. 481

## EPIST. CII.

Aliquid de immortalitate animæ. tum quaestiu- cula, An claritas post mortem ad nos faciat? Disputat tenuiter primò & scholasticè: tum in extremo adsurgit, & ad Deum ac celestia animum ducit. Corpus hoc, sarcinam aut velamentum esse: sperni debere & exui, cum Deus & dies ille vocant. 486

## EPIST. CIII.

Malitia & insidia inter se hominum. Tutamen non eadem facito, aut repone: sed mitis in omnes & volens esto. 494

## EPIST. CIV.

De inueterudine sua, de cura & caritate in se uxoris. Locum se mutasse, ut recrearetur: & hinc

*hinc de Peregrinatione pulcherrima dissertatio. Non esse eam à se utilem nisi animotalis effici-  
tur. Ille emendetur, affectus recidantur: om-  
nia tunc loca & status incunda. Peregrinatio  
etiam alia pulcherrima, ad priscos & magnos  
viros ire, illos cogitatione intueri atque imitari.  
Hoc vitia tollit, virtutes inserit: atque istuc Lu-  
cilium vocat.*

495

## EPIST. CV.

*Brevia, sed utilia, praecepta ad Securitatem. Le-  
ge, & usurpa.*

506

## EPIST. CVI.

*Tenuis & Chrysippae quaestio, An Bonum sit  
corpus? In extremo aliquid contra argutias.*

508

## EPIST. CVII.

*Solatur Lucilium & erigit, in fuga seruo-  
rum. Ista & alia in vitam incidere: id è  
que non inopinata esse debere. Patere igitur,  
quod non emendas. Bona & sapiens Epistola.*

511

## EPIST. CVIII.

*Quomodo Philosophi legendi, vel audiendi sint?  
Cum dilectu, & ea maximè excerpenda & im-  
bibenda, qua faciunt vita. Oblectamenta qui  
quarunt, frustra sunt: tu emendationem. Nec  
id difficile: Natura enim ipsa vocat ad Hone-  
stum. Semina eius & fomites in animo no-  
stro sunt: surgunt & excitantur, cum doctor  
& irritator accessit. A suo exemplo cum apud  
Attalum disceret. Ostendit deinde, vario fi-  
ne atque animo ad auctores legendos veniri:  
nos autem debere illo Philosophi. Parca-  
mus: & legite atque audite, vos o Philologi.*

514

## EPIST. CIX.

*Quaestiuncula, An sapiens sapienti, & quomodo  
profit? Causa dubitandi, quia omnia summa  
in sapiente, nec adiectioni locus. Respondet,  
tamen*

tamen

tamen prodesse, & distinctè exsequitur. In fine  
destratur argutias inutiles. 525

## EPIST. CX.

Genios singulis datos: quos fauentes habet, qui Bonam mentem habet. Vota nostra & iudicia improba esse, res non ex vero aestimantium. Vana optari, vana timeri. Remedium utrisque à Philosophiâ: quò nos vocat, spretis superuacuis. Luxum denique producit, & castigat, Attali egregiâ oratione. 530

## EPIST. CXI.

Cauillos, vanam & humilem philosophiam esse: veram illam de moribus, firmam, altam. Huc eundum. 536

## EPIST. CXII.

Desperat de amico reformando, vetere annorum & vitiorum. 537

## EPIST. CXIII.

Quaestio, An virtutes sint Animalia? Stoicè asserit esse: itémq; Vitia & Affectus. Post ridendam nobis hodie disputatiunculam, à talibus avocat, ad utilia vita vocat. 538

## EPIST. CXIV.

Eloquentiam aliàs aliam esse, & placere: uti mores publici sunt, seueri, soluti, fracti. Ab animo colorem illam sumere: idque exemplo Mecanatis docet. Illum igitur curandum & formandum esse: à quo sensus & verba deinde recta. Obiter contra luxuriam. 546

## EPIST. CXV.

Contra nimis sermonis aut stili anxios: & minuti hoc animi esse. Cum fiducia scribendum loquendumque, sine quasito ornatu. Quem in animo potius spectat. O qualis ille, ubi Virtutes eum excoluerunt? omnes in amorem rapiat si conspici possit. At externus iste splendor falsus, aut nihil est: item aurum omne & pecunia, qua miramur. Non faciunt hac felices, aut securos: imò & miseros, & miserandos. 555

## EPIST. CXVI.

*Contra Peripatericos, exscindendos Affectus, non temperandos esse: neque à Natura induci. A mollicie sententiam aduersam nasci.* 561

## EPIST. CXVII.

*Quaestiuncula, An cum Sapientia bonum sit, etiam sapere? Stoici istud vulgò negant: alij asserunt, & ipse istis prouior. Denique amolitur hac superuacua, & ad formationem morum serio vocat.* 564

## EPIST. CXVIII.

*Inanes epistolas nolle se scribere: potius monitorum virilium uberes: & iam facit. Suadet sua, non aliena tractare: à Fortunâ nihil petere, nec ab ea pendere. Verum bonum querendum: & quid illud sit, definitum. Itémq; quid ab Honesto differat. Omne bonum, secundum Naturam esse: nec tamen quidquid secundum Naturam, Bonum.* 574

## EPIST. CXIX.

*Diuitias à nobis peti posse, & accipi, nil superuacuum petendo. Finem omnium rerum spectandum, qui Naturam non excedit. Satis ea habere, non multum, quarit. Ostendit deinde diuites vulgò, omnes pauperes esse. Pulchra, & (Deus bone!) vera sunt?* 579

## EPIST. CXX.

*Boni notitia quomodo ad nos venerit: obseruatione & collatione: Naturâ etiam ducente. Venit & ex contrario: id est, vitij detestatione. Describit Sapientem, & vulgo petenda aut timenda calcantem, etiam ipsam mortem. Denique unum semper, & sibi constantem.* 583

## EPIST. CXXI.

*Aliquid pro argutiis prætendit: tum proponit, An omnibus animalibus constitutionis suæ sensus? id est, sponte & natura eant, quò debent & sunt facta. Dicit esse, & exemplis rationibusq; variè docet.* 591

EPI-



## EPIST. CXXII.

*Ingenium luxuria, aduersa moribus facere. Ali-  
ter cœnare, bibere, dormire, surgere: & tales  
aliquot Antipodas facetè describit.* 598

## EPIST. CXXIII.

*Tenuem aut vilem victum decreto animi, & fame,  
bonum optandúmque fieri. Hoc usurpandum  
etiam diuitibus: quis scit an non opus habituris?  
Consuetudo, & alieni mores, ne abducant.  
Sperne & iudicia aut voces alienas.* 604

## EPIST. CXXIV.

*Contra Epicuréos, in Ratione, non Sensu, Bonum  
esse. Itaque infantes! nondum eius capaces: ne-  
que plenum est, nisi ubi plena Ratio. Quomo-  
do intelligam in me esse? Si extra me nihil qua-  
ram.* 609

F I N I S.



# INDEX RERVM NOTABILIVM,

*Quæ in hoc secundo Tomo continentur.*

## A



Abstinentia animalium cur in-  
ducta à Pythagora. 519. super-  
stitutionis argumentum. 510.

Laus. 535

Adolescentes sunt fructuosio-  
res, Infantes dulciores. 22.

Optimi signa. 29. Cur eis den-  
tur sententiæ, & Chriz. 107

Adulatio amicitia per simillima. 131. Adulato-  
rum sermo facile hæret auribus. 606. Sper-  
nendus. 607

Adulterium Clodij cum vxore Cæsaris. 460.  
Adulterij reus adulteria derisit. ibid. Questio  
antiqua, An quis posset tutus esse post adul-  
terium 461. Clodius sine adulterio tutus non  
fuiſſet ibid.

Ætæna. De eo plura. 149. 150. 292 294. an mi-  
nuatur. 292. An ignis eius deficiat, ibid. De  
eo qui scripserint. 293

Affectus animi deponat, qui vult ab omni mo-  
lestia liber esse 90. Inter affectus, & morbos  
animi quid intersit. 266. Illis vacare debet  
Sapiens. 331. An sint animalia. 539. Iuxta  
eos est etiam sermo. 553. Vtrum modici vel  
nulli esse debeant. 561. excidendi, non tem-  
perandi. 561. & seq. non sunt naturales. 562.  
à mollitie nascuntur. 563

Tom. II.

F f

Alc-

# I N D E X

- A**lexandri superbia. [160.](#) Responsum cuidam Ciuitati dimidium rerū omnium promittēti. [160.](#) Clitum carissimum sibi inter epulas transfodit. [322.](#) Intemperantia bibendi, & Herculaneus scyphus eum perdidit. [323.](#) Falso dictus Magnus. [399.](#) Geometriam discere cupit. *ibid.* Infelix vocatur, & cur. *ibid.* quid sit ultra Mare magnum querit. [399.](#) Furore agitabatur. [433.](#) Eius cupiditas. *ibid.* Victor in Oceanum vsq; affectibus succubuit. [545.](#) Post Dariū, & Indos, pauper est. [583.](#)
- A**mbitio vituperatur. [168.250.](#) Ambitiosi contumaces. [250.](#) Notantur. [458.](#)
- A**mici sepe dicuntur, qui non sunt. [6.](#) veris omnia communicanda. [7.](#) Communicant vtilia cum altero amico. [13.](#) qui eligendi. [22.](#) Amici, & Amantis discrimen. [109.](#) [110.](#) Amicis eadem expediunt, & alter alteri vtilis. [140.](#) animo possidentur. [165.](#) De morte Amici consolatio. [191.](#) Defunctorum amicorum memoria quam iucunda. [192.](#) amissio quomodo toleranda. [648.](#)
- A**micitiæ leges. [6.](#) omnia facit communia. [13.](#) Veræ vtilitates. [22.](#) In ea quid spectandum. [23.](#) Temporaria quæ *ibid.* Eius munia. [109.](#)
- A**nimalibus omnibus an sit constitutionis suæ sensus. [592.](#) Affirmat, *ibid.* & seqq. An animalia intelligant; Affirmatur. [596.](#) & seqq.
- A**nimi Labor nulla re impeditur. [145.](#) Celer est, & tenuis. [172.](#) Sapientis qualis. [188.410.556.](#) semper liber est. [203.](#) Honestus esse potest etiam in deformi, & imbecillo corpore. [205.](#) Pulcher corpus ornat, non contra *ibid.* Ut quietus sit, corpus prius sit quietum. [227. colendus](#), ut qui à Deo est. [123.298.](#) Diuinus est. [123.](#) Bona omnia ab eo. [124.](#) & ratio perfecta, hominis propria *ibid.* Ille confert ad tranquillitatem, non Locus. [165.](#) Consumatur sola scientia bonorum. [336.](#) & Philosophia: *ibid.* De eo variaz quæstiones esse pos-

possunt 367. Immortalis est. 486. quid sit &  
 varia de eo. 491. & seqq. Animus animal  
 est, eius tamen operationes non sunt anima-  
 lia. 544. Curandus, à quo sensus, & Verba. .  
 553. Modo Rex, modo Tyrannus est. 554.  
 eius vultus est oratio. 556. si videretur virtu-  
 te ornatus, traheret omnes in sui amorem.  
 556. Ut dignoscendus bonusne, an malus  
 sit. 557

Antipodes qui sint. 598. Naturæ qui dicantur.  
 ibid & seqq.

Artes Liberales quæ non sint. 363. Non dant  
 virtutem, sed preparant ad eam accipien-  
 dam. ibid. quatuor Genera. 364. Vulgares,  
 Ludicæ, Pueriles, & Liberales, & quæ sin-  
 gulæ ibid. Inter eas, & Philosophiam discrim-  
 inen. 365. Sunt inuentum hominis, non sa-  
 pientis. 366. Omnes habent, & decreta, &  
 præcepta. 439

Astronomia non ducit, sed confert ad Virtu-  
 tem. 362. Quæ doceat ibid. In illam inuehi-  
 tur Seneca ibid.

Astylum quid Antiquis. 173

Athletæ, & eorum obstinatio gloriæ cupidita-  
 te. 288

Auditio. Non differendum publicè apud diffi-  
 miles. 17. Auditori vnus, Vel alter dum-  
 modo bonus, vel etiam nullus, satis est. 18.  
 quomodo audiendi Philosophi. 514. & seqq.

Auaritiæ, & Pecuniæ discrimen. 372. Auaros  
 reprehendit. 377. Auari insatiabilitas. 427.  
 428. quid fecerit natura, vt nos ab Auaritia  
 remoueret. 431. Nulla sine Pœna. 560. Ipsa  
 etiam satis pœnarum est. ibid.

Aula, & splendor vitanda, quæ tumultus, &  
 fluctus habent. 58

Aurum cur adoretur; & quam inutiliter. 558.

Aureum sæculum quale, & cur sic dictum.  
 559. Vt illud spreuerit Fabricius. 585. Vide  
 Diuitiæ.

- B** Alneorum detestatio. 342  
 Beatus quis. 26. 132. Beatam vitam omnes optant, sed respuunt media ad illam ductentia. 129. An sit sibi sufficiens. 334. Vna, & æqualis est vel longa, vel brevis. sit. ibid. 335. quis esse possit. 405. An inter beatum, & miserum sit gradus. 407. Negat & probat. ibid. an Sapiens possit esse beatior. 407. Beatus animus Deum æquat. 409  
 Bonum verum quale. 73. optandum. 101. Quid sit. 102. 133. Bona omnia ab animo. 124. An paria sint. 206. Bonorum discrimen ibid. falsa quæ. 213. Bonum numquam est contra naturam; eius materia aliquando. 215. 577. Bonum homini viuere secundum naturam. ibid. Bonorum diuisio apud Epicurum. 217. Omne an optabile. 220 Summum in oculis habendum. 236. Nullum nisi honestum. 237. Boni studium ab hominibus differtur, & male, cum huic vni vacandum 247. An sint Bona quæ Deo desunt. 259. Bonum est solum quod est honestum. 270. Sola Virtus bona, & quæ ab ea perfecta. 272. Boni summi quis locus. 352. An è malo nascatur. ibid. An sit corpus. 509. Verum querendum, & quid illud sit. 576. Boni, & honesti notitia quomodo ad homines venerit. 583. Bonum, & honestum sint ne diuisa, an diuersa: 583. sitne in ratione, vel sensu. 609. & seqq. Plenum non est, nisi vbi plena ratio. 611. In quibus sit, & in quibus non. 615. quomodo intelligam in me esse? si extra me nil queram. 615  
 Bonorum consuetudo efficax, & utilis. 14. Bonis est inimica malorum consuetudo. 15. Proponendus semper vir bonus qui sit velut custos, & pædagogus. 30. Bonus vir nullus sine Deo. 122. res magna est, nec citò, aut facillè reperitur. 124. Bonitas in homine commendatur. 272. Boni viri officium. 273.  
omnia

# R E R E M.

omnia sustinet vt à Deo. [274.](#) Boni, & com-  
modi discrimen. [356](#)

## C

**C** Aligula iussit Lepidum Decimo Tribuno  
cervicem præbere, ipse Chereæ præstitit.

9. Eius ambitio notatur. [454](#)

Calorem quomodo natura nos doceat vitare.  
[383.](#)

Cato Censorius laudatur. [348.](#) Cum moribus  
bellum gessit. *ibid.* Tam profuit Reipublicæ  
illum nasci, quam Scipionem. *ibid.* Frugalita-  
tis studiosus. [349.](#) Vno equo contentus, &  
ne quidem toto *ibid.* Equus ab illo defrictus.  
*ibid.*

Cato Iunior, pro exemplo semper intuentus.  
17. [84.](#) Magnus effectus sui nece 38. An-  
modestè philosophatus fuerit, Cæsarem, &  
Pompeium lacefcens. [42.](#) Obructus sputis, &  
è Senatu in carcerem ductus. 43. Vt mortem  
tulerit. [76.](#) Describitur eius mors, & Oratio  
ante ipsam habita. [76.](#) & seq. Duo in extre-  
mis rebus instrumenta habet, Platonis Li-  
brum, & Gladium. [77.](#) Eius laus. [152.](#) [153.](#)  
Fortissimus. 225. Animam sibi manu extra-  
xit. 233. eius Constantia, & Laus. 238. Die  
repulsæ pila lusit, die mortis legit. [239.](#) Glo-  
ria illum sequitur post vitam. [295.](#) Respubli-  
ca diu eum ignorauit *ibid.* qualis fuerit. 457.  
In Clodij iudicio testimonium [dixit.](#) [461.](#) Eo  
sedente Populus non permisit postulari Flo-  
rales iocos. 461. Catones rari, Clodij plures.  
[462.](#) Mortem ferro adauctam [vicit.](#) [467.](#) Cum  
Catonibus viuendum. [501.](#) Eius constantia  
in varietate fortunæ. [504.](#) Cæsarem, & Pom-  
peium prouocat. [505](#)

Cauillationes, & vocum captiones damnat.

131. [145.](#) [311.](#) [319.](#) [329.](#) [510.](#) [530.](#) Vanam,  
& humilem Philosophiam esse. 536. Ab ijs  
auocat, & ad vtilia vitæ vocat. [545](#)

Causa. De ea plura. [198.](#) & seqq. Causæ, & opæ.

- ris discrimen. 202  
 Centauri an fuerint. 176  
 Cernere pro decernere dicebant Prisci. 173  
 Ciceronis stylus qualis. 479  
 Claritas post mortem an ad nos faciat. 486.  
 Distinguit, & respondet *obiectis*. 487. Clari-  
 tatis, & Glorie discrimen. 490  
 Conscientia bona verum Gaudium generat.  
 44. nostra nos prœdit. 128. Eius vis. 463.  
 Damnat mala, & punit interno flagello, &  
 morsu. 463  
 Constantia vitæ signum Sapientis. 110. Sapien-  
 tis qualis. 589  
 Consuetudo bonorum efficax, & utilis. 14. su-  
 pra præcepta. *ibid.* Probatur exemplo com-  
 plurium Philosophorum. *ibid.* multorum  
 inimica est bonis. 15. Malorum vitanda. 27.  
 ne nos abducat à recta ratione. 605  
 Contemptus vitandus. 41. quomodo id fiat Sa-  
 pientia docet. *ibid.*  
 Coquorum vituperatio. 443. Vide Gula, Luxu-  
 ria.  
 Corporis cura habenda, sed non nimia. 39.  
 Ei tria timentur, & quæ. 39. est pondus, &  
 pena animi. 202. quietum sit, vt animus sit  
 quietus. 227. Nimiam seruitutem exigit. 298.  
 Vestis est animi. 404. Curandum vt sit mun-  
 dum. *ibid.* Nec bonum nec malum animum  
 efficit. *ibid.* Liber nemo, qui ei seruit. 410.  
 Ne de eo solliciti simus post mortem. 411.  
 Mecenatis dictum in hanc rem. *ibid.* Sarcina,  
 & velamentum est. 492. spernendum, &  
 exutendum cum nos Deus vocat. 492

## D

- D**emocritus an inuentor Fornicis. 389. E-  
 ius alia inuenta. *ibid.* Non inuenit vt Sa-  
 piens. *ibid.*  
 Deus in nobis habitat. 122. Bonus nullus sine  
 eo. *ibid.* Colendus, & propter ipsum homo.  
 123. Bonitas ei proposita. 201. An illi bona  
 desint.

# R E R V M.

defint. 257. An sint bona, quæ Deo defunt. ibid. Deum sequantur homines, qui volunt summum bonum consequi. 259. Dei indigentia quæ. 450. Eius natura qualis. 450. A Deo omnia, ideo illi parendum, aut assentiendum. 458. 459. Deus infestus nulli precandus. 531

Dialectica quid sit. 376. eius diuifio. ibid.

Diues quis. 49. neino nascitur. 64. vituperatur. 376. paupertas quomodo quis celerrimè fieri possit. 579. Nullum pecunia fecit, & cur. 581. Omnis pauper est. 581

Diuitiarum modus quis. 6. Veræ, & magnæ quæ. 10. Ex graues sunt, cui & paupertas. 53. si adsint non amandæ. 63. quomodo augendæ. 66. sunt naturalis paupertas. 89. non sunt bonum. 356. 498. quæ spernendæ 506. earum Splendor falsus, aut nihil. 557. Cur amentur. 558. 559. A nobis peti, & accipi possunt, & quomodo. ibid. Earum munus quis. 636. magnæ quæ. ibid. Diuitiarum, & honorum contemptus. 646

Dolor cito in odium venit. 194. Omnis aut breuis, aut tolerabilis. 285. Dolores varij. 286. à quibus sentiat. 288

## E

Loquentia cur sit diuersa. 546. à publicis moribus id esse ibi. & 551. Ab animo pendet. 547. Confirmat exemplo Mæcenatis. ibid. Non habet certam regulam. 551. Eius styli uarij. ibid. Cic. qualis ibid. & aliorum. 552.

Emendatio sui signum fructus in Philosophia. 13

Epicuri non scola, sed contubernium magnos viros fecit. 14. studiosus. Seneca. 20. Voces publicæ sunt ibid. & 66. An rectè dixerit, à Sapiente non queri homines, sed seipsum. 21. Eius hortulis quid inscriptum. 67. Commendatur à dictis, vituperatur à ratione

Ff 4 viuen.



# I N D E X

- viuendi. [105](#). Beatum se dicit, quamuis esset in tormentis. [218](#). Letatur in ipsis. [223](#). Post mortem gloriosus. [295](#). Cur se beatissimum crederet. [408](#)
- Epistolæ quæ iucundæ. [118](#). Earum utilitas. [ibid.](#) quales esse debeant. [264](#). Inanes remouet Seneca. [574](#)
- Exemplum quantum proffit. [14](#). Malum in auctores ipsos redundat. [16](#). Catonis semper intuendum. [17](#). Bonorum semper proponendum. [30. 117](#). Aliorum nos moueat. [116](#). Bonum quantum proffit. [494](#)
- Exercitatio moderata ad curam corporis facit. [44](#). quæ utilis, quæq; non. [45](#)
- Exilium non timendum. [645](#)
- ## F
- F**ama quæ mala. [644](#)
- Fames quæ à nobis exigit. [580](#). Non est ambitiosa. [582](#). Victus tenuis, & vilis decreto animi, & fame fit bonus, & optandus. [604](#)
- Fata non obstant sapienti. [48](#). Immutabilia. [281](#). Non reprehendenda. [412](#). Omnia ab illis. [458. 459](#). eorum vis. [513](#). Patienda, & contemnenda, quæ vitare non possumus. [511](#).
- Felicitas inquieta res. [111](#). felix qui non sit. [ibid.](#) Summa non est in carne, sed in animo. [258](#). De vera varia. [259](#). Non est auida. [576](#). Vera, & vna felicitas, bona vita. [607](#)
- Filiorum amissio grauis, & quomodo toleranda. [647](#)
- Finis operis perfectio. [109. spectandus](#) in omnibus rebus. [236](#)
- Fortis quis sit. [218](#). An sit sine timore. [335](#). quæ agat. [368. qualis](#) descriptus à Virgilio. [457](#)
- Fortitudo quid. [545](#). eam quisque discit. [113](#). An optabilis. [211](#)
- Fortunæ bona non sunt bona. [126](#). Non curanda. [142](#). & maiora, & minora fiunt. [216](#). Nihil dant, aut eripiunt sapienti. [248](#). non bona.

# R E R V M.

- na, sed commoda vocanda. 258. 349. & seqq.  
 vel potius mala. 576. Aduersus fortuita con-  
 surgendum. 397. Præparandus Animus con-  
 tra eorum amissionem. 465. Toleranda pa-  
 tienter aduersa, & bonorum amissio. 466  
**Fortunæ munera Philosopho fugienda.** 19. Ad-  
 uersa quomodo toleranda. 34. & seq. Mala,  
 an timenda; negat. 36. fortuna, & fortuita,  
 spernenda, & toleranda. 49. Non habet ius  
 in mores. 112. nec in Sapientes. 310. Nihil  
 boni vel mali præstat. 464. Ab ea nihil peten-  
 dum nec pendendum. 575  
**Frigus vt nos vitare doceat Natura.** 383  
**Futurus ne angat mortales.** 35. Futura in-  
 certa sunt, & possant non euenire. 35.  
 Quamuis mala à Deo sunt, & in bonum. 38.  
 Non timenda, etsi minentur. 75. proponen-  
 da vt futura, & sic se formare ad ea, exami-  
 nando, aut eleuando. ibid. exempla multo-  
 rum. 76

## G

- G**audium verum querendum. 72. quale il-  
 lud. 73. Generatur à Conscientia bona.  
 74. solidum à sola virtute. 88. Eius, & volu-  
 ptatis discrimen. 183. Honestum verbum est.  
 ibid. Virgilius reprehensus, quod mala gau-  
 dia dixerit: ibid. Falsum, & verum quale.  
 188. Gaudium, & Patientia an paria sint?  
 Affirmat quod ad Virtutem, non ad mate-  
 riam. 208  
**Genius singulis datus.** 530  
**Genus generale, & Genera specialia.** 173. sum-  
 mum quod. ibid. Stoicis quodnam. 176. esse  
 aliquid probatur. ibid.  
**Geometria quæ doceat.** 361. Non ducit ad Vir-  
 tutem. ibid.  
**Gestatio exercitationis species.** 45. an sit labor;  
 Affirmat. 162  
**Gigantes an fuerint.** 176  
**Gloriam mansuram studia præstant.** 65. quid.  
 F f 5 fit

- fit. 295. [609](#). Sequitur Sapientes vel post vitam. 295. Gloriæ, & Claritatis discrimen. [490](#). Vide Honor, Claritas, Laus.
- Grammatica non exigit virum bonum. 351.
- Nec [præstat. 359. circa](#) quid versetur. 358. non ducit ad Virtutem, sed præparat. 363. Dicta, etiam litteratura. 364. Grammaticus qui scripsit quatuor millia librorum; sed inutilia. [368](#). Grammaticorum inutiles quæstiones improbantur. [369](#). Grammaticus non erubescit solécismum, si sciens facit. [418](#). [Custos](#) est Latini sermonis. 455. quo animo Virgilium legat. 521. Item Ciceronem. 523
- Grati an debeamus esse in eum qui prius iuuit, post nocuit. 301. & seqq.
- Gula. Initio vrebantur homines cibo facili nec corrupto: Nunc [contra. 441](#). Hinc morbi omnes. ibid. Gulae libido insatiabilis. [442](#). Mala. [443](#). In illam inuehitur. 444

## H

- H** Annibalem fomenta Campaniæ eneruarunt. 151
- Homerus an fuerit Philosophus. 359. Negatur, & cur. ibid. An fuerit maior Hesiodo. [359](#). Odyssæa, & Iliade consumata, principium operi adiecit. [369](#)
- Homicidæ damnantur. [446](#)
- Homines quænam discere, & docere debeant. [146](#). simulant nescire vitia sua. [147](#). Cæci in vitiis sunt aut velamenta ijs quærent ibid. Omnes stulti, & instabiles. 153. [179](#). [Fragiles. 179](#). Emendationem studeant. 190 Nudi inspiciendi, vt sciamus quales sint. [277](#). eorum in homines malitia, & insidiæ. 495. Iudicia vana, & improba, res non ex vero æstimationia. 531. eorum, & puerorum ineptiæ similes. [558](#). Lucrum præferunt innocentia. 559.
- Homo animal mundum, & elegans. [404](#). Sacrares. [446](#). [Nihil](#) humanum à se alienum putet. [452](#).

452. Nihil est.

481

Honestum nihil ab inuictō, & coactō. 209. Eius variae conditiones. ibid. Ad illud nos natura vocat. 516. semina, & fomites in animo sunt. ibid. Honesti, & boni discrimen. 577. Notitia quomodo ad homines perueniat. 583. & seqq. Bonam, & honestum sintne diuisa, an diuersa. 583

Honores, & Tituli non sunt nec magna, nec bona. 64. Splendor verus non ab illis, sed ab Philosophia. ibid. Non sunt bonum. 498. Vide Aula.

Humana qualia sint. 211. In illis nihil firmum. 178. Homines stulti sunt, dum ea amant. 179. Variabilia. 208. 397. omnia morte damnata. 398. Leue, aut nullum pondus habent. 401. Breuia. 414. Incerta. 483. Nihil igitur illis fiendum. ibid. Non curanda, sed aeterna. 492. Humanitas verum in homine bonum. 556

## I

Iactantia vitanda. 111  
Idea Platonis quid. 177. quam vtilitatem afferat. ibid. 180. quid differat Idos, & Idea. 178.

Idos quid sit Aristoteli. 178. 199. Eius, & Ideae discrimen. ibid.

Ignorantia. Indocti semper Pueri. 8

Impatientia quid. 21

Impetus priui non sunt in nostra potestate. 171

Improbiorum quae sit maior poena 125. sepe simulant bonitatem. ibid. futuri omnes homines, si adsit occasio. ibid. Et vitia semper fuisse. 460. & seqq. Catones rari in mundo, Clodij plures. 462

Impudicus quibus signis dignoscatur. 156

Inconstantes damnantur. 74

Indifferentia quae sit. 312. Mors an sit indifferens. ibid.

Inertia mala, & cupiditatum mater. 168

Infirmitas. Etiam in lectulo est locus virtutis.

# I N D E X

**290. Infirmi** vt possint Gloriam adipisci. **ibid.**  
Vide Morbus.

- Ingrati homines plurimi. 300  
Iniuria sepè locum facit maiori fortunæ. 398  
Inopinata præcogitanda, & contra illa se ar-  
ment homines. 394. **Hominibus**, & sapienti  
nihil inopinatum esse debet. 395. 511  
Inuidia vitanda. 41. modum à sapientia doce-  
mur. **ibid.** Inuidiam minorem facit minor  
Gratia. 126  
Ira immodica insaniam gignit. 56  
Iustitia quam sacra res. 546  
Inuenies quomodo à vitij retrahendi. 83

## L

- L**abor An Bonum, vel malum sit. 101. Non  
timendus homini. 503  
Latrones non timendi. 648  
Lauandi mos apud antiquos. 343. 344  
Laus quid sit. 489. quæ laudanda in homine.  
124. Laudis, & laudationis discrimen. **ibid.**  
Laus alit artes, Laudatio corrumpit. 490  
Lectio commendatur. 325. miscenda cum scrip-  
tione. **ibid.** Curiosuli varia legentes dam-  
nantur. 5. Legenda pauca bona. **ibid.** excer-  
pendum aliquid ex lectione. 6. Lecta in succū  
vertenda, & nostra **facienda.** 326. ex ea que-  
modo percipiatur vtilitas. **ibid.** Philosophi  
quomodo legendi. 514. & seqq. Vario ani-  
mo legunt Auctores Grāmaticus, & Philoso-  
phus. 521. & seqq. quo animo, & mente le-  
gendi auctores. 521  
Leges à Philosophia inuentæ. 379. A quibus, &  
cur. 380. Legislatores omnes vel Philosophi  
vel Sapientes. **ibid.**  
Libertas vera à Philosophia. 20. quæ sit. 152.  
Certa, Corporis contemptus. 204. Ad eam  
quæ via. 232. Acquiritur spretis cupiditatibus  
298. liber nemo, qui corpori seruit. 410. quan-  
ti veneat. 506  
Libris non multis, sed bonis ad Sapientiam  
opus.

# R E R V M.

**Opus.** 130. Multa superflua in libris veterum. 131. Libri lectio auidissima. 134. libri boni quæ partes. 196

**Locum** mutant, sed non mores peregrinantes. 90. Omnis bonus, & iucundus animo tranquillo. 91. qualis Philosophantibus eligendus. ibid. 152. Loca interdum memoriæ inseruiunt. 143. Amena vitanda. 150. & cur. ibid. & 151. 152. Non conferunt ad tranquillitatem, sed animus. 165. An locorum mutatio sit vtilis. 227. Cur alia alijs ditiora, alia alijs pulchriora. 352

**Lugdunensis** Coloniae incendium subitum, & triste. 394. Centesimo ab origine sua anno est exusta. 398. Eius origo, profectus, incrementum, &c. ibid.

**Luxuria** vituperatur. 53. 150. 168. 342. 441. & seqq. 550. 554. 599. Actiones, & initium. 384. Morbi supplicia. 441. Libido insatiabilis. 442. Ingenium quale. 598. Propositum. 599. sapientes in publica luxuria quomodo se geiant. 53

## M

**Magister** eligendus etiam ad mores. 84. 155. sermo docentium qualis. 119. 120. Ad Virtutem opus est adiutorio, & directione. 153. qui vitandi. ibid. Verbosi. ibid. Ambitiosi. 156. Plausum captantes. ibid. quantum proficiamus sub bono Magistro. 518

**Malis** quomodo resistendum. 36. quomodo ad ea nos preparandi. 75. quomodo à multis patienter lata. 76. Malorum enumeratio. 80. Malorum nullus finis. 82. Vera quæ sint. 102. Sapientis Constantia in eis. 289. Illis non ceddendum. 315. Mala quæ videntur, talia non sunt Sapienti. 336

**Materia** de ea plurima. 198. & seqq.

**Mathematica** qualis scientia. 335

**Mecenatis** Laus. 59. Dictum examinatur. ibid. & 411. votum turpissimum improbatur. 484. & seqq.

# I N D E X

- & seqq. De eo plura. 547. 548  
 Medicina qualis scientia initio. 440  
 Mediocritas optima. 7. commendatur. 84. 117  
 Morbus timetur corpori. 39. eius sentit. 40.  
 Patienter ferendus. 283. contra illum reme-  
 dia. 284. 285. Vnde ortum habuerit. 441. 443.  
 supplicia luxuriz. ibid. Exercitium homi-  
 nis. 644  
 Mores presertim compescendi. 376. Alieni ne  
 obducant nos à recta ratione. 605. Moralis  
 Philosophia quid. 373. Eius diuisio. 374. prae-  
 cipue necessaria hominibus. 375  
 Mors, non timenda. 8. 32. 76. 97. 161. 181. 279.  
 498. 503. 642. 643. Contempserunt multi  
 impem, & desperatione, cur non ratione? 9.  
 In actu quid Stoicis. 18. 221. Vltimum malo-  
 rum. 76. Vt eam multi contempserint. 76.  
 233. & seqq. 281. Benefica potius est, quam  
 malefica. 78. Ad eam nati sumus. 81. Nec  
 optanda neq; timenda. 81. 229. 86. Medita-  
 tio optima. 87. 100. 161. 233. 190. Ad eam  
 paratos nos esse conuenit. 96. De ipsa plura.  
 97. & seqq. Contemnenda. 112. 204. 313. In-  
 differens est. 311. 312. Mala non est, sed ha-  
 bet mali speciem. 313. 609. Omnes pares fa-  
 cit. 399. De sepulchro non curandum. 643  
 Mundus an sit causa operis. 202. Mali semper  
 in eo, & Vitia. 460. Mundana omnia breuia,  
 incerta, ancipitia. 70. 374. Vana. 73. Mutatio-  
 ni subiecta. 179  
 Musica. Non facit Virum bonum. 350. 359. In  
 ea Bonum dicitur duobus modis. 350. Non  
 ducit ad Virtutem. 360

## N

- N**aturæ Lex quæ. 10. Obseruanda. 12. Con-  
 tra naturalia nihil habet Sapiens. 30. Pau-  
 cis contenta. 49. 51. 189. 579. & seqq. 636.  
 Necessarijs. 83. 383. eius contemplatio vti-  
 lis. 203. est amantissima hominum. 285. 384.  
 Nulli nos conciliauit vitio. 431. eius mirabi-  
 les

# R E R V M

- 1 es effectus. 43 1. Naturam sequamur. 604  
 Nauigationis periculosa descriptio. 157. Nautæ  
 terram in mari timent. 158. Nauigationi si-  
 milis vita hominis. 158. Naufragium quale  
 non lugendum. 648  
 Nobilitas stirpis vel vilitas non consideranda.  
 In Sapiente. 128. Virtus sola nobilitat. ibid.  
 Exempla complurium. ibid.

## O

- O Celi cur dati à Natura. 163. eorum amissio  
 an malum. 647. quæ ab illis mala ibid.  
 Occupationes aut alliciendæ aut omittendæ. 57.  
 Fortiter ex illis exeundum. 68  
 Odium vitandum. 41. quomodo Sapientia do-  
 cet. ibid.  
 Otium Sapientis quale. 18. 19. Quale captan-  
 dum. 57. Laudatur. 110. Bonum, & malum.  
 165. quale eligendum. 224

## P

- P Atria cur ametur. 212  
 Paupertas quæ honesta. 6. Timetur corpo-  
 ri. 39. An detertere debeat à Philosophiæ  
 studio. 50. An expetenda Philosopho : ait.  
 ibid. Præexercitatio est ad veram inopiam,  
 si ea venit. 55. Eius bona. ibid. quid sit. 357.  
 A Poetis vituperatur. 559. 560. Cui mala.  
 609. quæ bona. 636. Plura de ea. 637. & seqq.  
 eius bona. 645. commendatur. 84. 580. 581  
 Pecunia minor minorem molestiam facit. 126.  
 & Avaritiæ discrimin. 372. Laus. 560. Mala.  
 646. amissio ; ne nos afficiat. ibid. Vide diui-  
 tia.  
 Pedes cur dati à Natura. 163  
 Peregrinationis malum. 5. Peregrinantes locum  
 mutant, sed non mores. 90. De Peregrinatio-  
 ne. 497. & seqq.  
 Perseuerantia commendatur. 8. Perseueran-  
 dum in via patientiæ. 114. Ea omnia supe-  
 rat. 148  
 Philosophia verum hominem reddit. 8. quid  
 pro-



# I N D E X

- promittat. 11. 141. eius studium omnium pulcherrimum. 11. 20. 160. Vera libertas ab ea. ibid. Eius laus. 42. qualis [fit. 48.](#) Eius effectus. 49. Philosophandi tempus non differendum paupertatis metu. [50.](#) Eius utilitas. [52.](#) Eius officium, & iudicium. [61.](#) Ab ipsa verus splendor. [64.](#) quid præstet. [95. 96.](#) 143. Non respuit nec eligit vllum. 128. Salutaris, & dulcis est. 149. Excitat à Vitijs, & eius [Laus. 159. 310. 378.](#) & seqq. Eius munia. ibid. Exercet imperium suum. ibid. Dijs nos pares facit. ibid. quid doceat. 252. [366.](#) Murus est inexpugnabilis. 310. Philosophiæ, & ceterarum artium discrimen. [365. Eius](#) pulchritudo. 371. quid sit. ibid. non est sine virtute, & contra. 373. Eius diuisio. [373.](#) Deo comparatur. 378. Vtrum Pragmatica, an Pænetica pars Philosophiæ utilior: quæstio satis pulchra. 415. & seqq. Habet, & ipsa Decreta, & Præcepta. [439.](#) Inter ea discrimen. [440.](#) qualis initio fuerit. [445.](#) Philosophiæ studendum [425.](#) Eius officium. ibid. Remedia præbet contra omnia. 532. Philosophia moralis firma, & alta, & illi studendum. [536.](#) quid præstet. 561. Philosophia Moralis varia tractat. [591.](#) Vide Sapiaentia.
- Philosophus An sit Pauper? Negat. 50. Nunquam ei desunt necessaria. 51. quomodo se ex negotiorum procuracione expedire debeat. [68.](#) qualis eius sermo, & vita. 118. Philosophorum vanæ quæstiones. ibid. Semper Vitia repræhendant. 176. & seq. quomodo legendi, aut audiendi. 514. ad eos audiendos cur veniant aliqui. 515. eorum, vel præcipientium, vel differentium quanta vis. [518](#)
- Plato plus ex moribus, quam ex verbis Socratis traxit. 14. eum Nobilem fecit Philosophia. 128. quæcumq; sunt. [156.](#) modos partitur. [177. Idem](#) eius quæ. ibid. 200. quid compo-  
di

# R E R V M.

di afferant. 180. quomodo Senex euaserit. ibid. Ei nomen dedit pectoris latitudo. 181. Nauigationi deditus. ibid. Moritur natalis sui die. 81. anno impleto. ibid. Illi defuncto Magi immolauerunt, & cur. ibid. quinque causas constituit. 200

Podagram an patiantur Mulieres, & Eunuchi. 442.

Potentia maximè timetur corpori. 39. exercet Tyrannidem in corpora. 40

Pueri cur dicti Senes. 71

**Q** Vies corporis approbatur. 5. quies animi in aliquo studio. ib. Vera quæ. 168. Vide otium

**R** Atio ad Sapientiam ducit. 115. Arbitra bonorum, & malorum. 214. Recta solum bonum hominis. 270. 271. quæ homini suadeat. 328. In homine dominatur. 401. In ea bonum. 610. & seqq. Infantes non sunt boni capaces, quia carent ratione. 611

Regio vide locus.

Reges cur amandi. 252. amantur à Sapientibus. 250. quomodo initio crearentur. 379. Sapientes creabantur. ibid.

Romæ incendia deplorat Timagenes, quod meliora sciret resurrectura, quàm arsisent. 398

Rubor aliquando est à Natura. 29. sequitur etiam Sapientem ibid.

**S** Apientis otium quale. 18. Non quærit homines, sed seipsum. 21. est se contentus, & quomodo id intelligatur. 24. eius signum. Constantia vitæ. 110. Exercitui similis. 185. qualis eius animus. 188. 453. quomodo illi viuendum. 229. 317. Nihil aduersi ei potest euenire. 243. ei nihil dant, aut eripiunt Fortunæ bona. 248. Deo equalis felicitate, quamuis minor ætate. 253. 401. Ei nihil est nouum, aut inopinatum. 277. Sapientes omnes parcs.

res. 294. An possit deterior fieri. 337. Cur magnus sit. 351. quæ vis eum faciant. 350. In omni statu est beatus. 406. An possit esse beator. 407. Sapientes, & stulti mortui discrimen. 412. An sapiens sapienti profit. 525. & seqq. quæ gerat. 563. Vnus semper est, & sibi constans. 589

Sapientia docet quomodo ea vitemus, quæ corpori timentur. 41. Semper constans. 61. quid sit. 61. 93. Perseuerandum in ea: & eius commoda. 114. Ratio ad eam ducit. 115. Laudatur. 273. 328. 387. Sapientiæ, & Artium discrimen. 338. An vt Sapientia bonum, ita & sapere bonum sit. 564. & seqq. An intersit inter Sapientiam, & sapere. 567. 573. In Sapientia cōmorandum. 569. quæ doceat. 570. Sapientia futura an sit bonum. 572. Vide Philosophia.

Scientia est Bonum. 102. quæ doceat, & eius laudes. ibid.

Scipio Africanus laudatur. 340. de eo varia. 341. Seculi Aurei descriptio. 381. 559. Rudi seculi an fuerint Sapientes. 390. Rudis seculi, & seculis status. 391. & seqq. erant innocentes ignorantia mali. 393. Habebant speciem Virtutis, sed non virtutem. ibid.

Senecæ quale otium. 18. Philosophiæ studet. ibid. Epicuri studiosus, & car. 20. Admonetur senectutis suæ in villa 31. se senem dicit, sed tamen, animo vigere. 85. senectutem laudat, quæ illum cum libris detinet. 220. Eius vita, temperantia, & vigilantia. 318. & seq. Eius frugalitas, & externorum contemptus. 346. 347. De valetudine sua, de cura, & caritate vxoris. multa. 496. & seqq. locum mutat vt recreetur. 497. Exemplo suo docet quantum profeceris sub bono magistro. 518

Senectus quid sit, & quæ bona. 85. Lassa, non fracta ætatis nomen. ibid. cum morbis coniuncta.

# R E R V M.

- iuncta. 521. quæ molestia. 32. Laudatur. ibid.  
**Senes** cur dicti pueri. 71. 318. Incipiente viuere  
 turpe. 39. & elementarij. 111. & sapientes è  
 commentario. 107. quomodo à vitijs retra-  
 hendi. 83. Illis non timenda mors. 182. qui-  
 bus malis subiecti. 459. Senum vitia difficile  
 emendantur. 537  
**Sententiæ** non sunt excerpendæ à Stoicis. 106.  
 & Chriæ cur pueris dentur. 107  
**Sermo Philosophi** qualis. 118. 478. docentium.  
 119. Tardus commendatur. ibid. Accuratur  
 sermo putidus. 264. Sermoni sit vita confor-  
 mis. 265. Talis est, quales sunt affectus. 553.  
 Sermonis, aut stili nimia anxietas damnatur.  
 555. Pusilli id animi est. ibid. Sermo vultus  
 animi est. 556  
**Seruus.** cum seruis familiariter agendum, & vi-  
 uendum. 135. de ipsis varia. ibid. & seqq. ser-  
 uorum fuga vt toleranda. 511. & seq.  
**Silentium** in Pythagoræ discipulis per quin-  
 quennium. 156. Non necessarium studijs li-  
 beralibus. 166  
**Socratis exemplum** quantum profuerit Plato-  
 ni. 14. effectus magnus cicuta. 38. nobilitatus  
 Philosophia. 126. Cû distulerit mortem per  
 30. dies. 230. Philosophiam ad mores redû-  
 xit. 237  
**Soli,** & Lunæ debemus, & cur. 251. an quid-  
 quam obsit. 405. Lux integra etiam inter op-  
 posita. 407. Assimilatur virtus. 406. Regia,  
 descripta ab Ouidio. 559  
**Solitudo** cui bona, cui mala. 27. Eius bona in-  
 sapientibus. 27. Malesuada. 84. Laudatur.  
 104. An necessaria studioso. 166. Non est  
 magistra innocentia. 435  
**Sophismata.** Vide Cauillationes.  
**Sordes** vitandæ. 12. 404  
**Speculariorum vsus** quando inceptus. 387  
**Spei,** & Timoris finis, & coniunctio. 12. An  
 omnia speranda viuenti. 230  
 Spe-

- Spectacula vitanda præcipuè cruenta. 15  
 Stoici quomodo intelligendi cum docent in  
 actu moriendum esse. 18. eorum indolentia  
 quid. 26. ex ipsis non sunt excerpendæ sen-  
 tentiæ. 106. eorum opinio circa animam. 172  
 Studia nomen mansurum, & famam æternam  
 præstant. 65. studere semper honestum, in-  
 stitui non item. 111. Vtilia non subtilia que-  
 rendæ. 131. 167. liberalibus non obstant ne-  
 gotia. 191. Salutaribus incumbendū. 227. Di-  
 scendum semper, etsi senes simus. 268. Tan-  
 diu quandiu nescias. 269. Remedia sunt con-  
 tra morbos. 284. liberalia cur ita dicta. 358.  
 non sunt in bonis numeranda, nec ad Virtu-  
 tem per se ducunt. ibid.  
 Studiose quæ vitanda 15. Turba præcipuè. ibid.  
 sapiens est, si sibi discat. 17. An necessaria soli-  
 tudo. 166. Negatur. 167  
 Stultitia laborat fastidio sui. 27. Hominum  
 qualis. 179. Proprium quid sit. 263. Stulto-  
 rum voces cui similes. 400. stultorum in-  
 constantia. 589. Animus stultus, & imprudens  
 quomodo arguatur. 590  
 Superstitio. quid. 609

T

- T**emperantia tam à vitijs, quam à cibo-vti-  
 lis. 286. Vide Mediocritas, siue Modera-  
 tio.  
 Tempus quomodo terendum. 3. Iactura quæ  
 turpissima. ibid. solum est proprium homi-  
 num. 4. Breue est, & fugax. 104. 144. quomo-  
 do nostrum fiat. 246. Nihil potest in Virtu-  
 tem. 408  
 Texendi ars à quo inuenta. 385. quomodo  
 fiat. ibid.  
 Theatri, & scolæ clamor diuersus. 156. Vide  
 spectacula.  
 Timoris, & spei finis, & coniunctio. 12. Timor  
 quidam inuitabilis. 171. Vanus. ibid. omnis  
 à Sapiente remouendus. 298. An Sapiens sit  
 sine

# R E R V M.

sine timore. 335. Vide metus.

Tormenta an sint bonum. 220. Negat, dicit  
tamen esse optabilem patientiam in malis.  
220. Beatus quis in tormentis esse potest.  
218. 225. 240.

Tranquillitas quomodo acquiratur, & conser-  
uetur. 506. Ad eam non confert locus, sed  
aninus. 165

Turba vitanda studio. 15

## V

Valetudo tuenda, & quomodo. 44. Philoso-  
phari est valere. ibid.

Verba quedam nuper inuenta iam desierunt.  
172. Vel utimur antiquis contra quam ille.  
173. non negligenda Philosopho. 184. Vide  
sermo.

Verecundia. Vide Rubor.

Virtus proprium hominis bonum. 26. sola gau-  
dium solidum parit. 88. Sola nobilitat, &  
exempla. 128. est secundum Naturam. 149.  
Ad eam opus est adiutorio, & direttore.  
153. Alij facilius, alij difficilius ducuntur.  
154. An gravior in pulchro corpore, 205.  
Semper eadem est. 206 603. Virtutes omnes  
pares. 207. Virtus immutabilis. 208. Omnia  
obruit. 210. eius opera qualia 211. ea nil pre-  
stantius aut optabilius 225. Mala etiam, bo-  
na reddit. 242. Eius laus. 253 261. 350. Nul-  
lo eget, & cur. 257. etiam in lectulo est lo-  
cus. 290. Nulla latet, & latuisse nullum illius  
damnum. 296. Vel viuo, vel mortuo gratiam  
refert ibid. Non acquiritur natura, sed arte.  
393. Assimilatur soli. 406. Non intenditur.  
408. In illam non potest Tempus ibid. sola  
non mutat nomen. 446. quæ doceat 447.  
Ad eam exhortatio. 452. Virtutes an sint a-  
nimalia? 538. & seqq. quomodo colatur.  
357. discenda. 609

Vita non amanda. 9. Tota est brevis 32. 144.  
Vera à paucis scitur. 71. Præ se ferre debet

Do-

Doctrinam 108. 265. quomodo ab omnibus  
 viuendo. 7. 84. 127. Vt viuendum cum seruis,  
 & inferioribus. 135. 137. Veræ vitæ Docto-  
 res quinam eligendi. 155. Vide Magister.  
 quibus rebus sit similis. 158. 161. 229. Suspi-  
 rium est. ibid. Vera quæ. 163. secura mare  
 mortuum vocatur à Demetrio. 225. Vitæ  
 cursus qualis. 228. Nauigationi similis in qua  
 mors est Portus. ibid. 209. Viuere non est  
 bonum, sed bene viuere. 229. Honestæ tam  
 in paruo quam in magno. 262. Perfecta ho-  
 nestæ. 279. Viuere non est ars magna. ibid.  
 Vita Mors est. 285. qui nam diu vixerint.  
 ibid. Vita non spatio, sed operibus metien-  
 da. 412. Tota bona, satis longa est. ibid. quæ  
 longissima. 413. sine fine, vaga est. 450. Est  
 militia. 479. Nihil est. 481. Nihil ei fiden-  
 dum. 482. Bona non differenda. 483. Lon-  
 ga non optanda. 484. Non it, sed fugit. 521.  
 Infidijs plena. 648

Vita Beata. Vide Beatus.

Vitis annosa an transferri possit. 346. quælibet  
 non patitur insitionem. 537

Vitia corrigenda ad regulam. 31. cognoscen-  
 da, & eorum remedia quærenda. 148. con-  
 tra ea acriter pugnandum. 151. Omnia in-  
 aperto leuiora sunt. 169. Vitanda vt impe-  
 dimenta ad Virtutem. 228 Vincenda. 246.  
 Non recipiunt temperamentum. 331. mo-  
 dum nesciunt. 445. Vitia semper fuisse in  
 Mundo. 460. & seqq. Illis delectantur homi-  
 nes. 462. Vitia an sint animalia. 539. Im-  
 mixta sunt virtutibus. 550. Nullum vitium  
 sine patrocinio. 561. Omnia contra Natu-  
 ram. 599. Varia sunt. 600. Vitium nulli est,  
 nisi cui virtus esse potest. 614

Voluptates nocent, aut falso iuuant. 88. sunt  
 hominum Hostes. 117. Contra eas acriter  
 pugnandum. 151. Vitanda. 153. Voluptatis  
 & gaudij discrimen. 185. Cur voluptatis no-  
 mine

R E R V M.

- mine vtamur. *ibid.* Voluptas præter modum  
pœna est. 324. Illi indulgere omnium ma-  
lorum inditium. 333. cur voluptatem immi-  
scuerit rebus natura. 562. Humilis res est. 609  
Vota quæ facienda. 28. Vulgi contemnenda. .  
105. & parentum. 189  
Vulgus non spernendum. 11. Eius munera Phi-  
losopho spernenda. 19. non placendum illi.  
95. Eius voces, & iudicia spernenda. 101.  
111. 607. Vota contemnenda. 105. 189. Spe-  
ctacula amat. 297  
Vxores quomodo diligendæ. 496. Multa de  
dilectione vxorum. *ibid.* & seqq. Vxoris bo-  
næ amissio quam grauis, & quomodo tole-  
randa. 648. & seqq.

F I N I S.





VENETIIS, MDCXXXIII.

---

Apud Franciscum Baba.

*Cum licentia Superiorum, & Privilegio.*

A01 145402



